

K. G. RODEN

# Le Tribù dei Mensa

STORIA, LEGGE E COSTUMI

A.

TESTO ORIGINALE IN TIGRÈ.



C. VI 3/61

ASMARA  
EVANGELISKA FOSTERLANDS-STIFTELSENS FÖRLAGS-EXPEDITION  
1918

ክርስቲያን ግብርና ፋይዳ

# ክርስቲያን ግብርና ፋይዳ

ድግግም ፡ ወፍትሕ ፡ ወዓዲታት ።

ፈ

ምን ፡ አወሉ ፡ አብ ፡ ሂጋ ፡ ትግሬ



Ogni diritto riservato.



ከ-ሉ፣ ሂ.ጋ፣ አሊ፣ ክታብ፣ ማል፣ ለበዐሉ፣ ቱ።

እብ፡ ሣመት፡ ፀፀፀ፡  
እብ፡ ጠብቦ፡ ምስጢን፡ ስጽጸ፡ እት፡ እ ሰ ሙ ፊ፡ ተሐተሙ።

ALLE LORO ECCELLENZE

IL COMMENDATORE FERDINANDO MARTINI

E

IL MARCHESE GIUSEPPE SALVAGO RAGGI

*dedico questo lavoro, — frutto della mia permanenza fra i Mènsa e degli studi che dell'idioma tigrè vi ho compiuti — in segno d'animo grato per gl'incoraggiamenti; del buon volere che nutro, anche come Missionario Svedese, di rendermi utile, nel limite delle mie forze, al Paese che mi ospita, qual segno infine della mia devozione alla bandiera che vi sventola.*

L' AUTORE.

---

## PREFAZIONE.

La pubblicazione di questo mio modesto lavoro fu compiuta nei primi mesi di quest'anno, col dare la precedenza al testo italiano per le ragioni esposte nella unita prefazione. Adesso, se ho raggiunto l'intento di far seguire dopo qualche mese la stampa nel testo originale tigrè, debbo, innanzi tutto porgere ringraziamenti sentiti a tutti quelli che cooperarono in vario modo alla riuscita del non facile compito. Qui adunque mi è d'uopo nominarli. Sono primieramente gli anziani, capi, sottocapi e notabili delle tribù, ritenuti i più saggi e conoscitori delle tradizioni e genealogie, degli usi, costumi e diritti: Iebatit di Táculos, Seltán di Giamil, Mahámmad di Elos, Háiles di Ejái, Amir di Dasit, Esás di Fedél, Gherénat di Giamil e Cántebai Tásfamchel di Aftai, tutti ora scomparsi; e Temárium di Esc' hac, Beémnat di Gárghis, Egél di Tásfu e Ti-moteos di Iaháannes, ancora viventi. Secondariamente i maestri indigeni della Missione Svedese, senza dei quali non avrei potuto controllare e ordinare la parte linguistica, e sono: David Amánuel di Esás, Alásar di Hedád, Isacco di Hámed, Sámuel di Etman, Iósef di Hémmed.

Per notare le difficoltà incontrate nella compilazione del testo originale, basti pensare che tutti i fatti narrati dai notabili, anziani ecc., venivano esposti con una pronuncia e uno stile non sempre corrispondente a quello adoperato nelle solennità delle riunioni e nelle conversazioni coi notabili. In questo testo fu perciò mia cura più importante di far ridurre il linguaggio loro, per quanto è stato possibile, alla vera e genuina lingua tigrè, e di scrivere secondo la miglior pronuncia, sulla regola delle pubblicazioni già da me fatte per la Missione Svedese, migliorando però qualche poco le scritture stesse, specie nei verbi, sempre al solito, vale a dire alla maniera etiopica.

Prezioso collaboratore per raccolte di usi e diritti delle tribù Mensa fu per me il Dottor K. Winquist della Missione Svedese, al quale ho il dovere di tributare dovuta riconoscenza.\* Tale raccolta m' incitò ad un maggior lavoro, perchè dovetti ampliarla notevolmente, in modo da uscirne un' elemento illustrativo, per quello che tratta.

Il Comitato della Società Evangelica Nazionale (Evangeliska Fosterlands-Stiftelsens Styrelse) chiude poi il suo bilancio di benevolenza colla pubblicazione di questo testo originale. Il concorso di tale Comitato ha efficacemente sostenuto la riuscita per la pubblicazione dei due testi (italiano, tigrè), pei quali ebbi incoraggiamenti morali e materiali dagli Italiani: Governatori e scienziati.

\* Riconoscenza postuma, perchè il Dott. K. Winquist morì 4 anni fa.

Lo scopo principale di questo mio lavoro, è quello di presentare un libro scritto nell' idioma semplice e puro, parlato piuttosto nelle assemblee e riunioni solenni, e non nelle conversazioni volgari. Servirà adunque per la parte linguistica di confronto coi libri scolastici, come libro di testo per le traduzioni in genere, specie per la Missione Svedese, nei lavori che si propone di fare.

Per quanto riguarda le genealogie, la storia, le leggi ed i costumi dei Mensa ho avuto la fortuna di poter profittare di vari onorati vecchioni — oggi scomparsi — i quali pazientemente 25 anni fa, raccontavano all' ombra degli alberi posti sulle piazzuole dei villaggi, le vicende del passato, ripetendole incessantemente. In quei racconti, trasmessi da padre in figlio, innanzi tutto emergevano le discussioni sulla genealogia delle varie stirpi, sui diritti, e sul lustro degli antenati.

Questi vecchioni, raccolti nella mia casa a Gheleb, or l' uno or l' altro, raccontavano le vicende del passato, ed io coll'aiuto dei maestri già nominati, controllavo pazientemente i loro racconti e definizioni delle leggi e costumi, per essere in grado di ottenere il compimento del mio modesto lavoro. Il manoscritto, prima d' esser completato, venne letto a questi anziani del popolo, ai notabili, sottocapi e capo, i quali dichiararono essere conforme al vero.

Oggi, volendo ricorrere a tale espediente, sarebbe pressochè impossibile: gli anziani di 25 anni fa non esistono più, almeno i conoscitori del passato; le riunioni sotto gli alberi non si succedono come prima, perchè l' ozio sparisce dove la civiltà pene-

tra con l'attaccamento al lavoro. La disoccupazione scompare di fronte ai cresciuti bisogni, e del benessere generale nei Mensa n'è prova la maggior cura nelle abitazioni, nelle vesti, nel vitto, come lo affermano i notabili ed anziani, i quali dichiarano che anche la Missione Svedese non è estranea all'inizio di una simile trasformazione. — Adesso concludo: nel pubblicare questo mio lavoro nel testo tigrè, il miglior compenso alle fatiche sostenute nelle ricerche storico-sociali, di leggi, costumi e genealogie, sarà quello di aver composto un libro fornito di tali elementi, da illustrare le tradizioni dei Mensa nella maniera più esatta che mi fu concessa, e dato l'ordine cronologico per l'esposizione delle vicende ricostruite, di aver fatto cosa utile e dilettevole.

Asmara (Eritrea) novembre 1913.

K. G. RODÉN,  
pastore evangelico.

መ አ ተ ዩ ፡ አ ሊ ፡ ክ ታ ብ ።

እብ፡ ዓመት፡ ፲፱፻፺፯፡ እት፡ ገለብ፡ ነይ፡ ምድር፡ መንሳዕ፡ መጽአ ኩ፡ ወሐር፡ እንደይ፡ እደንግር፡ ምን፡ ዐባይ፡ ወሓይሶታት፡ ለዐድ፡ ድግም፡ መንሳዕ፡ ለለክምር፡ ሰብ፡ ላባም፡ እንደ፡ ረከብኩ፡ ድግም፡ ሰብ፡ ዐደም፡ ወአብሶታቶም፡ ምን፡ ሰልፋ፡ እንደ፡ አምበተው፡ እግል፡ ልዳግሞ፡ ወዓደታቶም፡ እግል፡ ለስእሎ፡ አትነየትክምም። ክእና፡ ምዕል-ምዕል፡ እግል፡ ለትደገመ፡ ሂጋ፡ ሳይደቹ፡ ለመምህረት፡ ምስዮን፡ ስዌጽዖ፡ እንደ፡ አርተዐው፡ ከትበም። አብሉ፡ ገበይ፡ ወራት፡ አሊ፡ ክታብ፡ ተአምበተት።

ሐቆ፡ ዐስር፡ ሐል፡ ለገብእ፡ ዶ ክ ቶ ር ፡ ካ ር ሎ ፡ ኮ ን ቲ ፡ ሮ ሰ ፡ ኒ ፡ አሊ፡ ድግም፡ መንሳዕ፡ እንደ፡ አርመቅክም፡ እት፡ ጋ ሴ ጣ ፡ መ ሐ ብ ር ፡ እ ስ ያ ፡ ነ ይ ፡ ጠ ፡ ላ ፡ ፡ [ክፈል፡ ፲፱፡ ወአግጸት፡ ፵፱-፺፱] አትሐተመዩ።

ሐር፡ ሐቆ፡ ሰማን፡ ሐል፡ ክድመት፡ ምስዮንመ፡ እት፡ እወይ፡ እብ፡ ሓይል - ማይል፡ ደሎ፡ እግል፡ አሊ፡ ወራት፡ ረከብኩ። ሰልፍ፡ ኩሉ፡ ለድግም፡ ብዙሕ፡ እንደ፡ ትወሰኩ፡ እቲ፡ ወእንደ፡ ረትዐ፡ ተሐየብ። ሐቆሃ፡ ሀይ፡ ሐ ኪ ም ፡ ዊ ን ክ ዊ ስ ት ፡ እንደ፡ አተክተበዩ፡ እግል፡ ለሀይኒ፡ ክቱብ፡ ለነይ፡ ፍትሕ፡ ወዓደታት፡ መንሳዕ፡ አርተዐኩ፡ ወብዙሕ፡ ወሰኩ፡ እቲ፡ ከክእና፡ ለሳልእ፡ ለክፈል፡ አሊ፡ ክታብ፡ ለፍትሕ፡ መሓሪ፡ ወዓደታት፡ ገአ።

እግል፡ አትመሞት፡ አሊ፡ ኩሉ፡ ብዝሓም፡ ሓይሶታት፡ ወዐባይ፡ ወሸየም፡ ዐድ፡ መንሳዕ፡ እንደይ፡ ልትሀከው፡ ለሂጋ፡ ምን፡ ዳገመም፡ ወምን፡ አመርደም፡ አልዩ፡ ቱ፡ ደኢኮን፡ አሊ፡ ክታብ፡ እብ፡ ሃትም፡ ኢትከተብ። ወአስማይ፡ ለመዳገመት፡ ለሰብ፡ ዐድ፡ አሉም፡ ቶም፡ ሰልፍ፡ ኩሉ፡ ቀደም፡ አሊ፡ ወክድ፡ ቅዱም፡ ለሞተው፡ ከራ፡ ይበተት፡ ወድ፡ ተክሌስ፡ ስልጣን፡ ወድ፡ ጀሚል፡ መሐመድ፡ ወድ፡ ኤሎስ፡ ሐይሌስ፡ ወድ፡ እያይ፡ አሚር፡ ወድ፡ ደሲት፡ እዛዝ፡ ወድ፡ ፍዴል፡ ግራነት፡ ወድ፡ ጀሚል፡ ወከንቱባይ፡ ተስፋ ምኬል፡ ወድ፡ አፍታይ፡ ቶም፡ ሀይ፡ አስክ፡ አሊ፡ እብ፡ ሐዮቶም፡ ለሀ



ለው፡ ከራ፡ ት ማርያም፡ ወድ፡ እሸሐቅ፡ ብ እምነት፡ ወድ፡ ገር  
ጊሱ፡ ፅጌል፡ ወድ፡ ተስፋ፡ ወ ጢሞቴዎስ፡ ወድ፡ የሐንስ፡ ቶም።  
ሐርመ፡ ሀዬ፡ እግል፡ አርትዖት፡ ለሂግሆም፡ ወእብ፡ ለከቲቡ፡ ለሰደዩ፡  
መምህረት፡ ምስዮን፡ ስዌጽያ፡ ከራ፡ ዳውድ፡ አማኑኤል፡ ወድ፡  
እዛዝ፡ አልአዛር፡ ወድ፡ ሀዳድ፡ እሸሐቅ፡ ወድ፡ ሐምድ፡ ሳሙ-  
ኤል፡ ወድ፡ ፅትማን፡ ወዮሴፍ፡ ወድ፡ ሕመድ፡ ቶም። ገድም፡  
እግል፡ አትመሞት፡ እሊ፡ ክታብ፡ እብ፡ ዳገሞት፡ ልግባእ፡ ማ፡ እብ፡  
ከቲብ፡ እግል፡ ለጸገመው፡ ክሎም፡ ብዙሕ፡ ሐምዶም፡ ሀሌከ።

እሊ፡ ድግም፡ ወፍትሕ፡ እብ፡ ወክድ፡ ቅዱም፡ ፈሃይም፡ ወሐይ  
ሶታት፡ ሰብ፡ ድግም፡ እት፡ ሀለው፡ ወኢገአዲ፡ አዜ፡ እብሊ፡ ዘበን፡  
ወራት፡ ወጸገም፡ እብ፡ ሐይል-ማይልመ፡ ሐድ፡ እሊ፡ ወኢትረከቡ።

ድግም፡ ገቢል፡ ክል፡ ዶል፡ እብ፡ ኖሱመ፡ ክም፡ መምህር፡ ትቱ።  
ከእሊ፡ ክታብ፡ እሊ፡ ሀዬ፡ እግል፡ በዐል፡ ዐድ፡ ወበዐል፡ ገቢላት፡ እት፡  
መልመዐት፡ ክም፡ ልውዕል፡ አስኤ፡ ሀሌከ። ገድም፡ ለቃርአይ፡ ላብብ፡  
ወማይ፡ ሻርብ፡ ገእ፡ ምን፡ ገብእ፡ እትሊ፡ ክታብ፡ ለትከተብ፡ እከይ፡  
ለአኩያም፡ ከራ፡ ዐመጽ፡ ወቅታል፡ ወእሊ፡ ለመስል፡ ዶል፡ ልርኤ፡  
ምን፡ ሐራም፡ ቀርር፡ ወሀዬ፡ ራትዕ፡ አፍተሐት፡ ወዐገል፡ ወው-  
ዳይ፡ ስን፡ ክም፡ ከራ፡ መትከባት፡ ገሻ፡ ወጽጎት፡ ወከዳበት፡ ለመስል፡  
ዶል፡ ልርኤ፡ ገርቡ፡ እብሊ፡ ልትፋሰስ። ክምሰልሁ፡ ለአፍተሐት፡  
ወዳዶታት፡ ለገሌሁ፡ ምንመ፡ ቅጽዐት፡ ረሐመት፡ አለባ፡ ለበዝሕ፡ ብ  
ዙሕ፡ ሰኒ፡ ወሐቅ፡ ወርትዕ፡ ቱ። ደአም፡ ለገሌሁ፡ ሀዬ፡ ለገእ፡ ልግ  
ባእ፡ ምስል፡ ፍትሕ፡ ረቢ፡ ወሐቅ፡ አዳም፡ ለኢልትራዴመ፡ ሀሊ፡ እቱ።  
ከለቃርአይ፡ ኖሱ፡ እግል፡ ለዐራብዮ፡ ከሰሰኒ-ሰኒሁ፡ እግል፡ ልታ-  
ሌ፡ ወለእኩይ-እኩዮ፡ ላተ፡ ክም፡ ልትዐቀብ፡ ምን፡ ለቅምት። ለገቢል፡  
መንሳዕ፡ በቃለት፡ ምን፡ ሐዜ፡ አጊድ፡ እሊ፡ ፍትሐ፡ እግል፡ ለንጌ፡  
ለስትሀሎ።

ሂጋ፡ ትግሬመ፡ ሀዬ፡ እግል፡ ልልመድ፡ ለሐዜ፡ እትሊ፡ ክ  
ታብ፡ ምን፡ አወል፡ ለትለመድ፡ መባልስ፡ ሂጋ፡ ትግሬ፡ ረክብ፡ እቱ።

ከእሊ፡ ክታብ፡ ክም፡ ለእላ፡ እተምኔ፡ እግል፡ ክእና፡ ለትመስል፡  
መንፈዐት፡ ምንዲ፡ ገብእ፡ ሐዚ፡ ልብዬ፡ ረክብከ፡ ወለእቱ፡ ጸገምክም፡  
ጸገም፡ እምበል፡ መዐላ፡ ኢበደ።

ዐገል፡ ለከቲቡ፡ አዜ፡ ገሌ፡ በዳደልከ፡ ምን፡ ደኢኮን፡ እብ፡ ዕባባ፡  
ለስርዐቱዲ፡ ደርብ፡ ለበዲር፡ ተሐተመው፡ አክትበት፡ ምስ  
ዮን፡ ስዌጽያ፡ ቱሉይ፡ ቱ።

እሊ፡ ክታብ፡ እብ፡ ሂጋ፡ ጢላን፡ ወእብ፡ ትግሬ፡ እግል፡ ልትሐ-  
ተም፡ ሸዮም፡ ለዱለት፡ ጢላን፡ እብ፡ ማል፡ ወእብ፡ ነሐር፡ ብዙሕ፡  
ሰደው፡ እቱ፡ ደኢኮን፡ ብሕት፡ ምስዮን፡ ሌጠ፡ ኢከስረ፡ እቱ። ከሰ-  
በት፡ እሊ፡ መትቀንኦም፡ እግል፡ እሎም፡ ክልኦት፡ ዋናታት፡ እብ፡  
ልብዬ፡ ብዙሕ፡ ሐምዶም፡ ሀሌከ።

ገድም፡ እሎም፡ ክልኦት፡ ዋናታት፡ እት፡ ኬን፡ እት፡ ጢላን፡ ወ  
እት፡ እንዜ፡ እት፡ አፍሪቃ፡ ለስም፡ ለክልኤ፡ መንሳዕ፡ ሐቆ፡ አስመው፡  
ለወድ፡ ለክልኤ፡ ሀይገትመ፡ ኖሱ፡ እሊ፡ ክቱብ፡ ክታብ፡  
ወክብቱ፡ ክም፡ ቱ፡ እንዶ፡ አመረ፡ እግል፡ ልትመሀር፡ ምኑ፡  
ወክም፡ ማሉ፡ እግል፡ ለዐልቡ፡ ክም፡ ፈቲ፡ እስኤ።

አናመ፡ እት፡ መንሳዕ፡ ብዙሕ፡ ሐዋል፡ ለነበርከ፡ እሊ፡ ከሉ፡  
ጸገም፡ እብ፡ ፍቲ፡ ገባይል፡ መንሳዕ፡ ክም፡ ትደረከ፡ እቱ፡  
እሙር፡ ቱ። ወለክታብ፡ ምንመ፡ እብዬ፡ ፈግረ፡ ለሐበኑ፡ ወለመን  
ፈዐቱ፡ እግልኩም፡ መንሰዕ፡ ለገቢልዬ፡ ቱ። ወአዜ፡ እሊ፡ ክታብ፡  
አና፡ ወእንቱም ሕድ፡ ንፍቀድቡ።

አ በ መ ሬ ፡ ምክኤል ፡ ቀጻም ፡ I H E I E ።  
ከርል ፡ ጉስታብ ፡ ፍዴን ፡  
ቀብ ፡ ምስዮን ፡ ስዌጽያ ፡ እት ፡ ገላብ።

ደግ ም:መን ሳዕ ።

I : ድ ግ ም : መ ን ሳ ዕ ።

1 : ጅ ን ስ : ወ አ ብ ዕ ቦ ታ ት : ለ ክ ል ኤ : መ ን ሳ ዕ ።

፩: መትዋላድ: መ ን ሳ ዕ: ክእና: ተ። ምን: ፈረ-ዕ: ቅ ሮ ሽ :  
ወ መ ዐ ው ያ : ለትዋላድው: አብዕቦታት: ከራ: ዜ ድ: ወ ዝ ቤ ድ: ለል  
ቡሎም: ክልኦት: ሐ: እት: ምድር: ዐ ረ ብ: ነብሮ: ዐለው። ሐር: እ  
ሎም: ክልኦት: ትፈናተው፤ ከዝቤድ: እት: ምድር: ተርፈ: ዜድ: ላተ:  
በሐር: ኤርትራ: እንዶ: ተዐደ: እት: በር: አ ፍ ሪ ቃ : ፈግረ: ወእት:  
ቡ ሪ: ትገሰ። ወውላዳ: ሀ ረ ን ር ወ ይ: ወ ሐ ዘ ተ ይ: ወ ቶ ር ዐ ይ:  
ወ ሸ ሐ ይ: ወ ዐ ደ ግ ሌ: ወ መ ን ሳ ዕ ይ: ወ ማ ር ዩ ይ: ቶም። ምን:  
ተርፉ: ዎሮ: ፍልቁ: ሀ ረ ን ር ዋ: [ሀደንድዋ:] ፈረ: ወካልእ: ፍልቁ:  
ሐ ዘ: ወ ቶ ር ዐ : ወ ሸ ሐ ይ: ወ ዐ ደ ግ ሌ: ወ መ ን ሳ ዕ : ወ  
ማ ር ያ : እሎም: ስሱ: ገቢል: ፈረ።

፪: ሐቆ: ገሌ: ዘበን: ለሐው: ዳር: አቡሆም: እንደይ: ከፍሎ:  
መ ን ሳ ዕ ይ: ወ ማ ር ዩ ይ: ሐዎም: እንዶ: ሐድገው: ገጽ: ምው  
ዳቅ: ጸሐይ: ገዐዘው: ከ ሀ ይ ገ ት : ፈግረው። ወሐር: ምድር: እግል:  
ልታይኖ፤ "አዶ: አካን: ተሐይስ: እልና።" እንዶ: ቤለው: ምን: ሀ ይ  
ገ ት : እት: እ ሮ ታ : መጽአው። እታ: ክም: ፈግረው: ማ ይ ረ ይ :  
እግል: መ ን ሳ ዕ ይ ፤ "እለ: እ ሮ ታ : ጥዕም: ተ: እታ: ንትገሴ።"  
ቤሎ። መ ን ሳ ዕ ይ : ላተ፤ " ሀ ይ ገ ት : ምን: ክልኤ: ዝላማ: ወምን:  
ክልኦት: እክላ: ወምን: ክልኦት: እጋላ: ከአር: እትለ: ሓገይቶ:  
ንትገሴ።" ቤለ: ከእብ: ሐ.ሀ: ደነ። ደአም: ሐር: እት: ሀ ይ ገ ት :  
ክም: አቅበለው። በቀል: ማ ይ ረ ይ : ጨልቀት። ከክልኢቶም: ምስል:  
ለበቀል: እት: ለሐዘ: ወእት: ለትአስሮ: እት: እ ሮ ታ : ጸንሐቶም።  
ከ ማ ይ ረ ይ : አዜመ: እግል: መ ን ሳ ዕ ይ ፤ "ግድም: ለበቀል:  
ተመተና: እትለ: ንትገሴ።" ቤሎ። ደአም: መንሰዕይ: ክም: አብ: እ  
ሉ: ትፈናተው፤ ማይረይ: እት: እ ሮ ታ : ተርፈ: ወመንሰዕይ: እት: ሀ ይ  
ገ ት : አቅበለ። ምና: ወሐር: ክል: ምናም: እት: አካን: ወልደ: ወ

አንሰሰ፡ ወክል፡ ምኖም፡ እት፡ ለትገሱ፡ እታ፡ አርደት፡ እብ፡ ስሙ፡ ት ሰሜት፤ ለምድር፡ መንሳዕይ፡ መንሳዕ፡ ወነይ፡ ማርያይ፡ ማርያ፡ ትበሀለ። ተርርፎም፡ ሆይ፡ እብለን፡ አስማዮም፡ ትሰሙ።

፫፡ ሐቆ፡ ገሌ፡ ዘበን፡ መንሳዕይ፡ ማይረይ፡ ሐሀ፡ እንደ፡ ሰፍለለ፡ እግል፡ ልግነሐ፡ አስኩ፡ ጌሱ፡ ማይረይመ፡ ሆይ፡ መንሳዕይ፡ ሐሀ፡ እንደ፡ ሰፍለለ፡ እግል፡ ልግነሐ፡ መጽኦ፡ ዐለ። ክእና፡ እት፡ ልገይሱ፡ እት፡ ምድር፡ ማርያ፡ ከድነት፡ እት፡ ለትትበሀል፡ አካን፡ ትከበተው። ከላለ፡ ምን፡ ገአ፡ እግል፡ ሕድ፡ አባይ፡ እንደ፡ አምሰለው፡ ሕድ፡ እት፡ ለደሙዕ፤ "እናሹ፡ አና፡ መንሳዕይ።" ወ "እናሹ፡ አና፡ ማይረይ።" ክም፡ ቤለው፡ ሕድ፡ አሌለው። እባእባ፡ ስጋድ፡ ሕድ፡ እንደ፡ ጸብጠው፡ ምስል፡ ተወው፡ ወደው። ከእታ፡ እት፡ ከድነት፡ ትቃበረው፡ ወትበከው። ቀብሮም፡ አስክ፡ እለ፡ እት፡ ለአካን፡ ልትርኤ፡ ወልትፈቀድ፡ ሀለ።

፬፡ ገድም፡ ተርፍ፡ ማርያይ፡ እንደ፡ ሐደግና፡ አስክ፡ እለ፡ ዘበና፡ አሰር፡ ሕድ፡ ወድ፡ ብክር-ብክሩ፡ ማ፡ አግዳ፡ ወድ፡ ፍጎ-ፍጎህ፡ እንሳሜ። ከውሉድ፡ ዋልዴ፡ መንሳዕይ፡ እለ፡ ቱ። መንሳዕይ፡ አረቢ፡ ወልደ፡ ወአረቢ፡ አወሊ-ፉንጃይ፡ ወአወሊ-ፉንጃይ፡ ሐወጪ፡ ወሐወጪ፡ መሓሪ፡ ወልደ፡ ወመሓሪ፡ ዕቅባዝጊ፡ ወዕቅባዝጊ፡ አብርሃ፡ ወአብርሃ፡ ሰረቁ-ሸንገብ፡ ወሰረቁ-ሸንገብ፡ ሐፈሮም፡ ወልደ፡ ወሐፈሮም፡ ካምል፡ ወካምል፡ አፍታይ፡ ወአፍታይ፡ ከንቲባይ፡ ዕቅባምኬል፡ ወከንቲባይ፡ ዕቅባምኬል፡ ሀብስላሴ፡ ወልደ፡ ወሀብስላሴ፡ ትምክኤል፡ ወትምክኤል፡ ሀብስላሴ፡ ወሀብስላሴ፡ ትምክኤል፡ ወትምክኤል፡ ገብሬስ፡ ወገብሬስ፡ ተስፋምኬል፡ ወተስፋምኬል፡ አፍታይ፡ ወልደ፡ ወአፍታይ፡ ተስፋምኬል፡ ወተስፋምኬል፡ አፍታይ፡ ወአፍታይ፡ ከንቲባይ፡ ተስፋምኬል፡ ወከንቲባይ፡ ተስፋምኬል፡ ዕቅባምኬል፡ ወልደ።

፭፡ ገድም፡ እለ፡ ውሉድ፡ ዋልዴ፡ እት፡ ንታሌ፡ ድግም፡ መንሳዕ፡ እግል፡ ንዳግም፡ ቱ። ደአም፡ ለነይ፡ እለ፡ ዘበን፡ ቅሩብና፡ ሌጠ፡ ሰኒ፡ ነአምር፡ ደኢኮን፡ ድግም፡ አብዕቦታት፡ በዲርና፡ ላተ፡ እብ፡ ተማም፡ ሰኒ፡ እንደ፡ አመርዴናህ፡ እንዳግም፡ ኢሀሌና። ገድም፡ ክም፡ ለእሉ፡ ሰምዐና፡ ለድግም፡ ክእና፡ ቱ።

፮፡ መንሳዕይ፡ እናስ፡ ፈዳብ፡ ወሐጥር፡ ዐለ። ምን፡ ማርያይ፡ ሐሀ፡ ክም፡ ትፈንተ፡ ምስል፡ ተርፋ፡ ወጸሩ፡ እት፡ ዐዳ፡ በቅል፡ ዐለ። ለዶል፡ ሹም፡ ወፍትሕ፡ ስሩዕ፡ አለቦም። ወመምበሮሆም፡ እብ፡ ንዋይ፡ ወእብ፡ ሐርስ፡ ቱ።

፯፡ መስከቦም፡ እት፡ ሀይገት፡ ምን፡ ወደው፡ እት፡ ረአስ፡ መንሳዕመ፡ ኩሉ፡ ለምድር፡ እብ፡ ሂጋ፡ ክብር፡ ወእብ፡ ሕላይ፡ ምን፡ ረይም፡ ወምን፡ ቅሩብ፡ ምን፡ በዲር፡ እብለ፡ ስም፡ ሀይገት፡ ልትሰሜ፡ ዐለ። ወአግናድ፡ ለምድር፡ ምን፡ አብር፡ ስሕል፡ አስክ፡ መሐዝ፡ ዐንሰባ፡ ስጡጥ፡ ዐለ።

፰፡ እብ፡ ዲኖምዲ፡ ክስታን፡ ቶም። ደአም፡ ምን፡ መአዜ፡ ወእባይ፡ ገበይ፡ ክም፡ አከስተነው፡ እሙር፡ ኢኮን፡ ነዲቅ፡ ቤት-ማርያም፡ ወወዲ፡ ቀሹ፡ ወሰደቀት፡ ለመስል ሚ፡ ዶል፡ እትሊ፡ ክም፡ አምበተዎ፡ ሆይ፡ ድሉይ፡ ኢኮን።

፱፡ ደአም፡ አዜ፡ እብ፡ መንሳዕይ፡ ወእብ፡ ተርፋ፡ ሂጋ፡ እንደይ፡ እንወስክ፡ ቀደሞም፡ እትሊ፡ ምድር፡ መንሳዕ፡ እብ፡ ለጸንሐው፡ አዳም፡ ገሌ፡ እግል፡ ንውዐዝ፡ ቱ።

፲፡ ድግም፡ ሰብ፡ በዲር፡ ክምስል፡ ለልብሎ፡ እብ፡ ዘበን፡ ቅዱም፡ እትሊ፡ ምድር፡ እለ፡ ልግባእ፡ ማ፡ እት፡ ከበሳ፡ ወሐባብ፡ ለመስል፡ አርቀም፡ ለልቡሎም፡ ብዙሕ፡ ረያይም፡ ወድቁባም፡ አዳም፡ ነብር፡ እቱ፡ ዐለው። እቦም፡ ክምስል፡ ለልደገም፡ ድግሞም፡ ብዙሕ፡ ለለትዕጅብ፡ ቱ። — እሉም፡ አርቀም፡ ሰብ፡ አሐ፡ ትቶም፡ ሐድ፡ ለደቅቦም፡ ዎሮት፡ ምኖም፡ እት፡ አሐሀ፡ እት፡ እንቱ፡ እጊለት፡ እማ፡ እግል፡ ትጥቤ፡ ምን፡ ሐዜት፡ ከአስክ፡ ለእማ፡ ምን፡ ሰዔት፡ ምን፡ ለእትልር፡ ለጸንሐ፡ እቱ፡ ደብር፡ እት፡ ለእጊለት፡ እበን፡ ደራብ። ሐቲሀን፡ ለእጊለት፡ ጨፍለቀት፡ ወለእሉ፡ ደራብ፡ ብዕድ፡ እበን፡ የም፡ ለአለብ፡ አግመአት፡ ፍንጡር፡ እት፡ እንቱ፡ አዜመ፡ እት፡ ለአካን፡ ለጋድም፡ ለሀይ፡ ልትርኤ።

፲፩፡ ሆይ፡ እናስ፡ ምን፡ ኢጅንሶም፡ ምስል፡ ዎሮት፡ ምኖም፡ እንደ፡ ትበአስ፡ ከእግል፡ ዎሮ፡ ብዕድ፡ ምኖም፡ ክም፡ ተዐየብ፡ ምን፡ ልትበሀል። ወለሀይ፡ እግል፡ ልንሰኦ፡ ምን፡ ምን፡ ሐዘ፡ ሀቱ፡ ሆይ፡ እግል፡ ለእኔሰይ፡ እት፡ ሕገሰቱ፡ ሐብዐዩ። ወለሀይ፡ እብ፡ "እነስኦ" ወእለ፡



እብ፡ ማህበራት፡ እት፡ አድራሻ፡ ምን፡ ተግባራት፡ ለእኔ ሰይ፡ እት፡ ፍንጮም፡ እንደ፡ ጨቀጠ፡ ሞተ፡ ወሐር፡ ሕድ፡ ክም፡ ሐድገው፡ ማፍገር፡ አልከ፡ ገድም፡ ኩሉ፡ ደሐን፡ እት፡ ልብል፡ ክም፡ አፍገረዮ፡ ማይት፡ ምን፡ ጸንሐዮ፡ ሞራ፡ ማ፡ እብን፡ እንደይ፡ በጽሐክ፡ እትሉ፡ ሐንቲዮ፡ መስሐ፡ ምትከ፡ ም፡ ቅቡጽ፡ ግባእ፡ ወድ፡ አዳም፡ ሌላ፡ ከደርቦዮ፡

፲፪፡ ሀዩ፡ ምር፡ ብዕድ፡ ምኖም፡ ወአቱ፡ አጋል፡ ተብዕት፡ ክም፡ ወልደት፡ ሐሊብ፡ እግል፡ ልብሐት፡ እንደ፡ ሌላ፡ ለአጋል፡ እግል፡ ልሕረድ፡ ሐዘ፡ ሐር፡ ላተ፡ ገመ፡ ከጠለቀዮ፡ ወክም፡ ዐብ፡ ወውሀር፡ እንደ፡ ገኡ፡ ክም፡ ረአዮ፡

፲፫፡ ምር፡ ሳልስ፡ ሮመይ፡ ሀዩ፡ ሐቱ፡ ያል፡ ሐር ማዝ፡ ምን፡ ተሃደራዮ፡ ዕምጭጭ፡ አበለዮ፡ ከሐጠዮ፡ ሐር፡ እት፡ መራት፡ ክም፡ መጽአ፡ ለማይ፡ ጸንፈ፡ ሐቆሃ፡ እት፡ ስምጣ፡ እንደ፡ ትገሰ፡ ገሰ፡ ከ፡ ማህበራት፡ ለሐብት፡ ወአርዌተኒ፡ ለሻከት፡ እት፡ ልብል፡ ቀብዮም፡

፲፬፡ ሐር፡ እብ፡ ወክድ፡ መሸታቶም፡ ሹሞም፡ እብ፡ መድሐር፡ አብደኩም፡ ማ፡ እብ፡ መርገም፡ ሌሎም፡ ማህን፡ እብ፡ መድሐር፡ አብደኩም፡ ሌሎም፡ ወሀቱ፡ ማህን፡ ተትብዕ፡ ወወአትኩም፡ ተአንስ፡ እንደ፡ ሌላ፡ ደሐረዮም፡ ወሐር፡ እሉ፡ መድሐር፡ ክም፡ ተመት፡ እቶም፡ ለሰብ፡ ለእለን፡ ሀዳ፡ ኢረክበው፡ ወለአሐመ፡ ለሰቆዳ፡ ኢረክበት፡ ከእብ፡ ነፍሶም፡ ወእብ፡ አሐሆም፡ ቀመም፡ ሌለው፡ ገድም፡ ለደነግብ፡ ለአርዋም፡ ክም፡ አበረው፡ ሕፊር፡ አቅብሮም፡ ሐፍረው፡ ሐር፡ ክም፡ ሐመው፡ እብ፡ ማላቶም፡ አተው፡ እቱ፡ ወሞተው፡ ወአቅብሮም፡ እብ፡ ረያይም፡ እበን፡ እንደ፡ ተከለ፡ እቱ፡ እት፡ ደቡር፡ መንሳዕ፡ ፍንጠር፡ እት፡ እንቱ፡ ሀለ፡

፲፭፡ ሀዩ፡ አስክ፡ እሉ፡ ምዕል፡ እት፡ መሐገ፡ ለምድር፡ ሰረስር፡ ማህን፡ ለትትበሀል፡ አካን፡ ማይ፡ ክም፡ ሀራት፡ ምን፡ ዘበን፡ በዲር፡ እብ፡ ነይ፡ አርዋም፡ ክእና፡ ክም፡ ልትበሀል፡ ነትፋቅድ፡

፲፮፡ ለምና፡ ቀንጸው፡ አካን፡ ኢተአመረት፡ ደኢኮን፡ ለእብ፡ ገዘው፡ ምስምሳ፡ እሉ፡ ቱ፡ ልብሎ፡ አንሶም፡ እንደ፡ ተሀከያ፡ ማህን፡ ሌለያ፡ ምስለን፡ ክል፡ ያል፡ ልትበአሶ፡ ዐለው፡ ከሰበት፡ እሉ፡ ለሰብ፡ እት፡ ርሐቅ፡ ምድር፡ ገዘው፡ ምነን፡ ወሐር፡ ምር፡ ምን፡ ለሰብ፡ እግል፡ ልጋኒኩን፡ ምደያ፡ ማ፡ ሀለያ፡ እንደ፡ ሌላ፡ አቅቦለ፡ እተን፡ ወለአንስ፡ እብ፡ ደሐን፡ እንደ፡ ጸንሐያ፡ እግል፡ ለእናስ፡ ምስልክ፡ እግል፡ ኒጊስ፡ ንስአና፡ ሌለያሁ፡ ሀቱ፡ ሀዩ፡ ሐር፡ ክም፡ መጽአካና፡ ለእላ፡ እምሌለክን፡ እግል፡ ቲደያ፡ ገለድ፡ በኣ፡ እልዮ፡ ሌላ፡ ከበልሰ፡ እተን፡ ወእብሉ፡ ትጋለደው፡ ደአም፡ ለእናስ፡ ማህን፡ እግል፡ ኢእምረሐክን፡ ለሰብ፡ ቀትሉኒ፡ ንሂግ፡ ምን፡ እሉ፡ ኢፊትክን፡ እንደ፡ አምበትኩ፡ አስክ፡ ለሰብ፡ ሀለ፡ እታ፡ አክ፡ እንትን፡ ሀዩ፡ እሉ፡ ክም፡ በቅለ፡ እብ፡ ለአሰሩ፡ ምጽኢ፡ ሌለን፡ ወሀቱ፡ መስወዳ፡ ምን፡ ንሂግ፡ መልአ፡ ወአሰር፡ እግል፡ ልግባእ፡ እለን፡ እት፡ ልክዕዮ፡ እት፡ ጸሩ፡ አቅቦለ፡ ለአንስ፡ ሀዩ፡ ለንሂግ፡ ክም፡ በቅለ፡ እሉ፡ እት፡ ልገነሓ፡ ዲብ፡ አብስተን፡ መጽአያ፡ ወሀቶም፡ እንደ፡ ተአከበው፡ እት፡ ማ፡ መጽአክን፡ በዲርመ፡ እትሉ፡ ለበጽሐናብ፡ እልክን፡ እንደ፡ አቤና፡ እምበል፡ ማ፡ ቱ፡ ሌለውን፡ ሀተን፡ ሀዩ፡ በዲርመ፡ እምበል፡ እት፡ ክድመት፡ እት፡ ማ፡ ሐሚኩና፡ ከአዜ፡ እምበል፡ ምር፡ ሐርስ፡ ለተትሐዜ፡ ለተ፡ እንወድያ፡ እልኩም፡ ነበሽል፡ ነሀርም፡ እምበትክ፡ እንወቅዕ፡ እንርፍ፡ ማይ፡ ወዕጨይ፡ ነመጽኢ፡ እንደ፡ ሌለያ፡ ምስሎም፡ ትጋለደያ፡ ወእብሉ፡ መሐላ፡ እሉ፡ ለሰብ፡ ትከበተውን፡ ወእብሉ፡ ገበይ፡ አስክ፡ አዜ፡ ልትናበር፡ ክም፡ ሀለው፡ ልትበሀል፡

ገድም፡ እብ፡ አርዋም፡ ለልደገም፡ ሀቱ፡ ቱ፡

፲፯፡ ሐቆሆም፡ ባርያ፡ እትሉ፡ ምድር፡ ክም፡ ዐለው፡ መስል፡ ገሌ፡ አዳም፡ እብ፡ ግን፡ ገርሀት፡ ምን፡ ልትከሐደ፡ ማህን፡ ለባርያ፡ ኢትሕለፍ፡ እቲ፡ አስክ፡ እሉ፡ እት፡ አፍ፡ አዳም፡ ለልትበሀል፡ እግል፡ እሉ፡ ሰማዕ፡ ቱ፡ ወእሎም፡ ሰብ፡ ለባርያ፡ በዲር - በዲር፡ ቀደም፡ ሰብ፡ መንሳዕ፡ ሸንከት፡ ምውዳቅ፡ ጸሐይ፡ እት፡ ለአዜመ፡ ሀለው፡ እቱ፡ ምድር፡ ገዘው፡

፲፰፡ ለምና፡ ቀንጸው፡ አካን፡ ኢተአመረት፡ ደኢኮን፡ ለእብ፡ ገዘው፡ ምስምሳ፡ እሉ፡ ቱ፡ ልብሎ፡ አንሶም፡ እንደ፡ ተሀከያ፡ ማህን፡ ሌለያ፡ ምስለን፡ ክል፡ ያል፡ ልትበአሶ፡ ዐለው፡ ከሰበት፡ እሉ፡ ለሰብ፡ እት፡ ርሐቅ፡ ምድር፡ ገዘው፡ ምነን፡ ወሐር፡ ምር፡ ምን፡ ለሰብ፡ እግል፡ ልጋኒኩን፡ ምደያ፡ ማ፡ ሀለያ፡ እንደ፡ ሌላ፡ አቅቦለ፡ እተን፡ ወለአንስ፡ እብ፡ ደሐን፡ እንደ፡ ጸንሐያ፡ እግል፡ ለእናስ፡ ምስልክ፡ እግል፡ ኒጊስ፡ ንስአና፡ ሌለያሁ፡ ሀቱ፡ ሀዩ፡ ሐር፡ ክም፡ መጽአካና፡ ለእላ፡ እምሌለክን፡ እግል፡ ቲደያ፡ ገለድ፡ በኣ፡ እልዮ፡ ሌላ፡ ከበልሰ፡ እተን፡ ወእብሉ፡ ትጋለደው፡ ደአም፡ ለእናስ፡ ማህን፡ እግል፡ ኢእምረሐክን፡ ለሰብ፡ ቀትሉኒ፡ ንሂግ፡ ምን፡ እሉ፡ ኢፊትክን፡ እንደ፡ አምበትኩ፡ አስክ፡ ለሰብ፡ ሀለ፡ እታ፡ አክ፡ እንትን፡ ሀዩ፡ እሉ፡ ክም፡ በቅለ፡ እብ፡ ለአሰሩ፡ ምጽኢ፡ ሌለን፡ ወሀቱ፡ መስወዳ፡ ምን፡ ንሂግ፡ መልአ፡ ወአሰር፡ እግል፡ ልግባእ፡ እለን፡ እት፡ ልክዕዮ፡ እት፡ ጸሩ፡ አቅቦለ፡ ለአንስ፡ ሀዩ፡ ለንሂግ፡ ክም፡ በቅለ፡ እሉ፡ እት፡ ልገነሓ፡ ዲብ፡ አብስተን፡ መጽአያ፡ ወሀቶም፡ እንደ፡ ተአከበው፡ እት፡ ማ፡ መጽአክን፡ በዲርመ፡ እትሉ፡ ለበጽሐናብ፡ እልክን፡ እንደ፡ አቤና፡ እምበል፡ ማ፡ ቱ፡ ሌለውን፡ ሀተን፡ ሀዩ፡ በዲርመ፡ እምበል፡ እት፡ ክድመት፡ እት፡ ማ፡ ሐሚኩና፡ ከአዜ፡ እምበል፡ ምር፡ ሐርስ፡ ለተትሐዜ፡ ለተ፡ እንወድያ፡ እልኩም፡ ነበሽል፡ ነሀርም፡ እምበትክ፡ እንወቅዕ፡ እንርፍ፡ ማይ፡ ወዕጨይ፡ ነመጽኢ፡ እንደ፡ ሌለያ፡ ምስሎም፡ ትጋለደያ፡ ወእብሉ፡ መሐላ፡ እሉ፡ ለሰብ፡ ትከበተውን፡ ወእብሉ፡ ገበይ፡ አስክ፡ አዜ፡ ልትናበር፡ ክም፡ ሀለው፡ ልትበሀል፡

፲፯፡ እምበል፡ ባርያ መ፡ አደጌ፡ ወሊባን፡ ክልኦት፡ ሐ፡ ምን ከበሳ፡ እንደ፡ መጽአው፡ እት፡ ደብረ-ሲና፡ ወአት፡ አልገዐታ፡ ወአት፡ ኢራ፡ ክም፡ ሄረው፡ ወነብር፡ ወበዙሐ፡ እቱ፡ ክም፡ ባለው፡ ልትበሀል።

፲፰፡ ሐቆሃ፡ ዛውለይ፡ ለልትበሀል፡ እናስ፡ ምን ገንደር፡ [ነይ፡ ከበሳ፡] እንደ፡ መጽአ፡ እት፡ ረክሶም፡ ሐድረ። ደአም፡ እት፡ ልብል፡ እት፡ ልብል፡ ተርፉ፡ ዛውል፡ እት፡ ልትበሀል፡ ክም፡ በዝሐ፡ ወክም፡ ደቀበ፡ ምድር፡ አደጌ፡ ወሊባን፡ እት፡ ልነስእ፡ ወአት፡ ለገብርም፡ ሐመቀዮም፡ ወአብደዮም። — እብ፡ ዘበኖም፡ ቤት-ማርያም፡ እት፡ አልገዐታ፡ ወማርያም-ብሪሪ፡ ለትትበሀል፡ ቤት፡ ክስታን፡ እት፡ ሰለባ፡ ጸንሐት። ወአቅሾቶም፡ ምን ቤት፡ አደጌ፡ ዐለው፡ እሎም። ደአም፡ ሀቶም፡ ምንመ፡ ማል፡ ወአክል፡ እግል፡ ለልባን፡ ምን፡ ለአዳም፡ ረክቦ፡ ለቅያስ፡ ለልባን፡ ምን፡ ፹፡ ገበታ፡ አስክ፡ እት፡ ቨልዮ፡ አንቀሰም። ከሀቶም፡ ክእና፡ እግል፡ ማርያም፡ ክም፡ ጠልመው፡ ሀታመ፡ ጠልመቶም። ከሐቱ፡ ምዕል፡ አቅሾታ፡ ልባን፡ እግል፡ ለትንኖ፡ እኩባም፡ እታ፡ እት፡ እንቶም፡ አፌታ፡ ክም፡ ደብአት፡ እቶም፡ ልትበሀል። ገድም፡ ለማርያም-ብሪሪ፡ አቅሾታ፡ አካኖም፡ ገአት። ወአዜ፡ ምር፡ ዛውለይ፡ እት፡ አፌታ፡ ወአት፡ ምን፡ ሐርድ፡ ለእናስ፡ መይት፡ ደኢኮን፡ ለባብ፡ ወትከሰተ፡ ልብሎ። ወገድም፡ አዳም፡ እት፡ ገርገር፡ እት፡ ለሐልፍ፡ ምን፡ ቀብል፡ ለባብ፡ ማርያም-ብሪሪ፡ ድቡኢ፡ ልርአዮ። — ሐቆሃ፡ ማርያም፡ ምን፡ ሀገር-ናግራም፡ ቀንጾት፡ ወእብ፡ ደነብራ፡ እት፡ ትገይስ፡ እት፡ ትገይስ፡ እት፡ አድብር፡ ዐጋማ፡ ወሮራ-አስገዴ፡ ወአግዐሮ፡ ዓረራት። ወለአቅሾታ፡ ደርባ፡ እት፡ ልሄርሮ፡ እት፡ ክል፡ አካን፡ ዓረታ፡ እብ፡ እበን፡ እሻረት፡ ነድቀው። ወአት፡ ደንጎባ፡ እት፡ በዐት፡ ደብረ-ሲና፡ እንደ፡ አቱት፡ ሐድረት። ወሐር፡ ለአቅሾት፡ ክም፡ መጽአዎ፡ ትቀለዐት፡ እሎም፡ ወትከበተቶም። ወምን፡ እሊ፡ እዋን፡ አስክ፡ አዜ፡ ለአቅሾታ፡ ከድሞ፡ አላ፡ ሀለው፡ ልብሎ። [ደአም፡ እብ፡ ምስምሳ፡ ኢሰኒ፡ መጋይስ፡ ገሌ፡ ዓመት፡ ቀደም፡ አለ፡ ማርያም፡ ምን፡ ደብረ-ሲና፡ ሀቶ፡ ክም፡ ቀንጾት፡ ወአት፡ ኢባልሐ፡ ክም፡ ሐድረት፡ ልትሀደግ፡ ሀለ።]

— ሰብ፡ ዛውል፡ ሀቶ፡ ምር፡ ክፈል፡ መንግሥት፡ ክም፡ ሄረ፡ እቶም፡ ሐምቀው፡ ወተሀመጀው፡ ወሐደው።

፲፱፡ ሐቆ፡ ገሌ፡ ዘበን፡ ሀቶ፡ ዜን፡ ለልትበሀል፡ እናስ፡ ምን ከበሳ፡ እንደ፡ ትከረ፡ እት፡ ምድር፡ መንግሥት፡ መጽአ፡ ወአቱ፡ ትገሰ። ወምን፡ ተርፉ፡ ገሌሆም፡ አስክ፡ ዮም፡ ሀለው። ሐርመ፡ እብ፡ ድግም፡ ተርፍ፡ መንሰዐይ፡ እግል፡ ምርት፡ ምኖም፡ ከአፎ፡ ክም፡ ትቃርሐቶ፡ እግል፡ ንርኤ፡ ቱ።

፳፡ እብ፡ አረቢ፡ ወድ፡ መንሰዐይ፡ እናስ፡ ፈዳብ፡ ክም፡ ቱ፡ ወተርፉ፡ ክም፡ በዝሐ፡ ወደቀበ፡ ልደገም፡ ሀለ። ወክእና፡ ገድም፡ ሐድ፡ ብዝሐ፡ ተርፉ፡ ወአዳመ፡ ሐቱ፡ እሲት፡ ዐምበጣ፡ እት፡ ለዐስስ፡ ምን፡ ረኤት፡ እግል፡ መለሀያ፡ ትርኢ፡ ወለት፡ እምዬ፡ አሊ፡ ዕላማ፡ ለዐምበጣ፡ እንደ፡ ዋርር፡ ዐለ፡ ለለቀብል፡ ርሕም፡ አረቢ፡ መስል። ቴላ። ወለገቢል፡ መንግሥት፡ እብ፡ ነይ፡ ደቅብ፡ ወወራሩ፡ ምን፡ ሕኔት፡ እብ፡ ስም፡ መንሰዐይ፡ እብ፡ ርሕም፡ አረቢ፡ ልትሀደግ። — እምበል፡ አሊ፡ እብ፡ ነይ፡ ተርፉ፡ እብ፡ ከራ፡ አወሊ-ፉንጃይ፡ ልግባኢ፡ ማ፡ እብ፡ ሐወጪ፡ ለልትወወዝ፡ አለብ።

፳፩፡ ምና፡ ተ፡ ዓርባይ፡ እብ፡ ለልቡሎ፡ ምርት፡ ምን፡ ዘርኢ፡ አረቢ፡ ብዙሐ፡ ልትሀደግ። ሀቱ፡ ቤት-ዓርባይ፡ ለትትበሀል፡ እዝን፡ በነ፡ ተመ። ወሐር፡ ምን፡ በዝሐ፡ ወምን፡ ደቀበ፡ ድቡር-ቤት-ዓርባይ፡ እት፡ ለልትበሀል፡ ድቡር፡ እት፡ ቀብል፡ ሀይገት፡ ድንሀ፡ ወደ። ጎሀ፡ ሀቶ፡ እት፡ ስልፍ፡ ቤት-ማርያም፡ ትነደቀት፡ ወእብ፡ አቅሾታ፡ ትነብር፡ ዐለት።

፳፪፡ እብ፡ ለዘበን፡ ለሀይ፡ ወድ-አበሪ፡ ለልትበሀል፡ እናስ፡ ነይ፡ ርሕም፡ አረቢ፡ ሐባብ፡ እንደ፡ ጌሳ፡ ንዋይ፡ ዘምተ። ወእብ፡ አረቶ፡ እት፡ ለቀብል፡ እት፡ ሐቱ፡ ሕርም፡ ምድር፡ ዐድ-ትማርያም፡ ክም፡ በጽሐ፡ ክአት፡ ለቀብላ፡ ሕርም፡ እት-ሕዮተት፡ ምን፡ ረኤ፡ ዐጂ፡ አቱኮ፡ እንደ፡ ቤለ፡ ሀይገት፡ ደሐን፡ በሊ፡ አና፡ ወድ-አበሪ፡ እት፡ ልብል፡ አስቀረ፡ ደአም፡ ሀቱ፡ እንደይ፡ አምር፡

ረድኢት፡ ለንዋይ፡ ሐልፈት፡ እሉ፡ ጸንሐት። ወአዜ፡ ሀቱ፡ እት፡ ለሰ ቅር፡ አመታ፡ እንደይ፡ አምር፡ ሀታ፡ ጠበኸ፡ ትቤ፡ እቱ፡ ከቀትለቶ። ወክም፡ ትረገዝ፡ "ሀይገት፡ ደሐን፡ ዐሊ።" እንደ፡ ቤለ፡ ሞተ። — ደን ጎባ፡ ተርፉ፡ ሀያቡ፡ ለልትበሀል፡ አዜ፡ ቅሩብ፡ እት፡ ሐሊቦ፡ ሞተ። — ደአም፡ ሐቱ፡ ገርሀቱ፡ እት፡ ገለብ፡ አስክ፡ እሉ፡ እብ፡ ስሙ፡ ገርሀት-ወደ-አበሪ፡ ለትትበሀል፡ ገርሀት፡ ሀሌት።

፳፫፡ ገድም፡ መንገድ፡ [ማ፡ ርሕም፡ አረቢ፡] እብ፡ ዘበን፡ በዲር ዲ፡ ዘምት፡ ነብረት፡ ደኢኮን፡ ትዘመት፡ ኢዐለት። ወሐድ፡ ጀዋረታ፡ ርሐቅ፡ እንደ፡ ጌሰት፡ ሜካል፡ ለልቡላ፡ ገቢለት፡ ቅር፡ ርራመ፡ ዘም ተት። ደአም፡ ሜካል፡ ረድእት። ከመንገድ፡ እብ፡ አረያ፡ ሳፍረት፡ እት፡ እንተ፡ ሜካል፡ ሀይ፡ እንደ፡ ዐሬት፡ እት፡ ቀብላ፡ ትመዩት። ወ ሰብ፡ ለረድኢት፡ ኖስኖሶም፡ ምን፡ ተሃጀከው፡ እግል፡ ዎሮት፡ ምኖም፤ "እት፡ ጠይዐት፡ እሲትከ፡ ሚ፡ ትአምር።" እንደ፡ ቤለው፡ ሰአለም። ሀቱ፡ ሀይ፤ "ሚ፡ ጠይቅ፡ ከመ፡" ቤሎም። ወሀቶም፡ ገድም፤ "እት፡ አማን፡ ምን፡ ትብል፡ ሕና፡ እት፡ መንገድ፡ ንትዐወት፡ ከእብ፡ ንዋይና፡ ነቅብል፤ ወእት፡ ሐሰት፡ ምን፡ ትብል፡ መንገድ፡ እትና፡ ትትዐወት፡ ከእብ፡ አረ ያ፡ ትእቱ።" እንደ፡ ቤለው፡ ዓጠጠም። ሀቱ፡ ሀይ፤ "ሐድ፡ ጠይዐት፡ እሲቹ፡ እሉ፡ አምር፡ እታ፤ ምን፡ ገበይ፡ ክም፡ መጽአከ፡ ክልኤ፡ እደ ዩ፡ ወክልኤ፡ እግርዬ፡ ተትሐጽበኒ፡ ወእግል፡ እብረድ፡ ወእግል፡ እጽ ገብ፡ ለጠዐመት፡ ተሀይበኒ። ወሐድ፡ ጠይዐታ፡ እንደ፡ እቹ፡ ትገሀ ፈት፡ ምን፡ ተከርር፡ ለነብራ፡ ክም፡ ፈቅደት፤ "ቶሀ፡ ልትረስዑኒ፡ ትረስዐ ኮከ፡ ቱ።" ትብል፡ ከትቀንጽ። ወለነብራ፡ እግል፡ ተንጥጥ፡ ክም፡ ቀን ጸት፡ ሀይ፤ "ኤሀ፡ ልሕደጉኒ፡ ሐደግኮከ፡ ቱ።" ትብል፡ ከተቀብል፡ እቹ። እንደ፡ ቤለ፡ እብ፡ ጠይዐት፡ እሲቱ፡ አሰአለዮም። ሀቶመ፤ "ለመር ገም፡ ክሪት፡ ምንከ፡ ትግባእ።" ቤለም። ወእብ፡ ፈጅራ፡ ምድር፡ ክም፡ ጸብሐ፡ ገቢለት፡ ሜካል፡ ተዐወተት፡ ከእብ፡ አረያ፡ አቅበለት። መን ሳሳ፡ ላተ፡ ትሰበረት፡ ከብራታ፡ ዐዳ፡ አቱት። ገድም፡ ሂጋ፡ ለእናስ፡ አማን፡ ገአ፡ ወመርገሙ፡ ትከራት፡ ምኑ።

፳፬፡ ክምሰል፡ መሰል፡ ፍድብም፡ ወመዋዲቶም፡ እሊመ፡ እብ፡ ለአገቡን፡ ለሀይ፡ ክም፡ ለገአ፡ ልደገም፡ ሀለ። ምን፡ ገቢል፡ አፍ ለግዳ፡ ክፍሱ፡ ወለባብ፡ ለልትበሀላ፡ ክልኤ፡ ወአት፡ እንደ፡ ትሰረቀ

ያ፡ እት፡ መንገድ፡ አተያ። ረድኢትን፡ ደርበን፡ መጽአት። መንገድ፡ ላተ፡ ለክልኤ፡ ወአት፡ ከልአተን፡ ከሰብ፡ ለረድኢት፡ ብራቆም፡ እት፡ ዐዶም፡ አቅበለው። ሐቆሃ፡ ሰብ፡ አፍለግዳ፡ እንደ፡ በዝሐው፡ እግል፡ እሉ፡ እኪት፡ ጎርም፡ ወረው። መንገድ፡ ላተ፡ እት፡ ተሀርብ፡ ፋራ ቁ፡ እት፡ ለልትበሀል፡ ወደግ፡ ቀላቅል፡ በአት። ለከራይመ፡ እቱ፡ ዐ ሬትባ። መንገድ፡ ሀይ፡ ክም፡ ተዐሬት፡ ንዋይ፡ ወአንሳ፡ ወውላዳ፡ ግር ሃ፡ እንደ፡ ወዴት፡ ትወለበት፡ አቶም። ከመንገድ፡ ምን፡ ለዓል፡ ማይ፡ ወለከራይ፡ ምን፡ ተሐት፡ ማይ፡ እንደ፡ ትጋብአው፡ እት፡ ፍንጌ፡ ክል ኢቶም፡ አልጌነት፡ ዐባይ፡ ትበጥር፡ ዐለት። ወሐር፡ እት፡ ሕድ፡ ክም፡ ትቃነጸው፡ በዐልና፡ እግል፡ ለአልጌነት፡ እንደ፡ ነቅነቀ፡ ሐድ፡ አርበ ዓ፡ እናስ፡ እት፡ ለገቡእ፡ እት፡ ለከራይ፡ አፍለግዳ፡ አውደቀያ፡ ከትሰ በረው። መንገድ፡ ሀይ፡ እሉ፡ ክም፡ ረኤት፡ ቀንጸት፡ ዲባ፡ ከሀቸ፡ ቱላ። ከራይ፡ አፍለግዳ፡ ሀይ፡ እት፡ ትሰኬ፡ ረአሳ፡ እት፡ ሰረብት፡ ፈግረት። ወመንገድመ፡ እት፡ ተሀልታ፡ ደርባ፡ ገአት። ወምን፡ ለከራይ፡ አፍለግ ዳ፡ አርበዓ፡ እናስ፡ ምን፡ ለገበይ፡ እንደ፡ አወለጠው፡ ትደበው። ወ ሐር፡ መንገድ፡ እንደይ፡ ትርአዮም፡ ለከራይ፡ ለብዝሕት፡ እት፡ ትዳገን፡ ክም፡ ሐልፈቶም፡ ሀቶም፡ ገበዮም፡ ጸብጠው። ወምን፡ ለዛምተት፡ እሎም፡ ሌጠ፡ እንደ፡ ነግፈው፡ ዐዶም፡ አተው። ለከራይ፡ ለብዝሕት፡ ላተ፡ ገበይ፡ ዐባይ፡ ጸብጠት። መንገድ፡ ሀይ፡ ደርባ፡ እት፡ እንተ፡ ወ እት፡ ትዳገና፡ ላባ፡ ትከራትባ። እት፡ ላባ፡ ሀይ፡ ብዝሕት፡ ከራይ፡ ለ ጸሮም፡ ምስል፡ ሹማ፡ ጸንሐት። መንገድ፡ ገድም፡ እግል፡ ክልኤ፡ ለ ከራይ፡ እት፡ ላባ፡ እንደ፡ ዐሬትበን፡ ሰራር፡ እንደይ፡ ተፈግር፡ ምንን፡ መደብ፡ ወዴተን፡ ከከለሰተን፡ ለዶል፡ ምዕጥን፡ ላባ፡ ምን፡ ለሞተው፡ ውሐዝ፡ ደም፡ አውሐዝ፡ ሰበት፡ እሊ፡ ማይ፡ እግል፡ በዐል፡ ጸልዕ፡ መሰመም፡ ገአ፡ ከትሰረዐ። ገድም፡ ምን፡ ለምዕል፡ ለሀ፡ አስክ፡ ዮም፡ ጸልዕ፡ ለብ፡ እንደ፡ ረክሰ፡ እግል፡ ኢልእኬ፡ እቱ፡ ማይ፡ ላባ፡ ኢኮይድ፡ ወኢሰት ዮ፡ ወኢልትሐጸቦ፡ ወኢልተንተንቡ። ገድም፡ ሰብ፡ መንገድ፡ እግል፡ ሰብ፡ ገቢለት፡ ወእግል፡ አባያሞም፡ ክእና፡ ልትቃርሐዎም፡ ዐለው።

፳፭፡ መምበሮ፡ ዐድ፡ መንገድ፡ እት፡ ኖስኖሶም፡ ሀይ፡ ክእና፡ ዐ ለት። እብ፡ ለዘበን፡ ለሀይ፡ ገሌ፡ ከሐድ፡ ወኢገጸ፡ ላተ፡ እት፡ ዐድ፡ ምን፡ ጀሬ፡ ላባም፡ ወዐባዩ፡ እብ፡ መራደዩት፡ ሐው፡ ለዐድ፡ ለት

ራቱ፡ ወረርዶ፡ ዐለው፡ ደክም፡ ሐር፡ መሐሪ፡ ለልትበሀል፡ እናስ፡ ምን፡ መንሰዐይ፡ ለሐምስ፡ ትውልድ፡ ፍትሕ፡ እግል፡ ለፍግር፡ አምበ ተ። — ወአብ፡ ዘበን፡ አሊ፡ መሐሪ፡ ምን፡ ጅንስ፡ ዜን፡ ዜነይ፡ ለልትበሀል፡ እናስ፡ እብ፡ ዐዳ፡ ምስሉ፡ ነብር፡ ዐለ። ወአሎም፡ ክል አት፡ ክል፡ ምኖም፡ አት፡ ዐድ-ዐዳ፡ ድቁባም፡ ወሰብ፡ አግጸት፡ ቶም።

ጅጅ፡ ገድም፡ ዜነይ፡ ሐድ፡ ጽንዑ፡ አት፡ አካን፡ መሐበሩ፡ ክልኤ፡ እበነት፡ ዋዲ፡ ዐለ፤ ለሐቲ፡ ጣፍሐት፡ መገሰድ፡ ተ፡ ወለሐቲ፡ ረያም፡ አት፡ ስምጥ፡ ለጣፍሐት፡ እንዶ፡ ተክለያ፡ መጸግሒቱ፡ ተ። ወአብ፡ ሐድ፡ መወቀል፡ እዝነ፡ እግል፡ ለአታ፡ ልጸጋዕ፡ ጣርቃ፡ ዐለ፤ ከለአ ዳም፡ ጋሩ፡ እግል፡ ለሐኪ፡ እሉ፡ ለመጽአ፡ ምን፡ ጎፍ፡ ከደና፡ አት፡ ለምጥራቅ፡ እንዶ፡ ቀርቦ፡ አት፡ ልበጥር፡ ልትገላዮ፡ ዐለ፤ ወሀቱ፡ ምን፡ ጎፍ፡ ዐዳ፡ እንዶ፡ ትገሰ፡ አት፡ ለምጥራቅ፡ እዝነ፡ ከሬ፡ ከለተን ሴ። ትንፋስ፡ ለልትገላዮ፡ እግል፡ ኢትኤንዮ፡ ክአና፡ ወዴ፡ ዐለ። ለ እበነት፡ አስክ፡ አዜ፡ አት፡ አካና፡ ሀሌት። ወሀታ፡ ትግባእ፡ ማ፡ አት፡ ድዋራ፡ ለሀለ፡ ምድር፡ እብን-ዜነይ፡ ልትበሀል።

ጅጅ፡ ወዜነይ፡ እግል፡ መሐሪመ፡ ብዙሕ፡ ምን፡ ደቀብ፡ አቱ፡ መሐሪ፡ ምን፡ ለሞተት፡ ወምን፡ ለተሐረደት፡ ንሳል፡ ረፍዕ፡ አቱ፡ ዐለ። ወክአና፡ አት፡ ልወዴ፡ ሐቲ፡ ምዕል፡ ነሰስል፡ አት፡ ቤት፡ መሐሪ፡ ክም፡ አተ፡ ወሻይ፡ ግድም፡ አቡና፡ ዐዳይ፡ ሳቲ፡ ቱ፡ ሀለ፡ አሊ፡ ምርት፡ ንሳል፡ ነብሽል፡ እሉ። ቤለያ፡ ከሀተን፡ ምርት፡ ምኖም፡ እንዶ፡ ረፍ ዐያ፡ እግል፡ ልትበሽል፡ አት፡ ክልዕ፡ ክረያሁ። ወአት፡ ለበሽላሁ፡ መሐሪ፡ ምን፡ ከደን፡ አተ፡ ከእግል፡ ለወሻይ፡ "ለነሰስል፡ እሸም።" ቤለን። ሀተን፡ ሀዩ፤ "ስራይ፡ ሳይታም፡ ሀሌኩም፡ እንዶ፡ እምቤ፡ ለምርት፡ ነበሽሎ፡ ሀሌና፡ ወለብዕድ፡ አሊ፡ ቱ።" ቤለያሁ። ሀቱ፡ ሀዩ፤ "አፎ፡ ትነቀላ።" እግል፡ ተቀትላኒ፡ አሊ፡ ትወይዳ፡ አፍግራሁ፡ ከሀባኒ-ቱ።" ቤ ለን። ሀተን፡ ሀዩ፡ እንዶ፡ አፍገረያ፡ ሀበያሁ-ቱ። ሐቆሃ፤ "ግሳብ፡ አቱ፡ ከሀብሁ-ቱ።" ቤለን። ሀተን፡ ሀዩ፡ እንዶ፡ ጌሰያብ፡ አቱ፤ "አሊ፡ ነሰ ስል፡ ቱ።" ወአሊ፡ ምርቶም፡ አቡና፡ እግል፡ ልሸበጦ፡ እንዶ፡ እምቤ፡ ሐና፡ አብሸልንሁ። ወሐር፡ አቡና፡ ክም፡ መጽአ፡ አት፡ ነበሽሎ፡ ምን፡ ጸንሐናሁ፡ ትበአሴና፡ ወ 'አፍግራሁ፡ ከኩሉ፡ ምስል፡ እንዶ፡ ወዴክን፡ ሀብሁ-ቱ፡' ቤሌና። ከአዜ፡ አሊ፡ ቱ፡ መጽአናብ፡ አትኩም።" ቤለ

ያሁ። ደክም፡ ሀቱ፡ አሊ፡ ክም፡ ሰምዐ፤ "ከገድም፡ ንሳል፡ 'ኢትበለ ዐኩ' ኢሊበል፡ ወመሐሪ፡ አድር፡ 'ኢበልዐኩ' ኢሊበል፡ አቅበላብ፡ አቱ።" እንዶ፡ ቤለን፡ አት፡ መሐሪ፡ በልሰዩ። ዜነይ፡ እብ፡ ለደቅብ፡ እግል፡ መሐሪ፡ ሐድ፡ አሊ፡ ወድዮ፡ ዐለ።

ጅጅ፡ ሐር፡ ዜነይ፡ ክአና፡ ምን፡ ሐጥረ፡ መሐሪ፡ አት፡ ክርምብ ራ፡ አት፡ እንቱ፡ ከራዩ፡ ቅብለት፡ ከድመ፡ አቱ። ወመሐሪ፡ ወራር፡ ለከራዩ፡ እግል፡ ኢልትሀዮ፡ አቱ፤ "ፋሩና፡ ወዐዳያታት፡ ወዐ ራይብ፡ ለትገንሕ፡ ለተ፡ አት፡ ዜነይ፡ ተ፡ አሽፋል፡ ለትገንሕ፡ ለተ፡ እቱ፡ ተ።" እንዶ፡ ቤለ፡ ለመሐድር፡ አመርድ፡ አላ። ወሐር፡ አ ምዕል፡ ለወራር፡ ለዘምተት፡ አት፡ መሐሪ፤ "ፈጅር፡ እግል፡ ኒረር፡ ቱ።" ለልቡሎ፡ መስእለት፡ ሓለፈው፡ አቱ። ከፈጅር፡ ለወራር፡ መሐሪ፡ ገብ ሩ፡ እንዶ፡ ነስኦ፡ አት፡ ዜነይ፡ አግወሐ። አት፡ ገበይ፡ አት፡ እንቶም፡ እግል፡ ለገብር፡ ሰይፍ፡ ሀበዩ፡ ወ፤ "አና፡ ወዜነይ፡ እግል፡ ጠዋ፡ ክም፡ ትገሰና፡ ምን-ረሐርና፡ እንዶ፡ በጠርኩ፡ ለወራር፡ ለመጽአባ፡ ገበ ዩ፡ አተቅብል። ወለወራር፡ ተለው፡ እብ፡ ለልብላ-ተ፡ ዶል፡ እንዶ፡ ሸፈግኩ፡ ስጋድ፡ ዜናይ፡ እንሳእ።" እንዶ፡ ቤለ፡ ትፋንዩ። ገድም፡ ገ በና-ዜነይ፡ አት፡ ለልትበሀል፡ ዐድ፡ ዜነይ፡ ክም፡ መጽአው፡ መሐሪ፡ እግል፡ ዜነይ፡ አት፡ ጠዋ፡ ነስኦዩ። ከለወራር፡ እግል፡ ለመ ጽአባ፡ ገበይ፡ ግርሀም፡ እንዶ፡ ሀበዩ፡ አትገሰዩ። ወአት፡ ልጣወው፡ መሐሪ፡ አት፡ ትገንሕ፡ ኩክት፡ ፈግረት። ዜነይ፡ ምንመ ሰልፍ፡ ረአያ፡ መሐሪ፡ እግል፡ ትንከሽ፡ አዝመ፡ ምና። መሐሪ፡ ሀዩ፡ አት፡ ትመጽ ኦ፡ ሐር፡ ክም፡ ረአ፤ "ግርጥ፡ ምን፡ እብል፡ ምና፡ ዜነይ፡ ለወራር፡ ለ መጽአባ፡ ገበይ፡ ልርኤ፡ ምንዩ።" እንዶ፡ ሐስበ፡ አት፡ እግሩ፡ እብ፡ ለ ጸንሐት፡ እሉ፡ አስእን፡ ጨቅጠያ። ገድም፡ መሐሪ፡ ምን፡ አካነ፡ እን ደይ፡ ለንቀስቅስ፡ ወሀቶም፡ አት፡ ልጣወው፡ ለወራር፡ በለም፡ ቤለ። ለገብር፡ ሀዩ፡ ለወራር፡ ክም፡ ረአ፡ እግል፡ ዜነይ፡ እብ፡ ለሰይፍ፡ ስጋ ዳ፡ ነስኦ። ገድም፡ ዜነይ፡ እታ፡ ሞተ፡ ወዐዳ፡ እብ፡ ለከራዩ፡ ትዘ መተ፡ ወበደ።

ጅጅ፡ ገድም፡ ዜነይ፡ ክልኤ፡ እሲት፡ ዐለያ፡ እሉ፡ ወሀተን፡ እብ የታይመን፡ ተርፈያ፡ ለሐቲ፡ እስሌመይት፡ ወወለት፡ ዐድ-ቀይእ፡ ትተ፡ እብ፡ የታይማ፡ ስሑ፡ ትከሬት። ወለሐቲ፡ ክስቲነይት፡ ወወለት፡ ከበሳ፡ ትተ፡ እብ፡ የታይማ፡ አት፡ ከበሳ፡ ፈግረት። ሐቆሃ፡ አት፡ ከ በሳ፡ ለዐለው፡ ውላድ፡ ዜነይ፡ ክም፡ ዐበው፡ "ዐድና።" አት፡ ልብሎ፡



ዲብ መሐሪ፡ መጽሐው። ከሆቱ፤ ማርቅ፡ አቡሆም፡ ቱ። እንደ፡  
 ቤለ፡ እለ፡ ዓደት፡ ወደ፡ እሎም። ምን፡ ርሕም፡ መሐሪ፡ እት፡ እንተ፡  
 ወለት፡ ምን፡ ትትሆይ፡ ህቶም፡ ዝክራን፡ ለትተሌ፡ ወለት፡ ምን፡ ዝክ  
 ራና፡ ፍሊት፡ ልጽበጦ፤ ወዝክራን፡ ለአለባ፡ ወለት፡ ምን፡ ትትሆይ፡  
 ምን፡ ልባስ፡ ቅርሽ፡ ልንሱእ። ህዳይ፡ ምን፡ ለልደረር፡ ድራር፡ ገ  
 ሺሽ፡ ልንሱእ። ምን፡ ለምንድቅ፡ ተድዕ፡ ልንሱእ። ወለሀዳይ፡ እን  
 ዶ፡ ሰቅል፡ ለለሐድጎ፡ ጸራይር፡ ሆይ፡ እግሎም፡ ተርፍ። ደአም፡ ህ  
 ቶም፡ ሆይ፡ እለ፡ እግል፡ ልትሆዩም፡ ዕጩይ፡ እንዶ፡ በትከው፡ ለሀ  
 ዳይ፡ ለልትመይ፡ እታ፡ ድላለት፡ ልንደቆ። ወለምንድቅ፡ ለልትሐ  
 ረድ፡ እታ፡ ሕፍረት፡ ሰልፍ፡ ህቶም፡ ለቆድዋ፡ ወሐር፡ መስንዩት፡  
 ለመርዓት፡ ትሕራራ። ወገድም፡ ጽምድ፡ ለድላለት፡ እንዶ፡ ጸብጠው፡  
 ልድሐር፡ ወማል፡ ዓደቶም፡ ልንሱእ። እምበልሀመ፡ እንዶ፡ ሰርዐ፤  
 "እት፡ ተርፍዬ፡ ወእት፡ ተርፎም፡ ሕርም፡ ሕድ፡ ንግባእ።" ቤለ። ግ  
 ድም፡ ወለትና፡ 'ዜነዬ' ወወለቶም፡ 'መንሰዐዬ' እንዶ፡ ትቤ፡ ትም  
 ሐል። ወለትና፡ ኢንሀሆም፡ ወወለቶም፡ ኢንንሳእ። መቅጠኖም፡ ኢ  
 ነዐድል፡ ወወርቀዮም፡ ኢንዕረግ፡ ወተስካርም፡ ወወእት፡ ሸሓንም፡  
 ኢንባላዕ። ወሀቶም፡ ክምሰልሀ፡ ኢሊደዩና። ምና፡ ተ፡ ሕላብ፡ ወብ  
 ሻል፡ ወሕራስ፡ እግል፡ ክልኢትና፡ ሐላል፡ ልግባእ። ቤለ፡ መሐሪ።

፴፡ ውላድ፡ ለእስሌመይት፡ ላተ፡ እት፡ ስሐ፡ ተርፈው፡ ወእ  
 ግል፡ ሰብ፡ መንሳዕ፡ ዘምቶ፡ ወቀትሎ፡ ዐለው። ደአም፡ ሐቆ፡ ብዙሕ፡  
 ዘበን፡ ውላድ፡ ተርፎም፡ እግል፡ ልትዓረው፡ ወእት፡ መንሳዕ፡ እግል፡  
 ለቅብሎ፡ ክም፡ ሐዘው፡ ለዎር፡ ሰርና፤ ሰብ፡ ደምና፡ ቶም፡ ዐድ፡  
 ኢንአትዮም። ቤለ። ከንቴባይ፡ ዕቅባም ኬል፡ ምን፡ መሐ  
 ሪ፡ ለሳብዕ፡ ወድ፡ ወል፡ ላተ፤ ለደም፡ ለሐዬ፡ አብደክም፡ እሎም፡  
 ልእተው፡ ወክም፡ ለትግረይ፡ ልትባላዕ፡ ልትባላዕ፡ ወክትሎም፡ እቺ፡  
 ልግባእ። ክም፡ ቤለ፡ ለዐድ፡ ተለዩ፡ ወሐደረዮም።

፴፩፡ መሐሪ፡ ክም፡ እለ፡ እግል፡ ተርፍ፡ ዜነይ፡ ለወደያ፡ ዓ  
 ደት፡ ብዕድመ፡ ክእና፡ ለመስል፡ ዓድታት፡ ወአፍተሓት፡ ብዙሕ፡ ሰር  
 ዐ። ወእግል፡ እለ፡ አፍተሓት፡ ወዓድታት፡ ለመአምብተዩ፡ ምን፡ ገኡ፡  
 ሐር፡ አሰሩ፡ ለፈግረ፡ ሆይ፡ እብ፡ ስሙ፡ ትሰመ፤ ከኩሎ፡ ምስል፡ ፍ  
 ትሕ፡ መሐሪ፡ ትበሀለ። ወእብሊ፡ ዘበን፡ እለ፡ እት፡ አፍ፡ ለዐባዩ፡

\* ማ፡ እት፡ እግን፡ ልባህ፡ ምን፡ ለልትሀሆብ፡ ማል።

ሰብ፡ መንሳዕ፡ ክምሰል፡ ለልትረከብ፡ እንዶ፡ ተአከብ፡ እት፡ ለካልእ፡  
 ክፈል፡ እለ፡ ክታብ፡ እግል፡ ልትርኤ፡ ቱ።

፴፪፡ ተርፍ፡ መንሰዐይ፡ ወርሕም፡ አረቢ፡ ለቶም፡ ህቶም፡  
 ሌጠ፡ መናቢት፡ ለምድር፡ መንሳዕ፡ ቶም፡ ወምን፡ በዲር፡ ሽማገሌ፡  
 እት፡ ልትበሀለ፡ ሀለው። ምን፡ ብዕድ፡ ገቢል፡ ለመጸእ፡ እቶም፡ ክምስ  
 ሎም፡ ለነብር፡ ላተ፡ እት፡ ሐንቲሆም፡ ወድዎም፡ ወትግሬ፡ ማ፡ ወ  
 ራዚት፡ ልቡሎም። ወክል፡ ዎርት፡ እግል፡ ለእሎ፡ ልትከተል፡ ል  
 ተግሬ። — ሽማገሌይ፡ ልግባእ፡ ማ፡ ትግረይ፡ እንዶ፡ መጽእ፡ እት፡ ዐድ፡  
 ምን፡ ሐድር፡ እግል፡ ዎር፡ ሽማገሌይ፡ ብላዕ፡ አለብ፡ ልትዐዮብ፡ ወ  
 አስክ፡ ሐል፡ ጋሽይ፡ ጸዐዳ፡ ሻንፉ፡ ልትበሀል። ወእለ፡ መስል፡  
 ተዐመጸ፡ ምን፡ ገብእ፡ ሐቁ፡ ብዙሕ፡ ቱ። ሐቆ፡ ሐል፡ ላተ፡ ሽማገ  
 ለይ፡ ለቱ፡ ክም፡ ጽኑዕ፡ ወትግረይ፡ ለቱ፡ ክም፡ ትግረይ፡ ልትዐለብ፡  
 ወክልኢቶም፡ ክም፡ ሰብ፡ ዐድ፡ ገቡእ። — ወለጋሽይ፡ ጸዐዳ፡ ሻንፉ፡  
 ሀርመይ፡ ምን፡ ገብእ፡ ምን፡ ለእሎ፡ ዘምት፡ ወሰርቅ፡ እግል፡ ለበዐል፡  
 ለዐይቡ፡ ዔሸን። ሆይቦ። ወአሐ፡ ዘምተ፡ ምን፡ ገብእ፡ እግል፡ ለ  
 ሹም፡ ለዐድ፡ ማመት። ሆይቦ። ወሀቱ፡ ሐቆ፡ ሐልመ፡ ምን፡ ልት  
 ገሴ፡ ዳውረይ፡ ምን፡ ገኡ፡ በዐል፡ ዐድ፡ ኢገብእ። — ምን፡ ርሕም፡  
 አረቢመ፡ እት፡ እንቲ፡ እዝነ፡ ሐወነት፡ ምን፡ ገብእ፡ እግል፡ ለንግር፡  
 እንዶ፡ ቤለ፡ እግል፡ ብዕድ፡ ሽማገሌይ፡ ምን፡ ልትከተል፡ እምበል፡  
 ሐቱ፡ መድሀነት። ሐሳስ፡ ደኢኮን፡ ትግረይ፡ ክም፡ ለልትባላዕ፡ ልት  
 በላዕ፡ ወትግረይ፡ ገብእ። ምና፡ ተ፡ ጽንዑ፡ እግል፡ ኢልብደ፡ ምን፡  
 ሽማገሌይ፡ ቀጢን፡ ልትበሀል፡ ደኢኮን፡ ትግረይ፡ ኢልብሎ። —  
 ሽማገሌይ፡ ልግባእ፡ ማ፡ ትግረይ፡ ምን፡ በዲር፡ አግብር፡ ወአማት፡  
 ወዳ፡ ልዛበው፡ ወለዘብ፡ ዐለው። ወለምኖም፡ ልትረከብ፡ አግዳ፡  
 ሰብ፡ ባርያ፡ ወእሎም፡ ለመስሎ፡ ቶም፡ ትግረይ፡ ሆይ፡ እግል፡ መ  
 ምብሀ፡ ብልዒቱ፡ ምን፡ ክልኦ፡ መምብሀ፡ ለክልፍ፡ ወገብሩ፡ ወድዮ።  
 ደአም፡ ሐቆን፡ ለትግረይ፡ እግል፡ መምብሀ፡ ብልዒቱ፡ ምን፡ ፈድዮ፡  
 እለ፡ ግብርነት፡ እለ፡ እብ፡ ደከለት፡ ቤት፡ አብ፡ ትተርፍ፡ ምን። ሽማ  
 ገሌይ፡ ቀጢን፡ ላተ፡ እንዶ፡ አክለፊዩ፡ ለገብር፡ አለብ። ሽማገሌይ፡

\* በሀለት፡ ምን፡ ሀርመይ፡ ለልትባላዕ፡ ኢቅጽር፡ ማል፡ ቱ።  
 \*\* በሀለት፡ ዕሰራት፡ ያይ፡ ለትዘመተት፡ ወእግል፡ ቡም፡ ሌጠ፡ ለትትሀሆብ፡ ቱ።  
 \*\*\* መደሀነት፡ በማን፡ (፮)፡ ቀበት፡ ተመልእ። ሐቱ፡ ቀበት፡ ሆይ፡ ዩ፡ ሊትር፡ ጠ  
 ላን፡ ትፈግር።

ብዙህ፡ ተሰጥጦ፡ ወተረጎሙ፡ ምን፡ ገብአ፡ ደንጎባ፡ አክል-አክል፡ እግል፡ ለትግረዮም፡ ለዘቤ።

ጧ፡ ውላድ፡ መሐሪ፡ ዕቅባዝጊ፡ ወአበዛዝጊ፡ ወነዋዝጊ፡ ቶም፡ ነዋዝጊ፡ ውላድ፡ ምን፡ ኢረክብ፡ ሐው፡ ወርሰም፡ ወአበዛዝጊ፡ ፍልቅ፡ ቤት-አበዛ፡ ፈረ። ዕልብ፡ ተርፉ፡ ምን፡ አብ፡ ዲብ፡ ወል፡ አሊ፡ ተ። አበዛዝጊ፡ — ሀብስላሴ፡ — ሹም-አበዛ፡ — ደርመ-ሽ፡ — መቃዝጊ፡ — አቶ፡ [ወየጊን፡ ወረድኢ፡ ወሹም-አበዛ፡ ወገናድ፡ ወሐይሌስ፡] — ዘማት፡ — ሽንጉል፡ [ወዘርኢት፡ ወሀብስላሴ፡ ወጸብር፡] — ሕመድ፡ — ሽንጉል፡ [ወዕቅቤስ፡ ወድሌስ፡] — ባይረይ፡ [ወአቶ፡] — ማይረይ፡ [ወነበረይ፡] — ጀሚል፡ [ወዘማት፡ ወገቢል፡] — ስልጣን፡ [ወአስፈደይ፡ ወዘማት፡] — ዐብደል-ሹክ፡ [ወአብ፡ ጥምቀት፡ ኤፍሬም፡ ለትሰመ፡ ሕመድ፡ ወአስፈደይ፡] ወልደ።

ጧ፡ ወሹም-አበዛ፡ ለቀዳም፡ ለስም፡ ለፈርዕ፡ ቤት-አበዛ፡ ምኑ፡ ተ። ወሰብ፡ ቤት-አበዛ፡ በዝሐው፡ ወደቀበው፡ ወድጌሆም፡ እት፡ ገለብ፡ ወደው። ደአም፡ ምስል፡ ፍልቅ፡ ዕቅባዝጊ፡ ፍቲ፡ ወመራደየት፡ ኢዐለት፡ አሎም። — እግል፡ ጋሸዮም፡ ሆይ፡ አብ፡ አኩይ፡ ልትቃርሕም፡ ክም፡ ዐለው፡ ልብሉ። እት፡ ኬለቦም፡ ሕፍረት፡ ቆሪ፡ እንደ፡ ሐፍረው፡ እግል፡ መአስ፡ እት፡ ለሐቲ፡ ቃረቲ፡ እት፡ ስም፡ ለሕፍረት፡ እት፡ ምትድ፡ አሱር፡ ወእት፡ አፍ፡ ለሕፍረት፡ መዳድ፡ ዐለው። ከለጋሸይ፡ ክም፡ መጽአ፡ ሀቶም፡ "አትሊ፡ መአስ፡ ትገሴ። ልብሉ። ወለሀይ፡ ክም፡ ትገሰ፡ እቲ፡ እት፡ ለሕፍረት፡ ልትሀንፈ፡ ወአካነ፡ ትገብአ። አባዮም፡ ጋሸይ፡ እት፡ እንቲ፡ ምን፡ መጽአም፡ ክእና፡ ወድም፡ ዐለው። ወክእና፡ ለትመስል፡ ሕፍረት፡ እት፡ ገብሩ-ገበና፡ እት፡ ፍንጌ፡ ጮመራት፡ ወገድማይ፡ አዜመ፡ ሀሌት። — እምበልሀ፡ ሆይ፡ ብዙህ፡ ግሉላም፡ ክም፡ ቶም፡ ልትሀደግ፡ ሀለ። ክእና፡ ገድም፡ አብ፡ ጎማት፡ ወድ፡ ወለቶም፡ ቅርንብ፡ ሽጊርም፡ እግል፡ ለልጹሕ፡ እንደ፡ ቤለው፡ እት፡ ክየድ፡ ወድናሆም፡ እሳት፡ ወደው፡ እቲ፡ ከጨበል፡ ሌጠ፡ ተርፈ፡ አሎም። — ወሐቲ፡ ዶል፡ አርባዕ፡ ቀርበት፡ መዐርመ፡ እት፡ ሻኮት፡ ለልውሕዝ፡ መሐዝ፡ እንደ፡ በተዐወን፡ ለማይ፡ ምን፡ ኢጠዐመ፡ ተዐጀበው። — ወሐቲ፡ ዶል፡ አቅሕማ፡

እት፡ እክል፡ ወድናሆም፡ ምን፡ መጽአት፡ እብ፡ ሐጹር፡ ገበያ፡ ደብአው። — ምርቶም፡ ሆይ፡ ሰሳ፡ ቅርሽ፡ እግል፡ ሊጹር፡ ክም፡ አዘዘም፡ ብዙህ፡ ክቡድ፡ እንደ፡ አምሰለ፡ አድግ፡ ማ፡ ብዕራይ፡ ሐዘ፡ እቲ። ሐር፡ አሲት፡ ለአቅሩሽ፡ ምን፡ ዐለበት፡ አሉ፡ አብ፡ ቅሉ፡ እንደ፡ ተዐጀብ፡ ናሱ፡ ጸረዩ። — ሐርመ፡ እሲቲ፡ ክም፡ ወልደት፡ እናስ፡ "ብሽራቲ፡ ሕጻን፡ ትወለድ፡ እልከ። ምን፡ ቤሎ፡ ሰልፍ፡ ፈርሐ፡ ሐር፡ ላተ፡ ንኡሸይ፡ ወአንጃብ፡ አለብ፡ ክም፡ ረአዩ፡ ገሀ፡ ወደንገጸ። — ሆይ፡ ሀብይ፡ እብ፡ ውላዳ፡ እት፡ ትገይስ፡ ምን፡ ረአ፡ ክም፡ ገዘት፡ አምሰለ፡ ከ፡ "ፍጡር፡ ምድሩ፡ ኢልሕደግ። እንደ፡ ቤለ፡ ገርሀቲ፡ እብ፡ ማሻላሃ፡ ሐድገ፡ ወዐዳ፡ ጌሰ፡ ወሐር፡ ገርሀቲ፡ እብ፡ ለሀብይ፡ ትበለዐት። ወበዐል፡ እለን፡ ሰለስ፡ ወልዳ፡ አስክ፡ አዜ፡ ለሀለ፡ ሀብቲ፡ ስ፡ ወድ፡ ገብራስ፡ ተ።

ጧ፡ ውላድ፡ ዕቅባዝጊ፡ ሆይ፡ አብርሃ፡ ወእሽሐቀን፡ ወአብገለይ፡ ቶም፡ ወክል፡ ምኖም፡ እብ፡ ዐዳ፡ ወዳሩ፡ እንደ፡ ገአ፡ ተርፎም፡ እብ፡ ስም-ስሞም፡ ቤት-አብርሃ፡ ወቤት-እሽሐቀን፡ ወቤት-አብገለይ፡ ትሰመ።

ጧ፡ ቤት-አብገለይ፡ ሰልፍ፡ እንደ፡ በዝሐት፡ ሐር፡ እት፡ ለድግም፡ ክም፡ ለልትርኤ፡ ምን፡ በደት፡ ወሐውነት፡ ወእት፡ ክልኤ፡ ለቤት፡ ሐዋ፡ ምን፡ ትከፈለት፡ ስም፡ ፈርዖም፡ ተርፈት። ወአዜ፡ ሰብኡ፡ ምን፡ ሐደ፡ ሽማገሌ፡ ቀጣይን፡ እንደ፡ ገብአው፡ ሀለው። ወዕልብ፡ እት፡ ቤት-አብርሃ፡ ለተርፈው፡ ውላድ፡ ዋልዲሆም፡ አሊ፡ ተ። አብገለይ፡ — እንደይ፡ — ተስፋላሴ፡ — መንታይ፡ — ክፍላይ፡ — ዳር፡ — መንታይ፡ — እብ፡ ጥምቀት፡ ዳንኤል፡ ለትሰመ፡ ክፍላይ፡ ወልደ።

ጧ፡ ገድም፡ ስም፡ ቤት-አብገለይ፡ ክም፡ ሐውነት፡ ወለተርፈይ፡ እት፡ ክልኡት፡ ዐድ፡ ክም፡ ትፈናተይ፡ መንሳዕ፡ እብ፡ ቤት-አብርሃ፡ ወቤት-እሽሐቀን፡ እንደ፡ ትበሀለት፡ ትትሰሜ፡ ሀሌት። ደአም፡ አስክ፡ ለመትፈናተየን፡ ድግመን፡ ምስል፡ ሀለ።

ጧ፡ ውላድ፡ አብርሃ፡ ስረቁ-ሽንገብ፡ ወበሀይማኖት፡ ቶም፡ ከበሀይማኖት፡ — አብርሃ-ቀይሕ፡ — አልመዳይ፡ — ሀብተን፡ — በሀይማኖት፡ — አልመዳይ፡ — ሀብተን፡

— ነበረደ: — ሐይምኬል: — ዐበካ: — ዐምዴስ: — ድሩይ: — ዐምዴስ: ወልደ: ሰብአም: አብርሃ-ቀይሕ: ትበሀለው። ደአም: ምን: ሐወነው: ክምሰል: ሽማገሌ: ቀጣይን: እት: ዐድ: ሐዎም: ትፈንጠረው።

፴፱: ወውላድ: ሰረቁ-ሸንገብ: ዳሞተይ: ሐፈሮም: ወለዋይ: ቶም: ዳሞተይ: ምንመ: ወድ: ፍት: ወወድ: ሔማገብአ: ምን: ገለለ: ፍት: ሐዎን ነስአ: ወሐርመ: ለተርፉ: ክም: ሐድ: ወሐወነ: ሽማገሌ: ቀጣይን: ገብአ: ዕልብ: ተርፉዲ: አሊ: ቱ፤ ዳሞተይ: — — — በልዋይ: — ምርካብ: — መንደር: ወልደ: ወአሊ: እናስ: ለደንገባሆም: ሐር: ምስል: ለንትገሌብ: ዐድ-ገብሬስ: ዕሉብ: ቱ።

፵: ሐፈሮም: ወለዋይ: ላተ: እብ: ተርፎም: ዐበው: ወበገሐው። ሰበት: አሊ: ሆይ: ብዙሕ: እንደይ: ከልአ: ለዐባይ: አርባዕ: ፈረዕ: ቤት-አብርሃ: ለልተሰመውቦም: ወላድ: ምን: ተርፎም: ትወለደው። ገድም: እብ: ሐፈሮም: ምር: ዐድ: ትሰመ። ወምን: ወላድ: ለዋይ: ለትዋለደው: ከራ: ገብሬስ: ወዳይለይ: ወቡላ: ሰለስ: ዐድ: ትሰመው። ወአዜ: ገድም: ዕልብ: ለአብዕቦታቶም: ነዕልብ።

፵፩: ለዋይ: ሐሸላ: [ወግዕዳይ: ወመሐሪ: ወአቢብ:] ወልደ: ወሐሸላ: ዐንደሎይ: ወልደ: ወዐንደሎይ: ገብሬስ: [ወዳይለይ: ወዐምዴስ:] ወልደ: ወዐምዴስ: አዜ: ሰለስ: እናስ: ሌጠ: ሀለው: ምን: ገብሬስ: ወዳይለይ: ላተ: ተርፉ: ዐድ-ገብሬስ: ወዐድ-ዳይለይ: እንደ: ትሰመ: ክል: ምኖም: እብ: ዐዳ: ወእብ: ስመ: ገአ።

፵፪: ገብሬስ: ሆይ: — ተስፋ-ምኬል: [ወአዳ: ወትማርያም:] — ገብሬስ: — ተስፋ-ምኬል: [ወሐመድ: ወመስመር: ወአስፈደይ:] — እድሪስ: [ወሐሻል: ወሰመረ:] — ከንቲባይ: ቲድሮስ: [ወተክሌስ: ወኤሎስ: ወገላይድስ: ወገርጊስ:] — [አስገድም: ወ] ከንቲባይ: ብእምነት: — ኖር: [ወተስፋ-ምኬል: ናይር: ዐሊ-ኖር: አስገድም: አልመድም: ዐሊ-ሹክ: ዕመር: መሐመድ-ዐሊ: ወመሐመድ-ኖር:] — እዙዝ: — መሐመድ: — ፍካክ: ወልደ: — ወተክሌስ: ወድ: እድሪስ: — ሀብቴስ: [ወይበቲት:]

— ከንቲባይ: ነጋሲ: [ወአዛዚ:] — ሐደምበስ: [ወግሬነት: ወእብ: ጥምቀት: ናትናኤል: ለትሰመ: ተክሌስ:] ወልደ: ወአዛዚ: ወድ: ሀብቴስ: — ገንደር: [ወሀብቴስ:] — ሀብተ-ገርጊስ: ወልደ: — ወኤሎስ: ወድ: እድሪስ: ሆይ: — መሐመድ: [ወልጃጅ:] — እያሱ: [ወገላይድስ:] ወልደ: ወልጃጅ: ድራር: [ወረካ: ወልጃጅ: ወመሐመድ-ዐሊ:] ወልደ:

፵፫: ወዳይለይመ: እብ: እንክፋ: — ሰመረ-ልዑል: [ወተስፋ-ጮን:] — የሐንስ: [ተስፋ-ሐንስ: ወአሚር:] — እሽሐቅ: [ተስፋ-ገርጊስ: ወበሐይለይ:] — ለዋይ: [ወሐፈሮም:] — ፍካክ: — ዕቅባ-ገርጊስ: — ለዋይ: [ወዳምር:] ወልደ: ወአሚር: ወድ: ሰመረ-ልዑል: ሆይ: — መዲን: [ወከቢን: ወገቢል:] — አሚር: [ወድሩይ: ወተስፋ-ምኬል: ወሰመረ:] — ዐንደሎይ: — እድሪስ: [ወእብ: ጥምቀት: ዮናስ: ለትሰመ: መዲን:] ወልደ: — ወተስፋ-ጮን: ወድ: ዳይለይ: — ሐሸላ: [ወዳይለይ: ወየጊን:] — ተስፋ-ጮን: — ሐሸላ: [ወሐይሌስ: ወቴድሮስ: ወረድኢ: ወዕቅቤስ:] — እይረስዕ: [ወዳር-ሰልሕ: ወንታባይ:] — ተስፋ-ጮን: [ወኖር:] — ፍካክ: [ወእብ: ጥምቀት: ፍልጳስ: ለትሰመ: ዐሊ:] — እይረስዕ: ወልደ: ወዳይለይ: ወድ: ተስፋ-ጮን: — ተክሌስ: [ወግብጣን: ወዕጄል: ወናሽሕ:] — መሳ: — ልባብ: — ዐቤ: — ንሱር: [ወእብ: ጥምቀት: የሐንስ: ለትሰመ: ሐጂ: ወበኪት: ወሐምድ: ወመሳ:] ወልደ: ወዕጄል: ወድ: ዳይለይ: — መንደር: [ወዳይለይ: ወአድግ: ወፍዴል:] — እያሱ: — ኖር: ወልደ: ወዳይለይ: ወድ: ዕጄል: — ሐሳማ: [ወእብ: ጥምቀት: ፍልጳስ: ለትሰመ: ዳይር:] — መሐመድ: ወልደ: ወፍልጳስ: ወድ: ዳይለይ: — ገብረ-ጸድቅ: [ወሰለሙን:] ወልደ: ወፍዴል: ወድ: ዕጄል: — አዛዝ: [ወሀዳይ:] — እብ: ጥምቀት: ዳዊት: አማኑኤል: ለትሰመ: ጃውጅ: ወልደ: ወሀዳይ: — እብ: ጥምቀት: አልአዛር: ለትሰመ: መሐመድ: — ኤልያስ: [ወኤልሳእ:] ወልደ: — የጊን: ወድ: ተስፋ-ጮን: ሆይ: — ዐገባ: [ወወርዕ-ሰብ:] — ጆሃድ: — ክፍለ-ገርጊስ: — አስፈደይ: — ዳፍላ: ወልደ: ወወርዕ-

ሰብ፡ — ህብቱስ፡ — ወርሶ-ሰብ፡ — ጅምቦ፡ [ወፍክክ፡  
ወገላይዶስ፡ ወሀዳድ፡ ወህብቱስ፡ ወኛውጅ፡ ወምክኤል፡] ወልደ።

ጭ። ወግዕዳድ፡ ወድ፡ ለዋይ፡ ሀዬ፡ ፈረሱ፡ በኑ፡ ፈረ፡ ወ  
ዐድ-ቡላ፡ ትሰመ። ገድም፡ ግዕዳድ፡ — ስብሐለብ፡ [ወመ  
ነቅመ፡] — ተስፋ-ልዑል፡ — ቡላ፡ — ትራጅ፡ [ወትጃር፡  
ወጀሃድ፡] — ቡላ፡ — ዕቲል፡ — ትራጅ፡ — ዕቲል፡ —  
ትራጅ፡ [ወፍዴል፡ ወእብ፡ ጥምቀት፡ ኡብርሃም፡ ለትሰመ፡ ጅምቦ፡]  
— አያሱ፡ ወልደ።

ጭ። መሓሪ፡ ወአቢብ፡ ለሓርያም፡ ውላድ፡ ለዋይ፡ ተር  
ሮም፡ ሐደ። ውላድ፡ መሓሪ፡ ምስል፡ ዐድ-ቡላ፡ ተዐለበው፡  
ወውላድ፡ አቢብ፡ ምስል፡ ዐድ-ገብሬስ፡ ተዐለበው። ዕልብ  
አብሰታቶም፡ እሊ፡ ቱ። መሓሪ፡ — ሓምድ፡ — ተክሌስ፡  
— የሐንስ፡ — ገንደር፡ — ሓምድ፡ — መሐመድ፡ ወል  
ደ። ወአቢብ፡ — ሹም-ሐደጌ፡ — አቢብ፡ — ሰዐሬ፡  
— ጸውረይ፡ — ሐይምኤል፡ — መሐመድ፡ ወልደ።

ጭ። ከአዜ፡ ገድም፡ እት፡ ሐፈሮም፡ ወድ፡ ሰረቁ-ሸንገብ፡  
ነቀብል። ውላድ፡ ሐፈሮም፡ ሀዬ፡ ካምል፡ ወአስመዔ፡ ቶም።  
ወዕልብ፡ ተርፍ፡ አስመዔ፡ እሊ፡ ቱ። አስመዔ፡ — የዐቆብ፡  
— ባይረይ፡ [ወሐይሎም፡] — ትምክኤል፡ [ወየጊን፡ ወአቢብ፡]  
— እሸሐቅ፡ — ትማርያም፡ [ወትምክኤል፡ ወዘርአት፡] —  
እሸሐቅ፡ — ትማርያም፡ — እሸሐቅ፡ ወልደ። ትምክ  
ኤል፡ ወድ፡ እሸሐቅ፡ ለቀዳም፡ — ዕቅባምኤል፡ [ወክፍል፡]  
— ሐይምኤል፡ [ወገብርምኤል] — ህብተ-ገርጊስ፡ [ወዕቅባም  
ኤል፡] ወልደ፡ ወገብርምኤል፡ ወድ፡ ዕቅባምኤል፡ — ህብ  
ስላሴ፡ — ሐምደ፡ ወልደ፡ ወክፍል፡ ወድ፡ ትምክኤል፡ ለ  
ካልኦ፡ — ባይረይ፡ — መሐመድ፡ [ወእብ፡ ጥምቀት፡ ኤርምያስ፡  
ለትሰመ፡ መሐመድ፡ ወትምክኤል፡ ወእድሪስ፡ ወኖር፡] ወልደ። ዘር  
አት፡ ወድ፡ እሸሐቅ፡ መንታይ፡ ወልደ። — ወሐይሎም፡  
ወድ፡ የዐቆብ፡ ሀዬ፡ — ሰመረ-አብ፡ — ተክለ-አብ፡ —  
ገብሬስ፡ — ናይር፡ — ከልብ፡ — አቶሽም፡ — ዐይበ  
ቶ፡ — አብርሃ፡ [ወገብረ-መስቀል፡ ወዘወልዲ፡] — ገረማር  
ያም፡ ወልደ።

ጭ። ወካምል፡ ገድም፡ ውላዳ፡ አፍታይ፡ [ወግልክ፡] ቶም።  
ወእብ፡ ነይ፡ እሊ፡ ግልክ፡ ወልዳ፡ ድብሎይ ክም፡ ቱ፡ ነአምር፡  
ሌጠ፡ ደኢኮን፡ ሐቆህ፡ ተርፋ፡ ዳይላም፡ ኢሀሌና። እብ፡ ነይ፡ አፍ  
ታይ፡ ላተ፡ ለተርፋ፡ እሙር፡ ወዕልብ፡ እሊ፡ ቱ። አፍታይ፡ —  
ከንቲባይ፡ ዕቅባምኤል፡ — ህብስላሴ፡ [ወደሲት፡ ወሕኒት፡  
ወተስፋላሴ፡] — ትምክኤል፡ ወልደ።

ጭ። ሐር፡ እግል፡ ንዳግምባ፡ ለሀሌት፡ እልና፡ ክንትብነት፡  
[ቤት-አብርሃ፡] ሰልፍ፡ እብሊ፡ ዕቅባምኤል፡ አምበተት። ደ  
አም፡ ክም፡ ለለስትሀል፡ ህብስላሴ፡ እግል፡ ልሸየም፡ እት፡ በ፡ ሀቲ፡ ቀ  
ደም፡ አቡሀ፡ ሞተ። ወሐርመ፡ ትምክኤል፡ ወልዳ፡ ምን፡ ነአሸ፡  
ደሲት፡ ሐ፡ አቡሀ፡ ትሸየመ፡ ምን። ወእሊ፡ ደሲት፡ ተክስላሴ፡  
[ወነበረይ፡ ወሀመጀይ፡] ወልደ፡ ወተክስላሴ፡ ሐዉ፡ ወርሰም። ከ  
ነበረይ፡ — ፍዴል፡ — ህብቱስ፡ [ወናይር፡ ወኖር፡] — ድ  
ሩይ፡ — መሐመድ፡ ወልደ። ወሀመጀይ፡ — እድሪስ፡ —  
እሸሐቅ፡ — ገብሬስ፡ — ሐመድ-ኬር፡ [ወመስመር፡ ወገንደር፡  
ወመንደር፡] — እብ፡ ጥምቀት፡ እስጢፋኖስ፡ ለትሰመ፡ መን  
ደር፡ [ወገብሬስ፡] ወልደ።

ጭ። ሕኒት፡ ሀዬ፡ ተርፋ፡ እሊ፡ ቱ። ሕኒት፡ — ጨዳቅ፡  
— ሐፈሮም፡ [ወሕኒት፡] — ተስፋጮን፡ [ወጉጉይ፡] — ሐ  
ፈሮም፡ — ፍካክ፡ [ወሀዳድ፡ ወተስፋጮን፡] ወልደ፡ ወተርፍ፡  
እሎም፡ ሓርያም፡ በደ። ጉጉይ፡ ወድ፡ ሐፈሮም፡ ላተ፡ — ተክ  
ሌስ፡ [ወናሽሕ፡ ወብእምነት፡ ወመሐመድ፡] — እክድ፡ ወልደ።  
ወናሽሕ፡ እግል፡ ሐመድ፡ ወብእምነት፡ እግል፡ እድሪስ፡  
ወልደ፡ ወእሎም፡ ክልአት፡ አዜመ፡ ሀለው። — ወሕኒት፡ ወድ፡  
ጨዳቅ፡ — ሰረቁ፡ — ገብር-ረቢ፡ ወልደ፡ ወእሊ፡ እምበል፡  
ተርፍ፡ ሞተ።

ጭ። ተስፋላሴ፡ ወድ፡ ደንጎባ፡ ለውላድ፡ ዕቅባምኤል፡  
ሀዬ፡ — ገረማርያም፡ — መስመር፡ [ወሰምሬ፡ ወሰምረ፡] — ሰ  
ነዳር፡ [ወመንደር፡ ወገንደር፡] — ዐብዳ፡ — አልገዴነይ፡ ወል  
ደ። ወመንደር፡ ወድ፡ መስመር፡ ለቀዳም፡ ሀዬ፡ — መስመር፡  
— እድሪስ፡ [ወገብሽ፡ ወመፍለስ፡] — ሳልሕ፡ [ወበኪት፡ ወግ  
ዳር፡] ወልደ፡ ገብሽመ፡ ወድ፡ መስመር፡ — መስመር፡ [ወመሐ  
መድ፡ ለትሰመ፡ መፍለስ፡] ወልደ። ወገንደርመ፡ ወድ፡ መስ



መር: ለቀዳም: — ሀብቴስ: — በኪት: [ወሸልሸል] ወልደ: — ሰምራ: ወድ: ገረማርያም: ሆይ: — ገረማርያም: — ሰምራ: — ገረማርያም: — ዐቤ: [ወሰምራ:] ወልደ: — ወሰመረ: ወድ: ገረማርያም: — ጅቡል: — ሕኖሽም: — ጅቡል: — መሐመድ: ወልደ:

፶፩: ወአዜ: ገድም: እት: ደንጎባ: ዕልብ: ተርፍ: ትምክኤል: ወድ: ሀብስላሴ: እብ: ተርሀ: እሊ: ቱ: ትምክኤል: — ሀብስላሴ: — ትምክኤል: — ገብሬስ: — ተስፋምኬል: — አፍታይ: [ወካምል: ወሐርሾይ: ወገብሬስ: ወየጊን:] ወልደ: ካምል: ወገብሬስ: ሐምም: ወርሰምም: — ሐርሾይ: ወድ: ተስፋምኬል: ላተ: — ደስላሴ: [ወገብሬስ: ወሀብስላሴ:] — መሐመድ: [ወሕመድ:] — ሕመድ-ኖር: [ወሐምድ-ኖር:] ወልደ: — የጊን: ወድ: ተስፋምኬል: — ደሲት: [ወአብሰላብ: ወሀያብ:] — አሚር: [ወቴድሮስ:] — ጀሚል: [ወአብራሂም: ወደሲት: ወየጊን:] ወልደ: ወቴድሮስ: ግሬነት: ሌጠ: ዋልድ: ቱ: ወአብሰላብ: ወድ: የጊን: — ካምል: [ወትምክኤል: ወፍካክ: ወአሸሐቅ: ወእዛዝ: ወሀዳድ:] — ገብሬስ: [ወአብሰላብ:] — እድሪስ: [ወካምል:] ወልደ: ወሀያብ: ወድ: የጊን: — ዕመር: [ወየጊን: ወመሐመድ: ወጃውጅ: ወእክድ:] — እድሪስ: [ወዐሊ:] ወልደ: — አፍታይ: ወድ: ተስፋምኬል: ሆይ: [ትማርያም: ወ] ተስፋምኬል: ወልደ: ትማርያም: ንኡሽ: እት: እንቱ: ሞተ: ተስፋምኬል: ላተ: አፍታይ: [ወብእምነት:] ወልደ: እግል: እሊ: ብእምነት: ከራይ: ኦቤ: ቀትሶቶ: ወአፍታይ: [ልጃም: ወእያሱ: ወ] ተስፋምኬል: [ወብእምነት:] ወልደ: ልጃም: እመ: ሰልፍ: ምን: ኢተሐጺት: ሀቱ: ምንመ: ቀደም: ትወለደ: ፍጎ: አለቡ: ወእያሱ: መ: ተርፍ: እንደይ: ሐድግ: ምን: ሞተ: ለዕብነት: እት: ተስፋምኬል: በጽሐት: ከውላድ: ልጃም: እድሪስ: [ወሐምድ: ወጅምዕ: ወሐጂ: ወመሐመድ:] ቶም: ወውላድ: ብእምነት: አፍታይ: [ወእያሱ: ወአስፈደይ: ወሐሳማ:] ቶም: ወደንጎባ: ወላድ: ለአዜ: ሽዩም: ለሀሊ: ከንቴባይ: ተስፋምኬል: ከራ: ዕቅባምኬል: [ወትማርያም:] ቶም:

\* እሊ: እት: ልትባተባይ: ጸንሐ፣ ደገሳ: እት: ሣመታ: — 19218: — ሞተ:

2: መዋዲት: ለክልኤ: መንሳዕ: ቀደም: መትፈናተየን:

፶፪: አዜ: ገድም: ዕልብ: ለአብዕቦታት: ወለዘይድ: ለነይ: ቤት-አብርሃ: ሐቆ: ተዐለብ: ምን: ውላድ: ሰረቁ-ሸንገብ: እንደ: አምበትና: አብ: ተርተራ: ድግሞም: እንዳግም: እም: ዳሞተይ: ወድ: ሰረቁ-ሸንገብ: ቤት-ዘርኡተይት: ወጽንዕት: ወሔማ: ክም: ተ: ወእም: ሐፈሮም: ወለዋይ: ለሐወ: ላተ: ገርዐንተይት: ወትግረይት: ክም: ተ: ልብሎ: ወእለ: ገርዐንተይት: ሰልፍ: እሲት: ወሬዛ: ሰረቁ-ሸንገብ: ለአብሆም: ዐለት: ሐር: ለወሬዛሀ: ውላድ: እንደ: ወልደ: እታ: ምን: ሞተ: ምና: ሰረቁ-ሸንገብ: ለውላድ: እግል: ኢለብኬ: እንደ: ቤለ: ለእሞም: ሀደ: ወሀቱ: ሆይ: ሐፈሮም: ወለዋይ: ወልደ: እታ: ደአም: እም: ዳሞተይ: "ዲብ: ሚ: ጸመር: ሀደ: እቹ:" እንደ: ትቤ: እግል: ብእሳ: ሐሜቶ: ከለገርዐንተይት: እግል: ትቀተል: እንደ: ትቤ: እት: ስልቃ: ስም: ወዴት: ወ"ምን: ትጸምኢ: እሊ: ስተይ:" እንደ: ትቤ: አመታ: ለአከትብ: እታ: ለገርዐንተይት: ሆይ: ስልቃ: እት: ቤታ: ምን: ጸንሐ: እላ: እግል: ለአመት: ለዘርኡተይት: "አና: ምን: ቤቹመ: ሚ: ኢእሰቴ: እሊ: ስልቃ: እሊ: ሚ: እግል: ኢደዮ: ቱ: ቴላ: ከለአመት: ለዘርኡተይት: ሆይ: "ምንመ: ኢትጸምኢ: እግል: ጽመ-እ: ተሀዩብ: ቴላ: ከከሬቶ: ሐቆሃ: ለሽማገለይት: እብ: ልባ: "ሚ: ዶል: ትመይት: ምንዬ:" እንደ: ትቤ: ተተንስዮ: ዐለት: ወሐር: እንደ: ትሰክብ: ዐለት: ክም: ቀንጸት: ወክርን: ሞት: ክም: ኢስምዐት: እታ: "እላ: ሞተት: ሚ: ቡ:" ትቤ: ወሐር: ክም: ጸምአት: ወስልቃሃ: ምን: ትከለሰ: እግል: ለአመታ: "እግል: ለተካሊት: 'አስቴኒ: ቤላ: እት: ትብል: ዲብ: ለገርዐንተይት: ለአከታ: ሀታ: ሆይ: ለምን: ለአባይታ: ለመጽአያ: ስልቃ: ምን: ልባ: እንደ: በደ: ምን: ነይ: ናሳ: እግል: ትጅቀፍ: ሐዜት: ደአም: ለአመታ: ሞ: ይማ: ላመ: ነያ: ሀሊ: ቱ: እሊ: ሂባ: ቴላ: ሀታ: ሆይ: "አማንኪ: ቱ: እንደ: ትቤ: እሊ: ነድአት: ዲባ: ወለዘርኡተይት: ክም: ሰቴቶ: ሆይ: ለገርዐንተይት: ቀትለተኒ:" ትቤ: ከሞተት: ብእስን: ሆይ: "እለ: ገርዐንተይት: ቀትለታ:" እንደ: ቤለ: ቤት: አብሀ: አከብ: ሀታ: ሆይ: እግል: ትትሸነቅ: እት: መሐበር: ክም: በጥረት: "ኢትፋኑኒ:" ትቤ: ወቤት: አብ: "ትፋኑይ: ከመ: ቴላ: ሀታ: ሆይ: "አና: ቃትለታ: ምን: እገብኢ: ተርፍቶ: እብ: ተርፋ: ልሰአል: ወሀታ:

ሕዚት፡ እቺ፡ ምን፡ ተሀሌ፡ ተርፋ፡ እብ፡ ተርፍዬ፡ ልሰአል። ከእብ፡ ድርብ፡ ክም፡ ሞተት፡ ሰምዓቺ፡ ለአመቺ፡ ወለአመታ፡ ተን። ትቤ። ቤት፡ አብ፡ ሀዩ፡ ክልኤ፡ ለአመት፡ እንደ፡ አተምጸአት፡ ምን፡ አስመ ዐተን፤ ምህርቲ-ታይት-ዲ፡ እብ፡ ስልታ፡ ኖሳ፡ ሞተት። ቤለደ፡ ከሰም ዐይ። — ሐቆሃ፡ እግል፡ ለገርዐንተይት፤ ምእት፡ ቤትኪ፡ አቅብሊ። እንደ፡ ቤለው፡ ፈርደው፡ ከጠለቀዎ፡ ወገድም፡ ሀታ፡ ክልኤ፡ ለቤት፡ ጸብጠት፡ ወብእሳ፡ በሐተት።

ሃ፤፡ ወሐር፡ ሰረቁ - ሸንገብ፡ ክም፡ ሞተ፡ ውላዳ፡ ዳር፡ አቡሆም፡ እግል፡ ልክፈሎ፡ እት፡ ሕድ፡ ሸአገው። ከለደል፡ ሐፈሮም፡ ወለዋይ፡ እግል፡ ዳሞተይ፡ እንደ፡ አትጋለለም፡ ሀቱ፡ እግል፡ ልስመዖም፡ ሰልፍ፡ ሐንተ፡ ዕጨት፡ ጥልት፡ እንደ፡ ትገሰው፡ ኖስኖሶም፡ ክእና፡ ተሀጋገው። ምክክይ፡ ምን፡ እንከፍል፡ እሊ፡ ዳሞተይ፡ ከአፎ፡ እግል፡ ሊደና፡ ገብእ። ቤለ፡ ለምሮቶም፡ ምን፡ አፍሩስ፡ አሽዐለ፡ ወምን፡ ግራህ፡ ብርሕ ቲ፡ ወምን፡ ንዋይ፡ ጸላም፡ ነስእ፡ ገብእ። ቤለ፡ ለካልእ። ምክሐቆ፡ እሊ፡ ነስእ፡ ምንና፡ ሚ፡ እግል፡ ልትረፍ፡ እልና፡ ቱ፡ ጠያ፡ ሐኩ። ቤለ፡ ለቀዳም። ወእለ፡ አሐ፡ ለጸላም፡ ገድብ፡ ወድሚማታት፡ ወሕ ድት፡ ቱ። ወምን፡ ለአፍሩስ፡ አሽዐለ፡ ጌዶ፡ ቱ። ወብርሕቲ፡ ከለል፡ ለግራህ፡ ቱ። እት፡ ፍጎህ፡ እለን፡ ሰለስ፡ ምክሐላት፡ እግል፡ ልንሳኢ ምኖም፡ እንደ፡ ቤለው፡ ክእና፡ አትባደዎ።

ሃ፤፡ ወሐር፡ ዳሞተይ፡ ሀዩ፡ ሰምዖም፡ እንደ፡ ዐለ፡ እት፡ ልት ላከዮም፤ ምንዕና፡ ንዕና፡ እት፡ ለአካንዩ፡ እግል፡ ትትወለዶ፡ ዲብ፡ ሚ፡ ወአቤኩም፡ ገድም፡ ንክፈል። ቤሎም። ከለዋይ፡ ሀዩ፡ እግል፡ ሐ ፈሮም፤ ማይ፡ ሐኩ፡ ምን፡ ኬን፡ ዕጨት፡ ጥልት፡ ኢትሕሚ፡ ለትት በሀል፡ እለ፡ ቱ። አይ፡ ክቲ፡ ሰምዔና። እለ፡ ምን፡ ተሐይስ፡ ረኤክሃ፡ ኢኮን። ቤሎ። ከሀቶም፡ እግል፡ ክፍለት፡ ክም፡ ትገሰው፡ እለ፤ ምኖ ጎከ፡ እንሳኢ። ቤለም። ገድም፡ ዳሞተይ፡ ሰኒ፡ ረከብከ፡ እንደ፡ ቤለ፤ ምን፡ ግራህ፡ ብርሕቲ፡ ወምን፡ አፍሩስ፡ አሽዐለ፡ ወምን፡ ን ዋይ፡ ጸላም፡ ነስክኮ። ቤሎም። ወሀቶም፡ እብ፡ ልቦም፡ ተዐወትና፡ እንደ፡ ቤለው፡ እግል፡ ኢልጠዐስ፡ እቶም፤ ምእለ፡ ቱ፡ ጣይ፡ ሐኩ፡ ለእ ላ፡ እንፈርህ፡ ዐልና፡ መጽአትና። ትብሃለው። ከሀቱ፡ እሊ፡ ፍጎህ፡ ክም፡ ነስክ፡ ሰላሳቶም፡ አክል፡ ሕድ፡ እግል፡ ለተርፈ፡ ከፍለው። ወክል፡ ምኖም፡ እብ፡ ዳሩ፡ ወእብ፡ ማሉ፡ ገብእ።

ሐር፡ ዳሞተይዲ፡ እብ፡ ተርፋ፡ ወእብ፡ ማሉ፡ ረከሱ፡ ተሐት፡

እት፡ ለሐውን፡ ጌሰ፤ ወሐቆ፡ እለ፡ እት፡ ድግም፡ ኢልትንቀም። ደ አም፡ ዎሮ፡ ምን፡ ማል፡ ምግብ፡ እት፡ ሰልፍ፡ ዲብ፡ ለሐሬ፡ እምበል፡ ፈጣነት፡ ለሐዋን፡ ገርዛ፡ ምን፡ ረፍዕ፤ ምክም፡ ፍን፡ ዳሞተይ፡ አፎ፡ ከ ለል፡ ነስክ። ልብሎ። ወአይ፡ ምን፡ ተርፋ፡ ለሀለው፡ ሐዳም፡ ክም፡ ሽማግሌ፡ ቀጣይን፡ እብ፡ ክትል፡ ነብሮ።

ሃ፤፡ ሐፈሮም፡ ወለዋይ፡ ላተ፡ ክል፡ ምኖም፡ ምን፡ ንዋይ፡ ሐረ ቱ፡ መልክ። ደአም፡ ሐፈሮም፡ በዐል፡ ድጌ፡ ምን፡ ገክ፡ ንዋይ፡ ሐደ፡ ወሸለሐ። ንዋይ፡ ለዋይ፡ ላተ፡ በዐሉ፡ ምን፡ ረዐዩ፡ በዝሐ፡ ወትረሸደ። ወሐር፡ ሐፈሮም፡ እንደ፡ እት፡ ድጌ፡ ነብር፡ ነብር፡ ሐቲ፡ ምዕል፡ እት፡ ንዋይ፡ ዔረ። ወክም፡ መጽኦ፡ ንዋይ፡ ብዙሕ፡ ወርሹድ፡ ምን፡ ረክ፡ ነዩ፡ እንደ፡ አምሰለ፡ ኮሩ፡ እቲ፡ አትዐደ፡ ለዋይ፡ ላተ፡ እንደ፡ ትከበተ ዩ፤ ምክም፡ አሐከ፡ ሎሀይ፡ ቱ። ቤሎ። ወለንዋይ፡ ለሀይ፡ ሽሉሕ፡ ወ ሐድ፡ ጸንሐ። ሐፈሮም፡ ለንዋይ፡ ለዋይ፡ ብዙሕ፡ ወርሹድ፡ ክም፡ ቱ፡ ምን፡ ረክ፡ እግል፡ ለዋይ፤ ምክና፡ በዐል፡ ድጌ፡ ምን፡ ገክኮ፡ እን ደ፡ ሰመድከኒ፡ ለንዋይ፡ ዲብከ፡ አድርከህ፡ ደኢኮን፡ ንዋይዲ፡ እሊ፡ ርሹድ፡ ቱ። ቤሎ። ለዋይ፡ ሀዩ፤ ምክም፡ ኢኮን፡ እንተ፡ ከለነይኮ፡ እቺ፡ አዳራ፡ ወለነዩ፡ እንተ፡ እንስኦ። ቤሎ። ገድም፡ ለዋይ፡ ምን፡ አይ፡ ለሽሉሕ፡ ወለሐድ፡ ነስክ፡ ሐር፡ በዝሐ፡ ወትረሸደ፡ እሉ። ደአም፡ ሐፈሮም፡ እሊ፡ ሀዩ፡ ክም፡ ረክ፡ ክምሰል፡ ለነይ፡ በዲር፡ ካልእ፡ ወ ሳልስመ፡ ዶል፡ እት፡ ኖሱ፡ ለንዋይ፡ በዳደለ፡ ምን። ሐቆ፡ እለ፡ ሐፈ ሮም፡ እግል፡ ለዋይ፤ ምክም፡ ወንጌልከ፡ አፈርህ፡ እብ፡ ንዋይከ፡ እም በር። ቤሎ፡ ከአዝመ፡ ምን።

ሃ፤፡ እብ፡ ለዘበን፡ ለሀይ፡ ሰብ፡ ቤት - አበዛ፡ ድጌሆም፡ እት፡ ገለብ፡ ዋይዳም፡ እት፡ እንቶም፡ ምስል፡ ሐፈሮም፡ ወለዋይ፡ ልትበአሶ፡ ወልትጋደቦ፡ ዐለው። ወሐድ፡ ለበአሶም፡ ቤት-አበዛ፡ ክልኤ ዶል፡ አዝመተቶም።

ሃ፤፡ ገድም፡ ለቀዳሚት፡ ወክድዲ፡ ሰሐል፡ ለልቡሎ፡ ሹም፡ ግራን፡ እቦም፡ እንደ፡ ትክደመ፡ አቶም፡ እግል፡ ዐድ፡ ሐፈሮም፡ ወለ ዋይ፡ ብዙሕ፡ ምን፡ ንዋይም፡ ዘምተ፡ ወምን፡ አዳሞም፡ ቃተለ፡ ከእብ፡ ደሐኑ፡ አቅበለ፡ ምኖም።

ሃ፤፡ ሐር፡ ለካልአይት፡ እዋን፡ ላተ፡ ትፈደው፡ እቲ። ስሐልዲ፡ ምን፡ ከበሳ፡ እንደ፡ ትክረ፡ ገብሩ - ገበና፡ እት፡ ለትትበሀል፡ ፍንጌ፡ ገድማይ፡ ወጭመራት፡ እት፡ ለሀሌት፡ አካን፡ ሰፍረ፡ ወት

ዳለ። ደአም፡ አብ፡ ፈጅራ፡ እት፡ ለወራር፡ ለመይት፡ ወለተር፡ እሉ፡ እት፡ ለቀብል፡ እግል፡ ለአምር፡ እንደ፡ ቤለ፡ እብ፡ ዕልብ፡ አዳሙ፡ እት፡ ረአስ፡ ግምእ፡ እበን፡ እግል፡ ለትከምር፡ ገመ፡ ገድም፡ ዐቀቹ፡ እብ፡ ትእዛዙ፡ እበን፡ እንደ፡ ነስአው፡ ክል፡ ዎርት፡ እበነቱ፡ ክም፡ ከረ፡ እቱ፡ እብ፡ ለእበን፡ ድፍን፡ አበለም፡ ወሰብ፡ ሐፈሮም፡ ወለዎይ፡ ሆይ፡ ክም፡ በዲሮም፡ እግል፡ ኢልግቡእ፡ ለልሻፈሮ፡ እቱ፡ ሸርዕ፡ ሸረ ዐው፡ ከትዳለው፡ እሉ፡ ደአም፡ ለሸርዕ፡ እት፡ ልከምሮ፡ መጋብ፡ ለዎይ፡ ትሰበረ። ወእብሊ፡ ምስምሳ፡ ለአካን፡ ለምድር፡ ለሆይ፡ መሰባር፡ ትሰመ። ወሰብ፡ መንገድ፡ ጽዋሮም፡ አሰይፍ፡ ወከወረ፡ ወአግሉብ፡ ሴጠ፡ ቱ። ወከራዬ፡ ስሐል፡ ላተ፡ ጽዋራ፡ ከወረ፡ ወግራዴታት፡ ወገንደላታት፡ ወገሌ፡ ሐድ፡ ፈትል፡ ለልቡሎ፡ መናዳቅ፡ ዐለ፡ እላ፡ ወእብ፡ ፈጅራ፡ ንጉስ፡ ስሐል፡ ወረ። ወሰብ፡ መንገድ፡ ሸርጎም፡ ጸብጠው፡ ከጸንሐም፡ ወሰለስ፡ ምዕል፡ እት፡ ልትሻፈሮ፡ ሕድ፡ ለበዳ፡ ዐለው። ወሐር፡ ስሐል፡ ክም፡ ተሐለለ፡ ነቅለ፡ ምኖም። ወእት፡ ገብሩ-ገበና፡ ክም፡ አቅበለ፡ ከራዬሀ፡ እግል፡ ልጋንሕ፡ እንደ፡ ቤለ፡ ክል፡ ዎር፡ እበነቱ፡ እግል፡ ልርፋዕ፡ አዘዘዮም። ወክል፡ ዎርት፡ ለእበነቱ፡ ክም፡ ረፍዐ፡ እበን፡ ለሞተው፡ እት፡ ረአስ፡ ለግምእ፡ ተርፈ፡ ወአስክ፡ እለመ፡ ልትርኤ፡ እቱ፡ ሀለ። ወእብ፡ ነፍሶም፡ ምን፡ ለፈግረው፡ ዕልብ፡ ለሞተው፡ ምኑ፡ ክም፡ በዝሐ፡ ልትበሀል።

የ፱፡ ደአም፡ እብሉ፡ ሰብ፡ ቤት-አበዛ፡ ኢአዝመው። ከ መቃዝጊ፡ ለልቡሎ፡ ዎርት፡ ምኖም፡ እንደ፡ ነድአው፡ እግል፡ ዐድ፡ ሐፈሮም፡ ወለዎይ፡ እግል፡ ለዝምቶም፡ ሳልሰይት፡ ዶሎመ፡ ስሐል፡ ከድመው፡ እቶም፡ ወስሐል፡ እንደ፡ መጽእ፡ ሐፈሮም፡ ወለዎይ፡ እግል፡ ልዝመት፡ ጮመራት፡ ሰፍረ። ደአም፡ መቃዝጊ ለማርሐዩ፡ እታ፡ እንደ፡ አስፈረዩ፡ ገለቡ፡ አተ።

ደአም፡ ሐፈሮም፡ ወለዎይ፡ እት፡ ድጌሆም፡ እት፡ ሀይገት፡ እት፡ እንቶም፤ "ቤት-አበዛ፡ ስሐል፡ ሀረሰት፡ እትኩም፡ ከጮመራት፡ ሳፍር፡ ሀለ። ለልብሎም፡ መቤልአይ፡ መጽአዮም። ወሀቶምዲ፡ ለዶል፡ አባይር፡ ገአው፤ ሐፈሮም፡ ዕንታቱ፡ ጨፋፍ፡ ወለዎይ፡ ዕቅቡ፡ ሐንኪሽ፡ ቱ። ከሰበት፡ እሊ፡ እግል፡ ካምል፡ ወአስመዔ፡ ውላድ፡ ሐፈሮም፡ አበይቶም፡ ምን፡ ሚስ፡ ሐርብት፡ እንደ፡ መልአው፡ ወርፍዲት፡ እንደ፡ ሀበዎም፤ "እት፡ ስሐል፡ አተው።" እንደ፡ ቤለው፡ ነድአዎም። ሀቶም፡ ሆይ፡ እንደ፡ አተው፡ እቱ፡ ለርፍዲት፡ ሀበዎ፡ ወ፤ "ሚ፡ እት፡ ተሐዜ፡

መጽአከ።። ቤለም፡ ሀቱ፡ ሆይ፡ "አልኩም፡ እግል፡ እዝመት፡ መጽአከ።። ቤሎም፡ ወሀቶም፡ ሆይ፡ "ከሕና፡ ሚ፡ ብና፡ ዎር፡ አቡና፡ ዕዉር፡ ቱ። ወዎር፡ አቡና፡ ሐንኪሽ፡ ቱ። ቤት-አበዛ፡ ኢኮን፡ ትጸግባና፡ ወት በዝሐና፡ እላ፡ ዝመት።። ቤለም፡ "ከምሕል፡ እላ፡ ኢኮን፡ አና።። ቤሎም፡ ወሀቶም፤ "ለመሐላዲ፡ ስራያ፡ ሕና፡ ኢኮን፡ ነአምሮ።። ቤለም፡ ሀቱ፡ ሆይ፤ "ከስራይ፡ ለመሐላ፡ ሚ፡ ቱ።። እንደ፡ ቤለ፡ ሰአለዮም፡ ወሀቶም፤ "እብ፡ ስምጥ፡ ማንክ፡ እንደ፡ አክረርክ፡ እብ፡ ስምጥ፡ ድገለብክ፡ ምን፡ ትትበለስ፡ ጥልም፡ መሐላ፡ እሊ፡ ቱ።። በልሰው፡ እሉ። ከእሊ፡ እንደ፡ ወደ፡ ትራደው። ወስሐል፡ ቤት-አበዛ፡ እግል፡ ልዝመት፡ እሎም፡ ሰኒ፡ ቤሎም፡ ከካምል፡ ወአስመዔ፡ ጋሪቶም፡ እንደ፡ አስለጠው፡ እብ፡ ለላሊ፡ እት፡ ልትሐቡዕ፡ ገለብ፡ አተው፡ ወእት፡ ጎይላ፡ ቤት-አበዛ፡ መጽአው። ወአመቶም፡ እንደይ፡ አምሮ፡ እት፡ ለጎይላ፡ ተሐበረው፡ ወ፤

"ሆይ፡ አባ፡ ሻውል፡ ለሻውሎም፡ ፈጅር፡ አድማይ፡ ሐናግሮም።"

እንደ፡ ቤለው፡ ብርፍ፡ ወደው።

ወእግል፡ እለ፡ ዘዐት፡ እት፡ ጀፈር፡ ለጎይላ፡ እንደ፡ ትገሰ፡ ሚስ፡ እት፡ ልሰቱ፡ ዎር፡ ምን፡ ለዐባዩ፡ ቤት-አበዛ ሰምዐያ፡ ከእግል፡ ለምስሉ፡ ሀለው፤ "ክርን፡ ካምል፡ ሰምዐክ።። ቤሎም፡ ሀቶም፡ ላተ፤ "ያዕ፡ ክርን፡ ካምል፡ አዜ፡ እትለ፡ ትትሰማዕ።። ቤለም፡ ደአም፡ ሀቱ፡ ልቡ፡ ምን፡ ኢሰክበ፡ እት፡ ሰብ፡ ለጎይላ፡ መጽአ፡ ከ፤ "መን፡ መጽኤኩም።። ቤሎም፡ ሰብ፡ ለጎይላ፡ ሆይ፡ ንሀላም፡ ዐለው፡ ከ፤ "ሴመ፡ ኢረኤና፡ ወኢሰምዐና።። ቤለም፡ ሐርመ፡ ምድር፡ ክም፡ ጸብሐ፡ ለአናስ፡ ለሻይብ፤ "ለገበይ፡ ሀይገት፡ አትአሱራ።። ቤለ፡ ከምን፡ አትአሰረዋ፡ አሰር፡ ለሸንክ፡ ግንፍሌ፡ አስመዔ፡ ረክበው፡ ወካምል፡ እት፡ ልገንድል፡ አሰር፡ ለምድር፡ ለዘብጥቡ፡ ክንራብ፡ ከናቱ፡ ጸንሐዮም። ደአም፡ አሰርም፡ እንደ፡ ረአው፡ ዐዶም፡ እግል፡ ለፍግሮ፡ እት፡ ለቀብሎ፡ ለወራር፡ ስሐል፡ በድረዮም። ገድም፡ ዐዶም፡ ትዘመተ፡ ወብዙሕ፡ አዳም፡ ሞተ። ምና፡ ተ፡ በርዕድ፡ ቀላቲ፡ ለልቡላ፡ ሐቱ፡ አሐ፡ ምን፡ ገለብ፡ እት፡ ተሀርብ፡ ደብር፡ ፈግረት፡ ከነግፈት። ወእቱ፡ ምን፡ ደሐነት፡ ለደብር፡ ለሆይ፡ አድሐነት፡ ትሰመ። ገድም፡ እለ፡ መስል፤

"ሕፍረት፡ እግል፡ ወድ፡ አቡክ፡ ለተሐፍራ፡ ኖስክ፡ ትወድቅ፡ ዲባ።"

ለትብል፡ እት፡ ቤት-አበዛ፡ ሆይ፡ ተመት።

፳፯፡ ሐቆ፡ አለመ፡ ዐድ፡ ሐፈሮም፡ ወለዋይ፡ ምስል፡ ቤት-ዓር  
 በይ፡ ትማጸአው፡ አስክ፡ አለዲ፡ ቤት-ዓርበይ፡ መስቀል፡ መስቀል፡  
 እግል፡ ቤት-ማርያምም፡ ወአት፡ ትንስእ፡ ምኖም፡ ዐለት፡ ከሐቲ፡ ዓ  
 መት፡ ዐድ፡ ሐፈሮም፡ ወለዋይ፡ ለወአት፡ ምን፡ ከልአው፡ እት፡ ፍን  
 ጌሆም፡ በአስ፡ ቀንጾ፡ ወለዶል፡ ምርት፡ እናስ፡ ወሬዛ፡ ዐድ፡ ሐፈ  
 ሮም፡ መዛርነይ፡ ገብአ፡ ከእግል፡ ዐድ፡ ሐፈሮም፡ ወለዋይ፤ "ቤት-ዓር  
 በይ፡ እንደ፡ ሰመድከ፡ እምበል፡ ጽዋር፡ ምን፡ አመጽእ፡ እትኩም፡ ሚ፡  
 ዓደት፡ ትወዱ፡ እልዩ፡" ቤሎም፡ ህቶም፡ ሆይ፡ "ሸባይ፡ እንደ፡ ገአ  
 ከ፡ ምን፡ ገምትት፡ ወአት፡ ነሀይበከ፡ ወምን፡ ስርቅት፡ ቅርሽ፡ ብከ፡  
 ወምን፡ ክል፡ ርጋዝ፡ ልብ፡ እንሳእ፡" እንደ፡ ቤለው፡ ዓደት፡ አተስአም፡  
 ወሀቲ፡ ሆይ፡ "ከገድም፡ ጽዋርኩም፡ እብ፡ ላሊ፡ እት፡ ሐጸት፡ በዐልቴት፡  
 ሐብዕም፡ ወፈጅር፡ ክም፡ ትላኬኮኩም፡ ክል፡ ምርትኩም፡ እት፡ ረ  
 አስ፡ ንዋያቱ፡ ከፍ፡ ሊበል፡" ቤሎም፡ ሐር፡ ሆይ፡ እት፡ ቤት-ዓርበይ፡  
 አንቀዐረረ፡ ከትያመመዮም፡ "ገድም፡ እግል፡ ዐድ፡ ሐፈሮም፡ ወለዋይ፡  
 እብ፡ ሂጋ፡ ለወአት፡ እግል፡ ልትያመመኩም፡ ጽዋር፡ እንደይ፡ ነሱእ፡  
 ፈጅር፡ እት፡ በዐልቴት፡ እግል፡ ሊረዶ፡ ሰኒ፡ አተበልክምም፡ ከአዜ፡  
 እንቱመ፡ ጽዋርኩም፡ እንደ፡ ሐደግኩም፡ ለወአት፡ እግል፡ ትትሀዩ፡  
 እታ፡ ምጽእምም፡" እት፡ ልብል፡ ዛረነዮም፡ ወሀቶም፡ ሰኒ፡ ቤለዎ፡  
 ከእብ፡ ፈጅራ፡ እምበል፡ ጽዋርም፡ እት፡ በዐልቴት፡ ምስል፡ ዐድ፡ ሐ  
 ፈሮም፡ ወለዋይ፡ ትራከበው፡ ወአታ፡ ገጽ፡ ወገጽ፡ ክም፡ ገአው፡  
 ለውቁነይ፡ ፍንጌ፡ ክልኢቶም፡ እንደ፡ በጥረ፤ "ከገድም፡ እንቱም፡  
 ዐድ፡ ሐፈሮም፡ ወለዋይ፡ ለወአት፡ እግል፡ ተሀቦ፡ ወእንቱም፡ ቤት-  
 ዓርበይ፡ ለወአት፡ እግል፡ ትንሱእ፡ አትማጸአኮኩም፡" ቤሎም፡ ወለ  
 ሆም፤ "ለወአት፡ ኢነሀይብ፡" ወእሎም፡ ሆይ፡ "ሚ፡ እንደ፡ ረከብኩም፡  
 ትከልእም፡" ትበገሀለው፡ ሐቆሃ፡ ወቁነይ፡ ለበዐል፡ ምግብ፤ "እንቱም፡  
 ለወአት፡ ምን፡ ተሀይቦ፡ ወሐሰ፡ ወእንቱመ፡ ሐቆ፡ 'ኢነሀይብ' ቤሎ  
 ኩም፡ እግል፡ ትሕዶጋ፡ ሐይስ፡" ቤሎም፡ ወክልኢቶም፤ "አብ፡ ኢተ  
 ሐይስ፡" ምን፡ ትበገሀለው፤ "ከኖሰኩም፡ ተአምሮ፡ ተሐለልና፡ ዲብኩም፡"  
 እንደ፡ ቤሎም፡ ዲብ፡ በቀሉ፡ ትለከፈ፡ ወብርፍ፡ ቤለ፡ ምኖም፡ ወአ  
 ባእብ፡ ሰብ፡ ዐድ፡ ሐፈሮም፡ ወለዋይ፡ ለሕብዕ፡ ንዋያቶም፡ እንደ፡ ሻ  
 ተፈው፡ እምበል፡ ለፈግረው፡ ምኖም፡ እግል፡ ብዝሐም፡ ሰብ፡ ቤት-  
 ዓርበይ፡ ቃተለው፡ ወሐር፡ ድጌሆም፡ እንደ፡ አተው፡ አብያቶም፡ በር  
 በረው፡ ወታቦት፡ ቤት-ማርያምም፡ ወቀሾም፡ ነስአው፡ ገድም፡ እብሊ፡

ማላቶም፡ ወታቦቶም፡ እት፡ ሀይገት፡ ደነው፡ ወቤት-ማርያም፡ ክም፡  
 ነድቀው፡ ለታቦት፡ አተው፡ እታ፡ ገድም፡ ቤት-ዓርበይ፡ እብ፡ ክእና፡  
 በደዕት፡ ወለፈግረው፡ ምኖም፡ ላተ፡ እት፡ ብዕድ፡ ምድር፡ ትፈንጠረው፡  
 ደአም፡ ምርት፡ ምኖም፡ ወድ፡ ወለት፡ ዐድ-ቡላ፡ ምን፡ ገአ፡ አን  
 ገፈዎ፡ ወመድሀነት፡ ለአለብ፡ ትግረዮም፡ ወደዎ፡ ደአም፡ ምን፡ ተር  
 ፉ፡ ሐዳም፡ ሌጠ፡ አስክ፡ እለ፡ ሀለው፡ ወአብ፡ ሰከይ፡ እንደ፡ ፈግ  
 ረው፡ እት፡ ብዕድ፡ ዐድታት፡ ለትፈንጠረው፡ አስክ፡ አዜ፡ እታ፡ ሀለው፡  
 ሐቆ፡ እሊ፡ በአስ፡ መንሳዕ፡ አስክ፡ ዶል፡ ነፍሳ፡ በሐተት፡ ወምን፡ ሐድ፡  
 በጥረት፡

፳፰፡ ደአም፡ ብዙሕ፡ እንደይ፡ ደንግር፡ ሰብ፡ ዐድ፡ ሐፈሮም፡  
 ወለዋይ፡ አዜመ፡ ምስል፡ ቤት-አበዛ፡ ትራከበው፡ ወምስምሳህ፡ እሊ፡  
 ቱ፡ ሐረቢት፡ ለልትበሀል፡ እናስ፡ ዐድ፡ ለዋይ፡ እት፡ ሐብና፡  
 ቅሩብ፡ ገለብ፡ እንደ፡ ልትገሴ፡ ሓልብ፡ ቤት-አበዛ፡ ጃልል፡ ዐለ፡ ደአም፡  
 ሐቲ፡ ምዕል፡ ምርት፡ በጽሕ፡ ቤት-አበዛ፡ ምን፡ ገድማይ፡ ዲብ፡ ገለብ፡  
 እብ፡ ሓልብ፡ እት፡ ልትበገስ፡ እግል፡ ለሕሙም፡ አቡሀ፡ እት፡ ሀወት፡  
 ሐሊብ፡ ሰኒ፡ እንደ፡ መልእ፤ "ዮምዲ፡ ሐረቢት፡ እብሊ፡ ሚ፡ ኢለት  
 ሓልፈኒ፡" ቤለ፡ ሐር፡ ሐረቢት፡ እት፡ ሐብና፡ ግሱይ፡ ጸንሐዬ፡ ወክም  
 ሰል፡ በዲፍ፡ ኩሉ፡ ለሐሊብ፡ እግል፡ ልንሳእ፡ ክም፡ ሐዘ፤ "ለብዕድ፡  
 አክለከ፡ እሊተይ፡ ላተ፡ እግል፡ ስራይ፡ አቡዬ፡ እግል፡ ልግባእ፡ ሕደጎ፡  
 እልዩ፡" ቤሎ፡ ወሀቱ፡ ክም፡ አብ፡ እሉ፡ ለቤት-አበዛይ፡ እንደ፡ ትቀ  
 ጸብ፡ ኮናት፡ ወደ፡ እቱ፡ ከቀትለዩ፡ ወሐር፡ ሰብ፡ ዐድ፡ ለማይት፡ ምን፡  
 ቀቢር፡ ግናዘቶም፡ ሸነን፡ ምን፡ ቤለው፡ ወእግል፡ ዐድ፡ ለቃትለይ፡  
 ምን፡ ኢዘምተም፡ ሰብ፡ ቤት-አበዛ፤ "እሊ፡ ዐድ፡ እሊ፡ እግል፡ ለብ  
 ደና፡ ቱ፡ ንግዐዝ፡ ምኖም፡ ወምድርና፡ ንሕደግ፡ እሎም፡" ቤለው፡ ከ  
 ገመው፡ ከለግናዘት፡ እንደ፡ ቀብረው፡ ገለብ፡ ሐድገው፡ ወዐሱስ፡  
 ዔረው፡

፳፱፡ ደአም፡ እቱመ፡ ክም፡ ደነው፡ ዓዳር፡ ወአግዳ፡ ሕማም፡  
 ዐሶ፡ አብደዮም፡ ደኢኮን፡ ደሐንዲ፡ ኢረክበው፡ እት፡ ረአስ፡ እሊ፡  
 ሆይ፡ ለዶል፡ ምእቱ፡ እናስ፡ ምን፡ ሀይገት፡ እንደ፡ ቀንጸው፡ እግል፡  
 ልዝሞቶም፡ ደነው፡ እቶም፡ ከገሌሆም፡ መዐይነት፡ እንደ፡ ገአው፡  
 እት፡ ቅምቤቶም፡ ግሱያም፡ እት፡ እንቶም፡ ሓምድ፡ ወድ፡ አሚር፡  
 ምርት፡ ምኖም፡ ብካይ፡ ሐቲ፡ መስንዩቱ፡ እሲት፡ ሕመድ፡ ወድ፡  
 ሸንጉል፡ አሌለ፡ ከእግል፡ ጸፋ፤ "እግል፡ እሰአላ፡ ቱ፡" ቤሎም፡ ደ



አም፡ ለጸሩ፡ "እግል፡ ንዝመቶም፡ ኢኮን፡ መጽአና፡ እግል፡ ሚ፡ ትሰ  
 አላ፡" ቤለም፡ ህቱ፡ ሀይ፡ "ኢኮን፡ እግል፡ ክእና፡ እት፡ ትጠርቦ  
 ዲ፡ ከአር፡ ኢኮን፡ እንደ፡ ቤለ፡ ህቱ፡ እታ፡ ከእግል፡ ለእዴ፡  
 ከርካሕ፡ ምን፡ አበለ፡ ህታ፡ ምን፡ ከርከ፡ "መን፡ እንተ፡" ትሎ፡ ወህ  
 ቱ፡ "አና፡ ሓምድ፡ ወድ፡ አሚር፡ አና፡" ክም፡ ቤላ፡ ለእዴ፡ ከሰተት፡  
 እሉ፡ ወክም፡ አተ፡ ዲባ፡ "ደሐንኪ፡ እግል፡ ሚ፡ ትበኪ፡ ሀሌኪ፡" እት፡  
 ልብል፡ ሰአለዮ፡ ህታ፡ ሀይ፡ "ውላጄ፡ ትማየተ፡" ትቤ፡ ከለአዝመቶም፡ አ  
 ርኤቶ፡ ወሓምድ፡ እብሊ፡ አምራቱ፡ ትበለዐ፡ ከበከ፡ ደአም፡ ህታ፡  
 "እት፡ ሐምሌተት፡ ሀይገት፡ ብለሱና፡ ደኢኮን፡ እሊ፡ ብካይ፡ ሚ፡ እግል፡  
 ልንፈዐና፡ ቱ፡" ትሎ፡ ወህቱ፡ "ከከአር፡ ንብላሰኩም፡ ከመ፡" ቤላ፡  
 ህታ፡ ሀይ፡ "ወራዚት፡ ወአግብር፡ ወአማት፡ ነሐድግ፡ እልኩም፡ ወእ  
 ግልና፡ እት፡ ዐድና፡ ብለሱና፡ ወቀረመትና፡ ሐደጎ፡ እልና፡" ትሎ፡ ከህ  
 ቱ፡ ሀይ፡ "እብላ፡ ለዐድኪ፡ ተፈቲ፡" ቤላ፡ ወህታ፡ "ሰኒ፡ አፈትዮም፡"  
 ትሎ፡ ወለእናሱ፡ እት፡ ለጸሩ፡ እንደ፡ አቅበለ፡ እሊ፡ ይማም፡ አሰአ  
 ለዮም፡ ከህቶም፡ ሴመ፡ እንደይ፡ ወዳ፡ ክሎም፡ ለምእት፡ እት፡ ዐድም፡  
 አቅበለው፡ ዐድ፡ ሀይገት፡ እግል፡ እሊ፡ ጎማት፡ ተአከበ፡ ወእግል፡ ለሂ  
 ጋ፡ ሓምድ፡ ትከበተይ፡ ከመዛርነይ፡ እንደ፡ ወደም፡ ሂረር፡ ከመ፡ ነዐ  
 በም፡ ቤለም፡ ህቱ፡ ሀይ፡ እንደ፡ ህቱ፡ እግል፡ ሰብ፡ ቤት-አበዛ፡ አ  
 ጊድ፡ አምጸአዮም፡ ወህቶም፡ ክም፡ መጽአው፡ ክምሰል፡ ወ-ዑሎም፡  
 ትቀደው፡ ከእብላ፡ ገበይ፡ እሊ፡ ሰብ፡ ዐድ፡ ሐፈሮም፡ ወለቀይ፡ እት፡  
 ጠርቅ፡ ሐ-ሆም፡ ምን፡ እሊ፡ ሐድ፡ ትረፍ፡ ቤት-አበዛ፡ ወራዚት፡ ወ  
 አግብር፡ ወአማት፡ ትከበተው፡ ምኖም፡ ህቶም፡ ቀሪሞም፡ ሌጠ፡ እን  
 ደ፡ ረክበው፡ ሐድረው፡ ከአዜመ፡ ነብር፡ እቱ፡ ሀለው፡

፳፫፡ አስክ፡ እሊ፡ አዝቡን፡ እሊ፡ ሰብ፡ መንግሥት፡ እት፡ ምልክ፡  
 ኖሶም፡ ዐለው፡ ደኢኮን፡ እግል፡ መንመ፡ ኢትዝአው፡ ወጥልበት፡  
 ምርዲት፡ ሀይብ፡ ኢዐለው፡ ደአም፡ ንጉስ፡ ከበሳ፡ ወናይብ፡ መስል  
 ዲ፡ እግል፡ ልግዝእዎም፡ ወእግል፡ ለገቡርም፡ ሐዙ፡ ዐለው፡ ህቶም፡  
 ላተ፡ ምንመ፡ ልትዘመቶ፡ ልትበአሶም፡ ወከልእዎም፡ ዐለው፡ ክምሰል  
 ሀ፡ ሀይ፡ ንጉስ፡ [ወህቱ፡ ስሐል፡ ገብእ፡] "እት፡ እዛም፡ አርበኛ፡ ረባዕ፡  
 በቀል፡ አቢብ፡ ወድ፡ ባይረይ፡ ሀቡኒ፡" እንደ፡ ቤለ፡ ለአከ፡ ዲ  
 በም፡ ከቤት፡ አቡሀ፡ "እግል፡ ኢንትዘመት፡ እሊ፡ በቀልከ፡ ሀብ፡ እት  
 ና፡" ትሎ፡ ደአም፡ ህቱ፡ "ሀይገት፡ ምን፡ ለመለማዳ፡ ለመዘማ  
 ታ፡ ተሐይስ፡ አዜ፡ እሊ፡ በቀል፡ ምን፡ ነሀይብ፡ እት፡ ጎመታ፡ ሀይ፡ አር

በኛ፡ በቀል፡ እግል፡ ሊበለና፡ እምበል፡ ሚ፡ ቱ፡ ልዝመት፡ ወልዝመት፡"  
 እንደ፡ ቤለ፡ ከልአዮ፡ አቢብ፡ ወሐር፡ እግል፡ ለንጉስ፡ "ለበቀል፡ ት  
 ከለአት፡" እንደ፡ ቤለው፡ ምን፡ አሰአለዎ፡ እግል፡ ልዝመት፡ ጠበብ፡  
 ቤለ፡ ወእት፡ ሎመራት፡ እንደ፡ ሰፍረ፡ ድለ፡ እንሱስ፡ መንግሥት፡ ለቱ፡  
 ሐይብ፡ አበለዮ፡ ለአዳም፡ ላተ፡ በዲር፡ እት፡ አድብር፡ ሳኪ፡ ጸንሐ  
 ዮ፡ ከለወራራት፡ ንጉስ፡ ዐድ፡ እግል፡ ልዝመት፡ ጋይስ፡ እት፡ እንቱ፡  
 ሰብ፡ መንግሥት፡ ትከረው፡ ከክየም፡ ለሰፈር፡ ዘምተው፡ ወእግል፡ ለከራ  
 ዮ፡ ለንጉስ፡ ልክክ፡ እንደ፡ አበለዎ፡ እንሱሶም፡ በልሰው፡ ለንጉስ፡  
 እንደ፡ ትፈለለ፡ ምስል፡ ከራዩሀ፡ ለታርፈት፡ ሰከ፡ ምኖም፡ ክእና፡  
 ገድም፡ ሐቆ፡ እሊ፡ አስክ፡ ዘበን፡ አቤ፡ ግብር፡ ለልትበሀል፡ ኢዐለ፡

፳፬፡ መንግሥት፡ አስክ፡ እሊ፡ እብ፡ ዐባዩ፡ ወላባም፡ ሐው፡ ክል፡  
 ዐድ፡ ትትመለክ፡ ዐለት፡ ደአም፡ ዙዕ፡ ዐቢ፡ ቀንጸ፡ ምን፡ ገብእ፡ ክላ፡  
 ለቤት፡ አብ፡ ምስል፡ ለበዐል፡ ገጽ፡ ለምሱል፡ እንደ፡ ገአት፡ ምን፡ ክል፡  
 ፈራዕ፡ ሰለስ፡ ማ፡ አርባዕ፡ ሽማግሌ፡ ለልትበሀሎ፡ ውላድ፡ ሐላል፡  
 ናፍጎም፡ ወበኪታም፡ ተሐሬ፡ ወህቶም፡ ምስል፡ እንደ፡ ገመው፡ ለ  
 ዙዕ፡ በትክ፡ ደአም፡ ለጋሪት፡ ቀለት፡ ምን፡ ገብእ፡ በዐል፡ ገጽ፡ መንግሥት፡  
 ማ፡ ምርት፡ ዐቢ፡ ጎማት፡ ለመሐበር፡ እንደ፡ ሰምዐ፡ ለረትዕ፡ ማ፡ ፈርድ፡  
 ዐለ፡ ወለእብ፡ ፈርድ፡ ዐለው፡ ክል፡ ዮል፡ ፍትሕ፡ መሓሪ፡ ቱ፡ ክእና፡  
 እብ፡ ጸጋ፡ እ ገ ሌ፡ ል ትራ ቱ ዕ፡ እንደ፡ ዐለው፡ ቢሊ፡ ቢሊ፡ ለምልክ፡  
 እብ፡ ሽመት፡ ወእብ፡ ክንት ብ ነት፡ እት፡ እዴ፡ ምርት፡ ሌጠ፡ ገአት፡

፳፭፡ ገድም፡ ሰልፍ፡ ከሉ፡ ዘር ኢት፡ ወዕቅባም ክል፡ ትሸዩ  
 መው፡ ዘርኢት፡ ወድ፡ ከልብ፡ ምርት፡ ምን፡ ተርፍ፡ ቤት-እሽሐቀን፡  
 እንደ፡ ጨልቀ፡ እት፡ ሮራ፡ ከበሳ፡ ፈግረ፡ ወእቱ፡ ሐጸይ፡ ፋሲል፡ ሀይ፡  
 እንደ፡ ሸዩመዮ፡ ንጋረት፡ ሀበዩ፡ ወክእና፡ ዘርኢት፡ ከንቲባይ፡ ትበሀላ፡  
 ሐር፡ ዐዳ፡ እንደ፡ ደነ፡ እት፡ ሎመራት፡ ክም፡ በጽሐ፡ ንጋረቱ፡ ዘብ  
 ጠ፡ ከ፤ "ትከበቱኒ፡" ቤለ፡ ሰብ፡ ለዐድ፡ ሀይ፡ ሰበት፡ እሊ፡ ድንጻን፡ እት፡  
 መሐበር፡ ግሱዮም፡ እት፡ እንቶም፡ "ሚ፡ ቱ፡ እሊ፡" ቤለው፡ "ዘርኢት፡  
 ቱ፡ እንደ፡ ትሸዩመ፡ መጽአ፡" ቤለው፡ ከአሰአለዎም፡ ክሎም፡ ደንገ  
 ጸው፡ ወሐር፡ ብዙሕ፡ ሐርቀው፡ ከ፤ "ቅንጾ፡ እቱ፡ ከመ፡" እንደ፡ ቤ  
 ለው፡ ሰዐው፡ እቱ፡ ወምልትሐ፡ እንደ፡ ጸፍዐው፡ እቱ፡ እብ፡ ሞቅሕ፡  
 ገው፡ አበለዎ፡ ወለንጋረትመ፡ እንደ፡ ነስአው፡ ምን፡ እብ፡ ገበይ፡ ብ  
 ክር፡ ወዕብነት፡ ሽመት፡ እግል፡ ለተስትሀሎ፡ እግል፡ ዕቅባምክል፡ ሀ  
 በዋ፡ ዐድ፡ ዘርኢት፡ ገድም፡ እሊ፡ ክም፡ ጀረ፡ እቱ፡ እብ፡ ለዮል፡ እት፡



እዲ፡ ዛውል፡ እት፡ ለሀለ፡ ምድር፡ እት፡ ቅሩቦም፡ ሰከ፡ ወለትቀባብል፡ እት፡ ዐለ።

ዕቅባምኬል፡ እባእባ፡ እት፡ ሐጸይ፡ ፋሲል፡ ፈግረ፡ ከእግሉ፤ "እሊ፡ ዘርኢት፡ ሚ፡ እት፡ እንተ፡ ሸየምክህ፡ እኛ፡ አና፡ ኢኮን፡ ዐብዮ፡ ወእ በዝሐ፡። ሌሎ፡ ሐጸይ፡ ሆይ፤ "ዘርኢትዲ፡ ሆቱ፡ ክም፡ ዐቤ፡ ወክም፡ ሐይስ፡ ምን፡ ሌሌኒ፡ እባ፡ ሸየምክም፡። በልሰ፡ እቱ፡። ወዕቅባምኬል፡ ሆይ፤ "አና፡ ቅልጭሙ፡ አሰርከ፡ ወንጋረቱ፡ ነስኦከ፡። ሌሎ፡። ከለሐጸይ፤ "እለን፡ እት፡ ሚ፡ ወዴከሆን፡። እት፡ ልብል፡ ምን፡ ከሰይ፡ ሆቱ፡ ሆይ፤ "ክም፡ አና፡ ሐይሰ፡ ወዐብዮ፡ ሸየም፡ ለገባይል፡ ልስሙ-ዕ፡። እንደ፡ ሌላ፡ እብ፡ ትክክት፡ ተሃገ፡ ወሐጸይ፡ ሸየም፡ ለገባይል፡ ክም፡ አተምጸኦ፡ ሆቶም፤ "ዕቅባምኬል፡ አማኑ፡ ቱ፡ ለሸመት፡ በዐል፡ ሐቃ፡ ሆቱ፡ ቱ፡። እንደ፡ ሌላው፡ ሰምዐው፡ እሉ፡። ሐጸይ፡ ሆይ፡ እሊ፡ ክም፡ ሰምዐ፡ እግል፡ ዕቅባም ኬል፤ "ንጋረትከ፡ አቲተከ፡ ወሰይ፡ እሊ፡ ቱ፡። እንደ፡ ሌላ፡ ሸመ ቱ፡ ሓጠጠ፡ እሉ።

፳፮፡ ወሐር፡ ሆይ፡ ዕቅባምኬል፡ እት፡ ዐዳ፡ ክም፡ ትከረ፡ እግል፡ ንማት፡ ለአዳም፡ አከበ። ወእት፡ ለንማት፡ ዓይለይ፡ ወድ፡ ዐንደ ሎይ፡ ወምሮት፡ ምን፡ ተርፍ፡ እሸሐቀን፡ ትበአሰው። ከዓይለይ፡ ሰይፍ፡ ምን፡ ሐርጠ፡ እቱ፡ ለእሸሐቀንይ፡ ሆይ፤ "ሐቆ፡ ሸመት፡ ንዝ ዕት፡ ወቅልጭም፡ እስርት፡ ከራይ፡ ትምበር፡ ምድር፡ ዓይለይ፡ ሕሩጥ፡ ሰይፍ፡። ሌላ፡ ከምስል፡ ዐዳ፡ ሀርበ፡ እብ፡ ለአውካድ፡ ለሀይ፡ ከሉ፡ ለተርፍ፡ ሌት-እሸሐቀን፡ ምድር፡ እንደ፡ ሐድገ፡ እት፡ ምድር፡ ዛውል፡ ተሐየበ፤ ወአዳሙ፡ እት፡ ከራ፡ ሰለባ፡ ወሐምሕም፡ ወአል ገዐታ፡ ሐድረ፡ ምን፡ ለዶል፡ መንግሥት፡ እት፡ ክልኤ፡ እንደ፡ ትከፈ ለት፡ ለእት፡ ምድራ፡ ለተርፈት፡ መንግሥት - ሌት - አብርሃ፡ ወለገወዘት፡ መንግሥት - ሌት - እሸሐቀን፡ ትትበሀል፡ ሀሌት።

፳፯፡ ገበለት፡ ሌት - አብርሃ፡ ሆይ፡ እብ፡ ከንቴባይ፡ ዕቅባም ኬል፡ ለሹማ፡ በና፡ እት፡ ምድራ፡ ክም፡ ተርፈት፡ ሐርስ፡ ወርዲና፡ እት፡ ተሐዜ፡ ዘርኢት፡ እሱር፡ እት፡ እንቱ፡ ሰብከትቡ። ወሸመት፡ ቀያሕ፡ እንደ፡ አልበሰም፡ ወእት፡ አድግ፡ እንደ፡ ጸዕነም፡ ሰኒ፡ እት፡ ለዐቱባ፡ ልግዕዘቡ፡ ዐለው። ደአም፡ ሐቲ፡ ዶል፡ እንደ፡ ተሀመለው፡ ለዐቱባ፡ ለዐድ፡ ምስል፡ ታቦት፡ ድንገራም፡ ዐለው፡ ወዘርኢት፡ ላተ፡ ምስል፡ ሐረስቶት፡ ቀደመ፡ ምኖም። እግል፡ ሰብ፡ ሌት-እሸሐቀን፡ ሆይ፡ እብ፡ ተሐቲት፡ ለእቡ፡ ለሌልም፡ ምን፡ አሰአለምም፡ ሆቶም፡ እን

ደ፡ አጨናበው፡ ምን፡ መሐዝ፡ ለማይጽ፡ ገለም። እት፡ በቀል፡ ወድ፡ ሌስሌሴ፡ ምድት፡ ሌት-እሸሐቀንይ፡ እንደ፡ ወደም፡ እት፡ ዐደም፡ እት፡ አልገዐታ፡ አብጸሐም፡ ወዘርኢት፡ ዐዳ፡ ዓይር፡ እቱ፡ እት፡ ለጸንሐ፡ ምድር፡ ዛውል፡ ክም፡ ዓረ፡ እት፡ መምበር፡ ሹሞም፡ እንደ፡ ትገሰ፡ ለምድር፡ ነስኦከ፡ ወሰብኦ፡ ሀመጀ።

፳፰፡ ሐቆ፡ እሊ፡ ገድም፡ ሰብ፡ ሌት - አብርሃ፡ ደፊሆም፡ እት፡ ገለብ፡ ክም፡ ወደው፡ ወሌት - ማርያምም፡ እታ፡ ክም፡ ነድቀው፡ መስል።

፳፱፡ ደአም፡ መንግሥት፡ ክም፡ ትፈናቲትመ፡ ሕድ፡ እት፡ ትቀትል፡ ወሕድ፡ እት፡ ትዘምት፡ ነብር፡ ዐለት፡ ደኢኮን፡ ዕርፍ፡ ኢዐለት፡ እላ። ክአና፡ ገድም፡ እብ፡ ለዘበን፡ ለሀይ፡ ክልኤ፡ መንግሥት፡ [ማ፡ ክልኤ፡ ሀይ ገት፡] እት፡ ቀላቅል፡ ሰብካት፡ እት፡ እንተን፡ አሐ፡ ሀብተን፡ ወድ፡ አልመዳይ፡ ምድት፡ ምን፡ ተርፍ፡ አብርሃ - ቀይሕ፡ ትዘመተት፡ ከእት፡ ከንቴባይ፡ ዘርኢት፡ አቲት። ሀብተን፡ ሆይ፡ እብ፡ አሰራ፡ እት፡ ልጠርግ፡ ላሊ፡ ደርባ፡ እት፡ ከንቴባይ፡ መጽኦ። ሆቱ፡ ሆይ፤ "እግል፡ ሚ፡ መጽኦከ፡። እት፡ ልብል፡ ሰአለዮ። ወሆቱ፤ "እት፡ ጣላ ታት፡ ምንመ እመይት፡ ኖሹ፡ ተ፡ እንደ፡ እቤ፡ እግል፡ ትቅተለኒ፡ መጽኦ ከከ። በልሰ፡ እቱ፡ ወዘርኢት፡ እግል፡ ሀብተን፡ እት፡ ሌቱ፡ እንደ፡ ሐብዐይ፡ እብ፡ ዕንድር፡ ሌት፡ አቡሀ፡ አከበ፡ ከ፤ "እግል፡ በዐል፡ እሊ፡ አሐ፡ ደርባ፡ መጽኦ፡ ምን፡ ገብኦ፡ ንቅተሎ፡ ማ፡ ንሳርሐ፡። እንደ፡ ሌላ፡ ሰአለዮም። ሌት፡ አቡሀ፡ ሆይ፤ "ንሳርሐ፡። ትቤ። ወሆቱ፤ "ግድም፡ እብ፡ ብራቁ፡ ከአፍ፡ እንድኦ፡። እንደ፡ ሌላ፡ እብ፡ አሐሀ፡ በልሰዮ።

ሀብተን፡ ሆይ፡ እብ፡ አሐሀ፡ ዐዳ፡ ክም፡ አተ፡ ደሐን፡ እንደ፡ ሐዘ፡ ምን፡ ኖስኖሱ፡ እግል፡ ዕቅባምኬል፤ "ከንቴባይ፡ ዘርኢት፡ 'አና፡ ወከን ቴባይ፡ ዕቅባምኬል፡ እንደ፡ ትርኤና፡ ክልኤ፡ ሀይገት፡ እብ፡ ደሐን፡ እግል፡ ነትናብረን፡ ወፈቲከ፡ ሌሌኒ።" እንደ፡ ሌላ፡ አሰአለዮ። ዕቅ ባምኬል፡ ሆይ፡ እብ፡ እንደ፡ ፈርሐ፤ "እሊ፡ እብ፡ አማን፡ ዘርኢት፡ ሌ ሌከተ።" ወሆቱ፤ "አፍ፡ ሌሌኒ-ተ።" ሌሎ። ሐቆሃ፡ ሀብተን፡ እት፡ ዘርኢት፡ እንደ፡ አቅበለ፤ "ዕድምና፡ ሻካት - ቀይሕ፡ ቱ፡ እቱ፡ እግል፡ ንደሐን፡ ንትራከብ፡ ሌሌከ፡ ከንቴባይ፡ ዕቅባምኬል።" ሌሎ። ሐርመ፡ ሆይ፡ ክም፡ ለእት፡ እዩዳ፡ እት፡ ዕቅባምኬል፡ እንደ፡ አቅበለ፡ ክም፡ ለእግል፡ ዘርኢት፡ ለአትአመነቡ፡ ሂጋ፡ ደግመ፡ እሉ። ገድም፡ ክአና፡ እግል፡ ክልኤ፡ ለመንግሥት፡ ምስል፡ እት፡ ሻካት-ቀይሕ፡ አት

ማጽአዮን። ወሐር፡ ክል፡ ምኖም፡ እት፡ ግንጎራብ፡ ለመሐዝ፡ ክም፡ በጥረ፡ ሀብተን፡ እት፡ ፍንጌ፡ ክሎም፡ እት፡ ለሐጸት፡ ለመሐዝ፡ ትከረ፡ ከተሃገዮም። ወክርንቱ፡ እንደ፡ ወቀለ፤ ማኅዳ፡ ደሐን፡ ወመስከብት፡ እንደ፡ ሐዘኑ፡ ምን፡ ናስኖሹ፡ እመኔ፡ ዐልኮ፡ ደኢኪን፡ ከንቴባይ፡ ዘርኢት፡ ልግባእ፡ ማ፡ ከንቴባይ፡ ዕቅባምኬል፡ እብ፡ መትራካብ፡ ዮም፡ ለቤሌኒ፡ አለቡ። ገድም፡ ምን፡ ሕኔት፡ ምዕል፡ ምዕል፡ ሞተ፡ ወዘመተ፡ ለልትበሀል፡ መውራ፡ እንሰምዕ፡ ዮም፡ ምክ፡ ሕድ፡ ለሐሶ፡ ምክ፡ እንደ፡ ተግሬከም፡ ትደሐኖ። ቤሎም፡ እሊ፡ ክም፡ ሰምዐው፡ ክሎም፡ ቀብል፡ ሕድ፡ ትሰሐቀው፡ እቱ። ገድም፡ ናሶመ፡ ሀዬ፡ መምበር፡ በዲር፡ እንደ፡ አበው፡ ምን፡ ሕድ፡ ዘሆታት፡ ትናሰአው፡ ከተግረው፡ ወእት፡ ዐድ፡ ዐድም፡ አትቃበለው። ሐቆ፡ እለ፡ ብዙሕ፡ ዘበን፡ ድሐናም፡ ወሩዱያም፡ እት፡ እንቶም፡ ወክል፡ ምኖም፡ እት፡ መስከብ፡ እት፡ እንቱ፡ ነብር፡ ዐለው።

፮፡ ድግም፡ መንግሥት - ቤተ-አብርሃም፡

፫፡ ቤተ-አብርሃም፡ ሐትሐቴ፡ ዶል፡ እክል፡ አውለት፡ ምን፡ በዴ፡ ምና፡ ሐሊብ፡ እግል፡ ትስቱ፡ እብ፡ ድሃ፡ ትሰብክ፡ ዐለት። ወለዶል፡ እግል፡ ሹማ፡ ዕቅባምኬል፡ እት፡ ክል፡ ስብክ፡ ወስግም፡ ቤቱ፡ ትጽዕን፡ እሉ፡ ዐለት። ደአም፡ እንደ፡ ክእና፡ ወዱ፡ እሉ፡ ዐለው፡ ሐር፡ ሐቴ፡ ዶል፡ ትጋደበው፡ ወ፤ ማኅዳ፡ ማ፡ እንጽዕኖ። እንደ፡ ቤለው፡ እት፡ ቀላቅል፡ ሐድገም፡ ከሳገመው፡ ምኑ። ሰመረ-ልዑል፡ ወድ፡ ግይለይ፡ ላተ፤ ማኅዳ፡ በነ፡ ሐድገ፤ ቤለ፡ ከምስሉ፡ ተርፈ። ሐር፡ ክልኢቶም፡ ምስል፡ እት፡ ልብሎ፡ እት፡ ልብሎ፡ እት፡ መጽሐ፡ ሳገመው። እቱ፡ እት፡ እንቶም፡ ዶል፡ ከረም፡ በጽሐት፡ ከከንቴባይ፡ ዕቅባምኬል፤ ምን፡ ክራር፡ ረአሱ፡ ተሐት፡ ዶል፡ ሐጋይ፡ እት፡ እንቱ፡ ከረም፡ ልግባእ፡ ወምኑ፡ ረአሱ፡ ኬን፡ ዶል፡ ከረም፡ እት፡ እንቱ፡ ሐጋይ፡ ልግባእ። ቤለ፡ ከአተድዐ፡ ወእለ፡ መርገም፡ ክም፡ ጀሬት፡ እቶም፡ ቤት፡ አብሀ፡ እብ፡ ለእላ፡ ወዴቶ፡ ጠዐሰት። ወሐር፡ ምን፡ ጀረበው፡ ሹሞም፡ ምስል፡ ቤቱ፡ እግል፡ ለምጹእ፡ ገመው። ደአም፡ በዲር፡ እት፡ ኬን፡ ወክድ፡ እት፡ ቡ፡ ምን፡ ሐድገም፡ ናሶም፡ እግል፡ ኢሊጊሶ፡ ክም፡ አቤ፡ እሎም፡ ምን፡ ፈርሀው፡ እግል፡ ልደክላሁ፡ አንስ፡

ለሐው፡ ለእትዬታት፡ ነድአው፡ እቱ። ወሀተን፡ ጋሪተን፡ እንደ፡ አስለጠያ፡ ክም፡ አቅበለያ፡ ለአብአስተን፡ እት፡ ልቀርዶ፡ መጽዕኖም፡ ነስአው፡ ከደነው፡ እቱ። ወደንጎባ፡ እግል፡ ከንቴባይ፡ እት፡ ዐዱ፡ ክም፡ አፍገረም፤ ሕና፡ ለኢዐገብናሃ፡ ማ፡ ቡ፡ እንተ፡ ማ፡ አኩይ፡ ወዴከ፡ ደሐረና፡ ገድም። እንደ፡ ቤለው፡ ረምቀም። ወሀቱ፡ ሀዬ፡ ልቡ፡ እንደ፡ አብረሀ፤ ምላም፡ በኪተት፡ ትግረኩም፡ ዘርእኩም፡ ልብቀል፡ ጸርዕኩም፡ ልጥለል፡ ወእኩይ፡ ወአባይ፡ ለቱ፡ ረቢ፡ ወማርያም-ጨውን፡ ልግግም፡ ወልክርዕም፡ ምንኩም። እት፡ ልብል፡ ደሐረዮም። ወሐር፡ ዝላም፡ ክም፡ በዝሐት፡ እክል፡ ወሐሊብ፡ ሀዬ፡ ፈሸ፡ ከዐድ፡ ፈርሐ፡ ወእብ፡ ጎይላ፡ ወእብ፡ ጥቅር፡ ነብር፡ ዐለ። ወከንቴባይ፡ ዕቅባምኬል፡ እግል፡ ሰመረ-ልዑል፡ ሰበት፡ መትአማን፡ እግል፡ ሹሙ፡ እብ፡ ጎማት፡ ዐድ፡ አብረራ፡ ለልትበሀል፡ ምድር፡ ከሬር፡ ሀበዬ።

፫፫፡ እሲት፡ ከንቴባይ፡ ዕቅባምኬል፡ ብእሳ፡ እብ፡ ለለአትዮ፡ እታ፡ ማል፡ ለቱ፡ ተቀንዴ፡ ኢዐለት። ክእና፡ እክል፡ እብ፡ ሐምሐምስ፡ መጽዕን፡ ምን፡ አተ፡ ቀበቶ። ሐር፡ ኩሉ፡ ምስል፡ አስክመ፡ ምእት፡ መጽዕን፡ እንደ፡ ጸዐነ፡ ምን፡ አተ፡ እታ፤ ሹሉ፡ እሊ፡ እግል፡ ልርቆብ፡ እቱ፡ እግል፡ ማ፡ እብ፡ ሐቴ፡ ዶል፡ መጽሐኒ፤ ቴሎ። — ወሀዬ፡ ጨብል፡ ለትትበሀል፡ ወአት፡ ብሕታሃ፡ ምን፡ ዐለት፡ እላ፡ እግል፡ ድሉ፡ መጽአያ፡ ሐሊብ፤ ግይ፡ ወእቱ፡ ቱ፡ እሽም፡ ሐሊብ፡ ለብዕደት፡ አሐ፤ ትብሎ፡ ዐለት። ወሐር፡ ብእሳ፡ ሀዬ፡ ለለአቴ፡ እታ፡ ሐሊብ፡ ሐሊብ፡ ወአታ፡ ሌጠ፡ ክም፡ ኢኮን፡ እግል፡ ለርእያ፡ እግል፡ ተለትቱ፤ ሰለወአታ፡ አጽዱ፤ ቤሎም፡ ከአጽደፈዎ፡ ወእግል፡ እትዬ፡ ሐላይብ፡ ክም፡ በዲሩ፡ አተው፡ እታ። ሀታ፡ ላተ፤ ሰዲር፡ ሐሊብ፡ ወአቱ፡ አቴ፡ እቱ፡ ዐለ፡ ወእዜ፡ ሀታ፡ ምን፡ ሞተት፡ ለሐሊብ፡ ብዙሕ፡ ከሸፈ። ትቤ፡ ከአግረምረመት። ሐቆሃ፡ ብእሳ፤ ማገድም፡ እብ፡ ኩሉ፡ ተሐለልና፡ እትኪ። ቤለ፡ ከአዝመ፡ ምና።

፫፭፡ ወሐር፡ ከንቴባይ፡ ዕቅባምኬል፡ እት፡ ዐዱ፡ ወእብ፡ ሹሙቱ፡ እንደ፡ ነብር፡ ነብረ፡ ሞተ። ደአም፡ ሀብስላሴ፡ ወድ፡ ብክሩ፡ ቀደሙ፡ ምን፡ ሞተ፡ ወትምክኤል፡ ወድ፡ ወልዱመ፡ ምን፡ ነአሸ፡ ደሲት፡ ወድ፡ ዳግሙ፡ ሹመት፡ ወምድር፡ ፍጎመ፡ ነስኦ፡ ወትምክኤል፡ ወድ፡ ሐሀ፡ ክም፡ ዐብ፡ ደሲት፡ እንደ፡ አትጋለለዩ፤ ማኅዳ፡ ፍጎከ፡ እን

ሳኦ፡፡ ቤሎ፡፡ ሀቱ፡ ሀዩ፡፡ ማረቢ፡ ለኢልርኦ፡ ማ፡ ቡ፡ ረቢ፡ ለአን  
 አሸዩ፡ ልንአሸ፡ ወሀቱ፡ ለአትወበዩ፡ ዐቤ፡ ዕሙ፡ ጽ፡ አና፡ ደኢኮን፡ ምን፡  
 ለተርፈትመ፡ ማ፡ ኢእነሰኦ፡፡ አንዶ፡ ቤላ፡ ክልኤ፡ ገርሀት፡ ወምን፡  
 ወራቢት፡ ክልኦት፡ ፈራዕ፡ ነስኦ፡ ወሐቆሃ፡ ክሎም፡ ለውላድ፡ ከንቲ  
 ባይ፡ ዕቅባም ኬል፡ አክል፡ ሕድ፡ ዳር፡ አቡሆም፡ ከፍለው፡ ደአም፡  
 ደሲት፡ ለመትሸያው፡ ምን፡ ናይብ፡ ቱ፡ ደኢኮን፡ ምን፡ ሐጸይ፡ ኢ  
 ትሸዩመ፡ ወሐር፡ ዐድ፡ ድብሎይ፡ ለተርፍ፡ ካምል፡ አንዶ፡ ትበአ  
 ሰም፡ ለምን፡ ሐጸይ፡ ለመጽአት፡ ንጋረት፡ ሰርቀው፡ ምኑ፡ ከአብደሞ፡ ደ  
 አም፡ ሐር፡ ደሲት፡ አት፡ ናይብ፡ ሙሳ፡ ለሕቱ፡ መቅዶ፡ ሃዲ፡ አንዶ፡  
 ጠርወ፡ ብዕደት፡ ንጋረት፡ ሀበዩ፡ ሐቆሃ፡ ደሲት፡ ክም፡ ሞተ፡ ለሸ  
 መት፡ ብዙሕ፡ ዘበን፡ ባጥላት፡ ዐለት፡ ወእብሊ፡ ዘበን፡ አሊ፡ ክምሰል፡  
 ዘበን፡ በዲር፡ ለዐድ፡ እብ፡ ጸጋ፡ አገሌ፡ ልትራታዕ፡ ነብረ።

፪፣ መንገድ፡ ዘበን፡ በዲር፡ ቤት፡ ክስታኖም፡ እት፡ ሀይገት፡  
 እት፡ እንተ፡ አስክ፡ ዘበንናመ፡ ለዐባዩሆም፡ እት፡ ስምጣ፡ እት፡ ለሀላ፡ መል  
 ገብ፡ በዐት፡ ቀቡሮም፡ ዐለው፡ ወለመልገብ፡ ለበዐት፡ ለሀይ፡ ምን፡ ተ  
 ሐት፡ ለከድቤቱ፡ በልቀት፡ ተ፡ ወምን፡ ለዐል፡ ሰለስ፡ አመት፡ ለትወ  
 ቀላ፡ ምና፡ ግምእ፡ ዐቢ፡ ቱ፡ ወአፊቱ፡ እብ፡ እበን፡ ሰኒ፡ ትዳበኦ፡ ዶል፡  
 ቅብረት፡ ሰልፍ፡ ኩሉ፡ እት፡ ለአፊቱ፡ ወአት፡ ሐርዶ፡፡ ከለስጋሃ፡ እት፡  
 ለአካኑ፡ ሌጠ፡ ልትበላዕ፡ ደኢኮን፡ እት፡ ዐድ፡ ለአቲቡ፡ አለቡ፡ ወለ  
 መ፡ መእስ፡ እት፡ ለአካን፡ እብ፡ እሳት፡ ለትሐሩሮ፡ ገድም፡ ሐር፡ ለ  
 ወአት፡ ክም፡ ተሐረደት፡ ለመልገብ፡ እባእባ፡ ልትከሰት፡ ወእምበል፡  
 ዓባቱ፡ ለለአምር፡ እናስ፡ በዐል፡ ኤግን፡ ወዛግን፡ ልባን፡ አንዶ፡ አትን  
 ኑ፡ እብ፡ ለግናዘት፡ ለለአቲ፡ አቱ፡ አለቡ፡ ወክእና፡ ዐባዩ፡ ለዐድ፡  
 ልትቀበር፡ ዐለው።

፫፣ ደአም፡ ዐድ፡ መንገድ፡ ሐቲ፡ ዶል፡ ሳብክ፡ እት፡ እንቱ፡  
 ከንቲባይ፡ ደሲት፡ እት፡ ሽዕብ፡ ምን፡ ሞተ፡ አቱ፡ ቀብ  
 ረም፡ ወኖረት፡ አንዶ፡ ወደው፡ አቱ፡ ቀብሩ፡ ለተሌ፡ ምድርመ፡ ኩሉ፡  
 ደሲት፡ ልትበሀል፡ ሀለ፡ ወሐቆሀ፡ ኩሉ፡ አዳም፡ እብ፡ ክልኤ፡  
 ገበይ፡ — ምክ፡ ክምሰል፡ በዲር፡ እብ፡ ክያል፡ ማ፡ እብ፡ ድጌ፡ — ልት  
 ቀበር፡ ሀለ፡ ምና፡ ተ፡ ምን፡ ሞት፡ ከንቲባይ፡ ቲድሮስ፡ ወሐር፡  
 ምርምር፡ ሹም፡ ወሓይስ፡ ለቱ፡ እብ፡ መንደቅ፡ ኖረት፡ ልትቀበር፡ ሀለ፡  
 ደአም፡ ምንመ፡ ስርሐት፡ ለቀብር፡ ለለዓሉ፡ በንበን፡ ትገብእ፡ እት፡ ለ

ቀበቱ፡ ላተ፡ አግዳ፡ እብሊ፡ ዘበንና፡ ክል፡ ዶል፡ ለግናዘት፡ እብ፡ መል  
 ገብ፡ ትዳበእ፡፡

፬፣ እብ፡ ዘበን፡ ዕቅባም ኬል፡ ወደሲት፡ ዓይለይ፡ ወደ፡  
 ዐንደሎይ፡ ወቡላ፡ ወድ፡ ተስፋ-ልዑል፡ አንዶ፡ ትመሳነው፡  
 ምስል፡ ነብር፡ ዐለው፡ ለዶል፡ ሀዩ፡ እት፡ ምድር፡ ሐብብ፡ ክልኦት፡  
 ሐ፡ እዛዝ፡ ወሐሳማ፡ ውላድ፡ ሀብቲስ፡ ክም፡ ትበአሰው፡ ልት  
 በሀል፡ ደንጎብ፡ ሐሳማ፡ እግል፡ ሐሀ፡ ቀትለዩ፡ ከአብ፡ ዐዳ፡ ወእብ፡  
 ንዋዩ፡ እት፡ ሀይገት፡ ዐለ፡ እታ፡ ዓይለይ፡ ወቡላ፡ ክም፡ ትከበተዎ፡  
 ንዋዩ፡ እግል፡ ልርጌ፡ ሮራ፡ ሰለባ፡ አፍገረም፡ ወንዋዩ፡ እግል፡ ኢልት  
 ዘመት፡ እብ፡ ተርተራ፡ ለትዓቁብ፡ ዐለው፡ ደአም፡ ሰብ፡ ሰንሒት፡  
 ንዋይ፡ ሐሳማ፡ እግል፡ ልዝመቶ፡ ሸአገው፡ ዓይለይ፡ ወሐሳማ፡ ሀዩ፡  
 እት፡ ዕንክለት፡ ወድ፡ አርባዕ፡ እት፡ ልተልሀው፡ ለከራዩ፡ ረአሳ፡ እ  
 ቶም፡ እት፡ ትለምም፡ ረአዎ፡ ወክል፡ ምርቶም፡ እግል፡ መለሀዩ፡ ፍ  
 ጁዕ፡ እግል፡ ኢልምሰሎ፡ ከ፤ ሆሆእ፡ ትዘመትና፡፡ እግል፡ ኢሊባል፡ ክል  
 ኢቶም፡ አድሕድ፡ ተሓገገው፡ ደንጎብ፡ ላተ፡ ዓይለይ፡ እግል፡ ሐሳ  
 ማ፤ ምእስክ፡ ሸክናና፡ ከይዶ፡ እዘም፡ ምናም፡፡ ቤሎ፡ ሐር፡ ሸክንሆም፡  
 ክም፡ ኬደው፡ ጽዋሮም፡ እግል፡ ልንሱእ፡ ሰዐው፡ ክምስል፡ ጸሮም፡  
 ቀንጸው፡ እቶም፡ ወአስከዎም፡ ወእት፡ ልሰኩ፡ ዓይለይ፤ ምለዘማቲ፡ እግል፡  
 ኢልትበረው፡ እናስ፡ ቅተሎ፡ ምናም፡፡ ቤላ፡ ሐቆሃ፡ ክም፡ ደሐነው፡  
 ለተላይ፡ ለአሐ፡ ክስእት፡ አንዶ፡ ዐለት፡ ክም፡ ዓረት፡ ወወአቱ፡ ምን፡  
 ቀዝረት፡ እለ፤ ምእንክር፡ ከራዩ፡ ቱ፡ ደኢኮን፡ ረብቶ፡ ፈጅርመ፡ ወ  
 ደግመቶ፡፡ ቤላ፡ ለዶል፡ ሐሳማ፡ ሀዩ፡ እለ፡ ሐላዩት፡ ሐለ፤

፭፣ እኪት፡ ተ፡ ሞት፡ ሰለባ፡ ካሩ፡ እትኩ፡ እበናት፡፡  
 ሰኒት፡ ተ፡ ሞት፡ አፍ-ሓሬን፡ ገለብ-ሰግላ፡ ወግራት፡፡  
 ኢፈዲ፡ ዕዳዩ፡ ወኢውዲል፡ እት፡ እማት፡፡  
 ፈጅር፡ ምድር፡ ምን፡ ጸብሐ፡ ዐድ፡ ሀሩሱ፡ ም፡ ውላድ፡፡

፮፣ ከእለ፡ አንዶ፡ ሐላ፡ እት፡ ዐዳ፡ ክም፡ አቅበለ፡ ናውድ፡ ወድ፡  
 ለእሉ፡ ቀትለ፡ ሐሀ፡ ሸዩም፡ ጸንሐዩ፡ ወናውድ፡ እግል፡ ሐሳማ፤ ምእ  
 ሰናይ፡ ደሐን፡ መጽአክ፡፡ እት፡ ልብል፡ ትከበተዩ፡ ወመምበር፡ ከረ፡  
 እለ፡ ከሀዩ፤ ምድም፡ አቡዩ፡ ኢኮን፡ ዐቤኒ፡ ሀቱ፡ ልሕከም፡ ወልፍ  
 ረድ፡፡ ቤላ፡ ደአም፡ ክልኦት፡ ገብሩ፤ ምእግል፡ በሐር-ነጋሲ፡ እ  
 ዛዝ፡ ለሞቱ፡ አብደክሃ፡ ቱ፡ ናውድ፡፡ ቤላው፡ ከአጠዕሰም፡ ሀቱ፡ ሀዩ፤  
 ምእስክ፡ ልትሀመል፡ እልዩ፡ እፈግዎ፡ ሀሌኩ፡ ደኢኮን፡ ኢአብደክሃ፡፡

በልሰ፡ እቶም፡ ገድም፡ ሐር፡ እግል፡ ለዎሮቶም፤ ማለግል፡ መለሀይከ፤  
 'ሽመት፡ አውደከ፡' በሎ፡ ከእኛ፡ ስበክ፡ ወክም፡ መጽአኩኒ፡ እና፡  
 ሆይ፤ እት፡ አቡዬ፡ ሐሳማ፡ ሐለፍ፡ ሀቱ፡ ኢኮን፡ ዐቤኒ፡ እብለኩም፡  
 እንደ፡ ቤለ፡ ገመዬ፡ ከክምሳል፡ ትሳበከው፡ ከእት፡ ናውድ፡ መጽአው፡  
 ለዎሮት፤ ማለግል፡ አውደከ፡ ሽመቱ፡ ፍዴኒ፡" ቤሎ፡ ለዎሮት፡ ሆይ፤  
 "መትአዋዲ፡ እትአወድ፡ ደአም፡ ኢእፈዴ፡" ቤለ፡ ከበልሰ፡ እቱ፡  
 ናውድ፡ ሆይ፤ ማለግል፡ አቡዬ፡ ሐሳማ፡ ልፋርጋ፡" እንደ፡ ቤለ፡ እቱ፡  
 ነድአዮም፡ ወሀቱ፡ ጋሪቶም፡ ክም፡ አሰአለዎ፤ ማለግል፡ ልትፈዴ፡  
 ወእወድ፡ ልፍዴ፡" ቤለ፡ ከፈርድ፡ ገድም፡ ለአውድ፡ ምሱል፡ እብ፡  
 ኮናቱ፡ ክል፡ ዶል፡ እት፡ እዴሀ፡ ለለውዕል፡ ገብር፡ እግል፡ ሐሳማ፤  
 "ሐቆ፡ እለ፡ ትቤ፡ እንተመ፡ እወድ፡ ኢኮን፡ እንተ፡ ከፍዴ፡" እንደ፡  
 ቤለ፡ እብ፡ ምን-ረሐሩ፡ እት፡ ነዳይቱ፡ ለኮናት፡ ወደ፡ እቱ፡ ሐሳማ፡  
 ሆይ፡ እባእባ፡ ለኮናት፡ እግል፡ ለፍግር፡ ምኑ፡ ምን፡ ሐዘ፡ እብ፡ ተ  
 ሓቲት፡ ልግባእ፡ ማ፡ እብ፡ ለዓሊት፡ ኢዐረባ፡ ከክእና፡ ገድም፡ እን  
 ደ፡ አከ፡ እግል፡ ለኢሰኔ፡ እብ፡ መሰል፤ ማለግል፡ ኮናት፡ ሐሳማ፡ ለ  
 ልትበሀል፡ እግል፡ እለ፡ ለመሰል፡ ቱ፡ ወሐሳማ፡ ክእና፡ ክም፡ ሞተ፡  
 እምበል፡ ገብሩ፡ ለፈግረቦም፡ ሰይፍ፡ ወዎሮ፡ ምግዳ፡ አሐ፡ ደኢኮን፡  
 ኩሉ፡ ለብዕድ፡ ንዋዩ፡ ትገደቡ፡ ወእግል፡ ውላዳ፡ ለተርፈ፡ አለቡ፡  
 ወለቀትለዩ፡ ገብር፡ ናውድ፡ እንደ፡ አስተረሐ፡ እቱ፡ እለ፡ ክርቴ  
 ፈት፡ ሐለ፤

"አቡዬ፡ ሐሳማ፡ ልቡ፡ ገዝፍ፡ ምን፡ ከብደት፡  
 እዛዝ፡ ቃትል፡ እት፡ እና፡ ወኢትከራከ፡ ምን፡ ሀይገት፡  
 እት፡ ለረአሳ፡ ወዐቀብከ፡ ላለ፡ አስክ፡ እትሀርገት፡"

ገድም፡ እለ፡ ገብር፡ ክም፡ ለቤላ፡ ዐይብ፡ ሀይገት፡ ጽኑዕ፡ ቱ፡  
 ወእግል፡ ለአክዮ፡ ለረድዮ፡ አለቡ፡

፪፯፡ መንግሥት፡ ቀላቀል፡ ወክድ፡ ትሰብክ፡ እት፡ ከራ፡ ሽዕብ፡  
 ወ መሐደር - የጊን፡ ወ ዐይግ፡ ተሐድር፡ ዐለት፡ ከሐቲ፡ ዶል፡  
 ዓይለይ፡ ወድ፡ ዐንደሎይ፡ ምስል፡ አርባዕ፡ ለውላዳ፡ ረድኢ፡ ወዕቅ  
 ቤስ፡ ወአሚር፡ ወሐሸላ፡ እት፡ ሽዕብ፡ ክም፡ ሰብከ፡ ከራዬ፡  
 ወረቶ፡ ደአም፡ ለከራዬ፡ ክም፡ ቀርባት፡ እቶም፡ እግል፡ ለውላዳ፤  
 "ለከራዬ፡ አስክ፡ ሽክናና፡ ትከይድ፡ ኢትግንሐዋ፡ ወኢትርቀቆ፡" እን  
 ደ፡ ቤለ፡ ኤማን፡ አውደዮም፡ ወዓይለይ፡ ለሐወደቡ፡ እብ፡ ሽብሐ፡  
 ወእብ፡ ዕብ፡ እግል፡ ለዕንታቱ፡ ምን፡ ደብአ፡ ምኑ፤ ማለግል፡ እብ፡

ጽምብል፡ ረአሰ፡ ለዐል፡ እሰር፡ እልዩ፡" እንደ፡ ቤለ፡ አስራሙ፡ እለ፡  
 ጸንሐው፡ ወአዜ፡ ለከራዬ፡ ክም፡ ሸአገት፡ ሰይፍ፡ እንደ፡ ሐርጠ፡ ወብላዩ፡  
 እንደ፡ ሐድገ፡ ትጠለቀ፡ እታ፡ ውላዳ፡ ሆይ፡ ደርብ፡ እንደ፡ ገአው፡ ቀትሎ፡  
 ዐለው፡ አሚር፡ እብ፡ ሰይፍ፡ እናስ፡ ቀትለ፡ ሐሸላ፡ ለኮናቱ፡ እንደይ፡ ደርብ  
 ያ፡ ቀትልባ፡ ዐለ፡ ከለእዴሀ፡ እብ፡ ለደም፡ እት፡ ለቀጸር፡ ክም፡ ኢትት  
 በረር፡ ለጥአት፡ ዕቅቤስ፡ ወረድኢ፡ ሆይ፡ ክም፡ ፈርም፡ ቀትለው፡ ሐር፡  
 መንግሥት፡ መውዲ፡ ለዘማቱ፡ ክም፡ መጽአያ፡ ረድአት፡ ወእት፡ ዐድ፡  
 ክም፡ መጽአት፡ ለከራዬ፡ ጋርባት፡ ወዓይለይ፡ ምስል፡ ውላዳ፡ ዕወት፡  
 ጸንሐያ፡ ደአም፡ ቀጸር፡ ለኮናት፡ ሐሸላ፡ እብ፡ ለደም፡ እት፡ እዴሀ፡  
 ምን፡ ለጥአ፡ እት፡ ጢሾ፡ ሐሳስ፡ እንደ፡ ወደው፡ ምንመ፡ ለጠምዕዋ፡  
 እለ፡ ዐለው፡ አቤት፡ እሎም፡ ገድም፡ ዐድ፡ ደሐን፡ ክም፡ ገአ፡ እት፡ ረድ  
 ኢት፡ ለመጽአት፡ ቤት፡ አቡሀ፡ እብ፡ ሆይ፡ እግል፡ ዓይለይ፤ በባል፡ ምን፡  
 ውላድከ፡ ቅታል፡ አዩ፡ ምኖም፡ በዝሐ፡" ሰአለቶ፡ ሀቱ፡ ሆይ፤ "ውላጄ  
 ዲ፡ ክሎም፡ ልትጸገሞ፡ ዐለው፡" ሀቶም፡ ሆይ፤ "ኢኮን፡ ዘይድ፡ ም  
 ኖም፡ ሚ፡ ልሰአን፤" ቤለም፡ ሀቱ፡ ሆይ፡ እት፡ ነይ፡ ቀልብ፡ እንደ፡  
 ጌስ፡ ምንመ፡ ለቅታል፡ ሐሸላ፡ በዝሐ፤ ማለግል፡ ባፈዲ ብ፡ በና፡ ተ፡ ቤ  
 ሎም፡ ወምን፡ ውላዳ፡ አግዳ፡ እግል፡ አሚር፡ ምን፡ ፈተ፡ ምንመ፡  
 ዎሮት፡ ሌጠ፡ ቃትል፡ ቱ፡ ስሙ፡ እንደ፡ አጠባቀረ፡ ባፈዲ ብ፡ ቤሎ፡  
 ከሐመደዩ፡ ሐሸላ፡ እለ፡ ክም፡ ሰምዐ፡ ዲ-ዮ መ፡ እንደ፡ ቤለ፡ እብ፡  
 ነድር፡ ወእብ፡ ደቅብ፡ ለእዴሀ፡ ምን፡ ነዝፈ፡ ምን፡ ለቀጸር፡ ትበረረት፡  
 — ዓይለይ፡ ወውላዳ፡ ሐድ፡ ክእና፡ ፈዳይብ፡ ምን፡ ገአው፡ ብዙሐ፡  
 ዶል፡ ዐደም፡ ለነግር፡ ዐለው፡ ደአም፡ እሎም፡ ቀዳምያም፡ ለውላዳ፡  
 ተርፍ፡ እንደይ፡ ሐድገ፡ ትማየተው፡

፪፰፡ ወእሎም፡ ክም፡ ትማየተው፡ ዓይለይ፡ እግል፡ ዎሮቶም፡ ሐ  
 ጸሃ፡ ለዐለ፡ ድርድር፡ ወለት፡ ሸላብ፡ እናስ፡ ዐድ - ብርሃኑ፡ ነይ፡  
 ሰብ ብሌን፡ መትሎሃ፡ እግል፡ ኢትብዴ፡ ምኑ፡ እግል፡ ለምንአሹ፡ እ  
 ግል፡ ሐሀ፡ ገብራስ፤ ማለግል፡ ሆይ፤ ቤሎ፡ ገብራስዲ፡ ክም፡ መርዓዋ፡  
 ትፈረር፡ እታ፡ ሐር፡ ክም፡ አምጸአዋ፡ ላተ፡ እግል፡ ዓይለይ፡ ሀበያ፡  
 ወዓይለይ፡ ምንመ፡ አዜ፡ ብዙሐ፡ አበረ፡ እብ፡ እብሩ፡ ሰመረ - ል  
 ዑል፡ ወተስፋ፡ ጮን፡ ወልደ፡ እታ፡ ወእብሎም፡ ተርፍ፡ ሐድ  
 ገ፡ ደአም፡ ምንመ፡ ምዕባይ፡ ገብራስ፡ ዐለ፡ ወድ፡ መበል፡ ትቱ፡  
 ፍን፡ ኢነስአ፡



፫፱፡ እብሊ፡ አውካድ፡ እሊ፡ ማ፡ ምን-ረሐሩ፡ ኢነአምር፡ ደኢኮን፡ የሐንሱ፡ ወድ፡ ሃከይ፡ ለልቡሎ፡ እናሱ፡ ከበሳ፡ ምን፡ ሰራዬ፡ እት፡ ሮራ፡ አግዐር፡ ሐድረ፡ ወሀቱ፡ እናሱ፡ ብዙሕ፡ ፈዳብ፡ ቱ። ሀዬ፡ ምስሉ፡ ለመጽአ፡ ወምን፡ ሸነክመ፡ ለተሐበረዬ፡ ብዙሕ፡ አዳም፡ ተአከበ፡ እቱ፡ ከአግል፡ አግዐር፡ ምብዝሐ፡ ወሀዬ፡ እግል፡ መራት፡ ምርት፡ ክፈል፡ ከግዐር-ጸሊም፡ ዳርቃ፡ እሲቱ፡ ሌጠ፡ እንደ፡ ወደያ፡ ሐርሶ፡ ዐለ፡ ሐቱ፡ ምዕል፡ ለእሲቱ፡ እግል፡ ትጋነሓ፡ ምን፡ መጽአት፡ ሀቃ፤ ማ፡ እግል፡ እሊ፡ ንኢሾተቲት፡ ዳርቀቲት፡ ገርሀት፡ ሐረስኮ፡ እልኪ፡ ልብለኒ። እንደ፡ ትቤ፡ ቀበታ፡ ልትበሀል። ወድጌሀ፡ እት፡ መቀኒ፡ እንደ፡ ወደ፡ ብዙሕ፡ ደቀበ፡ ወተዐመረ፡ ወአስክመ፡ ቤት-ማርያም፡ ነድቀ፡ አቱ።

ሐር፡ እንደ፡ ነብር፡ ነብረ፡ ሐቱ፡ ዶል፡ አንስ፡ መንሳዕ፡ ክምሰል፡ ልማደን፡ ቤት-ማርያም፡ እግል፡ ልትጋሰሳ፡ ፈግረያ፡ እቱ። ደአም፡ ሀቱ፡ እሊ፡ ዶል፡ እሊ፡ አቤተዮን፡ ደኢኮን፡ ክምሰል፡ በዲሩ፡ ክልኤ፡ መካን፡ ወአምያሳት፡ ወሰለቂት፡ ወነበሪት፡ እንደ፡ ወደ፡ ኢሐረበዮን። እብ፡ ሰበት፡ እሊ፡ እብ፡ ፈጅራ፡ እት፡ ለቀብላ፤ ማድ-ሃከይ፡ አቤቲና፡ ወነፍስና፡ እት፡ ለሐዜ፡ እትና፡ እብ፡ እኩይ፡ ትቃርሐና። እንደ፡ እምቤ፡ ምስል፡ አብእስና፡ ነትብእሶ። ቤለያ፡ ከትጋመያ፡ ሐቆሃ፡ እግል፡ አብእስተን፡ እሊ፡ ክም፡ አሰአለያ፡ ሀቆም፡ እንደ፡ ትነደረው፡ ዕንድር፡ አተዝበጠው፡ ከተአከበው፡ ወእንደ፡ ገመው፡ ፈግረው፡ እቱ፡ ከ፤ ምን፡ ምድርና፡ ገዐዝ። እት፡ ልብሎ፡ አዘዘም፡ ሀቱ፡ ሀዬ፤ ማድም፡ ሳርሐኒ፡ ምእት፡ መጽዐን፡ ወለጌልሎ፡ አዳም፡ ሀብኒ። ቤሎም። ሰብ፡ መንሳዕ፡ ሰኒ፡ ቤለም፡ ወየሐንሱ፡ ለምእት፡ መጽዐናም፡ ወነይ፡ ናሱመ፡ ጸዕነ። ደአም፡ ምን፡ ለእሉ፡ ነስአ፡ ማል፡ ለተርፈ፡ ምን፡ በዝሐ፡ ወምን፡ ጸሩ፡ ብዝሓም፡ ተሊሀ፡ ምን፡ አበው፡ ክም፡ እስላም፡ ዐለበዮም፡ ወ፤

፡፡አስላማይ፡ አይመማኸርቲ፡  
እኸሊን፡ አይከብቲ።፡፡

እት፡ ልብል፡ ሐርቀ፡ ከከበሳ፡ እት፡ ዐድ፡ መንጎንቲ፡ ፈግረ፡ ወእቱ፡ ክም፡ በጽሐ፡ እብ፡ ለተርፈ፡ ምን፡ ማሉ፡ ሐስበ፡ ከለመጽዕን፡ ገድብ፡ እግል፡ ለአዳም፡ ላተ፡ እብ፡ ነፍሶም፡ በልሰዮም።

፹፡ መንሳዕ፡ ዶል፡ ሰብክ፡ ለድጌሃ፡ እት፡ ላባ፡ ማ፡ እት፡ ወዐስ፡ ሐድር፡ ዐለ፡ ሐቱ፡ ዶል፡ ሀዬ፡ እት፡ ከረው፡ ሐድራም፡

ክም፡ ቆም፡ ልትበሀል። ምን፡ ለእታ፡ ሐድር፡ አምዳራት፡ ለቀላቀል፡ ሐርሶ፡ ዐለው። ግብር፡ ሐርሰም፡ ሐምስ፡ ምዕል፡ ወዕርርም፡ ክልኤ፡ ምዕል፡ — ሰምበት፡ ንኢሹ፡ ወሰምበት፡ ዐባይ፡ — ቱ፡ እግል፡ ሐሊቦ፡ ላተ፡ እግል፡ ማርያም፡ ጅምዐትመ፡ እንደ፡ ሰረወው፡ እታ፡ አርባዕ፡ ምዕል፡ ሌጠ፡ ሐሩሳ፡ ዐለው።

፷፩፡ እት፡ ስምጥ፡ ሐሊቦ፡ ሀዬ፡ ሸቦዲን፡ ለልትበሀል፡ ደብር፡ ሀለ፤ ለእብ፡ ፈግረ፡ እቱ፡ ገበዩ፡ ሐቱ፡ ሌጠ፡ ተ፡ ከጽነዕ፡ ቱ፡ ከራይ፡ አለብ፡ ወከራዮ። ለሐረስቶት፡ ለአርባዕ፡ ምዕል፡ ክም፡ ሐርሰው፡ እትሊ፡ ደብር፡ ለአብዕረት፡ እንደ፡ ሸፈለው፡ በኖም፡ እቱ፡ እግል፡ ልትረወው፡ ዐዶም፡ ገይሱ፡ ምን። ወለሰለስ፡ ምዕል፡ እንደ፡ ዓረፈው፡ ክም፡ አቅበለው፡ ለአብዕረት፡ እብ፡ ደሐኑ፡ ጸንሐም፡ እቱ፡ ዐለ። ገድም፡ ክም፡ ልማደም፡ እብ፡ ዘበን፡ ከራ፡ ሰመረ-ልዑልመ፡ ሐቱ፡ ዶል፡ አብዕረቶም፡ እት፡ ሸቦዲን፡ እንደ፡ ሸፈለም፡ ዐዶም፡ ዓረው፡ ምን። ደአም፡ እሊ፡ ዶል፡ እሊ፡ ክም፡ ጌሰው፡ እባእባ፡ ቩልካ፡ ለልትበሀል፡ እናሱ — ወሀቱመ፡ ምን፡ ርሐም፡ አረቢ፡ — አባይ፡ ትላክ፡ ከለአብዕረት፡ አተሰረቀ። ናሱ፡ ላተ፡ ክም፡ በዐል፡ ደሐን፡ እንደ፡ ትመሰሉ፡ እት፡ ዐድ፡ አተ፡ ወሐር፡ ለሐረስቶት፡ ሐቆ፡ ለሰለስ፡ ምዕል፡ እግል፡ ትሐረሱ፡ ክም፡ መጽአት፡ ለደብር፡ ብራቁ፡ ጸንሐያ፡ ከለሐረስቶት፡ እብ፡ አዘርእታ፡ እት፡ ዐድ፡ አቅበለት። ሰብ፡ ለዐድ፡ እንደ፡ ተዐጀበው፡ ስኖ፡ ክእና፡ ደሐንኩም። ቤለምም፡ ሀቆም፡ ሀዬ፤ ማድም፡ ብራቁ፡ ጸንሐና፡ ለአብዕረት፡ ምን፡ ጅን፡ ነስአዩ፡ ማ፡ መልአክ፡ ኢነአምር፡ ገድም፡ ሐርስ፡ በጠሰ። ቤለምም፡ ሐር፡ ለአብዕረት፡ እንደ፡ ለተንተኖብ፡ ዐለው። ቩልካ፡ አተሰረቀዮ። ትበሀለ። ወቩልካ፡ መቀዲቱ፡ ክም፡ ተአመረ፡ ምንመ፡ እብ፡ ቀሎሶ፡ ኢትከሰሰ፡ ፈርሀ፡ ከዐዳ፡ ሐድጉ፡ ወትሰቀቁ።

፷፪፡ ወሐር፡ እት፡ ከደኑ፡ እንደ፡ ነብር፡ ነብረ፡ ማድሐን፡ ቱ፡ ሴመ፡ ኢትፍራሀ፡ እት፡ ዐድክ፡ አቅብል። ምን፡ ቤለም፡ ላተ፡ አቅበለ፡ ከምስል፡ ሰመረ-ልዑል፡ ወድ፡ ዓይለይ፡ ዓረ፡ ሀቱ፡ ክም፡ ለሴመ፡ ኢወደ፡ እብ፡ ጽንዑ፡ ሸነን፡ ቤለ፡ ደአም፡ ሐቱ፡ ሰምበት፡ ዐባይ፡ ሰመረ-ልዑል፡ ምስምሳ፡ እት፡ ለሐዜ፡ ዐሙር፡ እንደ፡ አተም ለኢ፡ አርፈዐ፡ እቱ። ሐር፡ ቩልካ፡ እሊ፡ ክም፡ ረአ፡ እግል፡ ሰመረ-ልዑል። ስኖ፡ እግል፡ ሚ፡ እሊ፡ አተርፈዐክ፡ እቼ፤ ቤሎ፡ ሰመረ-ልዑል፡ ሀዬ፤ ለእሉ፡ ወዴከ፡ ትረበዘሀ፡ ቱ፡ ወአና፡ እረፍዕ፡ እትከ።



ወአንተ፣ ትረፍሱ፣ እቺ፣ ደኢከን፣ ቀብል፣ ሕድ፣ ሸነን፣ ሚ፣ እምብል፣ እንተ፣ ወድ-ሹ-ል-ካ፣። ሌሎ። ከምን፣ እለ፣ ወሐር፣ ሹልካ፣ ምን፣ ሕውትነት፣ እንደ፣ ትክረ፣ ተሀመድ፣ ወእግል፣ ሰመረ-ልዑል፣ ትከ ተለ፣ ምና፣ ተ፣ ክምሰል፣ አት፣ ሽ ማ ገ ለ ይ ፣ ቀ ጢ ፣ ፡ እቱ፣ ልግ ባእ፣ ማ፣ እት፣ ተርፋ፣ መአወድ፣ መድሀነት፣ ሌሳስ፣ ኢትከራት፣ እቶም፣ ዕልብ፣ ተርፋ፣ እለ፣ ቱ፣ እለ፣ ወድ-ሹ-ል-ካ፣ — ክሌ በይ፣ — ተክሩረይ፣ — ክሌበይ፣ — ሰሬረይ፣ — ትር ከይ፣ [ወክልቦይ፣] ወልደ።

፹፫፣ ተስፋጮንመ፣ ወደ፣ ዓይለይ፣ ሀይ፣ እናስ፣ ፈዳብ፣ ወ ሓጥር፣ ክም፣ ቱ፣ ልብሎ። ሐቱ፣ ዶል፣ ምን፣ ገጽ-ገምሮት፣ እን ዶ፣ ትበገሰ፣ ጋሸይ፣ እት፣ እንቱ፣ እት፣ ክርምብራ፣ መጽአ። ወ መልገመት፣ ወለት፣ እሽሐቅ፣ ምን፣ ተርፍ፣ ሰመረ-ልዑል፣ ዕር ቅት፣ እት፣ እንተ፣ እግል፣ ተስፋጮን፣ እት፣ ዐዶም፣ ጸብሕ፣ እት፣ ሀለ፤ ምአሰናይ፣ ደሐን፣ መጽአከ።። ቴሎ። ሀቱ፣ ሀይ፤ ምአፎ ዐረቅኪ፣ መል ገመት፣ ሐውኪ፣ አፎ፣ አልበሶትኪ፣ ሰአነው።። ሌላ። ሀታ፣ ሀይ፤ ም ነዩኒ፣ ከዐረቅከ፣ ዕሉም።። ቴሎ። ለዶል፣ ሀቱ፣ እት፣ ለዐድ፣ ማጽአ፣ ምን፣ ለጸንሐ፣ ምሮት፣ ዐሽከረይ፣ [ነጌደይ፣ ማ፣ ደላሊቦይ፣] ብላይ፣ ስ ማኒ፣ እንደ፣ ነስኦ፣ አልበሰያ።

ወሀቱ፣ እት፣ ክርምብራ፣ እት፣ እንቱ፣ እግል፣ ለዐድ፣ ከራይ፣ እን ዶ፣ ዐዩነት፣ ረኤቶ፣ ለመዐይነት፣ እት፣ ለጸርም፣ ክም፣ አቅበለው፤ ምእት፣ ለዐድ፣ ተስፋጮን፣ ለልቡሎ፣ እናስ፣ ሓጥር፣ ሀለ፣ ከአፎ፣ ኒደዮ።። ሌ ለው። ሀቶም፣ ሀይ፤ ምእናስ፣ እምብል፣ ሚ፣ ቱ፣ እናስ፣ እንከራ፣ እቱ።። ሌለው። እብሊ፣ እንደ፣ ትራደው፣ ስጋ፣ ረፍዐው፣ ወአዶረው፣ ከ፤ ምእት፣ ረአስ፣ ለገርዝሀ፣ ለጨምራ፣ ከለልትቃተሎ፣ እለ፣ ሞከት፣ እለ፣ መን፣ ነስኦ።። እግል፣ ሕድ፣ ሰአአለው። ምእና፣ እነስኦ።። ሌለ፣ ምሮ ቶም፣ ከትከበተያ። — ሐቆሃ፣ ክም፣ ወረው፣ ለሀይ፣ እግል፣ ለጸሩ፤ ምእናስ፣ አርኡኒ-ቱ፣ ኢአምሮ።። ሌለ፣ ወሐር፣ ለወራር፣ ተምበለው፣ ክም፣ ሌለ፣ ተስፋጮን፣ እት፣ ለትሳቅር፣ ትደገሐ፣ እቶም። ወለዶል፣ ሰብ፣ ለከራይ፣ እግል፣ ለሞከቱ፣ ናስእ፤ ምሎሀይ፣ ቱ፣ ለእናስ።። ሌለው። ተስፋጮን፣ ተውሌ፣ ምን፣ ገአ፣ እግል፣ ለኮናቱ፣ እብ፣ እዴ፣ ለማኑ፣ እንደ፣ አትረአዩ-ተ፣ እት፣ እዴ፣ ለገለብ፣ አዶረያ፣ ከእግል፣ ለመጸግ መዩ፣ እት፣ ለስምጦ፣ ለባቂ፣ ረገዘዩ፣ ለእናስ፣ ሀይ፣ እት፣ ልወድቅ፣ እ ግል፣ ለጸሩ፤ ምእልኦት፣ ቱ፣ ደይ፣ ትብሉኒ፣ ምሮት፣ ቱ፣ ቴሉኒ፣ ከአብ

ቄከኒ፣ ሕዘኖ፣። ሌሎም፣ ከሀፍሽ፣ ወደ፣ አባእባ፣ ለከራይ፣ ማይት፣ ወሳኪ፣ እንደ፣ ገአት፣ ትፈናጠረት፣ ወተስፋጮን፣ እንደ፣ ተዐወተ፣ እብ፣ ዐዳ፣ ተርፈ።። ከመልገመት፣ እብ፣ ሰበት፣ እለ፣ ከሉ፣ እለ፣ ትቤ፣

ምሰብ፣ መወጥዕ፣  
እደይ፣ ክእና፣ ጠቅዕ።  
ከራ፣ ዕሉም፣  
መዋዲቱ፣ ግሩም።።

፹፬፣ መንሳዕ፣ እብ፣ ጸብኢት፣ አስክ፣ ባካት፣ ምዳንመ፣ ት ገይስ፣ ወምን፣ ምተሐት፣ ደሴት፣ ወሀላገመት፣ ትዘምት፣ ወአ ረይ፣ ተአቱ፣ ዐለት። ወእትሊ፣ አነክር፣ እለ፣ ሰብ፣ ደከኖ፣ ልግቡእ፣ ማ፣ ብዕዳመ፣ ጸኑሕ፣ እቱ፣ ወልትዘመቶ፣ ዐለው።

፹፭፣ እትሊ፣ አካናት፣ እለ፣ [ምስል፣ ጸሩ፣] እግል፣ ልዝመት፣ ደውር፣ ለዐለ፣ ለእመር፣ አግዳ፣ ቡላ፣ ወድ፣ ተስፋ-ልዑል፣ ቱ። ሀቱ፣ ክእና፣ እት፣ ልወደ፣ ብዙሕ፣ ዶል፣ ሰክብ፣ ወሐርድ፣ እታ፣ ለዐ ለ፣ አካን፣ አስክመ፣ አዜ፣ ሕደት-ቡላ፣ ትትበሀል፣ ሀሌት። ሀቱ፣ ሰይፋ፣ ምን፣ ዐስተር፣ እንደ፣ ትክረ፣ ወዳይቱ፣ ክም፣ ረክበቶ፣ እሉ፣ ከሰበት፣ እለ፣ ውቀት፣ ልትበአስ፣ እት፣ ክል፣ ዝብጠቱ፣ ዐስር፣ ለ ወድቅቡ፣ ክም፣ ዐለ፣ ልትበሀል። ወእብ፣ ቅታል፣ ሰይፋ፣ ምን፣ ተዐ ጀበው፣ ሀቱ፤ ምእናዲ፣ መለሀይ፣ ብዩ፣ ደኢከን፣ በይንዩ፣ እቅትል፣ ኢ ሀሌከ።። ሌሎም። ወምን፣ እለ፣ ሌለ፣ ዕን፣ እኪት፣ በአቶ፣ ወተሐሰደ፣ ከሐምቀ፣ ገድም፣ ክእና፣ ሐቱ፣ ዶል፣ ምን፣ ዘምተ፣ ወረድኢት፣ ምን፣ ዐሬትቡ፣ ሀቱ፣ እብ፣ ለንዋይ፣ እት፣ ልሄርር፣ ለረድኢት፣ እብ፣ ርሳ ሰት፣ መጋቡ፣ ሰብረት። ደአም፣ ሐር፣ ሰይፋ፣ ሕሩጥ፣ ወረአስ፣ ለዐል፣ ጸብጠ፣ ምን፣ ረአዎ፣ ክም፣ ለደብ፣ እሉም፣ አምሰለም፣ ከሰከው፣ ምኑ። ሐቆሃ፣ ሰብ፣ ለከራይሀ፣ ትርፈቱ፣ እንደ፣ ረአው፣ ምን፣ አቅበለው፣ እቱ፣ እንደይ፣ ልትሰለብ፣ ጸንሐዮም፣ እናሶም፣ ነስኦው፣ ከእት፣ አረ ዮም፣ ዐረው። ሐር፣ እት፣ ላባ፣ እት፣ መስከሶም፣ ክም፣ አተውቡ፣ ቡላ፣ ሞተ፣ ወእታ፣ ትቀበረ፣ ለሰይፋ፣ ሕልወይ-ቡላ፣ እት፣ ልት በሀል፣ አስክ፣ እለ፣ እት፣ ወድ፣ ዐቢ፣ ለዐዳ፣ ሀለ። ጅንስ፣ ለሰይፋ፣ አፍርንጂ፣ ቱ፣ ወገሌ፣ ክቱብ፣ ወሐብሬ፣ አዳም፣ ብእቱ።

፹፮፣ ትራጅ፣ ወልዳ፣ ብዙሕ፣ ጸጋይ፣ ክም፣ ቱ፣ ከአክል፣ ለገሻ፣ መጽአ-ተ፣ ገብእ፣ ምን፣ ለጸንሕ፣ እሉ፣ ከሉ፣ ክም፣ ሀይብ፣ ልትሀ ደግቡ፣ ሀለ። ክእና፣ ሐቱ፣ ወክድ፣ ገሻ፣ ምን፣ ተአንገደዩ፣ እግል፣

ተላቶ፤ "ለአሁን ጊዜ፡" ቤሎ፡ ለተላቶ፡ ሆይ፡ ለጽንቱ፡ ምን፡ አመረ፤ ምን፡ ለአሁን፡ እግል፡ ኢልሎረድ፡ ኢዳደረድ፡ ሐር፡ ክም፡ ኢዳረት፡ ናሱ፡ ጌሱ፡ እቱ፡ ከ፤ "እግል፡ ለገሻ፡ እግል፡ ኢአቅተል፡ ምና፡ ምን፡ ትፈረህ፤ ሐሊብ፡ ሌጣ፡ አጽግጋም፡" ቤሎ፡ ለተላቶ፡ "ሰኒ፡ አጀነት፡ እንደ፡ ወደሱም፡ ጽንሐ-ኒ፡" ቤሎ፡ ከዳደረድ፡ ደአም፡ ሐር፡ እት፡ ተወይር፡ በዐላ፡ ቀንጾ፡ እታ፡ ከእብ፡ ለሰይፍ፡ አብሁ፡ ቀጻፍ፡ ክልኤ፡ ወአት፡ ነስኤ፡ ወእግል፡ ለገሻ፡ "እለን፡ ሕራብኩም፡ ተን፡ ጥብሐወን፡" ቤሎም፡ ለተላቶ፡ እሊ፡ ክም፡ ረአ፤ "አይ፡ ክምስልሃ፡ ግባእ፡" እት፡ ልብል፡ ጠርዐ፡ ትራጅ፡ ላተ፡ "ይ፡ ደአም፡ እት፡ ረአስ፡ ለሐሊብመ፡ ለወአት፡ አብልዎም፡" ቤሎ፡ ክእና፡ ለገሻሁ፡ ሐረብ፡

፹፮፡ ሸዕብ፡ አወሎ፡ ነይ፡ መንግሥት፡ እንደ፡ ገአ፡ ሐቲ፡ ዶል፡ ቀይም፡ ምን፡ ሰብከው፡ እት፡ ስምጡ፡ እት፡ ከረው፡ ዓረው፡ ሰብዐድ - ትማርያም፡ ሆይ፡ ሸዕብ፡ እንደ፡ ሐዘው፡ እት፡ ለመቅጠን፡ ከረው፡ እት፡ ቀብሎም፡ ሐድረው፡ ከአሎም፡ እግል፡ ሰብ፡ መንግሥት፡ "ማይ - አሌ፡ አስቱና፡" ቤለዎም፡ ሰብ፡ መንግሥት፡ ላተ፤ "እብ፡ ዕንኩም፡ ኢነገነሐኩም-ቱ፡ ኢፋልና፡" እት፡ ልብሎ፡ በልሰው፡ እሎም፡ ክእናመ፡ እንደ፡ ትክለአው፡ ሰብ፡ ዐድ-ትማርያም፡ እብ፡ ንዋዩም፡ እት፡ ምዕጥን፡ ማይ-አሌ፡ እግል፡ ለስቱ፡ ወርደው፡ ከለዶል፡ እት፡ ለምዕጥን፡ እብ፡ ሐጻይን፡ ሕድ፡ ገልደት፡ ዐድ-ትማርያም፡ ተወወተት፡ ወመንግሥት፡ እት፡ ረአስ፡ ተሰፋጮን፡ ወድ፡ ዓይለይ፡ ሐምሳ፡ እት፡ እንተ፡ በደት፡ መንግሥት፡ አካና፡ እንደ፡ ሐድገት፡ ወዐስ፡ ክም፡ በአት፡ እግል፡ ዐድ-ትማርያም፤ "ገለድ፡ ዕሪት፡ ሀቡና፡" እንደ፡ ትቤ፡ ረምቀቶም፡ ሰብ፡ ዐድ-ትማርያም፡ ሰኒ፡ ክም፡ ቤለዎም፡ ሕድ፡ እግል፡ ኢልዝመቶ፡ ወመንግሥት፡ ሐዘና፡ ወሂቦሃ፡ አስክ፡ ትወደ፡ ሰብ፡ ዐድ-ትማርያም፡ እንሳህም፡ ወዐጣሎም፡ እት፡ ወዐስ፡ እግል፡ ኢልብአም፡ እቶም፡ ትጋለደው፡ ከእብሊ፡ ዐድ፡ ዐደም፡ ትጋዩሰው፡

፹፯፡ ደአም፡ ሐቆ፡ ክልኤ፡ ሃመት፡ ሰብ፡ መንግሥት፡ ንዋዩም፡ ወእክሎም፡ ክም፡ በዝሐ፡ ወአዳዎም፡ ክም፡ ተወመረ፡ ወአግዳ፡ ሰብ፡ ዐድ - ትማርያም፡ ሆይ፡ ገለዶም፡ እንደ፡ ጠልመው፡ እንሳህም፡ ወዐጣሎም፡ ወዐስ፡ ምን፡ አብአም፡ እቶም፡ ሰብ፡ መንግሥት፡ እብ፡ ድመሎም፡ እት፡ ሰብ፡ ዐድ - ትማርያም፡ ለስደምድሞ፡ ዐለው፡ እብ፡ ሰብት፡ እሊ፡ እንደ፡ አቅደመ፡ ሐምድ፡ ወድ፡ ተክስላሴ፡ ለልቡሎ፡ መንሰዐይ፡ ወድ፡ ዐድ-መሐሪ፡ እብሊ፡ ብይአት፡ ወዐስ፡ ብዙሕ፡ ገሀ፡ ከ

ነብራ፡ አብ፡ ወክልኦት፡ እናስ፡ ምን፡ ሰብ፡ ዐዳ፡ ወድ፡ አርባዕ፡ እት፡ ልተልሀው፡ ምን፡ ረአ፤ "እለ፡ ጅርባት፡ እለ፡ እት፡ እንርኤ፡ አዳም፡ ልተለወቅ፡ ከልተልሂ፡" እንደ፡ ቤሊ፡ ትቀጸብ፡ እቶም፡ እሊ፡ እናስ፡ እሊ፡ ምን፡ ነብራ፡ እንደ፡ ሐረነ፡ ሞተ፡ ሰብት፡ እሊ፡ እግል፡ ተርፋ፡ እት፡ ለትሳቁርም፡ አዘመ፡ ውላድ፡ ሐራን፡ ልቡሎም፡ ሀለው፡

፹፰፡ እብ፡ ምስምሳ፡ እሊ፡ ኩሉ፡ መንግሥት፡ እንደ፡ ተአከበት፡ እት፡ ዐድ-ትማርያም፡ ድመላ፡ ትፈደት፡ እግል፡ ዐድ-ትማርያም፡ እት፡ ቅፍርላ፡ እት፡ እንተ፡ ዘምተታ፡ ወእንደ፡ ተወወተት፡ እታ፡ ሐምሳ፡ እናስ፡ ቀትለት፡ ምና፡ ወእብ፡ አረያ፡ አቲት፡ — ደአም፡ ሐርመ፡ ክም፡ ለእንርኤ፡ በአሶም፡ እብሊ፡ ኢትከለሰ፡

፹፱፡ ሕቆ፡ እለ፡ ሆይ፡ መንግሥት፡ ምስል፡ ጸውራ፡ እብ፡ በአስ፡ ትማጸአት፡ ወምስምሳሁ፡ ክእና፡ ቱ፡ መንግሥት፡ ምርት፡ እናስ፡ ሰብ፡ ጸውራ፡ እብ፡ ስቱር፡ እት፡ ቀላቅል፡ ቃትለት፡ ዐለት፡ ሐር፡ ላተ፡ ሰብ፡ ተረብ፡ ጸውራ፡ እት፡ ገለብ፡ ምን፡ ፈግረው፡ እብ፡ ቅታሎም፡ እት፡ ልገሎ፡ ወ፤

"ወድ፡ አቡዬ፡ ቂሾተይ፡  
ደሐን፡ መደ፡ እት፡ ሞደይ፡  
እት፡ ለሐን፡ ለገምሮተት፡  
አንገርገረት፡ ድቦከት፡"

እት፡ ልብሎ፡ ሰምዐው፡ ወሰብ፡ ለተረብ፡ እሊ፡ እት፡ ልቦም፡ እንደ፡ ከረው፡ እት፡ ዐደም፡ ክም፡ አቅበለው፤ "ብሸራት፡ ቃትለት፡ ዩባት፡ ትረከበት፡ ለቀትለቶ፡ መንግሥት፡ ተ፡" እንደ፡ ቤለው፡ እግል፡ ዐደም፡ አሰአለው፡ ሐቆሃ፡ ጸውራ፡ እሊ፡ ክም፡ ሰምዐት፡ ምስል፡ ክል፡ አባይ፡ ለምን፡ ዋይራ፡ ወሐብብ፡ እንደ፡ ገአት፡ እት፡ ሸዕብ፡ ሀግተት፡ እሎም፡

፻፩፡ እግል፡ መንግሥት፡ ሆይ፤ "ጸውራ፡ ሸዕብ፡ ሃግተት፡ እልኪ፡ ሀሌት፡" ለልብላ፡ መቤልአይ፡ መጽአያ፡ ከመንግሥት፡ ሆይ፡ ዕንድር፡ እንደ፡ አዝበጠት፤ "ንስብክ፡ ማ፡ ኢንስብክ፡" እት፡ ትብል፡ ሾለት፡ ወሐር፡ ዐገባ፡ ወድ፡ ዩጊን፤ "ሸዕብት፡ እግል፡ ጅሃድ፡ አጸርያ፡ እመይት፡ እታ፡ ወአቅተል፡" እንደ፡ ቤሊ፡ ሃፍ፡ ወደ፡ ወዐድ፡ ኩሉ፡ ምስሎ፡ በሐር፡ ገሊላይ፡ ቤሊ፡ ከሰብክ፡ ወሐር፡ ክሎም፡ ምስል፡ እት፡ ወዐስ፡ ክም፡ ዓረው፡ ለሰብ፡ አባጽሕት፡ ምን፡ እንደ፡ ቀንጸው፡ ጋድም፡

ደ ሲ ት ፡ ጸብጠው። ሰብ፡ ጸውራ፡ ሆይ፡ ምን፡ ለተሐት፡ ሸዕብ፡ እንደ፡ ቀንጸው፡ እት፡ ቅብላቶም፡ ሸፈው።

፺፪፡ ከእናስ፡ ጸውራ፡ መንሳዕ፡ እግል፡ ትትፈለል፡ እት፡ ሞራሁ፡ አየት፡ እንደ፡ ወደ፡ ወመዛርነይ፡ እንደ፡ ትመሰለ፡ እት፡ መንሳዕ፡ ጠርቀ፡ ወእግል፡ ለሐይስ፡ ሐይስ፤ "እንተ፡ እገሌ፡ ምን፡ ፈትሐመ፡ ደሐን ተሐይስ።" እት፡ ልብል፡ አብ፡ ለሞራ፡ ለአየቱ፡ ተማትሞም፡ ዐለ። ወሀቶም፡ ሐሳብ፡ ለተማተሞቹ፡ ምን፡ ኢአመረው፡ ጋራ፡ ኢወደው። ምና፡ ተ፡ እት፡ ጅቡል፡ ወድ፡ ዳይርመ፡ አብ፡ ለሞራሁ፡ ክም፡ ቀርቦይ፡ ህቱ፡ ሆይ፡ "ኬን፡ በላ፡ ምንዩ።" እንደ፡ ቤለ፡ አብ፡ ሞራሁ፡ ሀርመያ፡ አቱ። ጸውራ፡ ሆይ፡ እለ፡ ክም፡ ረኤት፡ ምስምሳ፡ ረከበት፡ ወአብ፡ ለማይት፡ "ወልዩ፡ የባት፡" እት፡ ልብል፡ አስቀረ፡ ከእት፡ ለከራይ፡ ጠርቀ። ለጸሩ፡ ሆይ፡ "የባት፡ ወድ፡ ክልናመ፡ ቱ።" እት፡ ልብሉ፡ ምስሉ፡ እት፡ መንሳዕ፡ ቀንጸው፡ ወዐገባ፡ ወድ፡ የጊን፡ ወክልኦት፡ ብዕዳም፡ ቀትለው፡ ምናም፡ ከእግል፡ ለተርፈው፡ አስከም።

፺፫፡ በዲር፡ ነገር፡ ደሐን፡ እት፡ እንቱ፡ ጅቡል፡ ወድ፡ ዳይር፡ ወመስመር፡ ወድ፡ ነጋሲ፡ ለልቡሎ፡ ጸውረይ፡ አብ፡ ህጅክ፡ ልትገገው፡ ዐለው። ከጅቡል፡ እግል፡ መስመር፤ "አቡይ፡ መስመር፡ በጽሕ፡ ወአትሐመድከ።" ቤሎ። መስመር፡ ሆይ፤ "ከአፍ፡ ወተሐመድብይ።" እት፡ ልብል፡ ሰአለይ። ጅቡል፤ "ኮናት፡ እብ፡ ተሐት፡ ወለዐል፡ እንደ፡ አርኤከ-ተ፡ ወወደያ፡ እትከ፡ ከወነጥረ፡ ምንከ።" በልሰ፡ አቱ። መስመር፤ "ከምን፡ ነጥር፡ ሐር፡ እተያ፡ ወትከረ።" ቤሎ። ጅቡል፤ "እት፡ ምድር፡ ወትከረ።" ቤሎ። ከመስመር፡ ሆይ፤ "እት፡ ምድር፡ ምን፡ ልትከራዲ፡ አና፡ አቡከ፡ ኢኮን፡ ወጸንሐክም።" ቤሎ። ወክእና፡ እንደ፡ ትበሃሀለው፡ ትጋየሰው። ወሐር፡ አምዕል፡ እለ፡ ሸርም፡ መስመር፡ እግል፡ ጅቡል፤ "በጽሕ፡ ወአትሐመድከ።" ትብለኒ፡ ኢኮን፡ ዐልከ፡ ከአዜ፡ እግል፡ ትትሐመድብይ፡ አብል፡ ነዐ።" ቤሎ። ጅቡል፡ ሆይ፡ እለ፡ ክም፡ ሰምዐ፡ ጠርቀ፡ አቱ፡ ወክም፡ ለእለ፡ ልብሉ፡ ለዐለ፡ ኮናቱ፡ እንደ፡ አትረአይ፡ ደርቦያ፡ አቱ። መስመር፡ ሆይ፡ እት፡ ገለብ፡ እንደ፡ ትከበተያ፡ ደሐን፡ ምና። ወጅቡል፡ እለ፡ ክም፡ ረአ፤ "ለኮናቹ፡ ዐይብከ-ተ።" እንደ፡ ቤሎ፡ ነጥረ፡ ምን። ወሐር፡ መስመር፡ እግል፡ ፌልትክ፡ ለኮናት፡ ጅቡል፡ አብ፡ አስራዲ፡ እንደ፡ ዓረረያ፡ ነድአያ፡ አቱ።

፺፬፡ ሐቆሃ፡ መንሳዕ፡ ክም፡ ዓረፈት፡ ንዋይ፡ ጸውራ፡ እግል ልትርዔ፡ እት፡ ሕማኤ፡ ሰምጥ፡ ሰለባ፡ እት፡ እንቱ፡ ጅሃድ፡ ወድ፡

ዐገባ፡ ደም፡ አቡሁ፡ እግል፡ ልትፈይ፡ እንደ፡ ቤለ፡ ምስል፡ ዐዳ፡ ዘምተይ። ከብዙሕ፡ አዳም፡ እንደ፡ ቃተለው፡ አብ፡ ንዋይ፡ ለአረዮም፡ ዐይም፡ አተው። ሐቆ፡ እለመ፡ መንሳዕ፡ እግል፡ ሰብ፡ ጸውራ፡ አብ፡ ቅልዕት፡ ወአብ፡ ሕብዕት፡ ትዘምቶም፡ ወትቀትሎም፡ ወተበድዮም፡ ዐለት። ወአብ፡ ክእና፡ ጸውራ፡ በይደት፡ ወፍንጥርት፡ እንደ፡ ዐለት፡ አብሊ፡ ዘበን፡ እለ፡ ሌጠ፡ አንተብተበት፡ ወቀንጸት፡ ከሀሌት።

፺፭፡ እብ፡ ድግማን፡ ሆይ፡ መንሳዕ፡ ወዐድ-ትማርያም፡ እብ፡ ዘበን፡ ከምል፡ ለካልኦ፡ [ወድ፡ ተስፋ-ምኬል፡] ወምን፡ ዐድ-ገብሬስ፡ እብ፡ ዘበን፡ ተስፋ-ምኬል፡ ወድ፡ ገብሬስ፡ ወአብ፡ ዘበን፡ ሐሸላ፡ ወድ፡ ተስፋ-ሎን፡ ትማጸአይ፡ ሰልፍ፡ ዐድ-ትማርያም፡ እት፡ ከዋክን፡ ለምዕጥን፡ ክርምብራ፡ ንዋይ፡ መንሳዕ፡ እቱ፡ ዋርድ፡ እት፡ እንቱ፡ ዘምተቶ። መንሳዕ፡ ሆይ፡ ለመውዲ፡ ክም፡ መጽአያ፡ ረድአት። ወሐይምኬል፡ ወድ፡ ነበረይ፡ ለልቡሎ፡ ምድት፡ እናስ፡ መንሳዕ፡ አብርሃተይ-ቀይሕ፡ እግል፡ እሲቱ፤ "ምን፡ ለሐሊባት፡ ሀቢኒ።" ቤላ፡ ህታ፡ ሆይ፤ "ኢትወጸረ፡ ወኢትመሀጸ።" እንደ፡ ትቤ፡ ከልአቶ። ክእናመ፡ እት፡ እንቱ፡ ምን፡ ለአባያም፡ ምን፡ ዐድ-ትማርያም፡ ወድ፡ ሕመድ-አሐ፡ ለልቡሎ፡ ምድት፡ ቀትለ፡ ምናም። ሐር፡ ላተ፡ እብ፡ አፋ፡ ወአብ፡ ጸገም፡ ምን፡ ሰአን፡ ነፍሱ፡ እግል፡ ለፍግር፡ ሰከ። ደአም፡ ሰንደልደል፡ ምን፡ ቤለ፡ ለአባያም፡ ረደም፡ ከእንደ፡ ትካረሬም፡ ምድት፡ ምናም፡ አናሹ፡ እንደ፡ ቤለ፡ ረግዘይ። ህቱ፡ ሆይ፡ ለእሲቱ፡ ለወዴታ፡ ረዶት፡ እንደ፡ ዐለባ፤ "እናስ፡ እሸቹ፡ ደኢኮን፡ እናስከ፡ ኢአና።" ቤሎ፡ ከሀፍሸ። — መንሳዕዲ፡ እለ፡ እናስ፡ እለ፡ ሞተ፡ ምና፡ ደኢኮን፡ እምበል፡ ለቀዳም፡ ካልኦ፡ እናስመ፡ ቀትለት፡ ምናም፡ ወአሐሃ፡ እንደ፡ አተክሬት፡ እብ፡ ዐውቲ፡ ዐዳ፡ አቴት።

፺፮፡ ወሐቱ፡ ዓመት፡ ምን፡ ሕድ፡ እንደ፡ ከልአው፡ መንሳዕ፡ ድጊሃ፡ ላባ፡ እት፡ እንቱ፡ ዐድ-ትማርያም፡ መጽአታ፡ ከ፤ "አብ፡ ደሐን፡ እግል፡ ንትናበር፡ እት፡ ለእሎም፡ ቀተልኩም፡ ምንና፡ ክልኦት፡ እናስና፡ ጠርቅ፡ ሀብና።" ቱላ፡ መንሳዕ፡ ሆይ፤ "ጠርቅኩም፡ ሚ፡ ቱ።" ትቤ፡ ከሰአለታ። ህቶም፡ ሆይ፤ "ቤት-ጁክ፡ እት፡ ጠርቅ፡ ክርኩር፡ ቀይም፡ ቀይም፡ ዕቤላ፡ ጽምድ፡ ክም፡ ለተሀይባና፡ ክምሰልሁ፡ ደው፡ እልና።" ቤለሞ። መንሳዕ፡ እለ፡ እብ፡ ልባ፡ እንደ፡ አቤታ፤ "አግሙና፡ ወዕለት፡ ሀብና።" ቱሎም። "ከዕለት፡ ክልኤ፡ ሳምን፡ ወዴና፡ እልኩም።" ቤለሞ፡ ከዐይም፡ ጌሰው።

ገገ፡ መንገድ፡ ላተ፡ [ሀቶም፡ ክም፡ ጊሰው፡ ምና፡] እት፡ ንዋያ፡ እት፡ ሽዕብ፡ ለአካት፡ ከአት፡ ገጽ - ገምሮት፡ አፍገረቶ፡ ወእት፡ ዐድ-ትግርያም፡ "መንገድ፡ ጠልመተኩም፡ ለልብሎም፡ መስለለይ፡ መጽአዮም፡ ሀቶም፡ ሀዬ፤ "ክስታንመ፡ አለ፡ ጥልም፡ አለ፡ ተአምር፡" እንደ፡ ሌለው፡ መንገድ፡ እግል፡ ልዝመቶ፡ ቀንጸው፡ — ደአም፡ ገብ ሬስ፡ ወድ፡ እሽሐቅ፡ ዎሮት፡ ምናም፡ ወለት፡ መንገድ፡ ሃዲ፡ ትቱ፤ "ትገሰው፡ የሀው፡ አለ፡ ክስታን፡ እብ፡ ለአዝጉራ፡ እኪት፡ ተ፡ ናስኩም፡ እንደ፡ መጽአኩማ፡ ኢኮን፡ እት፡ አካና፡ እት፡ ሐና፡ ረቢ፡ ልዕቀበና፡ ምና፡" እንደ፡ ሌለ፡ ገመዮም፡ — ሀቶም፡ ላተ፡ አበው፡ አለ፡ ከአግማሎም፡ እንደ፡ ነስአው፡ ጊሰው፡ ወለአግማሎምዲ፡ አካል፡ መንገድ፡ እብ፡ ለወክድ፡ ባቅል፡ ወባሽል፡ ለዐለ፡ ክም፡ ዘምተዎም፡ አለ፡ እንደ፡ በትከው፡ እግል፡ ልጽዐና፡ እቱ፡ እንደ፡ ሌለው፡ ምስ ሎም፡ ዋልም፡ ዐለው፡ ደአም፡ አስክ፡ ዘምቶ፡ ወልዳለው፡ በከክያ፡ እት፡ ለትትበሀል፡ አካን፡ ቀላቅል፡ እት፡ አፍ፡ መሐዝ፡ ላባ፡ አግማ ሎም፡ ሐድገው፡ ሀቶም፡ ናሶም፡ ላተ፡ እንደ፡ ተአከበው፡ መንገድ፡ ወ ረው፡ መንገድ፡ ሀዬ፡ ለዶል፡ እት፡ ገጽ - ገምሮት፡ እት፡ እንተ፡ አመቶም፡ ምን፡ ኢአመረት፡ እብ፡ አንሳ፡ ወእብ፡ ውላዳ፡ እንደ፡ ሰኬት፡ አድብር፡ ሻፈለት፡ ወሐር፡ ለሓጥሮታት፡ እት፡ ለከራይ፡ እንደ፡ ትከ ረው፡ እግል፡ ልትሻፈራ፡ ምን፡ ሐዘው፡ አንሶም፡ ወውላዶም፡ ወሐ ዎም፡ ከርዕዎም፡ ወጸበጠዎም፡ — ደአም፡ ብእምነት፡ ወድ፡ ሀ ዛም፡ ዎሮ፡ ምናም፡ እት፡ ወድና፡ ገርሀቱ፡ ትገሰ፡ ወእሲቱ፡ ሸዌት፡ ትቀዎድ፡ ከትሀይቦ፡ ዐለት፡ ደኢኮን፡ ምን፡ አወሎ፡ ኢሰከ፡ ሀቱዲ፡ ለከራይ፡ እንደ፡ አምሸሸ፡ ድን፡ እት፡ ልብል፡ በልዕ፡ ሌጠ፡ ዐለ፡ ወ ለአሲቱ፤ "ዮው፡ መጽአዮና፡" አክል፡ ለቲሎ፡ ሀቱ፡ ሀዬ፤ "ሐጅፍ፡ ኢቲበሊ፡ ሀበኒ፡ ደአም፡ ልብላ፡ ዐለ፡ ክም፡ በልዕ፡ ሀዬ፤ "አዜመ፡ ሐሊብ፡ አስቲ፤" ሌላ፡ ወሀታ፡ አስቲቶ፡ ለዛምተት፡ ሀዬ፡ ክእና፡ ግሱይ፡ ወማን፡ ወገለብ፡ እንደይ፡ ልርኤ፡ ክም፡ ረአዎ፡ እግል፡ ልም ጽእዎ፡ ኢረደው፡ ሀቱ፡ ላተ፡ ለሐሊብ፡ ክም፡ ሰተ፡ ንዋያቱ፡ እንደ፡ ነስአ፡ እት፡ ለከራይ፡ ቀንጸ፡ ከአባእባ፡ እብ፡ ለኮናት፡ እናስ፡ ቀትላ፡ አታ፡ ሐር፡ ገድም፡ ምስሎ፡ ናስኤ፡ እት፡ ለዐለ፡ ሸዌቱ፡ ምን፡ ለኮና ቱ፡ እት፡ ለእደሀ፡ ደም፡ ለእናስ፡ እንደ፡ አጭሮረገ፡ ሓበረ፡ አቱ፡ ከ ቀሐመዬ፡ ወእሊ፡ ክም፡ በልዕ፡ ምን፡ ለከራይ፡ ብዝሓም፡ ቃተላ፡ — እት፡ አድብር፡ ለጸንሐው፡ ሓጥሮታት፡ ዐዳ፡ ሀዬ፡ እሊ፡ ክም፡ ረ

አው፡ ሐርቀው፡ ከእንደ፡ ትከረው፡ ሰደዎ፡ ወእግል፡ ለከራይ፡ ሀት፡ ሌለዋ፡ ዐድ-ትግርያም፡ ገድም፡ እንደ፡ ትሰበረት፡ ማይት፡ ወሳኪ፡ ገአት፡ ወለመ፡ አግማላ፡ እት፡ ልሰኬ፡ ብራቱ፡ አቅበለ፡ መንገድ፡ ሀዬ፡ እት፡ ትዳገና፡ አስክ፡ ቅሩብ፡ ዐዳ፡ አብጸሐታ፡ ለዶል፡ ምን፡ ለ ከራይ፡ ዎሮት፡ እናስ፡ እት፡ ልሰኬ፡ እት፡ ሰልፍ፡ ለአቅበለ፤ "ዮው፡ ዐድ-ትግርያም፡ ክል፡ ሐቱ፡ እት፡ አፈት፡ አፈታ፡ ትብኪ፡ ወአዜመ፡ መን ሳዕ፡ አሰርዬ፡ ሀሌት፤" እንደ፡ ሌለ፡ ወወ፡ ከበዲር፡ እግል፡ ዐዳ፤ "ንዕ ና፡ የሀው፡ ትገሰው፡ ኢቲጊሰ፡ እቶም፡" ለሌሎም፡ እናስ፡ እሊ፡ መው ሂ፡ ክም፡ ሰምዐ፡ እት፡ ለሰቅር፤ "[በዲርመ፡ ሚ፡ ኢእባላ፡] መንገድመ፡ ገድም፡ አብዘሐቶ፡ አና፡ ወድ፡ እሸሐቅ፡" ሌለ፡ ከእግል፡ ዐዳ፡ አስተ ረሐ፡ እቶም፡ መንገድ፡ ላተ፡ ምን፡ ከደን፡ ክደና፡ አቅበለት፡ ደኢኮን፡ እት፡ ለድጊሆምዲ፡ ኢአቲት፡ — ጸውራ፡ ወዐድ-ትግርያምዲ፡ ዶል፡ ዘማቲ፡ ወረድኢት፡ እግል፡ ሐድ፡ ሰዳ፡ ዐለው፡ እብሊ፡ ወክድ፡ እለመ፡ ክምሰልሀ፡ ጸውራ፡ ወዐድ-ትግርያም፡ እንደ፡ ምስል፡ ገአዮ፡ ምስል፡ ትበተከያ፡ ወብዝሓም፡ ሞተው፡ ምናም፡

ገገ፡ በዲር፡ ክም፡ ለትበሀል፡ ሐቆ፡ ደሲት፡ ሸመት፡ ምን፡ በጠ ለት፡ ቤት-አብርሃ፡ ግቡል፡ ወዐቢ፡ እብ፡ ለቱ፡ ትትራታዕ፡ ዐለት፡ ምና፡ ተ፡ እብ፡ ፍትሕ፡ መሐሪ፡ እንደ፡ ትመረሐው፡ እብ፡ ክሎም፡ ለ ዐባዬ፡ ኩሉ፡ ለዐድ፡ ለገአት፡ ጎማት፡ ለብዝሓም፡ ትተሌ፡ ዐለት፡ ገድም፡ ክምሰልሀ፡ ሀዬ፤ "ጸጋ፡ ተሰፋ-ምኬል፡" ወድ፡ ገብራስ፡ [ዐድ፡ ገብራስይ፡] ልትበሀል፡ ዐለ፡ ወሐር፡ ላተ፡ ቤት፡ አብሀ፡ እንደ፡ ቀሰባቶ፡ እግል፡ ትሸይሞ፡ ሐዜት፡ ከእብ ፈጅራ፡ ለዐድ፡ እግል፡ ልከንትቦ፡ እት፡ ለ ሐዜ፡ ዶል፡ ምሴ፡ ኩሉ፡ ለዐድ፡ እት፡ ስልቃ፡ አትላክ ወመንመ፡ እግል፡ ኢልትረሱዕ፡ ሌሎም፡ ደአም፡ ትግርያም፡ ወድ፡ ተስፋ- ሐንስ፡ ምን፡ ትረስዐዎ፡ ሀቱ፡ እብ፡ ለላሊ፡ ለሀ፡ እት፡ ጎይላ፡ እንደ፡ ጊሰ፡ እብ፡ ሀዬ፡ ክእና፡ ሌለ፤

"እብ፡ ግዳ፡ ወእብ፡ ጠባይ፡  
ኢእምብላ፡ ከንቱባይ፡"

ገገ፡ ተሰፋ-ምኬል፡ ሀዬ፡ እሊ፡ ክም፡ ሰምዐ፤ "ለእባ፡ አባኮ፡ እለ፡ እንደ፡ ፈርሀኮ፡ እምበል፡ ሚ፡ ቱ፡" ሌለ፡ ከክም፡ በዲር፡ እብ፡ ለግ ጽነቱ፡ ሌጠ፡ አቀንደ፡ ወምን፡ መትሸያም፡ ትገሰ፡

፫፡ ከምል፡ ወድ፡ ተስፋ-ምኬል፡ [ዐድ፡ ሐፈሮመይ፡] እናስ፡ ብዙሕ፡ ሓጥር፡ ወፈዳብ፡ ዐለ፡ ስሙ፡ እት፡ ክል፡ አካን፡ አስክመ፡ እት፡



ገበይ-ጸዕዳ ፡ ለእት ፡ ሚን-ዓምር ፡ ባጽሐት ፡ ወፍርህት ፡ ዐለት።  
እት ፡ ረአሱ ፡ ክላል ፡ ዓጅ ፡ ወቀጸር ፡ መላሰሰ-መ ፡ ዓጅ ፡ ዋዲ ፡ ቱ። ወ  
ሰብ ፡ ነታ ብ ፡ እት ፡ ሽዕብ ፡ እግል ፡ ልዝመቶ ፡ ምን ፡ መጽአው ፡ እናሱ ፡  
እንደ ፡ ቀትሉ ፡ ፈረሰ ፡ ሰልብ ፡ ምን ፡ ከአታ ፡ ልጸዐን ፡ ዐለ። ገድም ፡ እብ ፡  
ጸገመ ፡ ብዙሕ ፡ ዶል ፡ ዐዳ ፡ ለነግፍ ፡ ዐለ።

፻፩፡ ክምሰልሀ ፡ ሐቲ ፡ ዶል ፡ እት ፡ ስጋደት ፡ ጭንዕቲ ፡ እግል ፡  
ዐድ ፡ ደሐን ፡ መደ ፡ ዐድ - ሐሪሽ ፡ ቀደም ፡ አለ ፡ ገበይ ፡ ወለት ፡  
እርደት ፡ ለትትበሀል ፡ መርዓቶም ፡ ኬደቶም ፡ ከእት ፡ ዐድ ፡ እማ ፡ ዐድ  
-ዘማት ፡ መጽአት ፡ ወምን ፡ አሎም ፡ እድሪስ ፡ ወድ ፡ ተስፋ ፡ ም  
ኬል ፡ ዐድ-ገብሬሰይ ፡ ሀደያ ፡ እብ ፡ ሰብ-ብ ፡ አለ ፡ ገሌ ፡ ሰብ ፡ ዐድ-ሐሪሽ ፡  
ሀይ ፡ "ለምንና ፡ ጨልቀት ፡ እሲት ፡ እግል ፡ ሚ ፡ መንግሥት ፡ ሀደታ።" እን  
ዶ ፡ ቤለው ፡ መንግሥት ፡ እግል ፡ ልትቃጸው ፡ እት ፡ ስጋደት ፡ ጭንዕቲ ፡ ት  
ገሰው ፡ ከለገበያ ፡ ትገዌት ፡ ወትፈረህት ፡ ወክምልመ ፡ እግል ፡ ልሳግምባ ፡  
ምን ፡ ሐዘ ፡ "ገበይ ፡ ጭንዕቲ ፡ ሰብ ፡ ዐድ-ሐሪሽ ፡ እት ፡ ልትቃጸው ፡  
ቱ ፡ ሀለው ፡ አታ ፡ ገበይ ፡ አንገፋቅ ፡ እንሳእ።" ቤለው ፡ ከአፍረህም ፡  
ደአም ፡ ሀቱ ፡ "ገበይ ፡ ወአና ፡ አፈግራ ፡ ወሐርማዝ ፡ ደኢከን ፡ ግምሽ ፡  
ሚ ፡ ትባድም።" እንደ ፡ ቤለ ፡ ለነማት ፡ አብ ፡ ከእባ ፡ እግል ፡ ልፍገር ፡  
ቀንጸ። ሐር ፡ ምስል ፡ ጸሩ ፡ እት ፡ ስጋደት ፡ ጭንዕቲ ፡ ክም ፡ መጽአ ፡  
ለከራዩ ፡ አታ ፡ ጸንሐቶ ፡ ገድም ፡ ሀቶም ፡ ወከራ ፡ ክምል ፡ እት ፡ ሐድ ፡  
ትጋበአው ፡ ክምል ፡ እግል ፡ ምርት ፡ ምኖም ፡ እግል ፡ ልቅተል ፡ ወስ ፡  
ክም ፡ አበለ ፡ ለሀይ ፡ ነጥረ ፡ ወሰይፋ ፡ ዕጩት ፡ ተሰት ፡ ቀዘ ፡ ደንገባ ፡  
ምንመ ፡ ሀቱ ፡ ተሐከረ ፡ ምስል ፡ ጸሩ ፡ እንደ ፡ ትደቀብ ፡ ለከራዩ ፡ አስከ።  
ክም ፡ ተዐወተ ፡ እብ ፡ አድማዩ ፡ ወእብ ፡ ኖሱ ፡ ጥሪፍ ፡ እት ፡ ልብል ፡ ወ  
ፈረሱ ፡ እት ፡ ልትዋሌ ፡ ወሀቱ ፡ እብ ፡ ሰይፋ ፡ ወእብ ፡ ኖሱ ፡ እት ፡ ልገን  
ድል ፡ እት ፡ ዐዳ ፡ ገሌብ ፡ አተ ፡ ከገበይ ፡ ጭንዕቲ ፡ ክእና ፡ እብ ፡ ክ  
ምል ፡ ትከሰተት ፡ ሐቆሃ ፡ እብ ፡ ምስምሐ ፡ አለ ፡ ዐውቲ ፡ ክምል ፡ አለ ፡  
ሐላየት ፡ ሐለ።

፻፲፡ ሰሌትና ፡ ከሬና ፡ ለውላድ ፡ ፈግረ ፡ ፈተና።  
ሐርሾይ ፡ ወደጊን ፡ ሸት ፡ ተ ፡ ወከልብ ፡ ሀደና።  
ሸግረይ ፡ ጨላም ፡ ቱ ፡ ግሰት ፡ ገሌ ፡ እብ ፡ በዐላ ፡  
ወገብሻ ፡ አዳጊት ፡ ቱ ፡ ድቦት ፡ በጥር ፡ እት ፡ ነሐራ።  
ሮመይ ፡ በተት ፡ አለብ ፡ ከንዶአ ፡ እንደይ ፡ ተሐለለ።  
አዳም ፡ ፈድብ ፡ ወሐምቅ ፡ "ልጋም ፡ ጸብጠ።" ኢሰዐና።

አቢብ ፡ እኩይ ፡ ኢወደ ፡ መውጫ ፡ ቱ ፡ ለአሉ ፡ አፍገረ።  
አሰናይ ፡ ለሐጸን ፡ ኢጌሰ ፡ በፍታ ፡ ጸብጠት ፡ እት ፡ ነሐራ።  
ወአሰናይ ፡ ለፈረስ ፡ ኢጌሰ ፡ ክላ ፡ መንግሥት ፡ ወአክጀለ።  
ሐና ፡ ሰኬና ፡ ወጥምባ ፡ ፈግረት ፡ ሐልሐላ።"

ወሐር ፡ ሰብ ፡ ዐድ-ሐሪሽ ፡ እት ፡ ጭንዕቲ ፡ ለገለጥ ፡ ጥምባ ፡  
ክምል ፡ በዐላ ፡ እንደይ ፡ ቀትሎ ፡ ሰቲ ፡ አታ ፡ ምን ፡ አክጀለዮም ፡ እንደ ፡  
ሰርገዋ ፡ እት ፡ በዐላ ፡ በልሰዋ።

፻፲፡ ሐቲ ፡ ዶል ፡ ሀይ ፡ ክምል ፡ እት ፡ ሀዳይ ፡ ተስፋምኬል ፡ ወድ ፡  
ሐሀ ፡ አፍታይ ፡ ግምብ-ሰለባ ፡ ትፈረረ። ደአም ፡ ሀቱ ፡ በዲር ፡  
ምን ፡ ብሌን ፡ ምን ፡ ዐድ-ሐደምብስ ፡ እናሱ ፡ ቃትል ፡ ምን ፡ ገአ ፡  
መቤለአት ፡ "ሰብ ፡ ዐድ-ሐደምብስ ፡ መርባት ፡ እግል ፡ ለቅስና ፡  
እንደ ፡ ቤለው ፡ እት ፡ ገበይ ፡ ምልሂብ ፡ እግል ፡ ልትገሰው ፡ አልከ ፡  
ቱ።" ቤለም ፡ ወልትፈረረ። እታ ፡ ለዐለው ፡ ሊለት ፡ ለትትበሀል ፡ መር  
ዓት ፡ አብሃ ፡ ምን ፡ ቤት-መአምን ፡ ቱ ፡ ወእማ ፡ ዘዓይር ፡ ወ  
ለት ፡ እድሪስ ፡ ወድ ፡ ተስፋ ፡ ምኬል ፡ ዐድ-ገብሬሰይ ፡ ተ ፡  
ወአቦታ ፡ በዲር ፡ ለዳገምናባ ፡ ገበይ ፡ ወለት ፡ ዐድ-ዘማት ፡ ተ።  
ገድም ፡ ውላድ ፡ እድሪስ ፡ ወሀቱ ፡ እት ፡ ለሀዳይ ፡ እግል ፡ ልትፈረረ።  
እት ፡ ልብሎ ፡ ለተሐቲት ፡ ክም ፡ ሰምዐው ፡ ሀቶም ፡ እግል ፡ ክምል። "አለ ፡  
ንጋረት ፡ እግል ፡ ኢልንስአዋ ፡ ምንና ፡ እት ፡ ዐድ ፡ ንሕደጋ።" ቤለም ፡  
ደአም ፡ ሀቱ ፡ እንደ ፡ አብ ፡ አሎም ፡ ለንጋረት ፡ ምስል ፡ ነስኦ ፡ ከትፈረ  
ረውብ ፡ ወሐር ፡ እት ፡ ገበይ ፡ እት ፡ እንቶም ፡ ክምል ፡ አለ ፡ ሐላየት ፡ ሐለ።

"ንጋረቱ ፡ ኢሐድግ ፡ እት ፡ ትዘበጥ ፡ መንሱራ።  
ወመትሎይ ፡ ኢሐድግ ፡ እት ፡ ክል ፡ ሕብር ፡ ጸገራ።  
እሲት ፡ ወልዩ ፡ ኢሐድግ ፡ ብአሳ ፡ እንቱ ፡ ስፍሎላ።  
በዲር ፡ ወለት ፡ ዘዓይር ፡ ተ ፡ ወሐሎታታ ፡ ከወላ።  
በላይን ፡ እንፈርህ ፡ ሰንሒት ፡ ለጸዓዲ ፡ አዝገራ።  
ለሐጸት ፡ ዲብ ፡ ምልሂብ ፡ አብከ ፡ ሀለ ፡ ሕዳራ።"

ወእለ ፡ ክም ፡ ቤለ ፡ ንጋረቶም ፡ ዘብጠው ፡ ከአሳቀረው ፡ ወሐር ፡  
ለአባደሞም ፡ ምን ፡ ፈርሀም ፡ እት ፡ ለአካን ፡ ለሀ ፡ ልግባእ ፡ ማ ፡ እት ፡  
ብዕደት ፡ አካን ፡ ኢመጽአዎም ፡ ወሀቶም ፡ እንደ ፡ ጌሰው ፡ እብ ፡ መርዓ  
ቶም ፡ ወእብ ፡ መትሎህም ፡ እብ ፡ ደሐን ፡ ዐደም ፡ አተው።



፫፫፡ ሐርመ፡ ሀዩ፡ ከምል፡ አብ፡ ወክድ፡ በአስ፡ ዐዳ፡ ምስል፡ ብዕድ፡ ብሌን፡ ፍድብ፡ ሐበረ፡ ወድግሙ፡ ክእና፡ ቱ፡ ቱ ድ ሮ ስ፡ ወድ፡ እ ድ ሪ ስ፡ እት፡ ወ ግ ሬ ተ ት፡ እግል፡ ክልኣት፡ ዐድ፡ ብ ሌ ን፡ ገሻሁ፡ እት፡ ለዳርሮም፡ ሀቱ፡ እት፡ ሰልፍ፡ እግል፡ ዐ ድ - ዘ ማ ት፡ እከለት፡ ሰመ፡ ለመማጥዮት፡ ላተ፡ እብ፡ ጌጋ፡ እግል፡ ዐ ድ - ሸ ቦ ት፡ ለቤት፡ አብ፡ ዐድ-ዘማት፡ ሀበዋ፡ አብሊ፡ ቱድሮስ፡ ትቀጸብ፡ እቶም፡ ሰብ፡ ዐድ-ሸቦት፡ እሊ፡ ክም፡ ሰምዐው፡ እብ፡ ሐምዴ-ኖሶም፡ ትቀጸ ባው፡ ወለእከለት፡ እንደይ፡ በሉዕ፡ ጌሰው፡ ሐርመ፡ ዐድ-ዘማት፡ እት፡ ሰልፍ፡ ምን፡ ኢትረሬዐት፡ እሎም፡ ለእከለት፡ ክም፡ ጋረፈው፡ እግል፡ ብዕድ፡ ገሻ፡ ተሀየበት፡ — ሐቆ፡ እለ፡ ገድም፡ ሰብ፡ ዐድ-ሸቦት፡ እግል፡ አሐ፡ ሐር ሾ ይ፡ ወድ፡ ተ ስ ፋ ም ኬ ል፡ ዘምተዋ፡ ለዶል፡ ሐድ፡ ሕምሳ፡ እናስ፡ መንገድ፡ እት፡ ረድኢታ፡ እንዶ፡ ጌሰው፡ ለአሐ ሆም፡ ምን፡ ከልኣዎም፡ ሀቶም፡ ሀዩ፡ እት፡ መቅሰኖ፡ እለ፡ እት፡ ጸ ባ ብ፡ ብዙሕ፡ ንዋይ፡ ቃተለው፡ ምኖም፡ ወእት፡ ልትፈሩህ፡ ወእት፡ ለትሳቅ ሮ፡ ምስል፡ ቱድሮስ፡ ወከምል፡ ዐዶም፡ አቅበለው።

፫፬፡ ሐር፡ ላተ፡ ሰብ፡ ዐ ድ - ሸ ቦ ት፡ ንዋይ፡ ዐድ፡ ገብሬስ፡ እት፡ አ ግ ዐ ሮ ፡ እት፡ መ ሬ ት ፡ እት፡ እንቱ፡ ምብዝሒ፡ እንዶ፡ ቃተለው፡ እብ፡ ሕድቱ፡ እት፡ ዐዶም፡ አተው፡ ለዶል፡ ምን፡ አዳም፡ አ ስ ገ ዶ ም፡ ወድ፡ ቱ ድ ሮ ስ፡ ወ ገ ብ ሬ ስ፡ ወድ፡ መ ስ መ ር ፡ ሞተው፡ ዲባ።

፫፭፡ እብ፡ ሰብብ፡ እሊ፡ ዘማቱ፡ መንገድ፡ መርባታ፡ እግል፡ ተቅስን፡ እንዶ፡ ትቤ፡ ዐድ-ሸቦት፡ ዘምተት፡ ለዶል፡ ንዋይ፡ ዐድ-ሸቦት፡ እት፡ ቆ ሬ ዕ ፡ ጸንሐ፡ ወአዳዎም፡ ምስል፡ ንዋይ፡ እንዶ፡ ገአ፤ "መን፡ መጽአና፡" እት፡ ልብል፡ ምንመ፡ ዐቅብ፡ ዐለ፡ መንገድ፡ አል ሓጽ፡ እት፡ በስዋታ፡ እንዶ፡ አሰረት፡ እብ፡ ሀዳድ፡ ቀንጸት፡ እቶም፡ ደአም፡ ዶል፡ ውረቶም፡ አምሱይ፡ ምን፡ ገአ፡ ወምን፡ መንገድ፡ እናስ፡ ምን፡ ሞተ፡ እሉ፡ እት፡ ልቀብሮ፡ እት፡ ቅብላት፡ ለአባያዎም፡ ትመ የው፤ ወሀቶም፡ ወሰብ፡ ለዐድ፡ አድሕድ፡ እት፡ ልትሐረው፡ ወእት፡ ልትሀራሀር፡ ላሊሆም፡ ከፍለው። ምድር፡ ክም፡ ጸብሐ፡ መንገድ፡ ሀር፡\* እት፡ ትብል፡ ወረቶ፡ ወእግል፡ ለዐድ፡ ረጭቀቶ፡ ከማሉ፡ ገበለት። ወ ሐር፡ ሰብ፡ መንገድ፡ እብ፡ እ ት - ሕ ዮ ተ ት ፡ እንዶ፡ ፈግረው፡ እት፡ ገ ረ ና ር ፍ ፡ ለአሩዮም፡ ከፍለው።

፫፮፡ መንገድ፡ እግል፡ ዐድ-ሸቦት፡ እብለው፡ ምን፡ ኢአክሀነት፡

\* ሀር፡ ከራዩ፡ ጸል፡ ወረታ፡ ለትብሎ፡ ቃል፡ ቱ።

ምኖም፡ እብ፡ ድግማን፡ እት፡ ዐንሰባ፡ ዘምተቶም፡ ገድም፡ ሰብ፡ መንገድ፡ እብ፡ ንዋይ፡ ለትመለኦ፡ ጋድም፡ ተ ም ሬ ቅ ፡ [ለእት፡ ስምጥ፡ ድጌሆም፡ ሆና፡] ክም፡ ቀርባው፡ ከ ም ል ፡ እግል፡ ጸሩ፤ "ሰብ፡ ድጌ፡ ትከሩዕ፡ ማ፡ እሊ፡ ንዋይ፡ ትዘምቶ፡" ሰአለዮም፡ ለጸሩ፤ "ንዋይ፡ እን ገብል፡" እንዶ፡ ቤለው፡ እቱ፡ ጠርቀው፡ ኖሱ፡ ሀዩ፡ ምስል፡ ገሌ፡ ለ ተለም፡ ሰይፋ፡ እንዶ፡ ሐርጠ፡ እግል፡ ድጌ፡ ትገሰ። ሐር፡ ለሆም፡ ብዙሕ፡ አዳም፡ ወብዙሕ፡ ንዋይ፡ እንዶ፡ ቃተለው፡ ምን፡ ቅታል፡ እብ፡ ለተርፈ፡ እሎም፡ ንዋይ፡ ትብገሰው። ሰብ፡ ለዐድ፡ ሀዩ፡ መውሒ፡ እሊ፡ ክም፡ ሰምዐው፡ እግል፡ ልርዳእ፡ ቀንጸው። ደአም፡ ከምል፡ ምስል፡ ጸሩ፡ ትከበተዮም፡ ወሐምስ፡ ቀተለ፡ ምኖም፡ ወአስከዮም። ሐር፡ ከራ፡ ከምል፡ ዲብ፡ ጸሮም፡ እት፡ ለአረይ፡ ክም፡ ዐረው፡ ዐድ-ሸቦት፡ እብ፡ ድግማን፡ ረድአ። መንገድ፡ ሀዩ፡ አዜመ፡ አስኬቶም። ወሐቆ፡ እሊ፡ ከሉ፡ ጸገም፡ እብ፡ አረያ፡ ዐዳ፡ አቱት።

፫፯፡ በዲር፡ ቀደም፡ እሊ፡ መብእሶም፡ ሰብ፡ ዐ ድ - ሸ ቦ ት ፡ ወ ለት፡ ቱ ድ ሮ ስ ፡ ወድ፡ እ ድ ሪ ስ ፡ ሓይጸም፡ ዐለው። ከመንገድ፤ "ምንመ፡ ሕድ፡ እንቃትል፡ ለሕጺቶምዲ፡ መአከት፡ ረቢ፡ ትተ፡ ኢአን ጠልሞም፡" እንዶ፡ ቤለው፡ አትሀደዎም-ተ። ሐቆ፡ እሊ፡ ገድም፡ እት፡ ፍንጌ፡ ክልኣት፡ ለገበል፡ ዕሪት፡ ገብኣት፡ ወአስክ፡ ዮም፡ እብ፡ ደሐን፡ ሀለው።

፫፰፡ በዲር፡ ክም፡ ለትበሀለ፡ ተ ስ ፋ ም ኬ ል ፡ ወድ፡ ገ ብ ሬ ስ፡ ምንመ፡ ኢልትከንተብ፡ ዐድ፡ መርሕ፡ ዐለ። ወሐር፡ እንዶ፡ ክእና፡ ነብር፡ ነብረ፡ ክም፡ ሞተ፡ እ ድ ሪ ስ ፡ ወልዳ፡ ቀደመ፡ ማይት፡ ምን፡ ጸንሐ፡ ለግጽነቱ፡ እት፡ ቱ ድ ሮ ስ ፡ ወድ፡ ወልዳ፡ ሐልፈት። ወሀ ቱ፡ እት፡ ዘማይቶታት፡ መርሕ፡ ወገይስ፡ እንዶ፡ ነብረ፡ ሐር፡ ትከንተ ቤ። ወመትከንታብ፡ ክእና፡ ገአ። — ናይ ብ፡ ሐ ሰ ን ፡ ወድ፡ እድ ሪ ስ፡ እብ፡ ለዶል፡ ጥልቦት፡ እግል፡ ልንሳእ፡ እት፡ ዐ ድ - ት ማ ር ያ ም፡ እት፡ አ ፍ - ዐ ቤ ድ ፡ ፋ ግር ፡ ዐለ። ከሰልፍ፡ ጀሃድ፡ ወ አ ዳ ላ ፡ ውላድ፡ ዐ ገ ባ ፡ ሰብ፡ ዐድ-ዓይለይ፡ ሸመት፡ እት፡ ለሐዙ፡ መጽ አዎ። ከአዳላ፤ "እሊ፡ ሐዩ፡ ጀሃድ፡ እት፡ ቤት-አብርሃም፡ ምን፡ ትሸይ ሞ፡ ምን፡ አሐ፡ ሐምስ፡ ምኣት፡ ነሀይበከ።" ቤሎ። ወሀቱ፡ ሰኒ፡ ብሀ ሎም፡ እት፡ እንቱ፡ ኤ ሎ ስ ፡ ወድ፡ እ ድ ሪ ስ ፡ እናስ፡ ዐድ-ገ ብ ሬ ስ፡ እብ፡ ጋሪቱ፡ እት፡ አ ፍ - ዐ ቤ ድ ፡ ማጽእ፡ ምን፡ ጸንሐ፡ እሊ፡ ክም፡ ሰምዐ፡ እት፡ ቱ ድ ሮ ስ ፡ ሐሁ፤ "ዐድ-ዓይለይ፡ እግል፡ ልትሸየም፡

ረብ፡ ፈግረ፡ ወእንደ፡ ኢትገበረው፡ ተርፈው። ሐር፡ ኦቤ፡ ዐንሰባ፡ እግል፡ ልዝመት፡ ምን፡ ሸፍገ፡ አይባባ፡ ክም፡ በጽሐ፡ ለእሉ፡ ገፈ፡ አዳም፡ በልሰ፡ ዓመት፡ ሐሪት፡ ላተ፡ መንሳባ፡ እት፡ ተሰሳ፡ ወእት፡ መጽሐ፡ ወእት፡ ቀላቅል፡ ተሐትመ፡ ሳብከት፡ እት፡ እንተ፡ ንዋያ፡ ጨሐረ፡ ብዙሐ፡ አዳም፡ አብደ፡ ወገፈ፡ ምኖም፡ ደአም፡ ኦቤ፡ እት፡ ዓመታ፡ ግብር፡ እግል፡ ለሆብ፡ ወልደ - ጋብር፡ ክም፡ ለአክ፡ እቶም፡ ሰብ፡ መንሳባ፡ አዜመ፡ እግል፡ ኢልትዘመቶ፡ እንደ፡ ፈርሀው፡ ገመው፡ ከለግብር፡ ሰልፎም፡ ወአት፡ ምግዳ፡ አፍገረው፡ እሉ።

፻፲፪፡ ሐርመ፡ ሰብ፡ ሰሐር፡ ምን፡ ከበሳ፡ እንደ፡ ደነው፡ እግል፡ ንዋይ፡ መንሳባ፡ ዘምተው። ዋሮ፡ ባርዮ፡ ወድ፡ ኤኔንያ፡ ለልቡሎ፡ እናስ፡ ሰሐር፡ ሐቲ፡ ዶል፡ እግል፡ ኦቤ፡ ግብር፡ ምስል፡ ለለፈግር፡ ልኡክ፡ ጸንሐ፡ ወለዶል፡ ብዝሐ፡ ለንዋዮም፡ ምን፡ ረከ፡ ረቅቦቹ። ሰበት፡ እሊ፡ ዐዳ፡ ክም፡ አቅበለ፡ ወራር፡ ሀረሰ፡ ከንዋዮም፡ እት፡ ፈጽሐት፡ እት፡ እንቱ፡ ዘምተዩ። — ወመንሳባመ፡ እብ፡ ሰብ፡ ወድ፡ ኤኔንያ፡ ምስል፡ ዐድ-ትግርያም፡ እንደ፡ ገአት፡ ክልኢቶም፡ ምስል፡ እግል፡ ሰብ፡ ሰሐር፡ እት፡ ግንዳባ፡ እት፡ እንቶም፡ ወረዎም። ደአም፡ ዋሮት፡ ምኖም፡ ዐድ-ትግርያመይ፡ በዐል፡ ፈረስ፡ ከናቱ፡ እት፡ ለአባያመ፡ እንደ፡ ደርበያ፡ ከእብ፡ ድግማን፡ ምን፡ ለጸሩ፡ ከናት፡ እግል፡ ልንሳእ፡ ፈረሰ፡ እት፡ ለሸውር፡ ምን፡ አቅበለ፡ እቶም፡ ሰክይ፡ አምሰለዎ፡ ወክሎም፡ ምስል፡ ብግ፡ ወደው። ምን፡ ዐድ-ትግርያም፡ ስስ፡ እናስ፡ እንደ፡ በጥረው፡ ምንመ፡ ትጻገመው፡ ትበተከው። ምን፡ መንሳባመ፡ ዋሮ፡ ሞተ። ክእና፡ እብ፡ ሀዳድ፡ እት፡ ልሰክ፡ ክል፡ ምኖም፡ ዐዳ፡ አተ። — ሐቆ፡ እለመ፡ ሰብ፡ ሰሐር፡ ሰለስ፡ እዋን፡ ንዋዮም፡ ዘምተው። እለን፡ ሰለስ፡ ዘማቴ፡ ሰበበን፡ ከንቴባይ፡ ቴድሮስ፡ እግል፡ ዕሪት፡ ወለት፡ እንደ፡ እትሕጹዮም፡ ዐለ፡ እለ፡ ምን፡ ሞተት፡ ወብዕደት፡ ምን፡ ኢአትሐለፈ፡ እሎም፡ ቱ። ሐቆ፡ እለን፡ ዘማይቶታት፡ ላተ፡ ክም፡ አትሀደዮም፡ ደሐነው። — ደአም፡ ሐቆ፡ ለሀዳይ፡ ገሌ፡ ክም፡ ከልአት፡ ወለእሲቶም፡ ጎሆም፡ እንደ፡ ዐለት፡ እት፡ ዐዳ፡ ክም፡ አቅበለት፡ ምስል፡ አማ፡ ምን፡ ትበአሰት፡ ሐብል፡ ወደት። ለእማመ፡ ሀይ፡ ሐቆ፡ ወለቼ፡ ኢእነብር፡ ትቤ፡ ከኖሳ፡ ትሸንቀት። — ቀደም፡ እሊመ፡ እብ፡ ዘበን፡ አብዕቦታትና፡ ሰብ፡ ሰሐር፡ እግል፡ መንሳባ፡ ዘመታ፡ ዐለው። ደአም፡ ትምክኤል፡ ወድ፡ ባይረይ፡ እናስ፡ ፈራሶ፡ አስመዔ፡ ሀይ፡ እብ-እብ፡ ጸብ

አም፡ ወጅርበት፡ ለርእዮም፡ ዐለ፡ ወሐድ፡ ጸብኢቱ፡ ወዘማቴሁ፡ ክእና፡ ልደገም። እግል፡ ዋሮት፡ እናስ፡ ሰብ፡ ሰሐር፡ "በሸፈት፡ ወአትከ፡ እጋል፡ አንስ፡ ወልደት፡ እልከ፡ ምን፡ ቤለዎ፡ ሀቱ፡ ሀይ፡ ማ፡ 'በሸፈት፡ ትብሉኒ፡ እግል፡ ወዳ፡ ባይረይ፡ ተ።" ቤሎም፡ ከእብ፡ ለወሊዳ፡ ኢፈርሐ፡ ወጋራ፡ ኢወደ።

፻፲፫፡ ሐቆሃ፡ ከንቴባይ፡ ቴድሮስ፡ እግል፡ ናይብ፡ ሐሰን፡ እብ፡ አሐ፡ ምን፡ ኢፈቅደይ፡ ወምን፡ ኢጆለለዩ፡ ትደመለ፡ እቱ። ከሐቱ፡ ዶል፡ እብ፡ መሐዝ፡ ለብካ፡ እንደ፡ ፈግረ፡ እብ፡ ለግሊት፡ እብ፡ እት-ሕዮተት፡ እት፡ ገለብ፡ መጽአ፡ ከንቴባይ፡ ቴድሮስ፡ ሀይ፡ ደብር፡ ፈግረ፡ ምን፡ ደኢከን፡ ኢተሀመለ፡ እሉ። ሐር፡ ላተ፡ አብርሃም፡ ወድ፡ እድሪስ፡ ለልቡሎ፡ ዋሮት፡ ዐድ-ተክሌሰይ፡ መዜርነይ፡ እንደ፡ ገአ፡ እግል፡ ናይብ፡ ምን፡ ፈርሃኩቱ፡ ደኢከን፡ እግል፡ ልዕሌ፡ ምንከ፡ እንደ፡ ቤለ፡ ኢሰክ፡ ከአዜ፡ እግል፡ ኢትእሰር፡ ምን፡ ትትገለድ፡ እልዩ፡ አና፡ አመጸአ፡ እትከ። ቤሎ፡ ናይብ፡ ሀይ፡ ሰሰ፡ አተምጸአ፡ ሌጠ፡ ደኢከን፡ እግል፡ ኢኢሰርዳ፡ እትገለድ፡ እልከ። ቤሎ፡ ወትገለድ፡ እሉ። ከአብርሃም፡ እት፡ ቴድሮስ፡ ጌሳ፡ ወ፤ "እግል፡ ኢልእሰረከ፡ ትገለድ፡ እልዩ፡ ገድም፡ እተዮ።" ቤሎ። ሐር፡ ቴድሮስ፡ እት፡ ናይብ፡ ክም፡ መጽአ፡ ሀቱ፤ "ጠለምከኒ፡ ደኢከን፡ ደሐን፡ ሴመ፡ ኢትፍራሀ።" እንደ፡ ቤሎ፡ ጠላወሸዮ። ወሐር፡ ቴድሮስ፡ ምስሉ፡ እንደ፡ ዐለ፡ እት፡ ቤቱ፡ ትመዩ፡ አምዕል፡ ሐሪት፡ ላተ፡ ምስሉ፡ እንደ፡ ውዕል፡ ዐለ፡ ምሴ፡ እት፡ ቤቱ፡ እግል፡ ልትዐደ፡ ምን፡ ሐዘ፡ ሐሰን፤ "አትለመ፡ ከይመት፡ ምስል፡ ማ፡ ኢንትመዩ።" ቤሎ፡ ከአትረፈዩ፡ ገድም፡ ምስል፡ እታ፡ እንደ፡ ትመዩው፡ እብ፡ ፈጅራ፡ አስረዩ፡ ወሸንከት፡ ምዳን፡ ትበገሰቡ። ምን፡ መንሳባ፡ እት፡ ድጌ፡ ለጸንሐው፡ ለቶም፡ ሹምና፡ ትነዘዐ። እንደ፡ ቤለው፡ እግል፡ ለተክርዎ፡ አሰሩ፡ ገብአው። ደአም፡ እት፡ እርደት-ጸላም፡ ክም፡ ዐረውብ፡ ከራዩ፡ ናይብ፡ ትወለበት፡ እቶም፡ ከእብ፡ መናዳቅ፡ እት፡ ረከስ፡ ለመዜርነይ፡ ሐምስ፡ ቀትለት፡ ወዋሮ፡ ሐከረት፡ ምኖም፡ ገድም፡ መንሳባ፡ ትሰበረት፡ ከእብ፡ ገናይዛ፡ ዐዳ፡ አቅበለት። ናይብ፡ ላተ፡ እብ፡ ለእሱሩ፡ ደከኖ፡ ጌሳ፡ ወእታ፡ እግል፡ ቴድሮስ፡ አስሩ፡ እትእንቱ፡ ክልኤ፡ ዓመት፡ አክለአዩ። ሐር፡ ዐድ፡ ቴድሮስ፡ ናይብ፡ እግል፡ ልጠልቆ፡ እሎም፡ ምንመ፡ ገብር፡ ወአመት፡ ሀበው፡ ኢሐድገዩ። ወዋሮመ፡ ምን፡ ለዐድ፡ ናይብ፡ ኖሱ፡ — ወሀቱ፡ ወድ፡ ሐቱ፡ እግል፡ ቴድ

ሮስ፡ — እሉ፡ እግል፡ ልጠልቅ፡ እሉ፡ ምንመ፡ ሐር፡ ገብር፡ ወአ መት፡ ወሰይ፡ ስርጉይመ፡ ደግመዩ፡ ሐሰን፡ ጠለቀቱ፡ አበ፡

፻፲፬፡ ደአም፡ ሐቆ፡ ለክልኤ፡ ዓመት፡ ዐድ፡ ናይብ፡ ናሱ-ናሱ፡ እት፡ ሸየመ፡ ትጋደብ፡ ወትበአሰ፡ ከናይብ፡ መሐመድ፡ እግል፡ ናይብ፡ ሐሰን፡ እት፡ ምስር፡ አተሳራሪዩ፡ ወእት፡ አካኑ፡ ትሸየመ፡ ሐቆሃ፡ እሉ፡ ናይብ፡ መሐመድ፡ ወድ፡ አብደርሐም፡\* እግል፡ ከንቴ ባይ፡ ቴድሮስ፡ ጠለቀዩ፡ ሆቱ፡ ሆዩ፡ እግሉ፡ ወለት፡ ወንዋይ፡ ምን፡ ሀቡዩ፡ ናይብ፡ መሐመድ፡ እት፡ ረክስ፡ ለነይ፡ ሐሰን፡ ንጋረት፡ ወሰይ፡ ወፍራሽ፡ ወጁከት፡ ደግመዩ፡ ወእት፡ ሸመቱ፡ በልሰዩ፡ ደአም፡ ቴድሮስ፡ ጋይሱ፡ እት፡ እንቱ፡ አስክ፡ ለቀብል፡ ብእምነት፡ ወልዱ፡ እብ፡ ለአውካድ፡ ለሀይመ፡ አክል፡ ማስል፡ ትቱ፡ ሞራሁ፡ እንደ፡ ጸብጠ፡ ጸንሐዩ፡

፻፲፭፡ ሐቆሃ፡ ከንቴባይ፡ ቴድሮስ፡ ምን፡ ሰብ፡ ገቢለት፡ እንደ፡ ደሐን፡ እት፡ ሸመቱ፡ ክም፡ አቅበለ፡ ፍተን፡ ወሐለት፡ ወድ፡ ደኢኮን፡ ስካብ፡ ኢረክብ፡ ክምሰልሁ፡ ምስል፡ ቤት-አብገለይ፡ ወምስል፡ ብዕድ፡ ለትዋደዩ፡ ሐድ፡ ኢኮን፡ ተርፍ፡ ቤት-አብገለይ፡ ክም፡ ሐ ወነ፡ ወክም፡ በደ፡ በዲር፡ እምቤ፡ ወአዜ፡ ለእባ፡ ሰነ፡ በደ፡ ገቢይ፡ እሉ፡ ተ፡ ዋሮት፡ ምን፡ ቤት-አብገለይ፡ ደሲት፡ ወድ፡ ገብራት፡ ለልብሎ፡ እት፡ ከንቴባይ፡ ቴድሮስ፡ ገርሀት፡ አዝብ፡ ወወውል፡ ለገርሀ ቱ፡ እት፡ እንቱ፡ ሰለስ፡ ወአት፡ ነስኦ፡ ወሐሐቴ፡ ምነን፡ እት፡ ሐሊብ፡ ዐለት፡ ሀታ፡ ለምዕል፡ ለቀደም፡ ቀዝረት፡ ሐር፡ ላተ፡ ጭንኩክመ፡ ሰአነት፡ ከደሲት፡ እግል፡ ቴድሮስ፡ "እሉ፡ ወአት፡ ብዕደት፡ በድለኒ፡ ምና፡" ቤሎ፡ ቴድሮስ፡ አብ፡ እሉ፡ ወእሊ፡ መዋዲቱ፡ ሰሓሓት፡ ደ ረከ፡ እቱ፡ ከእሲት፡ አፍታይ፡ ለቀዳም፡ እት፡ እረፍ፡ ለመሐበር፡ እት፡ ትትቀበር፡ እግል፡ ከንቴባይ፡ ቴድሮስ፡ እቱ፡ ግሱይ፡ እት፡ እንቱ፡ እብ፡ መሳር፡ ከረ፡ እቱ፡ ከፈቅአዩ፡ ቤት፡ አብ፡ ቴድሮስ፡ ሆዩ፡ እባ- እባ፡ ቀንጸት፡ እቱ፡ ከእግል፡ ደሲት፡ ወምን፡ ቤት-አብገለይ፡ እት፡ ለአካን፡ ለጸንሐው፡ ቃተለት፡ ወእግል፡ ለሰከመ፡ እብ፡ ሐዚ፡ አብደም፡ ዎር ዎሮ፡ ላተ፡ እብ፡ ነሲብ፡ ወእብ፡ ፈታይ፡ እንደ፡ ነግፈ፡ አዜመ፡ እት፡ ቤት-አብርሃ፡ ታርፍ፡ ሀሉ፡ — ቴድሮስዲ፡ ቤት፡ አቡሁ፡ ሐልፈቶ፡ ደኢኮን፡ እሊ፡ ኩሉ፡ ቅታል፡ ራዲሁ፡ ኢዐለ፡ ወሐርመ፡ ምን፡ ምፍቅ አ፡ እንደ፡ ሐዩ፡ ነብር፡ ነብረ፡ ወዕምሩ፡ ትጸበረ፡

\* ላብደ፡ ሀብጊል-ርሐም፡

፻፲፮፡ ሐቆሃዲ፡ እብ፡ ደሐን፡ እንደ፡ ልትናበር፡ ዐለው፡ ዐድ - ገብ ሬስ፡ ወዐድ - ሐፈሮም፡ ሆዩ፡ እብ፡ ምስምሳ፡ አመት፡ ትበ አሰው፡ ለአመትዲ፡ ነይ፡ ኤሎስ፡ [ጋሮ፡] ወድ፡ እድሪስ፡ እት፡ እንተ፡ እናስ፡ ዐድ-ሐፈሮም፡ ለዐዳ፡ እግል፡ ለክኤ፡ እንደ፡ ቤለ፡ ጸ ወያ፡ ከእት፡ ቤት - ጁ ክ፡ አተባ፡ ሐደም በስ፡ ወድ፡ በሐይለይ፡ ምን፡ ፈራዕ፡ ዐድ-ዓይለይ፡ መስኒ፡ ወመለሀይ፡ ጋሮ፡ ምን፡ ገኦ፡ ረድአ ያ፡ ከበልሰዩ፡ ደአም፡ ጋሮ፡ ሰበብ፡ እንደ፡ ሐዘ፤ "ለመጸውየያ፡ እብ፡ እድሁ፡ ሐቆ፡ ኢበልሰዩ፡ እቶ፡ ኢእትከበታ፡" ቤለ፡ ከአበያ፡ ለአመት፡ ሆዩ፡ እብ፡ ምስምሳ፡ ለበአስ፡ በዐል፡ አለባ፡ ፍንጌ-ፍንጌ፡ ምን፡ ተር ፈት፡ እት፡ ከበሳ፡ ጨልቀት፡ ሐር፡ ጋሮ፡ እግል፡ ዐድ-ሐፈሮም፤ "አመቼ፡ ሀብ-ኒ፡" ምን፡ ቤሎም፡ ሀቶም፤ "በዲር፡ በለስነሃ፡ እትከ፡ ማ፡ ሚ፡" ቤለም፡ ደአም፡ ሆቱ፡ እግል፡ ብእምነት፡ ወድ፡ ቀሽበይ፡ ለመጸውየያ፡ እት፡ ቴድሮስ፡ ሸክዩ፡ ወሀቱ፤ "ዎክ፡ ለአመቱ፡ ዎክ፡ ምን፡ ንዋይ፡ ምእት፡ ወዕስራ፡ ሆብ፡" ቤሎም፡ ከፈርደ፡ እብሊ፡ ምስም ሳ፡ እሊ፡ ብእምነት፡ ወድ፡ ቴድሮስ፡ ወተስፋ-ምኬል፡ ለክል አት፡ መታሊት፡ ትጋደበው፡

፻፲፯፡ ሐቆሃ፡ ዐድ - ሐፈሮም፡ ወዐድ - ዓይለይ፡ ታለው፡ ደአም፡ እሉ፡ ቲለ፡ እሉ፡ ጠዙሕ፡ ኢከልአት፡ ቴድሮስ፡ እብ፡ ዐዳ፡ በነ፡ ምን፡ ተርፈ፡ እግል፡ ዐድ-ዓይለይ፤ "መሰለስ፡ ለሸመት፡ እግል፡ ሀበኩም፡ እቶ፡ አቅብሎ፡" ቤሎም፡ ከምስሎም፡ ትፋተ፡ ወሀቶም፡ ሆዩ፡ እግል፡ እሉ፡ ጎማቱ፡ ሰነ፡ ክም፡ ቤለው፡ ምን፡ ተስፋ-ምኬል፡ መሰለስ፡ ለሸመት፡ በልስ፡ ከእግል፡ ጀሃድ፡ ሀቡዩ፡ — ሐር፡ እብ፡ ምስምሳ፡ ለአመት፡ ወለሸመትዲ፡ ተስፋ-ምኬል፡ ምስል፡ ዐድ - ገብ ሬስ፡ ወዐድ - ዓይለይ፡ ብዙሕ፡ ትጸገመ፡ ክእና፡ ገድም፡ እብ፡ አና፡ ሐይስ፡ አና፡ ሐይስ፡ እግል፡ ልትዋረድ፡ እት፡ ናይብ፡ እድሪስ፡ ወድ፡ ዕትማን፡ እት፡ ሐምሕም፡ እት፡ እንቱ፡ ምስል፡ ብእምነት፡ ወድ፡ ከንቴባይ፡ ቴድሮስ፡ ጌሰ፡ እግል፡ ከሲት፡ ሂጋ፡ እት፡ ብራሕ፡ ናይብ፡ ምን፡ ክል፡ ምናም፡ ገብር፡ ወክል ኤ፡ አመት፡ ወበቀል፡ ወምን፡ አሐ፡ ምእት፡ ወሕምሳ፡ ነስኦ፡ ምናም፡ ግል ወት፡ ሹም፡ ዐድ - ተከሌዛን፡ በዲር፡ እቱ፡ እግል፡ ልዳነው፡ ልትሐሰብ፡ ለዐለ፡ ሆዩ፡ መጽአ፡ ሆቱ፡ ወናይብ፡ ለማል፡ ትካፈለም፡ ሐቆሃ፡ ለዋርዶ፡ ሐሰነት፡ እግል፡ ለትምሞ፡ እት፡ ልብሎ፤ "እብ፡ ንዋይ፡ ደኢኮን፡ እብ፡ ደርዕዲ፡ ኢትትዋረድ፡" ቤለም፡ እብሊ፡



ምስምሳ፡ ብእምነት፤ ሆኖ፡ እብ፡ ደርዕ፡ ኢገአዲ፡ ከምፈር፡ ትበደለት፤  
 እቺ፡ ከአና፡ ኢእትዋረድ።። ሌላ፡ እብ፡ ሰበት፡ እሊ፡ ሀዬ፡ ብእምነት፤  
 ምእልዬ፡ እግል፡ ልወጾ፡ ምን፡ ሐዘው፡-ቱ፡ እሊ፡ ሌለው፡። ሌላ፡ ከዐ  
 ዳ፡ አቅበለ፡ ምኖም። እብለ፡ ለዋርዶሆምዲ፡ ተርፈት። ደአም፡  
 ናይብ፡ ፈታይ፡ ተስፋምኬል፡ ምን፡ ገአ፡ አመት፡ በልሰ፡ እቱ፡ ደኢ  
 ከን፡ ከሉ፡ ለብዕድ፡ ማል፡ ትወሐጠ።

፻፲፰፡ እብሊ፡ ዘበን፡ እሊ፡ አምና፡ የሐንስ፡ [አቡና፡ የሐንስ፡]  
 ለልቡሎ፡ ቀሽ፡ ካቶሊካይ፡ እት፡ መንግሥት፡ ፋግር፡ ዐለ። ሀቱ፡ እት፡  
 ሰልፍ፡ ምን፡ ባጽዕ፡ እብ፡ ምድር፡ ሌት-እሽሐቀን፡ እብ፡ ሐም  
 ሕም፡ እት፡ ገለብ፡ መጽአ፡ ወትሌጊቡ፡ እሊ፡ ተስፋምኬል፡  
 ወድ፡ አፍታይ፡ ዋዳ፡ ዐለ። ወክልአት፡ መዐደኒ፡ ወክትራ፡ እን  
 ዶ፡ ነድቀ፡ እት፡ ገለብ፡ አክረመ። ሐር፡ ቀይም፡ ዓቅበይ፡ እንዶ፡ ሐድ  
 ገ፡ እቱ፡ ምንኩሉ፡ [እምኩሉ፡] ኦለ። ምና፡ ሀዬ፡ ለሔታ፡ እት፡  
 ገለብ፡ እንዶ፡ አቅበለ፡ ምርብታት፡ እግል፡ ሊዴ፡ እት፡ ስምጥ፡ ለድ  
 ኔ፡ እበን፡ ለከምር፡ ዐለ፡ እት፡ ክልኤ፡ አካን፡ ሀዬ፡ ዓላ፡ ሐፍረ፡ ደ  
 አም፡ ማይ፡ ኢረክብ፡ እትን። ወሐር፡ ከንቱባይ፡ ቱድሮስ፤ ምሬዛና፡  
 ኢኮን፡ እንተ፡ ከፍትሐ፡ ወሬዛ፡ ሀበና፡ ምክ፡ ገዐዝ፡ ምንና። ሌሎ። ሀቱ፡  
 ሀዬ፡ ማሉ፡ እንዶ፡ ክልኤ፡ ለዐድ፡ ሐድገ፡ ወተስፋምኬል፡ ፈታይ፡ ሳረ  
 ሐዶ። — ክእና፡ አምና፡ የሐንስ፡ ከረን፡ ገዐዝ፡ ወእቱ፡ ነብር፡ ዐለ።  
 ደአም፡ እት፡ ኬን፡ እብ፡ ሀዲ፡ ወለት፡ ዐድ፡ ቅሽነቱ፡ ምን፡ አፍረስ፡  
 ምር፡ መለሀዬ፡ አብ፡ እምነቱ፡ ቀሽ፡ ወድ፡ ከበሳ፡ አሰአለቡ፡ ከምን፡  
 ቅሽነቱ፡ ወወራቱ፡ ትሰዐረ። ሐር፡ እት፡ በጉ፡ እንዶ፡ ደነ፡ እቱ፡ እት፡  
 ለሐርስ፡ ነብር፡ ዐለ። ሐቆ፡ ገሌ፡ አውካድ፡ እሲቱ፡ ወክልአት፡ ወል  
 ዳ፡ እት፡ ብሌን፡ እንዶ፡ ሐድገ፡ እት፡ ሸበቅ፡ ሞተ።

፻፲፱፡ ተስፋምኬል፡ ወድ፡ አፍታይ፡ ሀዬ፡ ሐቆ፡ ለመ  
 ትሰዓር፡ ወለዋርዶ፡ እንዶ፡ ትደመለ፡ ምስል፡ ደስላሴ፡ ሐሁ፡ ወድ፡  
 አቡሁ፡ ወለተልዮ፡ እት፡ ሐልሐል፡ ዐለ። ደአም፡ ሐቆ፡ ሐል፡  
 ምድሩ፡ እግል፡ ልሕረስ፡ ምሐርመ፡ እብ፡ ለነይ፡ ሺመቼ፡ ምክ፡ እት፡  
 ናይብ፡ ምክ፡ እት፡ ደግያት፡ ሐይሉ፡ እገይስ። እንዶ፡ ሌላ፡ ከ  
 ሬር፡ ሰብክ፡ ደአም፡ እት፡ ምድር፡ ሐርሱ፡ እት፡ እንቱ፡ በዲር፡  
 ሀያቡ፡ ወድ፡ ሐሁ፡ ምን፡ ዐድ-ተክሌስ፡ እናስ፡ ቃትል፡ ምን፡  
 ዐለ፡ ከሐው፡ ለማይት፡ አዜ፡ እብ፡ በነ፡ ምን፡ ረክበዎ፡ ሰብ፡ ዐድ፡  
 እንዶ፡ አድረረው፡ እቱ፡ መርባቶም፡ አቅሰነው፡ ከቀትለዎ። ሐር፡ ለ

መታሊቱዲ፡ ምንመ፡ ዐዶም፡ አቅበለው፡ ለዐባዩ፡ ሰብኡ፡ ምን፡ ትማ  
 የተ፡ ዐድ-ሐፈሮም፡ ሐምቀ፡ ወአፍታይ፡ ወድ፡ ተስፋምኬል፡  
 ሀዬ፡ በጽሕ፡ እት፡ እንቱ፡ ልጃም፡ ወአያሱ፡ ወተስፋምኬል፡  
 ወብእምነት፡ እንዶ፡ ወልደ፡ ወመሰለብ፡ ለሺመት፡ እንደይ፡  
 ረክብ፡ ሞተ። — ደአም፡ ሐርመ፡ ዐድ-ሐፈሮም፡ እት፡ መርባት፡  
 ዐድ-ተክሌስ፡ ሀረሰ፡ ለእክል፡ አውል፡ እት፡ ልትበተክ፡ ዐድ-  
 ተክሌስ፡ ገድም፡ ሐሊቦ፡ ዘምተ፡ ወፍካክ፡ ወድ፡ ለዋይ፡ ቀት  
 ለ፡ ወምን፡ አዳም፡ ወምን፡ ሕያይት፡ ብዙሕ፡ አረይ፡ ገፈ። ደአም፡  
 ሓጅ፡ ወድ፡ ድራር፡ በዐል፡ ገጸም፡ እብሊ፡ ምን፡ ኢአቀንዶ፡ ለ  
 ገለድ፡ ምስል፡ ዐድ-ሐፈሮም፡ እንዶ፡ ጠልመ፡ እብ፡ ደምባ፡ እግል፡  
 ልገብል፡ ወንዋዮም፡ ሀዬ፡ እግል፡ ልዝመት፡ ሐዘ። ደስላሴ፡  
 ወድ፡ ሐርሾይ፡ ላተ፡ እንዶ፡ ትፈንተዩ፡ እት፡ ሐርም፡ ደምባ፡ ጸን  
 ሐዶ፡ ወእት፡ መርባት፡ ተስፋምኬል፡ ወድ፡ አፍታይ፡ ቀትለዮ። ሐር፡  
 ለከራይ፡ ዐድ-ተክሌስ፡ እብ፡ አረይ፡ ሐሊቦ፡ ሌጠ፡ ዐዳ፡ አቅበለት።

፻፳፡ ብእምነት፡ ወድ፡ ቱድሮስ፡ ምንመ፡ ኢትሸዩመ፡ ምን፡  
 እሊ፡ አውካድ፡ እሊ፡ እንዶ፡ አምበተ፡ እብ፡ አብሁ፡ ልግባእ፡ ማ፡ እብ፡  
 ኖሱ፡ ዘማይቶታት መርሕ፡ ወዐድ፡ ሰርዕ፡ ዐለ። ደአም፡ ክእና፡ እት፡  
 ቤት-አብርሃ፡ ምን፡ ትደቀብ፡ ዐድ-ዓይለይ፡ ወዐድ-ሐፈሮም፡ ወገሌ፡  
 ምን፡ ዐድ-ገብሬስመ፡ ትጋደበዎ፡ ወእብ፡ ወድ፡ ዕንክር፡ ሐምዶ፡ ወድ፡  
 አበከር፡ ለወሬዛ፡ ብእምነት፡ ቀትለው። ሀቱ፡ ሀዬ፡ እት፡ ደግያት፡  
 ሐይሉ፡ እንዶ፡ ከሰዮም፡ እግል፡ ጆሃድ፡ ለበዐል፡ መሰለብ፡ ለሺ  
 መት፡ ወእግል፡ ዕንክር፡ አትአሰረዮም። ጆሃድ፡ ላተ፡ እት፡ አካነ፡  
 ዐገባ፡ ወልዳ፡ እንዶ፡ አትሐለፈ፡ ዐዳ፡ አቅበለ።

፻፳፩፡ አሰር፡ እሊ፡ ሀዬ፡ ብእምነት፡ አዜመ፡ እግል፡ ልትፈዴ፡  
 እንዶ፡ ሌላ፡ እብ፡ ዐድ-ተክሌስ፡ ንዋይ፡ ዐድ-ዓይለይ፡ እት፡ ታብ  
 ልንጂ፡ እት፡ እንቱ፡ አተዝመተዩ። ደአም፡ ሐር፡ ዐድ-ዓይለይ፡ ሀዬ፡  
 እንዶ፡ ረድአት፡ ላሊ፡ እት፡ ምትንፋስ፡ ምድር፡ ዐድ-ተክሌስ፡ ዐ  
 ሬትቡ፡ ከአተክራቶ። — ዐገባ፡ ወድ፡ ጆሃድ፡ ወዕንክር፡ ለእስራም፡ ሀዬ፡  
 ሐቆ፡ አርባዕ፡ ዓመት፡ እንዶ፡ ትፈተሐው፡ እት፡ ምድርም፡ ክም፡ ትከ  
 ረው፡ ብእምነት፡ እት፡ ጠርቅ፡ ለወሬዝሁ፡ ምን፡ ዕንክር፡ አሐሁ፡ ገድ  
 በ፡ ምኑ።

፻፳፪፡ ሐቆሃ፡ ገድም፡ ዐድ-ዓይለይ፡ ወዐድ-ሐፈሮም፡ ወከ  
 ሬ፡ ዕንክር፡ ምስል፡ ቤት-እሽሐቀን፡ ምስጢር፡ እንዶ፡ ወደው፡

እግል፡ ብእምነት፡ ልትጋደቡ፡ ዐለው። ሆቱ፡ ሆቱ፡ እብ፡ እንክሩ፡ እግሎም፡ እግል፡ ለትክስር፡ ወእግል፡ ለዝምት፡ ደግያት፡ ሐይሉ፡ ከድመ። ደአም፡ ደግያት፡ ሐይሉ፡ እብ፡ ከራዱሀ፡ [እት፡ ገለብ፡] ክም፡ መጽአ፡ በዲር፡ እብ፡ መወልዱ፡ እብ፡ ቤት-እሸሐቀን፡ ኖሱ፡ እንዶ፡ ቤለአዩም፡ ለሰብ፡ ቀደም፡ ምጽአቱ፡ ሃርባም፡ ጸንሐም፡ ገድም፡ ሐይሉ፡ ለአብያት፡ በኑ፡ ክም፡ ጸንሐዩ፡ እሉ፡ እንዶ፡ አበራበረ፡ እግል፡ ብእምነት፡ "ለእቱ፡ ሀረስከኒ፡ ዐድ፡ ሀርብ፡ ወለአብያቶምዲ፡ በርበር ክም፡ ከእዜ፡ እት፡ ክራዩ፡ ማል፡ ሀበኒ።" ቤሎ። ከንቴባይ፡ ብእምነት፡ ላተ፡ ዐዳ፡ ዐምበጣ፡ ወገርሳ፡ አሪ፡ ምን፡ ጸንሐ፡ እብ፡ እደሀ፡ ሐጻ፡ እንዶ፡ ረፍዐ፤ "ለእለ፡ አቤ፡ ከራዩ፡ ገደቡ፡ እንዶ፡ አቤለአከ፡ አግዐዝ ከሃ፡ ወአዜ፡ ምንዩ፡ ማል፡ ተሐዜ፡ ምስል፡ ዐምበጣ፡ ወገርሳ፡ እሊ፡ ሐጻ፡ ሀብኮከ፡ እንተ፡ ሐይሉ፡ ዕወር።" ቤሎ። ወደግያት፡ ሐይሉ፡ እለ፡ ዶል፡ እለዲ፡ ድን፡ እት፡ ልብል፡ ዐዳ፡ አቅበለ።

፪፻፲፡ ክእናመ፡ እት፡ እንቱ፡ ለከራዩ፡ ብእምነት፡ እት፡ ለአባያመ፡ እት፡ ቤት-እሸሐቀን፡ እንዶ፡ ጌሰት፡ ትትሰረቆም፡ ዐለት። ከውላድ፡ ዕሪት፡ ወተስፋምኬልመ፡ ወድ፡ ብእምነት፡ እንዶ፡ ጌሰው፡ በዲር፡ ወሬዛ፡ ዐድ፡ ቱድሮስ፡ ምን፡ ለዐለ፡ ወሐር፡ መሐመድ፡ ወድ፡ ሐሳማ፡ በዐል፡ ቤት-እሸሐቀን፡ ምን፡ ለትከተለ፡ እናስ፡ ትግረይ፡ ሰማን፡ ወአት፡ ሰርቀው፡ ምን። ሐር፡ መሐመድ፡ ወድ፡ ሐሳማ፡ እት፡ ልረድእ፡ አሰራ፡ እንዶ፡ መጽአ፡ እግል፡ ብእምነት፤ "ለአሐ፡ ብለሳ፡ እቱ።" ቤሎ። ወብእምነት፡ እግል፡ ልብለሳመ፡ እቱ፡ ምን፡ ሐዘ፡ እግል፡ ለልኩከ፡ ሐርድት፡ ጸንሐቶ። ከእግል፡ መሐመድ፤ "እኪት፡ ምን፡ ተሐዜ፡ እኪት፡ ዴ፡ ወሰኔት፡ ምን፡ ተሐዜ፡ ሰኔት፡ ዴ፡ ደኢኮን፡ ለአሐዲ፡ ተሀዩረት። ምን፡ አያ፡ እግል፡ እብለሳ፡ እትከ።" ቤሎ። ሰበት፡ እሊ፡ መሐመድ፡ ሆይ፡ ጌሰ፡ ከደግያት፡ ሐይሉ፡ ሀረሰ፡ ወሀቱ፡ እግል፡ ንዋይ፡ ብእምነት፡ እት፡ ስም-አለባ፡ እት፡ እንቱ፡ ዘምተዩ።

፪፻፱፡ ሐቆሃ፡ ብእምነት፡ ሐር፡ ለትመጸኦ፡ እንዶ፡ ኢለትዋይን፡ እብ፡ ኖሱ፡ ምን፡ ገርገር፡ እግል፡ ንዋይ፡ እያሱ፡ ቤት-እሸሐቀን፡ ዘምተዩ። ወለአረይ፡ እት፡ አግዐር፡ እንዶ፡ አተቡ፡ ከፍለዩ። — ሰብ፡ ቤት-እሸሐቀን፡ ሆይ፡ ብእምነት፡ ክእና፡ ምን፡ አጀረባዮም፡ እት፡ ልውው፡ እት፡ ደግያት፡ ሐይሉ፡ ፈግረው። ሆቱ፡ ሆይ፡ እት፡ ገለብ፡ እብ፡ ለትበህለዮ፡ ዘዐት፡ አዜመ፡ እንዶ፡ ትደመለ፡ ሰብ፡ ሐማሴን፡ ሀረሰ፡ ከሐቆ፡ ዘማቱ፡ ስም-አለባ፡ እት፡ ቀይማ፡ ንዋይ፡ ብእምነት፡

እት፡ አግዐር፡ እት፡ ተምቡካት፡ እት፡ እንቱ፡ ዘምተዩ፡ ወኩሉ፡ ንዋይ፡ ገሐፈ። ምን፡ ሰብ፡ ዐድመ፡ ሰብ-ዕ፡ አቃተሉ፡ ወብእምነት፡ ኖሱ፡ እንዶ፡ ሐመ፡ ምን፡ አፍገረዎ፡ ምን፡ ደኢኮን፡ ለዶል፡ እሉመ፡ እንዶ፡ አሰረ፡ ወጌሰብ። ወአምበል፡ ገዚረት፡ ለትትበህል፡ ቤታ፡ እት ልበርብር፡ ለሐንቀቶ፡ ወእብ፡ እብን፡ ለጨፍለቀቶ፡ ዎርት፡ እናስ፡ ወደብሩ፡ ወድ፡ ዕሪት፡ እግል፡ ዎር፡ ብዕድ፡ እንዶ፡ ቀትለዩ፡ ከገንደላ፡ ወኮናት፡ ለሰልብ፡ ምን፡ ደኢኮን፡ ምን፡ ከራዩ፡ ሐይሉ፡ ዲ፡ ለሞተ፡ አለቡ።

፪፻፳፡ ሐር፡ እት፡ አውላ፡ ዐድ፡ ሳብክ፡ እት፡ እንቱ፡ ዕድር፡ ሸረክ፡ እንዶ፡ ጀረ፡ እቱ፡ ምን፡ አንስ፡ ወአዋልድ፡ ብዙሕ፡ አብደ። ወአይረዐት፡ ዐድ፡ ክም፡ ሳገመ፡ ግድሪ፡ መጽአት፡ ወብዙሕ፡ አዳም፡ ወሔት፡ ከአብሊ፡ ዕድር፡ እሊ፡ ብዝሐም፡ ሐይሶታት፡ ትበተከው።

፪፻፳፩፡ ክልኦት፡ ሐል፡ ለገብእ፡ ሐቆ፡ ለዘማቱ፡ አግዐር፡ ከንቴባይ፡ ቱድሮስ፡ ክም፡ አስተዐበ፡ ብእምነት፡ ወልዱ፡ እት፡ ደግያት፡ ወልደንኬል፡ ወድ፡ ሰለሙን፡ ሐቆ፡ እስሮ፡ ሐይሉ፡ እት፡ ሐማሴን፡ ሸዩም፡ እት፡ እንቱ፡ ፈግረ፡ ወአት፡ አካን፡ አቡሀ፡ ትከንተብ። ወሐር፡ ክም፡ አቅበለ፡ እግል፡ አቡሀ፤ "ወልክ፡ እንዶ፡ ትሸዩመ፡ እት፡ ቤልታ፡ መጽአ።" ምን፡ ቤለዎ፡ ሆቱ፡ ሆይ፤ "ዩ፡ ልትነደፍ፡ እብ፡ ብጣርዩ፡ እት፡ አና፡ ወርሴኒ።" ወአዜ፡ ሆይ፡ ሚ፡ ጋሩ፡ 'ወልክ፡ ትሸዩመ' 'ወልክ፡ ሞተ' ሚ፡ ተ።" እንዶ፡ ቤሉ፡ ትነሸገ፡ እሉ። ወብእምነት፡ ምን፡ ለዶል፡ ሹም፡ ክም፡ ለበልዳ፡ በልዕ፡ ዐለ።

፪፻፳፪፡ ሐር፡ ሐይሉ፡ እሱር፡ እት፡ እንቱ፡ ወወልደንኬል፡ ክም፡ ሸፈተ፡ ሐጸይ፡ ዩሐንስ፡ አክሱም-ገብሩ፡ እት፡ ሐማሴን፡ እንዶ፡ ነድኦ፤ "ግብር፡ ሰብ-ዕ፡ ምእት፡ ርያል፡ አፍግር፡ እልዩ።" ቤሎ። ብእምነት፡ እብ፡ ለአርልዩት፡ እግል፡ ኢልፍገር፡ በቀል፡ ኢጸውረኒ፡ እንዶ፡ ቤሉ፡ እት፡ ዐድ፡ ምን፡ ትገሰ፡ ሰብ፡ ቤት-አብርሃ፡ እብ፡ ከንቴባይ፡ ኖሸሕ፡ ጅመጃንይ፡ ወሐመድ-አበልቲ፡ ለማል፡ ነድኦው፡ እቱ። [ሐቆ፡ እለ፡ ሐጸይ፡ ዩሐንስ፡ እብ፡ ረአስ፡ አሉላ፡ አስከ፡ ገብርም፡ ምን፡ ሰብ፡ ከበሳ፡ ግብር፡ ለሐዘዮም፡ አለቡ።] ሐር፡ አክሱም-ገብሩ፤ "በቀል፡ ለኢደቅቦ፡ ለገዢ፡ ከንቴባይ፡ ብእምነት፡ እግል፡ እርአዮ፡ ልምጸኦኒ።" ቤሎ። ብእምነት፡ እሊ፡ ክም፡ ሰምዐ፤ "ገጩ፡ ወገጽ፡ ለዐቀይተይ፡ እት፡ ሐድ፡ ኢገብእ። ሐጸይ፡ ለሐዘዮ፡



ጥልበት፡ ተ። እሉ፡ በዲር፡ ነድኦክክዋ፡ ብዕደት፡ ሚ፡ ሐዘ፡ እቺ። እንደ፡ ቤሉ፡ መጽኡ፡ አበ።

፪፳፰፡ አክሱም-ገብሩ፡ ሆዬ፡ ምብላስ፡ ብእምነት፡ ክም፡ ሰምዐ፤ "ከአር፡ ተ። ዐቀይተይ፡ ምን፡ እገብእ፡ ከመ፡ ልርኤኒ። እንደ፡ ቤሉ፡ ከራዩሀ፡ ሀረሰ፡ ከቤት-አብርሃ፡ እግል ልዝመት፡ አግዐር፡ ፈግረ። ደአም፡ ለንዋይ፡ እብ፡ ሀረብ፡ ፈግረ፡ ምኑ። አብዕረት፡ ላተ፡ እግል፡ ልሕረስ፡ ጸሙድ፡ ምን፡ ጸንሐዩ፡ ትዘመተ። ምን፡ አዳም፡ ሆዬ፡ ገሌ፡ ትቃተለ፡ ወትገፈፈ። ምን፡ ለትገፈፈው፡ ምርት፡ እናስ፡ ትግረይ፡ — ወሀቱ፡ ዋጠይ፡ ወስሙ፡ ዕጉ ብ፡ — ሕብሳት፡ ሽግር፡ እንደ፡ ለደደው፡ እሉ፡ አጸረዎ። ሐር፡ እት፡ ስጋደት፡ ቁልፋ፡ እግል፡ ገብሩ፡ ወድ፡ ዕረት፡ ምርት፡ ጸኑዕ፡ — ወሀቱመ፡ ግፋፍ፡ እት፡ እንቱ፡ — እት፡ በቀል፡ ጽዑን፡ ምን፡ ረአዩ፡ ተዐጀቡ፡ ከ፤ ማሃ፡ ድቦ፡ ስምሐኖ፡ አልዩ፡ በዐል፡ ጸር፡ ጸር፡ ወበዐል፡ ኮር፡ ኮር፡ ጸንሐ። እት፡ ልብል፡ እት፡ ለስጋደት፡ ልትሐንጤ፡ ዐለ። ሐር፡ ከበሳ፡ ክም፡ ፈግረው፡ ለትግረይ፡ ማል፡ ምን፡ ኢረክበ፡ እብ፡ ለሀ፡ ትጠለቀ፡ ወለጽኑዕ፡ ላተ፡ ማል፡ ጌስ፡ እቺ። እብ፡ ለገአት፡ ትግባእ፡ ክልኢቶም፡ ክእና፡ እንደ፡ ጠለቀው፡ ምስል፡ እት፡ ዐደም፡ አቅበለው።

፪፳፱፡ ቀደም፡ እሉ፡ ዘማቲ፡ አግዐር፡ መኮነን፡ ወድ፡ ወልደንኬል፡ እንደ፡ ሸፈተ፡ ማል፡ ኖሱ፡ እት፡ ልበልዕ፡ ወእንደይ፡ ዐግብ፡ እት፡ መንሳዕ፡ ነብር፡ ዐለ። አለመ፡ እት፡ እንቱ፡ ብእምነት፡ እግል፡ አመቱ፡ ገብር፡ መኮነን፡ ሐዘ፡ ወሐር፡ ሀቱ፡ ምን፡ ከልአዩ፡ ብእምነት፡ አክል-አክል፡ ዕስ፡ እክል፡ አተንአሸ፡ ምኑ፡ ደኢኮን፡ ሴመ፡ እብ፡ ሰኔት፡ ኢትቃረሐዩ። ደአም፡ ሐቆ፡ ገሌ፡ ወክድ፡ መኮነን፡ እብ፡ ምድር፡ ስሐ፡ ወሐልሐል፡ እንደ፡ ከልል፡ ነበረ፡ እት፡ ዐዳ፡ አቅበለ፡ ወእብ፡ እደ፡ ኖሱ፡ ትሸዩመ። ለዶል፡ መንሳዕ፡ ሆዬ፡ እግል፡ ብእምነት፡ "እሊ፡ መኮነን፡ እንደ፡ ዐቡ፡ ወእት፡ ሮራ፡ ሐቆ፡ ትሸዩመ፡ እንፈርሀ፡ ሀሌኖ፡ እንተ፡ ገድም፡ ክልኤ፡ ወእት፡ እንደ፡ ነስአከ፡ እተዩ፡ እልኖ። ቤለም፡ ደአም፡ ሀቱ፡ ለክልኤ፡ ወእት፡ እንደ፡ ነስአከ፡ ክም፡ ፈግረ፡ እቱ፡ መኮነን፡ እባ-እባ፡ እብ፡ ድመል፡ ለመዋዳቱ፡ እግሉ፡ እንደ፡ አስረ፡ ሐድገዩ፡ ወኖሱ፡ መንሳዕ፡ እት፡ አግዐር፡ እት፡ እንተ፡ እግል፡ ልዝመታ፡ ወረ። ምን፡ አዳማ፡ ገሌ፡ ቃተለ፡ ወኩሉ፡ ለንዋይ፡ እንደ፡ ዘምተ፡ ፈግረቡ። ሐቆ፡ ሐቱ፡ ዓመት፡ ላተ፡ ብእምነት፡ እት፡ ዐዳ፡ ወእት፡ ሸመቱ፡ አቅበለ። — እብሊ፡ አውካድ፡ እሊ፡

ከንቴባይ፡ ቲድሮስ፡ እብ፡ እብር፡ ሞተ፡ ወእት፡ ስምጥ፡ ለዐድ፡ ድጌ፡ እንደ፡ ወደው፡ እሉ፡ እብ፡ ኖረት፡ ቀብረዎ።

፪፴፡ ሐምስ፡ ዓመት፡ ለገብእ፡ ሐቆ፡ መትሸያም፡ ብእምነት፡ ዶል፡ ቀይም፡ እት፡ መንሳዕ፡ ልግባእ፡ ማ፡ እት፡ ድዋራ፡ ብዙሕ፡ ድቁብ፡ አንቀጥቀጠን፡ ገብአ፡ ከለዶል፡ ጋድሞታት፡ ትሳጠረ፡ ወምን፡ አድብርመ፡ አገምእት፡ እንደ፡ ሀገ፡ ገሌ፡ አዳም፡ ቃተለ።

፪፴፩፡ ሐቆ፡ እሉ፡ ብእምነትመ፡ ምን፡ እስሮሀ፡ ቃብል፡ እት፡ እንቱ፡ እንደ፡ ትደመለ፤ "እሎም፡ ክስታን፡ ከበሳ፡ ልብዬመ፡ አርኤ፡ ቀርሐው፡ እቺ። እንደ፡ ቤሉ፡ ወአሉ፡ ለተሉ፡ እንደ፡ አከበ፡ ሰዳዩት፡ እግል፡ ልርከብ፡ እት፡ ሹክ፡ መሐመድ፡ እት፡ እምቤረሚ፡ እባም፡ ደነ፡ ከእታ፡ ሀቱ፡ ወውላዳ፡ ወገሌ፡ ጸሩ፡ አመስለመው።

፪፴፪፡ እብሊ፡ ዘበን፡ እሊ፡ ሰብ፡ ምስር፡ "ማይ፡ ትግራት፡ እግል፡ ለሰቱ። ገባይል፡ መትሕት፡ እትሊ፡ አምዳራት፡ እሊ፡ መልክው። ወመስተንጀር፡ ለሐክሞም፡ እት፡ ከረን፡ ምልኮም፡ ክም፡ ተክለ፡ እት፡ ለአድሀይ፡ አዋጅ፡ መትገዛእ፡ አናደ፡ ወምን፡ ክል፡ ሹም፡ ዘሆ፡ እንደ፡ ነስአ፡ ጥልበት፡ ከረ፡ ለዶል፡ ብእምነትመ፡ ሹም፡ መንሳዕ፡ ዘሆ፡ እንደ፡ ሀብ፡ አርባዕ፡ ምእት፡ ወሕምሳ፡ ርያል፡ ጠልቤ፡ እሉ። ዳለት፡ ምኑ፡ አርባዕ፡ ምእት፡ እንደ፡ እግል፡ ኖሳ፡ ነስአት፡ እግል፡ ብእምነት፡ ለሕምሳ፡ ሀብቶ። ወክእና፡ እሉ፡ ጥልበት፡ እሉ፡ ቀይም-ቀይም፡ ትፈግር፡ ምኖም፡ ዐለት።

፪፴፫፡ አስክ፡ እሉ፡ እብ፡ ፍትሕ፡ መሓሪ፡ ልትራቱዕ፡ እንደ፡ ዐለው፡ አዜ፡ መስተንጀር፡ እግል፡ መምበርሀም፡ ለለትሐይስ፡ ብዙሕ፡ በዳደለ፡ እሎም። ክእና፡ ገድም፡ ግብርነት፡ አብደ፡ ወስም፡ ደመ፡ እግል፡ ትልጻሕ፡ ለሐዘ፡ ዐስር፡ ርያል፡ እንደ፡ ሀብ፡ ምን፡ ለግብርነት፡ እግል፡ ልልጻሕ፡ አወጀ። እግል፡ ትግራመ፡ ሆዬ፡ አቅለለ፡ እሎም። ከ፤ "መምብሀም፡ ኢሊዝብዮም፡ ወኢልክፈሎም፡ ወምርት፡ ገርሀት፡ መምብሀ፡ ምን፡ ልትጸባሕ፡ ክልኤ፡ ቆበት፡ ሒሳስ፡ ሴጠ፡ ለሀቦ፡ ወጽምድ፡ አብዕረት፡ ምን፡ ሐርስ፡ ሐምስ፡ ዕቤለ፡ እክል፡ ሴጠ፡ እት፡ ምክላት፡ እግል፡ ከንቴባይ፡ ለሀብ። እንደ፡ ቤሉ፡ ሰርዐ፡ እት፡ ረአስ፡ እሊ፡ ሆዬ፡ ከራ፡ ቅታል፡ ስርቅ፡ ወዘማቲ፡ እንደ፡ ከርዐ፡ መስከብት፡ ወደሐን፡ ትመደደት፡ እሎም።

፪፴፬፡ መስተንጀርዲ፡ ሐድ፡ ለገብእ፡ እሉ፡ ሕክሙ፡ አስክ፡ ከሰላ፡ ወገዳር፡ አርሐበዩ። ሐርመ፡ ሐንከ፡ ፊ፡ ለልትበሀል፡



እት፡ ምድር፡ መንገድ፡ ኢጣራ፡ ሰልፍ፡ እት፡ ዐድ-ትማርያም፡ መጽ-  
 አ፡ ደአም፡ እት፡ ዐድ፡ ለታርፈት፡ መንገድ፡ እግል፡ ሰብ፡ ዐድ-ትማ  
 ርያም፤ "እናስ፡ ዐለ ወኛ፡ ንጉስ፡ ምን፡ ትትከበቡ፡ ኖስኩም፡ ተአምር፡"  
 ምን፡ ቴሎም፡ ኢትከበተም፡ ለዶል፡ ብአምነት፡ ምስል፡ ጸሩ፡ አ ወ  
 ቃ ጽ፡ እት፡ ለልትበሀል፡ ምድር፡ ቤት-ዐው-ቄ፡ ዔረ፡ ወምን፡  
 እለ፡ አካን፡ ከራዬሀ፡ ምስል፡ ገሌ፡ ዳውረት፡ ክል፡ አካን፡ እንዶ፡ ገ  
 አት፡ ቤት-አብርሃ፡ እት፡ ቤልታ፡ እት፡ እንተ፡ ወረታ፤ ከሰብኡ፡ ሐ  
 ረት፡ ዐድ-ሐፈሮም፡ ወአሐ፡ ወርዕ-ሰብ፡ ዘምተው፡ ወዎሮ፡ እናስ፡ ሽማ  
 ገለዬ፡ ቀትለው፡ ወክልኦት፡ ትግረይ፡ ራዝዘው፡ ወምን፡ ለአሐ፡ ሀዬ፡  
 ገሌሃ፡ ቃተለም፡ ወገሌሃ፡ ጌሰውብ፡ ቤት-አብርሃ፡ ሀዬ፡ እንደይ፡ ትደን  
 ግጽ፡ አሐሃ፡ ረድአት፡ ወእግል፡ ለከራዬ፡ እት፡ እግር፡ ስጋደት፡ ሽግ  
 ድባ፡ እት፡ ስምጥ፡ ዐንሰባ፡ ዐሬትባ፡ እታ፡ እት፡ ሕድ፡ ምን፡ ትጋ  
 በአው፡ ሰልፍ፡ አዛዚ፡ ወድ፡ ሀብቴስ፡ ሐሀ፡ እግል፡ ነጋሲ፡ ምን፡  
 ለከራዬ፡ ምድር፡ ቀትለ፡ ሐር፡ ላተ፡ እግል፡ ልድገም፡ እት፡ ለከራዬ  
 ምን፡ ዐተግተገ፡ እታ፡ እብ፡ እብን፡ ቀትለም፡ ደንጎብ፡ ለከራዬ፡ ብ  
 እምነት፡ እንዶ፡ ተዐወተት፡ እብ፡ አረያ፡ ጌሰት፡ ወቤት-አብርሃ፡ እብ፡  
 ግናዘታ፡ ዐዳ፡ አቅበለት።

፪፬፱፡ ሐቆ፡ ገሌ፡ አውካደ፡ ሰብ፡ ገደቦ፡ ብእምነት፡ እት፡ አሉ-  
 ላ፡ ፈግረው፡ ከ፤ "ዐድ-ትማርያም፡ እግል፡ ትዝመት፡ አክል፡ ለሰ  
 ተትከሃ-ተ፡ ገብአ፡ ነጋሲ፡ ወአሚር፡ ካርዕ-ከ፡ ወቤልእዎም፡ ምንከ፡ ሀ  
 ለው፡" እንዶ፡ ቤለው፡ ከሰዎም፡ እቱ፡ ሰበት፡ እሊ፡ አሉላ፡ ሀዬ፡ እ  
 ግል፡ ነጋሲ፡ ወአሚር፡ አስረዮም፡ ወእግል፡ መሐመድ፡ ወድ፡ ሐሳ  
 ማ፡ በዐል፡ ቤት-እሸሐቀን፤ "ጊሰ፡ ብእምነት፡ አምጽአ፡ እሉ፡ እ  
 ግል፡ እሸይም፡" እንዶ፡ ቤለ፡ እት፡ ብእምነት፡ ለአከዬ፡ ወሐር፡ ብእም  
 ነት፡ ክም፡ መጽአዩ፡ ሸየመዬ፡ ደአም፤ "ዐድ-ሐፈሮም፡ ለመሰለሳ፡  
 ክም፡ ነስአት፡ ምን፡ ለእግልከ፡ ለተርፈ፡ ክልኤ፡ እደ፡ ሀዬ፡ እግል፡ ነ  
 ጋሲ፡ መሰለስ፡ ሀቦ፡ ምንን፡" ቤሎ፡ ከነጋሲ፡ ወአሚር፡ እንዶ፡ ትፈ  
 ተሐው፡ ሰላሲቶም፡ እብለ፡ ዐዶም፡ ምስል፡ በልሰዮም።

፪፭፡ ደአም፡ ሐር፡ ሀዬ፡ እብ፡ ድግማን፡ ብእምነት፡ ወነጋሲ፡ ትበ  
 አሰው፡ ወአከይ-ገረት፡ ትበሀለው፡ ወሰበት፡ እሊ፡ እንዶ፡ ትካሰሰው፡  
 እት፡ አሉላ፡ ፈግረው፡ ወአሉላ፡ ለበአሰም፡ ምን፡ አስተፋሸረ፡ ለመ  
 ዐግቦይ፡ ብእምነት፡ ገብአ፡ ከእለ፡ ዶል፡ እለ፡ ሀዬ፡ ብእምነት፡ ተአሰ  
 ረ፡ ወነጋሲ፡ ወአክባቱ፡ ትገደቦ፡ ነጋሲ፡ ላተ፡ እት፡ አካን፡ ትሸየመ፡

ከትከረ፡ ወሐር፡ ብእምነት፡ ሐቆ፡ ዓመትዲ፡ ትጠለቀ፡ ደአም፡  
 ክም፡ ገቤረይ፡ እት፡ ገለብ፡ ትገሰ ደኢኮን፡ እት፡ ሸመቱ፡ ኢአቅዘለ።  
 ፪፶፩፡ እብለ፡ ወክድ፡ እለ፡ ዐድና፡ ቀላቅል፡ እት፡ ጎጽ-ገም  
 ሮት-ዐባይ፡ ሳብከ፡ እት፡ እንቱ፡ ደበብ፡ ወድ፡ ረአያ፡ ለልቡ-  
 ሎ፡ ሸፍታ፡ ከበሳ፡ ዘምቴና፡ እትለ፡ ዘማቴ፡ እለ፡ ሓይሶታት፡ ወለ  
 ዘይድ፡ ምን፡ ዐድ-ዓይለይ፡ ብዙሕ፡ አዳም፡ ትበተክ፡ ወብዙሕ፡ ንዋይ፡  
 ትገሐፈ፡ ምንና።

፪፶፪፡ ሐናመ፡ ሀዬ፡ ሐቆ፡ እለ፡ ንዋይ፡ ዓፋ፡ አግዱበይ፡ በ  
 ዐል፡ ዋይራ፡ ዘመትና፡ ወእሎ፡ እንዶ፡ ትከፈልና፡ ምን፡ ገለብ፡ አግ  
 ዐር፡ ፈገርና፡ ደአም፡ — እሊ፡ ንዋይ፡ ዓፋ፡ ኦላ፡ ገኡ፡ እልና፡ ደ  
 ኢኮን፡ — እቱመ፡ ደሐን፡ ኢረከብና፡ ከቀይም፡ ሸዓይርና፡ እት፡ ነ  
 አቱ፡ ምን፡ ከበሳ፡ እንዶ፡ ሸፈተ፡ እት፡ ሰለስ-መፍለስ፡ ነብር፡  
 ለዐለ፡ በሀታ፡ ወድ፡ ሐጎስ፡ በዐል፡ ሰገነይቲ፡ ምስል፡ ዓፋ፡  
 ወምስል፡ ክል፡ ቅምቅም፡ እንዶ፡ ገኡ፡ ዘምቴና፡ ወለዶል፡ ብዙሕ-  
 ብዙሕ፡ አሐ፡ ወዐጣል፡ ወአዱግ፡ ትቀረፈ፡ ምንና፡ ወገለብ፡ ዓቅቦይ፡  
 አለባ፡ ምን፡ ሐደግነሃ፡ ምን-ረሐርና፡ ሰብ፡ ሰምሀር፡ ክም፡ ከራ፡  
 ዐድ-አሐ፡ ወመስሐሊት፡ ወዐድ-ዐሽከር፡ ወዐድ-ዓፋ፡  
 አንደደዋ፡ ምንና።

፪፶፫፡ ሐቆ፡ እለ፡ ገድም፡ ምን፡ ክል፡ እንክር፡ አባይ፡ ምን፡ ፈር  
 ሀና፡ ወእደይናመ፡ ምን፡ ትከረ፡ ምድርና፡ ሐደግና፡ ከእት፡ ጉባ፡  
 ምድር፡ ዐድ-ዘማት፡ ዕርና፡ ወምኑ፡ እንጽብእ፡ ወእምበልዕ፡ ዐል  
 ና፡ ክእና፡ ሐቱ፡ ወክድ፡ ንዋይ፡ ዐድ-ተአይ፡ ለልቡሎም፡ አግ  
 ዱብ፡ ነይ፡ ዐድ-ተክሌስ፡ ዘመትና፡ ሐር፡ ሀዬ፡ አሉላ፡ እንዶ፡  
 ነስአና፡ እግል፡ ሰብ፡ ዐድ-ትማርያም፡ እት፡ ግበት፡ እት፡ ቀ  
 ላቅል፡ እት፡ እንቶም፡ አዝመትንህም።

፪፶፬፡ ሐር፡ አይረዐት፡ ምን፡ ጉባ፡ እት፡ ምድርና፡ እንዶ፡ አቅ  
 በልና፡ እት፡ ደንጉራ፡ ሐደርና፡ ደአም፡ ከረም፡ እንዶ፡ ሐረስና፡  
 ቀይም፡ እክል፡ ክም፡ ጸገብና፡ በረምበራስ፡ ካፈል፡ ዘምቴና፡  
 እት፡ ሐላ፡ ሀዬ፡ እት፡ ደንጉራ፡ ለገቢለት፡ ድሬር፡ ዘምተተና።

፪፶፭፡ ሐቆ፡ እለ፡ ኩላ፡ ሀዬ፡ እግል፡ ነጋሲ፡ ወአሚር፡ ቤት-  
 አብርሃ፡ ሕድ፡ እንዶ፡ ተሌት፡ ከሰቶም፡ ከእግል፡ አሉላ፤ ምን፡ ለአ  
 ላ፡ ትከሬ፡ እትና፡ ጥልበት፡ ወኬን፡ እንዶ፡ አዜደው፡ ነሱኡ፡ ምንና፡  
 ወገባር፡ አጀረበው፡ ቤለም፡ እሊ፡ ክስ፡ እሊ፡ አሉላ፡ እንዶ፡ አመር

መረዩ፡ ለዛይድ፡ ግል፡ አተብለሱ ምናም። ነጋሲ፡ ወአሚር፡ ሆዩ፡ አንድ፡ ትደመለው፡ ጉባ፡ አቅበለው።

እብለ፡ ወካድ፡ አለ፡ ሆዩ፡ ግልሓይ፡ እት፡ ንዋይና፡ መጽአ፡ ወእክል፡ በደ፡ ወሐናመ፡ ምን፡ ደንጉራ፡ እንዜ፡ እት፡ ገለብ፡ እት፡ መስከብ፡ በዲርና፡ ዕርና፡ ደአም፡ ዘበን፡ ዕጸ፡ ምን፡ ገአ፡ ሸነክ፡ ቀላ ቅል፡ ወምዱን፡ ትፈንጠርና፡ ደአኮን፡ እት፡ ገለብ፡ ለተርፈው፡ ምንናዲ፡ ሐዳም፡ ቶም።

፪፱፯፡ ወእብ፡ ለአሌላት፡ ለሀይ፡ ጢላን፡ እት፡ ምዱን፡ ማጽአት፡ ዐለት፡ ከብእምነት፡ ወገሌ፡ ሰብ፡ አግጸት፡ እግል፡ ብእምነት፡ ሸመት፡ እት፡ ለሐዙ፡ እት፡ ጢላን፡ እት፡ ምዱን፡ ደነው። ወእታ፡ እንደ፡ አ ለው፡ ለሐታ፡ ጢላን፡ እግል፡ ብእምነት፡ ሸመቶ፡ ወክልኤ፡ ንጋረት፡ ሀበቶ። ሆቱ፡ ሆዩ፡ አለን፡ እንደ፡ ነስኦ፡ ገለብ፡ ፈግረ።

፪፱፰፡ ደአም፡ ሐቆ፡ ዓመት፡ ዐድ፡ ምን፡ ሰፍረ፡ ከረን፡ እንደ፡ ጌሱ፡ ምን፡ ጢላን፡ ሰልፈት፡ እክል፡ ረምቀ፡ ወእብ-አባ፡ እታ፡ እት፡ እንቱ፡ ለእክል፡ ሀበዎ። ብእምነት፡ ላተ፡ ከረን፡ እንደይ፡ ሐድግ፡ ምን፡ ጸረት፡ እክል፡ እግል፡ ገባሩ፡ አቅሩሽ፡ ክም፡ ሐይስ፡ አሎም፡ እንደ፡ አተምሰለ፡ ለእክል፡ እት፡ ሶቅ፡ እግል፡ ለተዝቤ፡ አምበተ። ደአም፡ ገሌ፡ ምን፡ መንሳዕ፡ "ከንቴባይ፡ ብእምነት፡ እግል፡ መንሳዕ፡ ለሀብኩ ሞቱ፡ እክል፡ እት፡ ሶቅ፡ ለዘብዮ፡ ሀለ።" እንደ፡ ቤለው፡ እት፡ ጢላን፡ ከሰዎ፡ ሆቶም፡ አሊ፡ ክም፡ ሰምዐው፡ እክሎም፡ በልሰው፡ ወእግል፡ ከንቴባይ፡ ሐበሰዎ። ሐቆ፡ ክልኤ፡ ሳምን፡ ሰለስ፡ ምኒት፡ ርያል፡ እን ደ፡ አክሰረዎ፡ ፈርደው፡ እቱ፡ ወእት፡ ከይመት፡ ጎ፡ ዓቅቦቶም፡ አትገሰዎ።

፪፱፱፡ ወእብለ፡ አውካድ፡ አሊ፡ ትርንቲ፡ ኢሰል፡ እት፡ ምድር መንሳዕ፡ ደዋውር፡ ወእብ፡ ነይ፡ ሸየማ፡ ልሰአአል፡ ዐለ። ክእና፡ እብ፡ ለ ዶል፡ ብእምነት፡ ምን፡ ሸመቱ፡ ትሰዕረ፡ ወእንደ፡ ትጠለቀ፡ ዐዱ፡ አቅበለ። እት፡ አካኑ፡ ተስፋ-ምኬል፡ ወድ፡ አፍታይ፡ ለበዐል፡ መሰለስ፡ ለሸመት፡ እት፡ ቤት-አብርሃ፡ መሰለስ፡ አሰብ፡ በኑ፡ ትሸየመ። ሰበት፡ አሊ፡ ዎሮ፡ አናስ፡ [እሸሐቅ፡ ወድ፡ አብሰላብ፡] ዐድ-ሐፈሮመይ፡ እን ዶ፡ አስተረሐ፡ አሊ፡ ሕላየት፡ ሐላ።

"ገደብ፡ በዐላ፡ አቡዬ፡ ቱ፡ ብርጽ፡ ሚ፡ ቡ፡ ወፋታክ። ወቀይ፡ በዐላ፡ አብ፡ ጀሚል፡ [አሚር፡] ቱ፡ ዲብክ፡ በዝሐ፡ ለአሸካካት። ማን፡ ትቤ፡ ወገለብ፡ አትጋሰዎ፡ ዲብ፡ ባካት።"

ዐድና፡ እት፡ ክልኤ፡ ልትበአስ፡ እት፡ ቦርሌ፡ ወካሳት። አመቅረባ፡ ቱ፡ ሐልፈታ፡ ቄጦ፡ ክረው፡ ወዐራታት። ክእና፡ ሐልፍ፡ እት፡ ዐባይ፡ ልልሐስ፡ ለዐለ፡ ሸላታት።

፪፱፲፡ ወአይ፡ እብ፡ ዘበን፡ አሊ፡ ሹም፡ ተስፋ-ምኬል፡ ሐንቱ፡ ጢላን፡ እት፡ ሕና፡ [እምበል፡ እብ፡ ወካድ፡ ለመአምበቲሆም፡ ሸፈ ቲት፡ ከበሳ፡ ክም፡ ከራ፡ ልጅ፡ አበራ፡ ወዐድ-ኤሎስ፡ መ ስል፡ ገሌ፡ ሆናበጸዮና፡ ደኢኮን፡] ስርቅ፡ ወዘማቲ፡ ወዐመጽ፡ ወግብር ነት፡ ክሩዕ፡ ሀለ። ወክእና፡ ርዝቅ፡ ወደሐን፡ እንደ፡ ትረከበ፡ አዳም፡ ፈርሀት፡ አለብ፡ እት፡ ለእታ፡ ሰተተ፡ ገይስ፡ ሀለ። እብ፡ ዘበን፡ በ ዲር፡ ንዋይ፡ ዛይድ፡ እትና፡ ዐለ፡ ከሐድ፡ ምግዳ፡ [ሕምሳ፡ ወአት፡] ለብ፡ ክም፡ ለአለብ፡ ልትዐለብ፡ ዐለ። ዘበን፡ አይ፡ ምንመ፡ ክም፡ በዲር፡ ኢበዝሐ፡ ወእብ፡ ግልሓይ፡ ወጥልሓም፡ ምንመ፡ በዴ፡ ምንና፡ ሀለ፡ አይመ፡ እት፡ ልበዝሐ፡ ገይስ። እብ፡ ዘበን፡ በዲር፡ ወ ክድ፡ ለእክል፡ በዘሐተ፡ ዎሮ፡ ርያል፡ ዲበት፡ መልእ፡ ወምን፡ አሐ፡ ወአት፡ ለመጽአ፡ ዐለ። እብ፡ ዘበን፡ አይ፡ ላተ፡ ምንመ፡ አቅሩሽ፡ ወ ፈረንካት፡ በዝሐ፡ ንዋይ፡ ወእክል፡ ምን፡ ከብረ፡ ርያል፡ ዕሰሪት፡ በ ዲሩመ፡ ለመጽአ፡ ኢሀለ። ደአም፡ ለገአት፡ ትግባእ፡ እብ፡ ዘበን፡ ጢላንዲ፡ ፈረንካት፡ ለግራሀ፡ ወከርዕ፡ በቲክ፡ ለዕጩይ፡ ደኢኮን፡ እብ፡ ክል፡ ብዕደት፡ ሐለት፡ አይ፡ ሐይስ፡ አልና።

፪፱፯፡ ከእብ፡ ነይ፡ አሊ፡ ዘበን፡ ዎሮ፡ መንሰዐይ፡ — ወሆቱ፡ ዐሊ-ሼክ፡ ወድ፡ አድግ፡ — ክእና፡ ሐላ።

"መርከብ፡ ለሰሐብ፡ ዋልዮ፡ ምን፡ ሕዴዳ፡ ወጅዳ። ዕሽር፡ ዐለት፡ ወሽብል፡ ገለብ፡ እብ፡ ለሳምንታ። እብ፡ ሰነት፡ ወድ፡ ቲድሮስ፡ እክል፡ ወሐሊብ፡ ፈሸሻ። መንገአት፡ ለክብደት፡ ሰሐብታ፡ መን፡ ቱ፡ ገብእ፡ ከስታ፡ ለድሩይ፡ ለደድእ፡ እብ፡ ሐቱ፡ አድሀ፡ ሸንክካ። ኢልትቀረብ፡ አፍያትክ፡ እብ፡ ሐለትክ፡ እት፡ እንተ። ዎሮ፡ ረቢ፡ ሰድዮ፡ ገብእ፡ ሐይስ፡ ምን፡ ሕምሳ።

እብ፡ ሰነት፡ ወድ፡ አፍታይ፡ አፎ፡ አብ፡ ራዩት፡ ለፍርሳ። በኪት፡ እንተ፡ ምን፡ ንእሹ፡ አምዕል፡ ለቀሚሽ፡ ትለብሳ። ወበኪት፡ በለዋቱ፡ ልመዬኒ፡ ስምጥክ። ገሽመር፡ እግል፡ ልዛብጥ፡ ለክርባጅ፡ መአይ፡ ሸትፋ። እኪት፡ ምንመ፡ ሰመዳ፡ እብ፡ ለእግሩ፡ ልድሀሳ።



አናዲ፡ ተወክኦ አለብዬ፡ እምበል፡ ለፈረንኮት፡ ለልብዬ፡ ህታ፡ ተሐርጣ።  
ሰከብ፡ ወደሐን፡ ቢት፡ ወፈጅር፡ ደሐን፡ አቅንጸ።።

፻፶፬፡ ወአብሊ፡ ዘበን፡ እሊ፡ መንሳዕ-ቤት-አብርሃም፡ እት፡ ዐድ-  
ሐረርም ፡ ዐድ-ገብሬስ ፡ ዐድ-ዓይለይ ፡ ዐድ-ቡላ ፡ ወ  
ቤት-አበዛ፡ እንደ፡ ትከፈላት፡ እግል፡ ክል፡ ዐዳ፡ ጭቃሁ፡ ለዐበ፡  
ለዐድ፡ ረክበት።

፻፶፭፡ ወአዜ፡ እብ፡ ዘበን፡ መአምበት፡ ሕክም፡ ማርኬሴ፡ ሰል  
ባጎ-ራጂ፡ ከንቴባይ፡ ብእምነት፡ ሰኔት፡ ወእኪት፡ እንደ፡ ረከ፡  
ክም፡ አበረ፡ እብ፡ ሕማም፡ ሞተ። ወእብ፡ ብዙሕ፡ ዕንዲድ፡ እት፡  
ገለብ፡ እት፡ ስምጥ፡ መሐበሩ፡ ቅበት፡ እንደ፡ ወደው፡ እቱ፡ ትቀበረ።

፻፶፮፡ ወአዜ፡ ደንጎባ፡ ድግም፡ መንሳዕ-ቤት-አብርሃም፡ እንደይ፡  
እንክልስ፡ እብ፡ ነይ፡ ዲኖም፡ ገሌ፡ እግል፡ ንወዕክቱ። ቀደም፡ እሊ፡  
ክም፡ ለእምቤሎ፡ ሰብ፡ መንሳዕ፡ ምን፡ በዲሮም፡ ክስታን፡ ቶም። ቤት-  
ማርያምም፡ ምን፡ ለእት፡ ገለብ፡ ለነድቀዎተ፡ ዶል፡ ስብክ፡ ለታቦታ፡  
እት፡ ላባ፡ ለግዑዛ፡ ደኢኮን፡ አካን፡ ክል፡ ዶላዲ፡ ህታ፡ ተ። ወለእ  
ላ፡ ረኤና፡ ታቦትዲ፡ ቀሽ፡ እት፡ ረከሰ፡ ለጸረያ፡ እብ፡ ጅወክ፡ ለትገል  
በበ፡ ጠልፍሕ፡ ዕጩተይ፡ ሌጠ፡ ተ። ደአም፡ ለታቦትና፡ ብዙሕ፡  
ጽንዕት፡ ወክብረት፡ ተ። እባ፡ እንድሕር፡ ከእክል፡ ወሐሊብ፡ እን  
ረክብ፡ ወእት፡ አባይና፡ ንትወወት፡ ወአረይ፡ እንከፍል። ወእባመ፡ አ  
ባይና፡ እንረግም፡ ወነበጽሕ፡ ሰበት፡ እሊ፡ ህዬ፡ ዶል፡ ስብክ፡ ወስግም፡  
ቀሽ፡ እት፡ ረከሰ፡ እንደ፡ ወደያ፡ እግል፡ ኢትዘመት፡ ሓይሰታት፡ ልት  
ዓረው፡ እላ፡ ከዐቁባ፡ ወክዋል፡ ገቡእ፡ እላ፡ ዐለው። ጁከታ፡ አምዕል፡  
ሞት፡ እንደ፡ ፈግረት፡ እት፡ ግናዘት፡ ትትከሬ፡ ደኢኮን፡ ለታቦት፡  
ኖሳ፡ እምበል፡ ዶል፡ በዓል፡ ጥምቀት-የሐንስ፡ ወበዲር፡ ክም፡  
ለእምቤሎ፡ እምበል፡ ወክድ፡ ስብክ፡ ወስግም፡ ምን፡ ቤት፡ ኢትፈግር።

፻፶፯፡ ደአም፡ አዜ፡ ሐቆ፡ ለዘማይቶታት፡ ሕና፡ ምን፡ ለዐለዮ፡  
ጉባ፡ ክም፡ አቅበልና፡ እግል፡ ቀሽና፡ "እግል፡ ንጠመቅ፡ አሸዋ፡ ታቦት-  
ና።" እምቤሎ። ወህቱ፤ "ምን፡ ከራዬ፡ ሐብዐክዋ፡ ወሐር፡ እግል፡ እን  
ሰኦ፡ ምን፡ መጽአክ፡ አርጸት፡ በልዐያ።" ቤሌና፡ ሂጋሁ፡ አማኑ፡ ቱ፡  
ገብእ፡ ገድም፡ ለእባ፡ ገአት፡ ትግባእዲ፡ ታቦትና፡ በዴት፡ ምንና።

፻፶፰፡ ወእሊ፡ ታቦትና፡ ክእና፡ ክም፡ በዴት፡ ጥምቀት፡ ትግባእ፡ ወብ

ገሕት፡ ብዕደት፡ ስርዐት፡ ክስትናና፡ በጠለት፡ ምንና። ከአስክ፡ አዜ፡  
ምን፡ ክስትናና፡ ለሀሌት፡ እልና፡ ስርዐት፡ ከራ፡ እሊ፡ መስል፡  
ሌጠ፡ ቱ፤ ሐሊብ፡ እንሳ፡ ኢእንሰቴ፡ ሕራድ፡ እስላም፡ ወስጋ፡ ገ  
መል፡ ወክራት፡ [ቅታል] ከራይ፡ ኢእምበልዕ። — መዐተብ፡ እን  
ወዴ፡ ክልኤ፡ ለሰምበትና፡ ወበዓላትና፤ የሐንስ፡ ልደት፡ ጥም  
ቀት፡ ፋዘጋ፡ ማርያም-ግምቦት፡ ወምክኤል፡ ነብዕል። ወ  
ዶል፡ ሐርስ፡ እት፡ ህይገት፡ ወእት፡ ገለብ፡ ወእት፡ ሐሊብ፡ እግል፡ ማር  
ያም፡ ጅምዐትመ፡ ነብዕል፡ ህሌና። — ውቀት፡ ትልም፡ ሰደቀት፡ እን  
ዶ፡ ሐረድና፡ ረቢ፡ እንረምቅ። ክእና፡ ህዬ፡ አዳም፡ ክም፡ ሐመ፡ ዕም  
ሩ፡ እግል፡ ልጠወል፡ ወእሲት፡ ክም፡ ዐምሰት፡ ሰኒ፡ እግል፡ ቲለድ፡  
ሰደቀት፡ ወአት፡ ማ፡ ጠሊት፡ ማ፡ እንጌራ፡ ትትሐረድ። — ወክድ፡  
አጻምኦ፡ ወወክድ፡ ዕድር፡ አንስና፡ እግል፡ ሰዐት፡ ለገብእ፡ እት፡ አር  
ባዕ፡ ዕንክለት፡ እንደ፡ ፈግረያ፡ ወሐር፡ ሐቴ፡ ሸግለት፡ እንደ፡ ከለያ፡  
ትክዐሌ፡ ገጽ፡ ለዐል፡ እት፡ ልከሸክሻ፡ ወ፤

"አዝግኦ፡ መሐረና፡ ክርስቶስ፡

ማይ፡ ጸዐዳ፡ ጆቂ፡ ምን፡ ቀንጥብ፡

አስክትቴ፡ በኪት፡ እሊ፡ ረክብ።"

እት፡ ልብላ፡ ዲብ፡ ረቢ፡ ልትመሀለላ፡ ክዐደን፡ ለቀብላ። ቀደም፡  
ጸም፡ አርበዓ፡ ወክድ፡ ጸም፡ አድሐነት፡ ለነይ፡ ነነዌ፡ ሰለስ፡  
ምዕል፡ እንጸይም። — እብ፡ በዓል፡ አውሰዐና፡ እት፡ ክልኤ፡  
ለቅልጭምና፡ ትክዐሌተት፡ ነአስር። — እግል፡ ቀሽ፡ ዐድና፡ ፍትሐ፡  
ኢእንከለኦ። — ዶል፡ ትልም፡ ልግባእ፡ ማ፡ እት፡ ተብረሰት፡ ገበይ፡  
ማ፡ እት፡ ወክድ፡ ስርቀት፡ ወርሕ፡ ወእት፡ ዕጋለት፡ እግል፡ ነብራ፡ ወ  
ወክድ፡ እክራረት፡ ወቅንጸት፡ ጸሎትና፡ ምንመ፡ ግድዕት፡ ትገብእ፤  
"በስመ፡ አብ፡ ወወልድ፡ ወመንፈስ፡ ቅዱስ።" እት፡ እምብልዲ፡ እን  
ወድያ። — ህዳይ፡ [ለትዳሌት፡ እሊ፡] ድላለት፡ ዶል፡ ክልል፡ ወአግዳ፡  
አንስና፡ ወክድ፡ ወልዳ፡ ወእክልና፡ ወክድ፡ እንወርውር፡ ወእት፡ እን  
ወርር፡ ወወክድ፡ መሐገዝ፡ ወዕድር፡ እግል፡ ትስደና፡ ክል፡ ዶል፡  
እብ፡ ስም፡ ማርያም፡ ንትመሀለል። — ግርዝ፡ ምን፡ ልትወለድ፡  
ወመንደለይ፡ ወክድ፡ ሸንግል፡ ወሕዴ፡ ማ፡ ህዳይ፡ ዶል፡ ገብእ፡ ምን፡  
ነአንስስ፡ ማ፡ ዓምዓሞ፡ እክል፡ ምን፡ እምበልዕ፡ ማ፡ አረይ፡ ምን፡ ነኦ  
ቴ፡ እንድሕር፡ ወንትደሐር፡ እቱ። — መስኪን፡ እት፡ ወድና፡ ምን፡  
ረምቀና፡ ምን፡ እክል፡ ከራመት፡ ነህይብ። — ወጋሸይና፡ ንትከበት።

የገገ፡ ቀሽና፡ ምንጦ፡ ፍትሐ፡ ነሀይቦ፡ ቃርእ፡ እንደ፡ ኢገክ፡ ኢለቀርአና፡ ከአውካድ፡ ለበግላትና፡ አስክመ፡ ኢአምር፡ አቅሾት፡ ከበሳ፡ እንደ፡ ልሰሐል፡ ለናድዮ፡ እልና፡ ዐለ፡ — ከእና፡ ሀቤ፡ ቀሽ፡ ጠዐሙ፡ ከበሰይ፡ ወለትና፡ እንደ፡ ሀይ፡ እትሊ፡ በርበሬ፡ ወትምባካ፡ እት፡ ለዘቤ፡ ነብር፡ ምን፡ ዐለ፡ ለቀሽና፡ አውካድ፡ ለበግላት፡ እግል፡ ለመርዴ፡ እሉ፡ ማል፡ ሀይቡ፡ ዐለ፡ ወቀሽና፡ ከእና፡ ምን፡ ጀክለለ፡ አልመዶም፡ ወድ፡ ከንቲባይ፡ ብእምነት፡ ምስል፡ ለተልዮ፡ ማለ፡ ቀሽና፡ ትምባካ፡ ሰቲ፡ ወእዲነይ፡ ቱ፡ ወሴመ፡ ኢአምር፡ እት፡ ልብል፡ እት፡ ረክስ፡ አሉላ፡ ከሰዩ፡ ሀቲ፡ ሀቤ፡ እንደ፡ አተምጸአዩ፡ አንሾዐዩ፡ ደአም፡ ዐድምኬል፡ ለቀሽና፡ ማና፡ ምን፡ አቡዩ፡ ለጸንሐተኒ-ተ፡ ኢአንቀስካ፡ ወኢወሰከ፡ እታ፡ እንደ፡ ቤለ፡ አመስመሰ፡ እሉ፡ ረክሲ፡ ሀቤ፡ ሰብ፡ ቤት-አብርሃ፡ ምስል፡ አልመዶም፡ እንደ፡ ገአው፡ እግል፡ ለቀሾም፡ ጫቀጣም፡ ወቱሉያም፡ እቲ፡ ምን፡ ኢረክ፡ አምሸሽ፡ እሉ፡ — ከእና፡ ገድም፡ አግዳ፡ ቀሽና፡ ምን፡ ሐወነ፡ ለክስትናናመ፡ ከዜ፡ ቅሩብ፡ በዳ፡ ቱ፡ ወዕልብ፡ ለክስታን፡ እት፡ ሕና፡ ታርፋም፡ ለሀሌና፡ ሐድ፡ ምእትመ፡ ኢእንገብእ።

የገገ፡ ለበዙሐ፡ ምንና፡ አመስለመው፡ ምና፡ ተ፡ እስላመ፡ እት፡ እንቶም፡ ለሕና፡ ክስታን፡ ለእንጸብጦ፡ ስርዐት፡ ወበግላት፡ ሀቶም፡ ሀቤ፡ ጸብጦ፡ ወወዳ፡ ሀለው፡ ለአቡ፡ ትፈንተው፡ ምንና፡ አግዳ፡ ተሸብሕ፡ ወስጋ፡ ወጸም፡ ወሰላት፡ ወስም፡ መሐመድ፡ ቱ፡ እሊ፡ አመስለሞትዳ፡ እብ፡ ዎርዎር፡ ደኢኮን፡ ክሉም፡ እብ፡ ሐቲ፡ ዶል፡ ኢአመስለመው፡ ቀደም፡ ኩሉ፡ ጀሚል፡ ወድ፡ አያይ፡ ዐድ-ገብሬሰይ፡ ወለቱ፡ እት፡ በርካ፡ እንደ፡ ጌዌት፡ አግል፡ ልሕዘያ፡ ምን፡ ጌሰ፡ እት፡ ምስግድ-ወድ-ማልክ፡ እንደ፡ አመስለመ፡ አቅበለ፡ አሰሩ፡ ሀቤ፡ ደሲት፡ ወድ፡ ዩጊን፡ ዐድ-ሐፈሮመይ፡ ተለዩ፡ ሐቆሃ፡ በዲር፡ ክም፡ ለረኤና፡ ከንቴባይ፡ ብእምነት፡ እብ፡ ውላዳ፡ ወለተለዩ፡ አመስለመ፡ ወሐር፡ እብ፡ ክል፡ ገበይ፡ እብ፡ ሀዳይ፡ ልግባእ፡ ማ፡ እብ፡ ምስንዮት፡ እብ፡ አስአዮት፡ ክል፡ ሰኒት፡ ልግባእ፡ ማ፡ እብ፡ ሐዲር፡ ምስል፡ እብ፡ ዎርዎር፡ ማ፡ እብ፡ ሐሽም-ሐሽም፡ አመስለመው፡ አሲት፡ ወወለትዳ፡ ሰበት፡ አብእስተን፡ ዎክ፡ እብ፡ ሰምድ፡ ዎክ፡ እብ፡ ቀስብ፡ እት፡ ምስል ምነት፡ በአያ።

የገገ፡ ምና፡ ተ፡ ከንቴባይ፡ ብእምነት፡ ምን፡ ጢላን፡ ለትሸዩመያ-ተ፡ ወክድ፡ ምን፡ መሐበር፡ አስተሮም፡ በሀለት፡ ምን፡ ለወንጌለይ፡

መሐበር-ዐድ፡ እት፡ እንቱ፡ ቀሽ፡ ሩዴን፡ ምን፡ ምድር፡ ስዌ ጽያ፡ እንዜ፡ ማጽአና፡ ሀለ፡ ወሀቱ፡ ምስል፡ ጸርታቱ፡ ክልኤ፡ ግመት፡ እትሉ፡ ለትገሰ፡ ቀሽ፡ ኒልሶን፡ ወሐቆሀ፡ ቀሽ፡ ሱንድስት፡ ሬም፡ ወብዕዳም፡ ምን፡ ለዶል፡ አስክ፡ እሉ፡ እንዜ፡ ግሱይ፡ ቱ፡ ቤት፡ ቅር አን፡ እንደ፡ ወደ፡ ብዝሐም፡ ውላድ፡ ወአዋልድ፡ ምን፡ እንዜ፡ ወ ምን፡ ክል፡ ድዋርና፡ መጽእም፡ ሀለው፡ ሐር፡ ውላድ፡ ለደረሳ፡ ገሌ፡ ግምታት፡ ክም፡ ትመሀረው፡ ናሶም፡ እግል፡ ልጠመቆ፡ ምን፡ ረምቆ፡ ለጠምቆም፡ ሀለ፡ — እት፡ ረክስ፡ ለበዲር፡ ትንቀመው፡ ጸርታቱ፡ አግዳ፡ አግል፡ ወራት፡ አንስ፡ ወአዋልድ፡ ወአብ፡ ብዕድመ፡ ለሰድያ፡ ገሌ፡ ነይ፡ ወንጌል፡ ሐዋት፡ [ድያቆንያት] ከራ፡ ሉዊስ፡ ሊንድ ፎርስ፡ [ሐር፡ ለተሀዴት]፡ ኢዳ፡ ሄርንዳል፡ አና፡ ዊንክ ዊስት፡ [አዜ፡ ቅሩብ፡ ለሞተት]፡ ወማርያ፡ ዮሀንሶን፡ እት፡ ለክ ደማት፡ ተሐበረያ፡ ወሀቤ፡ እብ፡ ነይ፡ አምሀርት፡ ልግባእ፡ ማ፡ እብ፡ ብዕደት፡ ወራት፡ እት፡ ለድጌ፡ ማ፡ እት፡ ለአድሀይ፡ ዐስር፡ ወዎር፡ መምሀረት፡ ውላድ፡ ዐድ፡ ሰድዎ፡ ሀለው፡ — እብ፡ ሰዳየት፡ ገሌ፡ ምን፡ አሎም፡ መምሀረት፡ ወፎቅ፡ ድርሳን፡ ቀሽ፡ ሱንድስት፡ ሬም፡ ብሉሶም፡ ምስል፡ ለሀለ፡ ቀደም፡ እሊ፡ እት፡ ሂጋ፡ ትግሬ፡ እግል፡ ቤት፡ መድረሰት፡ ለነፋዕ፡ አርባዕ፡ ክታብ፡ ወሐዲስ፡ ገለድ፡ በለሰ፡ ሀቤ፡ እሊ፡ ድግም፡ መንሳዕ፡ ወፍትሕ፡ መሐሪ፡ ወብዕድመ፡ እንደ፡ አ ከበ፡ ለፈግር፡ ሀለ፡ — ወእትሉ፡ ድጌና፡ ወእት፡ አድሀይና፡ ለሰኔት፡ ብሸራት፡ ቃል፡ ረቢ፡ ትትሬሰል፡ ሀሌት፡ — ሐማይም፡ ወገ ማይጽመ፡ ልተንከፎ፡ — ሀቤ፡ እብ፡ ሰዳየት፡ ማል፡ ዱለት፡ ጢላን፡ ቀደም፡ እሉ፡ ለአርባዕ፡ ገበይ፡ ምድር፡ መንሳዕ፡ ትጸረገያ፡ — እብሉን፡ ሐርያት፡ ዐስር፡ ወክልኤ፡ ግመት፡ ሰብ፡ ለ ዐድ፡ አብያት፡ ለምስዮን፡ ወብዕድመ፡ እንደ ረአው፡ ምን፡ ለአብያት፡ በዲሮም፡ ለለሐይሳ፡ አብያት፡ ነድቀው፡ ወእብ፡ ነይ፡ ክደማትመ፡ ለዘይድ፡ ኩስኩስ፡ ምን፡ ቤለው፡ እብ፡ መናበረት፡ ልባስ፡ ወነብራ፡ ምን፡ በዲር፡ አዜ፡ ሐይሶ፡ — ሀቤ፡ ብዝሐም፡ እስ ላም፡ ወክስታን፡ ስም፡ አቅበለው፡ ወጠመቀው፡ ከእት፡ ለቤት፡

\*ደገም፡ እብ፡ ህመት፡ ገደብ፡ ወ ገደብ፡ እት፡ ህጻ፡ ከልኔ፡ ከእግል፡ እሊ፡ አው ግጽ፡ ቀሽ፡ ጊሶን፡ እት፡ አዛመ፡ እት፡ ገላብ፡ ትገሰ፡ ሀቤ፡ እብ፡ ህመት፡ ገደጽ፡ ቀሽ፡ ሬንሉንድ፡ እታ፡ ሀለ፡ ደገም፡ ገደጽ፡ ደባ፡ ሞተ።

ክስታን፡ ተሐብረው።\* አብሉ፡ ገበይ፡ እሉ፡ እት፡ ቤት-አብርሃ፡ ለሀለው፡ ክሎም፡ ለክስታን፡ አዜዲ፡ ምን፡ ርጅ፡ ሐልፎ፡ ደአም፡ ለእስላም፡ አስክ፡ አለመ፡ ሐድ፡ ፲፰፡ ገቡእ።

፪፻፱፡ ወምን፡ ለአቅሾት፡ መንሳዕ-ቤት-አብርሃ፡ ለቀዳም፡ ቀሽ፡ ጀዳ፡ ምን፡ ከበሳ፡ ቱ፡ ወቀሽ፡ ብሌነዶ፡ ልትበሀል። ለቅሽነት፡ መንሳዕ፡ እብ፡ ውርስ፡ እት፡ ወድ፡ ብክር፡ ለተሐልፍ፡ ምን፡ ገአት፡ አዜ፡ ዕልብ፡ ለተርፉ፡ እት፡ ነዕልብ፡ እብ፡ ሐቱ፡ ዶል፡ ስም፡ አቅሾቶ መ፡ ነስአል። ወዕልብ፡ ለተርፉ፡ እሉ፡ ቱ። ገድም፡ ቀሽ፡ ብሌነዶ፡ — አቢብ፡ — ክፍሊት፡ — እንሺግ፡ — ሐይለ-ገርጊስ፡ — ዐድምኬል፡ — ሐይለ-ገርጊስ፡ ወልደ፡ ወእሊ፡ ሐይለ-ገርጊስ፡ አንደይ፡ መይት፡ እግል፡ ክሎም፡ ለውላዲ፡ ማጽአና፡ እት፡ ለሀሉ፡ እት፡ ቀሽ፡ ምስዮን፡ ስዌጽያ፡ አጥመቀዮም።

4፡ ድግም፡ መንሳዕ-ቤት-እሽሐቀን።

፪፰፡ ክም፡ ለእሉ፡ አሰአለዩኒ፡ ድግም፡ ቤት-እሽሐቀን፡ አሊ፡ ቱ። ሌላ፡ እናስ፡ ቤት-እሽሐቀነይ።\*\*

፪፰፡ አብርሃ፡ ወእሽሐቀን፡ ውላድ፡ ዕቅባዝጊ፡ ቶም፡ ወምስል፡ ነብሮ፡ ዐለው። ምን፡ እሽሐቀን፡ — ዕቅባዝጊ፡ — ገረማርያም፡ [ወዐገባ፡ ወሹም፡ ትንስኤው፡ ወሹም፡

\* እብ፡ መእምብ፡ ለህመት፡ ለወይ፡ ለምስዮን፡ ስዌጽያ፡ ለባዲነት፡ ገሉብ፡ ምስል፡ አይሁዳ፡ እብ፡ ሐዘር፡ ህጻን፡ እሉ፡ ህለት። ክልኒት፡ ሳይ፡ ወንጌል፡ አቅሾት፡ (ለወደተም፡ አግል፡ ጸል፡ እት፡ ህርፍ፡ ጌስ፡)፡ ስለሰ፡ ሐዋት፡ ደያቀት፡ (ክሎም፡ ስብ፡ ኤውሮጳ)፡ ወሰከር፡ ወዋርት፡ መምህራት፡ ውላድ፡ ህድ፡ እት፡ ወሬት፡ ለመሐበር፡ ምስዮን፡ ጸንሐው። ክተፍ፡ ለመሐበር፡ ህይወት፡ ህለው፡ (ወምንም፡ ጭ፡ ሐደደስ፡ እብ፡ ህመት፡ ለወይ፡ አተው፡ ወእዜ፡ እብ፡ ህመት፡ ለወይ፡ ሐጅ፡ ርዩ፡ ገቡእ)፡ እብ፡ ህመት፡ ለጸረሳ፡ ጌ፡ ተን፡ ወውላድ፡ ለጸረሳ፡ እብ፡ ውላድ፡ ወአዋልድ፡ አስክ፡ ሪዌ፡ በጽሐው። አምስል፡ ለምርብ፡ ተት፡ አግል፡ ለበጻር፡ ትነቀመው፡ መምህራት፡ ስብ፡ ኤውሮጳ፡ እት፡ ሌላብ፡ ለምስዮን፡ ሐቱ፡ ቤት፡ ክስታን፡ ምርብ፡ ተት፡ አግል፡ ክልኒ፡ ቤት፡ መጽረስት፡ ወሐቱ፡ ቤት፡ ስፊጸመ፡ ጌጻቃት፡ ህለዩ፡ በጻር፡ ምን፡ እሉ፡ ወቀረመ፡ ክልኒ፡ ዒላ፡ እገዳ፡ ተሐረገ፡ ጌጻቃት፡ ህለዩ፡ (ወሐቱ፡ ምን፡ ቀሬ፡ ፀ። ማተር፡ ቱ)። ህይ፡ ዕዛል፡ ወፍረ፡ ለወይ፡ ተዘሐት፡ ዕዚጸ፡ እገዳ፡ ተሰለዩ፡ ሳቀላት፡ እት፡ ህለዩ፡ ለህጻን፡ ክስታን፡ ለመሐበር፡ ምስዮን፡ እብ፡ ገርጊም፡ አብጻት፡ ህመት-ህመት፡ ልትህመር፡ ሀለ፡ ለግርሆም፡ እብ፡ ሐርስ፡ ሰይ፡ ለሰሎ፡ ወውሬት፡ ብስር፡ ወተወደመ፡ ክእን፡ ለመስል፡ ለምሥ፡ ሀለው።

\*\* ወሀቱ፡ ብእምነት፡ ወድ፡ ገርጊስ፡ ቱ።

ገድ፡] — በሀይማኖት፡ [ወዐገባ፡] — ክልብ፡ [ወገረማርያም፡] — ክንቲባይ፡ ዘርኢት፡ [ወሐየት፡ ወሀመም፡] — ክንቲባይ፡ ክልብ፡ [ወክንቲባይ፡ ዕሪት፡ ወክንቲባይ፡ አትከሚ፡ ወፈዛዕ፡] — መንደር፡ [ወመስመር፡] — ገንደር፡ — ገብሬስ፡ — ዳር፡ — ገብር-ክቶስ፡ — እዙዝ፡ — ተክሌስ፡ — እድሪስ፡ ትወለደ።

፪፰፡ ወመስመር፡ ወድ፡ ክልብ፡ ህይ፡ — ሰምራ፡ — ሕሻል፡ [ወመስመር፡ ወትጃር፡ ወቲድሮስ፡] — ክንቲባይ፡ ዳይር፡ [ወዕሪት፡ ወሐሳማ፡ እዛዝ፡ ወልባብ፡ ወሀዳድ፡ እያሱ፡ ወጀንጂር፡] — ክንቲባይ፡ እድሪስ፡ [ወክንቲባይ፡ ባይረይ፡ ወሻውሽ፡] — ፍካክ፡ [ሽክር፡ ትማርያም፡ ወገብሬስ፡ ወመፍለስ፡] — ፍዴል፡ [ወዳይር፡ ወሀብቲስ፡ ወሕመድ፡] — ዕጂል፡ ወልደ፡ ወሐሳማ፡ ወድ፡ ሕሻል፡ — ክንቲባይ፡ መሐመድ፡ [ወረካ፡] — ቡላ፡ [ወብእምነት፡ ወአቢብ፡ ወግብግን፡ ወዕጂል፡ ወመዲን፡ ወዘርኢት፡] — አፍታይ፡ [ወአስፈይይ፡ ወወርዕ-ሰብ፡ ወአስገዶም፡ ወጀገድ፡ ወሽክር፡] ወልደ።

ወፈዛዕ፡ ወድ፡ ዘርኢት፡ ክንቲባይ፡ ዘርኢት፡ ለካልኦ፡ ወደሲት፡ ወልደ፡ ወአግል፡ እሉ፡ ክንቲባይ፡ ዘርኢት፡ ሐሁ፡ ደሲት፡ ወርሰይ፡ ክደሲት፡ — አቢብ፡ — ዕቅባ-ረቢ፡ — ነውረዳን፡ — እድሪስ፡ ወልደ።

፪፰፡ ወዐገባ፡ ወድ፡ ገረማርያም፡ ወድ፡ ዕቅባዝጊ፡ ህይ፡ — ሀብቱ፡ — ሐሽላሼ፡ ወልደ።

፪፰፡ ወዐገባ፡ ወድ፡ ዕቅባዝጊ፡ — ዕቅባ-ሐንስ፡ — ወርዕ-ሰብ፡ — ክልብ፡ [ወዐገባ፡ ወተቅልጮን፡] — ተክሰላስ፡ — ክልብ፡ — ክንቲባይ፡ ትምክኤል፡ — ክንቲባይ፡ ተስፋ-ምኬል፡ — ክንቲባይ፡ ትማርያም፡ ወሀቱ፡ ሰበት፡ ሐጠፍ፡ በላዕ፡ አዳም፡ ህይ፡ ለትበሀሉ፡ [ወወርዕ-ሰብ፡] ወልደ። ወእሊ፡ ወርዕ-ሰብ፡ — ዕጂል፡ — ገብርምኬል፡ — ተስፋ፡ — ዕጂል፡ ወልደ።

፪፰፡ ወዐገባ፡ ወድ፡ ወርዕ-ሰብ፡ ወድ፡ ዕቅባ-ሐንስ፡ — ዕቅቤስ፡ — ክንቲባይ፡ ተክልምኬል፡ [ወአውዐሎም፡ ወአሚር፡ ወዩጊን፡] ወልደ። ወእሊ፡ አውዐሎም፡ — መዲን፡ — ቦንዳ፡ — አውዐሎም፡ — ገብረይ፡ ወልደ።

፪፯፮፡ ወተቅልጦን፡ ወድ፡ ወርዕ-ሰብ፡ ወድ፡ ዕቅብ-ሐንስ፡ — ከንቴባይ፡ ዕቅባምኬል፡ [ወተክለ-ሐንስ] — ከንቴባይ፡ ዐምዴስ፡ — ከንቴባይ፡ ሀብቴስ፡ — ቴድሮስ፡ — ሀብቴስ፡ — ፍካክ፡ — ሰምራ፡ ወልደ።

፪፯፯፡ ወሹም፡ ትንስኤው፡ ወድ፡ ዕቅባዝጊ፡ .....  
.....፡ ..... ወልደ።

፪፯፰፡ ወሰብ፡ ቤት-እሸሐቀን፡ ምን፡ ዘበን፡ ውላድ፡ ዕቅባዝጊ፡ እት፡ ሐምስ፡ ፈራዕ፡ ትከፈለው። ምን፡ ውላድ፡ ገረግርገም፡ በሀለት፡ በሀይማኖት፡ ወዐገባ፡ ምን፡ ለቀዳም፡ ዐድ-ዘርኢት፡ ወምን፡ ለካልእ፡ ዐድ-ሀብቴ፡ ወምን፡ ሀይ፡ ዐድ-ካፈለ፡ ትፋለቀው። ወምን፡ ወርዕ-ሰብ፡ ዐድ-ወርዕ-ሰብ፡ ወምን፡ ሹም፡ ትንስኤው፡ ዐድ-ሹም-ትንስኤው፡ ለትሰመው፡ ትወለደው። ምን፡ እሸሐቀን፡ እንደ፡ ዐለብና፡ ዘርኢት፡ ለሳድስ፡ ወድ፡ ወል፡ ቱ። ወሀቱ፡ ምን፡ ሐጸይ፡ መከፋ፡ [ላብድ፡ ፋሲል] እንደ፡ ትሸዩመ፡ እብ፡ ትከት፡ ደሀብ፡ ወእብ፡ ዕላፍ፡ ወርቅ፡ ወእብ፡ ጻፍ፡ ደሀብ፡ ወእብ፡ ሰይፍ፡ ስርጉይ፡ ወእብ፡ ሸኬን፡ ወርቅ፡ ወእብ፡ ንጋረት፡ ዐዳ፡ ደነ። ደአም፡ ዕቅባምኬል፡ እት፡ ሐጸይ፡ እንደ፡ ፈግረ፡ "እናመ፡ ትሸዩም ከ።" እት፡ ልብል፡ መጽእ። ሐቆሃ፡ ከንቴባይ፡ ዘርኢት፡ ዐዳ፡ እት፡ ምድር፡ ዐድ፡ ዛውል፡ ክም፡ ገዐዘ፡ ምን፡ ቤት-አብርሃ፡ አስረቶ። ሐር፡ ላት፡ ቤት-አብርሃ፡ እት፡ ትሰብክ፡ ምስላ፡ ናስኦቱ፡ እት፡ እንተ፡ ቤት-እሸሐቀን፡ ነዘዐቶ፡ ምና፡ ከዐዳ፡ ጌሰትቡ። ወ ቤት-እሸሐቀን፡ ለዐዳ፡ ለጌረ፡ እቱ፡ ምድር፡ ምን፡ በዲር፡ ዛውል፡ ዐለት፡ ጻቡ፡ ወእት፡ ስምጥ፡ ምድር፡ መንገዕ-ቤት-አብርሃ፡ ሀለ።

፪፯፱፡ ወአዜ፡ ሹም-ትንስኤው፡ ወድ፡ ዕቅባዝጊ፡ ወድ፡ ወለት፡ ለገቢል፡ ዛውል፡ እት፡ እንቱ፡ እግል፡ ኖሱ፡ ወእግል፡ ዐድ፡ አቡሁ፡ ለተሐይሱ፡ እንደ፡ ሐዘ፡ ክእና፡ ወደ፡ ከለዐድ፡ እመ፡ ምን፡ ዐድ፡ አቡሁ፡ ምን፡ ረቀ፡ ሀቱ፡ እግል፡ ዐድ፡ እመ፡ "ምን፡ ኢትትክቶሎም፡ ለአባ፡ ትድሕፍ፡ ምኖም፡ አለብኩም።" ልብሎም፡ ዐለ። ሐር፡ ከንቴባይ፡ ዘርኢት፡ እት፡ ምድር፡ ዛውል፡ እት፡ አልገዐታ፡ ክም፡ መጽእ፡ እሊ፡ ሹም፡ ትንስኤው፡ እግል፡ ለቤት፡ አቡሁ፤ "እሎም፡ ሰብ፡ ዐድ፡ እምዬ፡ ምን፡ አትከትለኩም-ቶም፡ እግል፡ ትግሬይ፡ ለእሉ፡ ሐሬ፡ ምኖም፡ ፈራዕ፡ ተሀይቡኒ፡ ማ፡ ሚ።" ቤሎም። ወሀቶም፤ "ሰኒ፡ ምር፡ ፈራዕ፡ ሐሬ፡ ወሐቆሃ፡ ምስል፡ ንክፈሎም።" ቤለም። ሀቱ፡ ሀይ፡

እብ፡ ድግማን፡ እት፡ ዐድ፡ እመ፡ አንድ፡ መጽእ፡ እግል፡ ለሹም፡ "ዘርኢት፡ እንደ፡ መጽእ፡ እብ፡ ስምድ፡ 'ዐይብክ' እግል፡ ሊበለክ፡ ቱ። ደአም፡ እንተ፡ 'ለልትዐዮብ፡ ኢልትዐዮብ፡' እንደ፡ ትቤ፡ ምን፡ ለመምበር፡ ትከሬ፡ እሉ፡ ከእቱ፡ አትገሰዮ።" ቤሎ። ገድም፡ ሐር፡ ከንቴባይ፡ ዘርኢት፡ እት፡ ሹም፡ ዛውል፡ ክም፡ መጽእ፡ ክምስል፡ ለእለ፡ ትገመ፡ "ዐይብክ።" ቤሎ። ለሀይ፡ ሀይ፤ "ለልትዐዮብ፡ ኢልትዐዮብ።" እንደ፡ ቤሎ፡ ምን፡ ለመምበር፡ ትከረ፡ እሉ። ወዘርኢት፡ እብ-እብ፡ እት፡ ለመምበር፡ ትገሰ። ሐቆሃ፡ ሰብ፡ ቤት-እሸሐቀን፡ እግል፡ ሹም-ትንስኤው፡ ለእሉ፡ ሐዘ፡ ፈራዕ፡ እንደ፡ ሀበዎ፡ ምና፡ እግል፡ ገቢለት፡ ዛውል፡ ገዝአዎ፡ ወምስል፡ ትግሬሃ፡ ወአግብሬ፡ ትከፈለዋ።

፪፳፡ ወለዶል፡ ለመ፡ ምድርም፡ ሰልፍ፡ አልገዐታ፡ ወሐቆሃ፡ ከሉ፡ ምስል፡ ምን፡ ገድገድ፡ አስክ፡ ጋድም፡ ምሀራ፡ ለእት፡ ዐንሰባ፡ ነስአው፡ ምኖም። ክእና፡ ገድም፡ ቤት-እሸሐቀን፡ ሐር፡ እብ፡ ስማ፡ እት፡ ለትሰመ፡ ምድር፡ ዛውል፡ ትገሰት፡ ወትሰብክ፡ እቱ፡ ወትሳግም፡ ዐለት፡ ወሀሌት።

፪፳፩፡ ወምን፡ ዛውል፡ ለነስአዎ፡ ትግሬ፡ ደበዓት፡ ወዕምዴን፡ ወመርኤ፡ ወሕዳረብ፡ ወአብ-አደም፡ ነይ፡ ሊባን፡ ወከቤ፡ ተ። ወሰብ፡ ዛውልመ፡ ኖሶም፡ መድሀነት፡ ሐሳስ፡ ኢሀይብ፡ ደኢኮን፡ ትግሬ፡ ቤት-እሸሐቀን፡ ገአው። ወጠቀርመ፡ ሀይ፡ ክም፡ ዛውል፡ ገአት። ሐቆ፡ እለ፡ ዘርኢት፡ እት፡ ለሐዲስ፡ መስከብ፡ ቤት-እሸሐቀን፡ እት፡ ልመርሕ፡ እንደ፡ ነብር፡ ነብረ፡ ሞተ፡ ወትቀበረ።

፪፳፪፡ ወዘርኢት፡ ክም፡ ሞተ፡ ከልብ፡ ወድ፡ ፍጎ፡ እት፡ እንቱ፡ ምን፡ ነአሸ፡ አትከሚ፡ ሐሁ፡ እት፡ ሐጸይ፡ ፋሲል፡ እንደ፡ ፈግረ፡ እት፡ እዘም፡ ሐሁ፡ ትከንተብ። ከአብ፡ ትከት፡ ደሀብ፡ ወእብ፡ ፍታሕ፡ ትግሬ፡ እት፡ ዐዳ፡ ደነ፡ ወእቱ፡ ዓመት-ዓመት፡ ሞለበት፡ ለፈግር፡ ዐለ። ግራ፡ እለ፡ ላት፡ ሐሁ፡ ዕሪት፡ ሀይ፡ እት፡ ናይብ፡ እንደ፡ ደነ፡ ትሸዩመ፡ ከሐሁ፡ እንደ፡ ሰወረ፡ እግል፡ ሕድት፡ ዶል፡ ፍትሐ፡ ነስአ። ሐር፡ ሀይ፡ ለሺመት፡ እት፡ አትከሚ፡ አቀበለት። ደአም፡ ከልብ፡ ኖሱ፡ ክም፡ ዐረ፡ ምን፡ ናይብ፡ ትሸዩመ፡ ክምን፡ አትከሚ፡ ለሺመት፡ ነስአ፡ ወሀቱ፡ እግል፡ ለአትከሚ፡ ፋትሐ፡ ለዐለ፡ ትግሬ፡ ክም፡ በዲራ፡ እት፡ መምበ-መምበሃ፡ በልሰይ፡ ወእግል፡ ኖሱ፡ ምን፡ ጸኑዕ፡ ወምን፡ ሀመጀይ፡ ቅርሽ፡ ሸንጉል፡ ወወአት፡ ምግዳ፡ አናገረ።

፪፳፫፡ ወከልብ፡ ዓዳ፡ በጽሕ፡ እት፡ እንቱ፡ ምስል፡ ዐዳ፡ እት፡



ዐንሰባ፡ ሓድር፡ እት፡ ሀለ፤ "ኮራዬ፡ መጽአት፡" ለልብል፡ መውሒ፡  
 ወወ፡ ደአም፡ ሀቱ፡ ምስል፡ ሰብ፡ ዐዳ፡ ክም፡ ረድአ፡ ደሐን፡ ቱ፡  
 ቤለም፡ ሐር፡ ለጸፍ፡ አቅበለው፡ ሀቱ፡ ላተ፡ አብ፡ እንክፍ፡ እግል፡  
 ለትናግብ፡ ጌሰ፡ ከሐር፡ እት፡ ለቀብል፡ ምን-ረሐር፡ ለጸፍ፡ ፈረሱ፡  
 እት፡ ለሰዓ፡ ክም፡ ቀርቦዮም፡ ለከራዬሀ፡ አባይ፡ እንዶ፡ አምሰለም፡  
 ተሐበወው፡ እሉ፡ ከዎርት፡ ምን፡ ደብዓት፡ እብ፡ ከናት፡ አድመዐዩ፡  
 ወክልብ፡ እብ፡ ስም፡ ሐቱ፡ ደስከበት፡ እት፡ ልብል፡ ክም፡ አስቀረ፡  
 ሀቶም፡ "አዶ፡ ደስከበት፡ ዘመትና፡" እንዶ፡ ቤለው፡ ሀዝመው፡ እቱ፡  
 ከረፍዐም፡ ሀቱ፡ ላተ፡ እብ፡ ሀይሬ፡ ክም፡ አድመዐም፡ እንዶ፡ አመረ፤  
 "ውላጄ፡ እግል፡ አሊሐርዱኩም፡ ስከው፡ እልኩም፡ አና፡ ገድም፡ ነሲብ  
 ዩ፡ ገአት፡ ሐደጉኒ፡" ቤሎም፡ ደአም፡ ሀቶም፤ "ኢፋልና፡ እግል፡ ሚ፡  
 ነሐድገክ፡ ከሰራይ፡ ነበለዐክ፡" እንዶ፡ ቤለው፡ ረፍዐም፡ ወእት፡ ልጸ  
 ወረ፡ እት፡ ገበይ፡ ሞተ፡ ከእት፡ እረፍ፡ ለዐዳ፡ ክም፡ ከረዎ፡ እንዶ፡  
 ወዐው፡ "ከልብ፡ ሞተ፡ እሊ፡ ቱ፡" ቤለው፡ ከሰከው፡፡

፻፸፱፡ ወለዐድ፡ ፈግረ፡ ከግናዘት፡ ከልብ፡ እንዶ፡ ነስአው፡ እት፡  
 ለክይመቱ፡ አተዋ፡ ደአም፡ እንዶ፡ ቀትለው፡ ለሰከው፡ ሀቶም፡ ምን፡  
 ለዐድ፡ ለበዙሐ፡ ምን፡ ዐለው፡ እሉ፡ ለቀብር፡ ወአሐ፡ ለከሰእ፡ ኢትረ  
 ከበ፡ ወለዐድ፡ ሀን፡ ክም፡ ዘበጠት፡ እቱ፡ ዎርት፡ አናስ፡ ላብብ፤ "አዜ፡  
 እሉ፡ ወሐልፈት፡ ትቱ፡" ቤለ፡ "ከእብ፡ ሚ፡ ወሐልፈት፡" እት፡ ልብሎ፡  
 ሰአለም፡ ወሀቱ፤ "መንደር፡ ምን፡ ለሰቅር፡ ወደብዓት፡ ምን፡  
 ተቀብል፡ ኖሳ፡ ወሐልፈት፡" ቤሎም፡ ለዶል፡ መንደር፡ ወድ፡ ለማይት፡  
 እንዶ፡ ቀንጾ፤ "ግድር፡ ፋልሕ፡ አና፡ ወድ፡ ከልብ፡ እምበል፡ ቃትለይ፡  
 ለአቡዬ፡ ዮም፡ ወፈጅር፡ ለመጽአ፡ ደሐን፡ ቱ፡ ወሐቆሃ፡ ለመጽአ፡  
 ላተ፡ ደም፡ አቡዬ፡ ዐልብ፡ እቱ፡" ቤለ፡ ከአስቀረ፡ ወእሊ፡ ክም፡ ትሰ  
 መዐ፡ እምበል፡ ለሬመ፡ ለቱ፡ እት፡ ቅሩብ፡ ለጸንሐ፡ ኩሉ፡ ተለው፡  
 ቤለ፡ ከቀብር፡ ለቀብር፡ ወአሐ፡ ለከሰእ፡ ገአ፡፡

፻፸፺፡ ሐቆሃ፡ አሰር፡ ከልብ፡ መንደር፡ ወልዳ፡ ምንመ፡ ኢ  
 ልትሸዩም፡ ክም፡ ሹም፡ "ጸጋ፡ መንደር፡" ልትበሀል፡ ወልትራቱዕብ፡  
 ዐለው፡ ወክእና፡ እንዶ፡ ነብር፡ ዐለ፡ ሐቱ፡ ዶል፡ መስመር፡ ሐሁ፡  
 ምስል፡ ዐዳ፡ አሳውርታ፡ ወቶርዐ፡ እግል፡ ልዝመት፡ ክም፡  
 ጌሰ፡ እታ፡ እብ፡ ሐጸን፡ ሞተ፡ ገድም፡ ሐር፡ መንደር፡ ሐሁ፡ ደሙ፡  
 እግል፡ ለቀስን፡ እንዶ፡ ቤለ፡ ክላ፡ ቤት-እሸሐቀን፡ አናደ፡ ከጌሰባ፡  
 ወእታ፡ መንደር፡ ወከንቴባይ፡ ዕሪትመ፡ ትበተከው፡፡

፻፸፮፡ ሐቆሃ፡ ገንደር፡ ወድ፡ መንደር፡ ሐዳት፡ አምዔ  
 ላት፡ "ጸጋ፡ ገንደር፡" እንዶ፡ አበለ፡ እብ፡ ረቢሁ፡ ሞተ፡፡

፻፸፯፡ አሰር፡ ገንደር፡ ሀዬ፡ ለካልእ፡ ዘርኢት፡ ወድ፡ ፈዛዕ፡  
 ምን፡ ሐጸይ፡ እያሱ፡ ትከንተበ፡ ከለሐጸይ፡ ሰይፍ፡ ስርጉይ፡ ሀበ  
 ዩ፡ ወ፤ "ምን፡ ምድርከ፡ ግልት፡ እንሳእ፡" እንዶ፡ ቤሎ፡ ዘርኢት፡  
 ምድር፡ ናለይ፡ ነስአ፡ እት፡ ረከስ፡ እሊመ፤ "ምን፡ አሐ፡ ዕሰሪት፡  
 ወቅርሹ፡ ሽንጉል፡ እንሳእ፡" ቤሎ፡ እምበልሁመ፡ ክም፡ ለሸዩም፡ በ  
 ዲር፡ ነስአዋ፡ ዘርኢት፡ እት፡ ሰብክ፡ ወእት፡ ሰግም፡ እት፡ ምክላቱ፡  
 ምን፡ ጽምድ፡ ስስ፡ ዕቤላ፡ አክል፡ ነስአ፡ ዐለ፡ ወአብለ፡ ዘርኢት፡  
 ምን፡ ዘበን፡ እሊ፡ ሐጸይ፡ እያሱ፡ ጥልበት፡ አቱት፡ አቶም፡ ወአስክ  
 ዮም፡ ሀሌት፡ ወዘርኢት፡ እብ፡ ሸመቱ፡ አምዐደገ፡ ከእንዶ፡ ሰኒ፡  
 ፈርድ፡ ወሰርዕ፡ ዐለ፡ ሞተ፡፡

፻፸፰፡ ዘርኢት፡ ክም፡ ሞተ፡ እግል፡ ሰምራ፡ ወድ፡ መስ  
 መር፤ "ትሸዩም፡ እትና፡" ቤለም፡ ደአም፡ ሀቱ፡ "እብ፡ ቀጠፍ፡ ኢ  
 እትሸዩም፡" ቤሎም፡ ገድም፡ ሐር፡ ገብሬስ፡ ወድ፡ ገንደር፡ እንዶ፡  
 ሸዩመው፡ ምን፡ "ጸጋ፡ ገብሬስ፡" ልትበሀል፡ ዐለ፡ ሐር፡ ላተ፡ ሰም  
 ሬ፡ እግል፡ ልትሸዩም፡ እት፡ ናይብ፡ እት፡ ልገይስ፡ እት፡ ቅንጻል፡  
 ሐምስ፡ እናስ፡ ጅመጃን፡ እብ፡ አፍሩሶም፡ ምን፡ ጸንሐም፡ ለሰብ፡  
 ቃተለ፡ ከለአፍሩስ፡ ነስአ፡ ወዐዳ፡ አቅበለ፡ ክም፡ አተሰም፡ ከንቴ  
 ባይ፡ ዕቅባ-ገርጊስ፡ ጅመጃንይ፡ ዘምሁ፡ እት፡ ረድኢት፡ መጽ  
 አዩ፡ ከ፤ "ለአፍሩስ፡ ወለሰብኡ፡ ጠለቅክዎ፡ እልክ፡ ደአም፡ ዎር፡ ሐም  
 በለይ፡ ብለስ፡ እቹ፡" ቤሎ፡ ሰምራ፡ ሀዬ፡ እሉመ፡ ከልአዩ፡ ወዕ  
 ቅባ-ገርጊስ፡ ድን፡ እት፡ ልብል፡ ዐዳ፡ አቅበለ፡ ሐር፡ ላተ፡ እት፡ ሐላ፡  
 ገምገም፡ ከበሳ፡ ወቶርዐ፡ እንዶ፡ ሀረሰ፡ ደነ፡ ከእግል፡ ሰምራ፡ እብ፡  
 ዐዳ፡ እት፡ ገድገድ፡ ሰብክ፡ እት፡ እንቱ፡ ዘምተዩ፡ ወቀትለዩ፡፡

፻፸፱፡ እብ፡ ለዘበን፡ ለሀይ፡ ዐድ-ወርዕ-ሰብ፡ ሀዬ፡ ገሌ፡  
 ምኖም፡ አስክመ፡ ልትከንተብ፡ ዐከ፡ ወዐበ፡ ክእና፡ ገድም፡ ዐድ-ወርዕ-  
 ሰብ፡ እብ፡ ነይ፡ ጸቢጥ፡ ምድር፡ አስክ፡ ዐንሰባ፡ እንዶ፡ ገዐዘ፡ ድጌሁ፡  
 ጋድም፡ ምሀራ፡ ወደ፡ ወንዋዮም፡ አስክ፡ መጋርሐ፡ ልትረዓ፡  
 ዐለ፡ ወአዜ፡ ዕርዲ፡ ከረን፡ ለሀለ፡ እታ፡ ዕንክለት፡ መሐስሶም፡  
 እታ፡ ልውዕሎ፡ ዐለው፡፡

፻፹፡ ሰብ፡ ብሌን፡ ለዶል፡ እት፡ በርካ፡ ሓድራም፡ ነብ  
 ረው፡ ወለምድር፡ ዐንሰባ፡ ድባዕ፡ ጋብእ፡ ዐለ፡ እብ፡ ለአውካድ፡ ለ

ሀይ፡ ለሺመት፡ ምን፡ ዐድ-ዘርኢት፡ እት፡ ዐድ-ወርዕ-ሰብ፡ እንደ፡ ድረት፡ ከንቲባይ፡ ትምክኤል፡ ሽዩም፡ እት፡ እንቱ፡ ለፈረሰ፡ ጨልቀ፡ ምኑ፡ ከአብ፡ ድባዕ፡ ወድባዕ፡ እት፡ ልገይሱ፡ እት፡ ያር፡ ሽርም፡ በጽሐ፡ ወእቱ፡ ትረከቡ፡ ሰበት፡ እሊ፡ ለሽርም፡ ለሀይ፡ እብ፡ ለፈረሰ፡ ሽርም-አሽዐል፡ ትበሀለ፡ ወአዜ፡ እብ፡ ሂጋ፡ ብሌን፡ ሻብራ-አሽዐል፡ ልቡሎ፡ ወምን፡ ለሽርም፡ እት፡ ጋድም፡ በገ፡ ልትደነን።

፪፻፩፡ አብ፡ ለዘበን፡ ለሀይ፡ ብዙሕ፡ ዘማቲ፡ ዐለ፡ ከከንቲባይ፡ ትምክኤል፡ ልግባኢ፡ ማ፡ ሐቆሁ፡ ለትከንተብ፡ ተስፋምኬል፡ ወልዳ፡ ክልኢቶም፡ ማመት፡ ነሱእ፡ ዐለው። እሎም፡ ክልኢት፡ ከንቲባይ፡ ምን፡ ሐጸይ፡ ከበሳ፡ ክም፡ ትከንተብው፡ ልትበሀል። ሐቆሆም፡ እብ፡ ዘበን፡ ሰምራ፡ ወድ፡ መስመር፡ ለትሸዩመ፡ ትማርያም፡ ወድ፡ ተስፋምኬል፡ ወበላዕ-አዳም፡ ለትሰመ፡ ላተ፡ ምን፡ ናይብ፡ ትከንተብ። ከንቲባይ፡ በላዕ-አዳም፡ ሽዩም፡ እት፡ እንቱ፡ ዐምዴስ፡ ወድ፡ ከንቲባይ፡ ዕቅባምኬል፡ ሀይ፡ ትከንተብ፡ ከእብሊ፡ ምስምሳ፤ ለትወጸዕ፡ ሺመቱ፡ ብራሕ፡ ትግባእ። እንደ፡ ቤለው፡ ትቀረደው። ደአም፡ ከንቲባይ፡ በላዕ-አዳም፡ ሕት፡ ሰምራ፡ ወድ፡ መስመር፡ ሃዲ፡ ምን፡ ጸንሐ፡ ሰበት፡ እሊ፡ ሰምራ፡ አግል፡ ከንቲባይ፡ ዐምዴስ፡ ወጽዐይ፡ እሎ፡ ወክእና፡ በላዕ-አዳም፡ አግል፡ ለሺመት፡ በኑ፡ በሐተያ፡ ሐቆ፡ በላዕ-አዳም፡ ለሺመት፡ እት፡ ዐድ-ዘርኢት፡ አቅበለት፡ ወአስክ፡ እሊ፡ እቶም፡ ሀሌት።

፪፻፪፡ ወበዲር፡ ለትነቀመ፡ ገብሬስ፡ አዜመ፡ "ጸጋ፡ ገብሬስ" እንደ፡ ትበሀለ፡ ወእብ፡ እንደ፡ ልትሰፋሱ፡ ዐለው፡ መትከባት፡ አረይ፡ ምን፡ አብ፡ ቤት፡ አብ፡ እንደ፡ ገሚት፡ ሕሻል፡ ሸዩመት፡ ምኑ። ሀቱመ፡ "ጸጋ፡ ሕሻል" ሌጠ፡ እት፡ ልትበሀል፡ እንደ፡ ነብር፡ ነብር፡ አብ፡ አብር፡ ሞተ።

፪፻፫፡ ሐቆ፡ ለሞት፡ ሕሻል፡ ዳይር፡ ወልዳ፡ እት፡ ናይብ፡ እንደ፡ ደነ፡ ምኑ፡ ትከንተብ፡ ወእብ፡ ሺመቱ፡ ክም፡ መጽእ፡ አግል፡ ዐዳ፤ "ዕሽር፡ አሐ፡ ወቅርሽ፡ ሽንጉል፡ አፍግር፡ አልዬ።" ቤሎም። ሀቶም፡ ሀይ፡ ሰኒ፡ ትከበተዎ፡ ወፈርሐው፡ እሊ፡ ወክም፡ ለእሎ፡ ሐዘ፡ ወደው፡ እሎ። — ሐቱ፡ ዶል፡ ዳይር፡ ናዳ፡ እንደ፡ አናደ፡ አግል፡ ዐዳ፤ "ኢትሰበክ፡ ቤሎ" ደአም፡ ናሽሕ፡ ወድ፡ ቱድሮስ፡ ሐሁ፡ ወድ፡ አቡሁ፤ "ኢትሰበክ፡

ለቤሌኒ፡ 'ኢትሰግም፡' እብሎ። ቤሊ፡ ከአስክ፡ ቀላቀል፡ አሐሁ፡ ከስእ፡ ወክላ፡ ቤት-አሸሐቅን፡ ሀይ፡ ምስሎ፡ ደነት፡ ወእት፡ ገድገድ፡ ሐሬማን፡ ወዴት። ከንቲባይ፡ ዳይር፡ ላተ፡ ለናዳሁ፡ ምን፡ ትሰበረ፡ ሐመድ-አበልቲ፡ በዐል፡ ሰምሀር፡ ወብዕዳም፡ ከራ፡ ሰብ፡ ሰሐር፡ ወቆርዕ፡ ወእንጋንኢ፡ ከድመ፡ ወአዝመተዮም። ከአግል፡ ሰብ፡ ቤት-አሸሐቅን፡ ክም፡ ወረዎም፡ ናሽሕ፡ እት፡ ለሰቅር፡ እት፡ ለከራይ፡ ፈግረ። ደአም፡ ሀታ፡ ቀትለቶ፡ ወብዝሐም፡ ብዕዳም፡ እታ፡ ሞተው፡ ወኩሎ፡ ለአንውየት፡ ትጨሐረ። ደአም፡ ሐር፡ ቤት-አሸሐቅን፡ እብ፡ ሰብ፡ ወእብ፡ ናሳ፡ እት፡ አግናድ፡ ዐሬትብ፡ ከለአንውየት፡ አተክራት።

፪፻፬፡ እምበል፡ እለመ፡ እብ፡ ዘበን፡ ከንቲባይ፡ ዳይር፡ ቀልቀል፡ ከበሳ፡ እት፡ ንዋይና፡ ረቅቤና፡ ከእት፡ ምራውቅ፡ ስምዎ፡ ረበል፡ ዘምቲና። ደአም፡ ሕና፡ ምን፡ ለከራይ፡ ብዙሕ፡ ቃተልና፡ ወሐርመ፡ እዛዝ፡ ወድ፡ ሕሻል፡ እት፡ ደግያት፡ ሐይሉ፡ እንደ፡ ፈግረ፡ ምን፡ ጠርዕ፡ ኩሎ፡ ለንዋይ፡ አተብለሰ። ሐቆሃ፡ ከንቲባይ፡ ዳይር፡ ብዙሕ፡ እንደይ፡ አብር፡ እብ፡ ዓመት፡ ሸረክ፡ እብ፡ ለሕማም፡ ሞተ።

፪፻፭፡ ሐቆሁ፡ እድሪስ፡ ወልዳ፡ ምን፡ ናይብ፡ ትከንተብ፡ ወክም፡ አበይቱ፡ ብልዲቱ፡ ነስኢ። ወለከነትብ፡ ምንመ፡ ምን፡ ናይብ፡ ልትሸዩም፡ ለጥልበት፡ ላተ፡ ክል፡ ዶል፡ አግል፡ ከበሳ፡ ትፈግር፡ ዐለት። ክምስልሁመ፡ ከንቲባይ፡ እድሪስ፡ ሰልፍ፡ አግል፡ ደግያት፡ ሐይሉ፡ ጠልብ፡ ዐለ፡ ወሐር፡ ላተ፡ ምስርያ፡ ምን፡ ሐክመት፡ ለጥልበት፡ አግል፡ መስተንጀር፡ ትትሀዩብ፡ ዐለት። ገድም፡ መስተንጀርመ፡ ክምስል፡ በዲር፡ ዝሆ፡ እንደ፡ ነስኢ፡ ምንና፡ ለጥልበት፡ በዲርና፡ አርባዕ፡ ምእት፡ ርያል፡ ጠለብና፡ እሎ። ወለዶል፡ አግል፡ ዐድና፡ ወእገል፡ ኩሎ፡ ለግዝአቱ፡ ክእና፡ እት፡ ልብል፡ አናደ፤ "ምንዬ፡ ወቀደም፡ ለገአት፡ ነጻ፡ ትግባእ፡ ምን፡ እሊ፡ ወሐር፡ ላተ፡ ሕድ፡ ኢትዝመቶ፡ ወኢትሰረቆ፡ ወሕድ፡ ኢትቅተሎ፡ ወአግል፡ መንመ፡ 'ገብርዬ፡' ማ፡ 'አመቹ፡' ኢቲበሎ። ሀይ፡ ገብር፡ ወአመት፡ 'አለጽሕ፡' ምን፡ ልብል፡ አግል፡ መምብሁ፡ ዐስር፡ ርያል፡ ሌጠ፡ ለሀብ፡ ከሐራ፡ ልፍገር።" ወክእና፡ እት፡ ለናዴ፡ አግል፡ ዐድ፡ ደሐን፡ ወመስከብት፡ መደ። — ደ

አም፡ መስተንጅር፡ እብ፡ ሸፍ፡ እንደ፡ ሞተ፡ ከራዬሁ፡ ትሰበረት፡ ከ መንገስ፡ ምስርያ፡ አገደ፡ ሐልፈት።

፪፻፹፯፡ ሐቆ፡ እለ፤ ። ረ አ ስ ፡ አ ሉ ላ ፡ ዲ ብ ፡ ሐ ማ ሴ ፡ ማጽእ ፡ ሀለ። ክም፡ ቤለዩና፡ ባይረይ፡ ሐ፡ ከንቴባይ፡ እድሪስ፡ ምስል፡ መሐመድ፡ ወደ፡ ሐ ሳ ማ ፡ ወብዝሐም፡ ብዕዳም፡ እብ፡ ወአት፡ ፈግ ረ፡ እቱ። ወአሉላ፡ ክም፡ ትከበተዮም፡ መሐመድ፡ እት፡ ለአቤ፡ እሉ፡ ባይረይ፡ ሸመት፡ እግል፡ ናሱ፡ እንደ፡ አድረያ፡ ቀሚሽ፡ ለብሰ፡ ደአም፡ ክም፡ ደነ፡ አሐ፡ ምን፡ ሐደት፡ እብ፡ ቀልብ፡ አሉላ፡ እግል፡ ናሱ፡ ቅርሽ፡ ሸንጉል፡ ሌጠ፡ አፍገረ። ወሐር፡ ሐድ፡ ሰለስ፡ ዓመት፡ እብ፡ ሸመት፡ እት፡ እንቱ፡ ዐድ፡ መርሐ፡ ወጥልበት፡ ለፈግር፡ እንደ፡ ዐለ፡ አሉላ፤ ። መሐመድ፡ ምን፡ ተሐትኩ፡ ጭቃ፡ ልግባእ። ቤሎ። ሀቱ፡ ሀዩ፤ ። እግል፡ ሚ፡ ጭቃ፡ ገብእ፡ እቱ፡ ወአሉ፡ ሸይም፡ ወእልዩ። ቤሎ። አሉላ፡ ሀዩ፡ ሰክአሉ፡ ሸዮምና፡ እትከ። ቤሎ።

፪፻፹፰፡ ወ መሐመድ፡ እንደ፡ ትሸዮመ፡ እት፡ ዐዳ፡ ክም፡ መጽአ፡ አሐ፡ ምን፡ ኢጸንሐት፡ ወ፤ ። ቅርሽ፡ ሸንጉልመ፡ ኢገብእ፡ አልና። ምን፡ ቤለም፡ እት፡ ግልት፡ ምድር፡ ቤት-ክስታን፡ ነስእ። ከመሐመድ፡ እብ፡ ሸመት፡ እንደ፡ ነብር፡ ዐለ፡ ሐር፤ ። ረአስ፡ አሉላ፡ እግል፡ ልዝ መቶ፡ ለሐዘ፡ ዐድ፡ መሐመድ፡ ቤለአዮም፡ ከአፍገረዮም። እንደ፡ ቤ ለው፡ እግል፡ ረአስ፡ አሉላ፡ ካስአለውብ፡ ከከሰም። አብሊ፡ ምስምሳ፡ እሊ፡ ረአስ፡ አሉላ፡ ሀዩ፡ እግል፡ መሐመድ፡ አስረዩ፡ ወሰማን፡ ለመን ዳቁ፡ ወአርባዕ፡ ለሰይፋ፡ ወሰለስ፡ ለአመቱ፡ ወገብሩ፡ ገድብ፡ ምን፡ ወእክሉመ፡ አተብተከ፡ ከነስእ፡ ምን፡ ወእግል፡ ልቅተሎመ፡ እንደ፡ ሰተተ፡ ለክስ፡ ሐሰት፡ ምን፡ ገአ፡ ለማላቱ፡ ወሸመቱ፡ ኢበልሰ፡ እቱ፡ ደኢኮን፡ ነፍሱዳ፡ ጠለቀ፡ እሉ።

፪፻፹፱፡ ወመሐመድ፡ ክም፡ ተአሰረ፡ እባ-እባ፡ ረአስ፡ አሉላ፡ እግል፡ እድሪስ፡ ሸመቱ፡ በልሰ፡ እቱ። ወሐቆ፡ ለሸመት፡ ምስርያ፡ ሸፈቲት፡ ልግባእ፡ ማ፡ ረአስ፡ አሉላ፡ ዐድና፡ ለበዳ፡ ዐለው፡ ደኢኮን፡ ደሐን፡ ወዕርፍ፡ ኢትረከበያ። — ክእና፡ እብ፡ ዘበን፡ ከንቴባይ፡ መሐመድ፡ ዐድ፡ እት፡ ዓላ-ዕሮ፡ እኩብ፡ እት፡ እንቱ፡ አሉላ፡ እብ፡ ባሸይ፡ ሀብቱ፡ ዘምተዩ። ሕና፡ ሀዩ፡ ክእና፡ ክም፡ ጀረብና፡ እት፡ ረአስ፡ አሉላ፡ እንደ፡ ፈገርና፤ ። ማይዳም፡ እት፡ ሕና፡ እግል፡ ሚ፡ ዘመትከና። እንደ፡ እምቤ፡ ጠርዐና፡ እቱ። ደአም፡ ሀቱ፤ ። ሐሴኩም፡ ለአሉ፡ ዘመት ኩ፡ ዓሲ፡ ቱ። ቤሎ፡ መሐመድ፡ ላተ፤ ። ለጋይስ፡ ምንዩ፡ ዐለ፡ እንደ፡

ደከልክም፡ አቅበላ፡ ደኢኮን፡ አዜ፡ ለትዘመተ፡ ኩሉ፡ ዐጀ፡ ቱ። ቤሎ፡ ከረአስ፡ አሉላ፤ ። ኣሐ፡ ለሓድር፡ ንሳእ፡ ወነይ፡ ዓሲ፡ ሕደጋ። ቤሎ፡ መሐመድ፡ ሀዩ፤ ። ማዕዘ፡ ወጣይዕ፡ አለብዩ፡ ከክላ፡ ለአሐዩ፡ ብለስ፡ እቱ። ቤሎ። ደአም፡ አሉላ፡ ክላ፡ ለአሐ፡ ከልአዩ።

፪፻፺፬፡ ወጠላን፡ እት፡ ባጽዕ፡ ወእት፡ ሰሐጢ፡ ሳክነት፡ እት፡ እንተ፡ ከናት፡ እድሪስ፡ ወከራዩ፡ መሐመድ፡ ክል፡ ምኖ ም፡ እግል፡ ናሱ፡ ሸመት፡ እት፡ ለሐዜ፡ እት፡ ጅንናር፡ ጠላን፡ ደነው። ወጠላን፡ ሀዩ፡ ለመትከባትዳ፡ እግል፡ ክልና፡ ሰኒ፡ ትከበተ ዩና፡ ወእግል፡ ክል፡ ምንና፡ ሰንዳቅ፡ ባቅሰዊት፡ ወኪስ፡ ሐሪጭ፡ ወቡን፡ ወእግል፡ አብቁልና፡ ከቲር፡ ሸዲር፡ ሀበዩና፡ ደኢኮን፡ ለሸ መት፡ ላተ፡ እድሪስ፡ ሌጠ፡ ትሸዮመ። ወምንና፡ ገባር፡ እግል፡ እድ ሪስ፡ ልግባእ፡ ማ፡ እግሎም፡ ጥልበት፡ ሴመ፡ ኢሐዘው፡ ምንና።

፪፻፺፭፡ ሐቆ፡ ገሌ፡ ዓመት፡ ጠላን፡ ከረን፡ ክም፡ ጸብጠው፡ ትርን ቲ፡ \* ኢሰል፡ እግል፡ ልታይን፡ እት፡ ዐድና፡ መጽአ፡ ሐር፡ እብ፡ ቀልብ፡ ጅንናር፡ እግል፡ ከንቴባይ፡ እድሪስ፡ ሰዐሪዩ፡ ወእግል፡ መሐ መድ፡ ሸዮመዩ፡ ከሐቆሃ፡ እት፡ ከረን፡ እንደ፡ ትላከም፡ ቀሚሽ፡ ሸመ ቱ፡ ሀበም። ሐቆ፡ እለ፡ ጠላን፡ እብ፡ ዕጨይ፡ ልግባእ፡ ማ፡ እብ፡ ማል፡ ጥልበቶም፡ ነሱእ፡ ዐለው። ወመሐመድ፡ ላተ፡ ብልዒቱ፡ ናሶም፡ እብ፡ ማል፡ ሀዩብ፡ ደኢኮን፡ ክም፡ በዲር፡ ምን፡ ዐድ፡ ነስእ፡ ኢሀለ። ወ ክም፡ እብ፡ ዘበን፡ ምስርያ፡ አግብር፡ ወአማት፡ ሐራ፡ ቶም፡ ወትግሬ፡ ምንመ፡ ለስምም፡ ሀሌት፡ ቅስብያ፡ ብላዕ፡ አለቦም።

፪፻፺፩፡ ወከንቴባይ፡ እድሪስ፡ ሀዩ፡ ክም፡ አበረ፡ ቀደም፡ ገሌ፡ ዓሞ ታት፡ ሞተ፡ ወውላዳ፡ እት፡ ስምጥ፡ ቅሩሕ፡ እንደ፡ ቀብረም፡ ኖ ረት፡ ወደው፡ እቱ።

፪፻፺፪፡ እብ፡ ነይ፡ ዲንዲ፡ አዜ፡ ለበዙሕ፡ ምንና፡ አመስለመው፡ ደኢኮን፡ ምን፡ በዲር፡ ክምሰል፡ ሰብ፡ ቤት-አብርሃ፡ ክስታን፡ ዐልና። ወአዜ፡ ቀሽ፡ ወጥምቀት፡ ወቤት፡ ክስታን፡ አለብና፡ ደኢኮን፡ አስከ፡ አለመ፡ ገሌ፡ ምንና፡ ክስታን፡ ሕና።

፪፻፺፫፡ ነይ፡ ለፍርድ፡ ላተ፡ ምንመ፡ ምን፡ በዲር፡ እብ፡ ፍትሕ፡ መሐሪ፡ ንትራታዕ፡ ዐልና፡ ወአዜመ፡ ለፍትሕና፡ ሀቱ፡ እት፡ እንቱ፡ ከንቴባይ፡ ልግባእ፡ ማ፡ ሚ፡ ጠላን፡ እብ፡ ለምን፡ ለለሐይስ፡ እንደ ታለው፡ ፈርዶ፡ ሀለው።

\* ሐር፡ ሸመት፡ ተወሰከት፡ እሉ።

5፡ ሐጪር፡ ድግም፡ ዎር፡ ፈራሳ፡ ትግሬ፡

፪፻፬፡ እብ፡ ነይ፡ ኢተት፡ ዎርት፡ ክፈል፡ ሰብ፡ ክትል፡ ማ፡ ትግሬ፡ እብ፡ ዎር፡ ፈራሳ፡ ምኖም፡ በሀለት፡ (እብ፡ ሰብ፡ ጠቀር፡ ድግሞም፡ እንዳግም፡ ጠቅረይ፡ ወባርገለይ፡ ወክዋዜነይ፡) ሐው፡ ክም፡ ቶም፡ ወአብዕቦታቶም፡ ምን፡ ፈራሳ፡ ሌዊ፡ ክም፡ ቶም፡ ልትበሀል፡ እሎም፡ ሰለስ፡ ምን፡ መዐደይ፡ በሐር፡ እንደ፡ መጽአው፡ እትጋድም፡ ገድገድ፡ ሐድረው፡ እቱ፡ ገሌ፡ ክም፡ ከልአው፡ ባርገለይ፡ ወክዋዜነይ፡ ከበሳ፡ ፈግረው፡ ጠቅረይ፡ ላተ፡ እት፡ ገድገድ፡ ተርፈ፡ ወድጌሀ፡ እት፡ ዕንክለት፡ ጨጋ፡ ወደ፡ እታ፡ እት፡ ልነብር፡ ሰኒ፡ በዝሐ፡ ወጸግብ፡ ወትሰመ፡ ደአም፡ ሐር፡ ሰብ፡ ሰሐር፡ ወእገላ፡ ዘምተዎም፡ ወብዙሕ፡ አብደዎም፡ ለዶል፡ ለተርፈው፡ ሐ-ዳም፡ "ከእፎ፡ ኒዴ፡ እንደ፡ ቤለው፡ ምስል፡ ገመው፡ ከገሌሆም፡ ምንትገሌ፡ ደኢኮን፡ ኢንግዐዝ፡" ወገሌሆም፡ ምን፡ እለ፡ አካን፡ እለ፡ ንግዐዝ፡ ቤለው፡ እብ፡ ክእና፡ ጎማቶም፡ እት፡ አድሕድ፡ በይእ፡ ምን፡ አቤት፡ ተስፎይ፡ ዎርት፡ ምኖም፡ "ክል፡ ቤት፡ አድጋ፡ ለመረ፡ እላ፡ ሊጊስ፡" ቤሎም፡ ወእለ፡ ክም፡ አመመአቶም፡ ክል፡ ምኖም፡ አድጉ፡ እንደ፡ ጸዕነ፡ ህቱ፡ እብ፡ ለመርሐቶብ፡ ምን፡ ገድገድ፡ ቀንጸ፡ ክእና፡ ገሌሆም፡ እት፡ ሐባብ፡ ወገሌሆም፡ ሐር፡ ነይ፡ ቤት-እሸሐቀን፡ እት፡ ለገአ፡ ምድር፡ ዛውል፡ ወገሌሆም፡ ሸንክት፡ ቶርዐ፡ እንደ፡ ትጋዩ ሰው፡ ትፈንጠረው፡ ወተስፎይ፡ ለገመዮም-ተ፤ "አድጋ፡ ለመራላ፡" እት፡ ልብሎ፡ እት፡ ለገቢል፡ ክም፡ መሰል፡ ታርፈት፡ ሀሌት፡

፪፻፭፡ እለ፡ ተስፎይ፡ አሰር፡ አድጉ፡ እንደ፡ ገአ፡ እብ፡ ደብር-ግሩብ፡ እት፡ አፍ-ላባ፡ ማ፡ በከክያ፡ በአ፡ ከእብ፡ መሐዝ፡ ወመሐዝ፡ እት፡ ረበል፡ ሐወጸ፡ ምን፡ ረበል፡ ህዩ፡ እብ፡ መሐዝ፡ እት፡ ቀብር-ቀንዳፊት፡ መጽአ፡ ወምኑ፡ እት፡ እንሸላን፡ ወእት፡ እንድርተይ፡ ፈግረ፡ ወእት፡ እንድርተይ፡ እሲት፡ አደጌ፡ ሰብኢ፡ ፋኒ፡ እብ፡ ዐጤላታ፡ ሌጠ፡ በና፡ ጸንሐቶ፡ ከእለ፡ ክም፡ ረአ፡ እት፡ ለስምጣ፡ ሐድረ፡ ወምድር፡ ክም፡ መሰ፡ ለአሲት፡ እት፡ ኬለብ፡ እግል፡ ልአቱ፡ ትላኬቶ፡

፪፻፮፡ ወህቱ፡ እንደ፡ አተ፡ ሐቆ፡ ገሌ፡ አውካድ፡ እሲት፡ ወብእሳ፡ ትጋበአው፡ ሐቆሃ፡ ለእሲት፡ ሕጻን፡ ክም፡ ወልደት፡ ዕቅባ፡ ጮን፡ ሰመዎ፡ ለሕጻን፡ ክም፡ ዐበ፡ እመ፡ እግል፡ አቡሀ፡ "እንደ፡

ግስከ፡ ምን፡ ሎሀይ፡ ዐድ-ዛውል፡ ወለት፡ ሕዜ፡ እሎ፡ ወግል፡ በመያመ፡ ምን፡ ለበዙሕ፡ እትከ፡ ሰኒ፡ በሎም፡ ቴሎ፡ ተስፎይ፡ እት፡ እምባ-ዛውል፡ ለድጌ፡ ዛውል፡ አስኮም፡ ፈግረ፡ ወአቶም፡ ክም፡ መጽአ፡ ትከበተዎ፡ ወነብራ፡ አቅረበው፡ እሎ፡ ደአም፡ ህቱ፤ ምን፡ እንደይ፡ አሰልጥ፡ ኢእበልዕ፡ ቤለ፡ ለዶል፡ ቩ-ሞም፡ እንደ፡ መጽአቶ፤ ምን፡ ጋሪትከ፡ ማ፡ ተ፤ እት፡ ልብል፡ ሰአለዩ፡ ህቱ፡ ህዩ፤ ምን፡ እለ፡ ተ፡ በርከትከ፡ ወወለትከ፡ ሐዜ፡ ሀሌኮ፡ በልሰ፡ እቱ፡ ለሹም፡ ስግርፍኦ፡ እንደ፡ ሐበረዩ፡ "ወለቱ፡ ማ፡ ሐሊታ፡ ብከ፡ ደአም፡ እብሊ፡ ስግርፍኦ፡ አቅሩሽ፡ ወጸር፡ አድግ፡ መዐር፡ ወክልኤ፡ ጣቀት፡ ብላይ፡ ምን፡ ተመጽእ፡ ለወለት፡ ርከባ፡" ቤሎ፡ ወተስፎይ፡ እዲሀ፡ ነስአ፡ ከበልዐ፡ ወሰተ፡ — እብ፡ ፈጅራ፡ አስከ፡ ቤቱ፡ እት፡ ለቀብል፡ ዕጩት፡ ዋድቀት፡ እብ፡ ንሀባ፡ ረክባ፡ ከእንደ፡ ሸንክለዩ፡ ክልኤ፡ ቀርበት፡ መልአ፡ ምና፡ ወሐር፡ ምን፡ ምዳን፡ ክልኤ፡ ጣቀት፡ ብላይ፡ አምጸአ፡ ወእሲቱ፡ ህዩ፡ በዲር፡ ለአከበቶ፡ አቅሩሽ፡ ወሐር፡ ለአስኤቶብ፡ እግል፡ ብእሳ፡ አፍገረቶ፡ እሎ፡ ወህቱ፡ እለ፡ ኩሉ፡ እግል፡ ስመይ፡ ለወለት፡ እንደ፡ ነስአቶ፡ እት፡ ለሹም፡ ዛውል፡ ጌሰ፡ ከሀበዩ፡ ገሌ፡ ክም፡ ከልአ፡ እት፡ ሀዳይ፡ ህዩ፡ ትፈረረ፡ እቶም፡ ወ፤ "እት፡ መትሎዬ፡ ሐር፡ አቀብል፡" እንደ፡ ቤሎም፡ ለመርዓት፡ ረፍዐ፡ ከዐዳ፡ ጌሰባ፡

፪፻፯፡ ሐሪት፡ ዶል፡ መትሎሀ፡ ክም፡ ነስአ፡ አዳም፡ እኩያም፡ በኩ፡ እት፡ ልገይስ፡ ምን፡ ረአዎ፤ "እለ፡ ዎር፡ በኩ፡ ንክተር፡" እንደ፡ ቤለው፡ ገመው፡ እቱ፡ ከእት፡ ለገበይ፡ ተሐቲት፡ ተሐበዐው፡ እሎ፡ ደአም፡ ህቱ፡ እብ፡ ለላዓላ፡ ሐልፈ፡ ምኖም፤ ከለከቲሩ፡ ለሐዘው፡ እንደ፡ ተሐለለው፡ ብራቆም፡ ዐዶም፡ አቅበለው፡

፪፻፰፡ ሐቆሃ፡ ለመርዓት፡ ክም፡ ዐምሰት፡ ወእት፡ ዐድ፡ አቡሃ፡ እግል፡ ልብሎሳ፡ ክም፡ ሐዘው፤ "እምበል፡ ደብር፡ ጸብር፡ እብ፡ እንድርተይ፡ ለተሌ፡ ስግር፡ መሐዝ፡ ኖረት፡ ደኢኮን፡ እክል፡ ልግባእ፡ ማ፡ ንዋይ፡ ምን፡ ሀይቡኪ፡ ኢትትከበቲ፡ ምኖም፡" እንደ፡ ቤለው፡ ገመዋ፡ ህታ፡ ህዩ፡ ሰኒ፡ እንደ፡ ትቤ፡ እት፡ ዐድ፡ አቡሃ፡ አቅበለት፡ ወእቱ፡ እት፡ እንተ፡ ሕጻን፡ ክም፡ ወልደት፡ ገረ-ስላሴ፡ ሰመዎ፡ ወሐር፡ እት፡ ብእሳ፡ እግል፡ ተቅብል፡ ክም፡ ሐዜት፡ ክምሰል፡ ለገመዋ፡ እክል፡ ወንዋይ፡ ምን፡ ሀበዋ፡ አቤቶ፡ እቶም፡ ገድም፡ አቡሃ፤ "ሚ፡ ትትሸንሂ፡ ከመ፡" ምን፡ ቤላ፡ ህታ፡ ክም፡ ለእለ፡ አግመዋ፡ ለምድር፡ ለስግር፡ ለመሐዝ፡ ረምቀቶ፡ አቡሃ፡ ህዩ፤ "ባይ፡ ጣዖ፡ አቡኪ፡ ሕድት፡



ሸነህኪ፡ ርኬቦ፡ እንደ፡ ቤለ፡ እባ-እባ፡ ሀበያ፡ ወሀታ፡ እዴሀ፡ እንደ፡ ነስአት፡ እት፡ ዐድ፡ ሐሙሃ፡ አቅበለት።

፪፻፱፡ እብለ፡ ገበይ፡ እለ፡ እለ፡ ተርፍ፡ ጠቀር፡ [ለፍልቅ፡ ተስፎይ፡] ለአምዳራቶም፡ እት፡ አውለት፡ ረክበው። ሐቆሃ፡ ሰብ፡ ተርፍ፡ ተስፎይ፡ እት፡ ልበዙሕ፡ ወአምዳራቶም፡ እት፡ ለሐርሶ፡ ወምስል፡ ዐድ-ዛውል፡ አክል-ሕድ፡ እት፡ እንቶም፡ ምስሎም፡ ነብር፡ ዐለው። ሐር፡ ላተ፡ ቢሉ-ቢሉ፡ ምስል፡ ዐድ-ዛውል፡ በዲር፡ እብ፡ ድግሞም፡ ክም፡ ለትበሀለ፡ ምን፡ ዘበን፡ ከንቱባይ፡ ዘርኢት፡ እብ፡ ሰብ፡ ቤት-እሸሐቀን፡ ተሀመጀው። ምና፡ ተ፡ እብ፡ ዝቤ፡ ለኢጌሰ፡ ምናም፡ እብ፡ ምድሮም፡ ተርፈው።

፪፻፲፡ ወተርፍ፡ ተስፎይ፡ እለ፡ ተ፡ ተስፎይ፡ — ዕቅባ ጮን፡ — ገረ-ስላሴ፡ — ዕቅባ ጮን፡ — ዕቅባ-ክቶስ፡ — የሐንስ፡ — ገረ-ክቶስ፡ [ወፈታይ፡] — ተስፎይ፡ [ወሕመድ፡ ወሀብስላሴ፡] — ዕቅባ-ስላሴ፡ — ዕቅባ-ክቶስ፡ — ዕቅባ ጮን፡ — የሐንስ፡ [ወብእምነት፡] — ዐይቡ፡ [ወተስፎይ፡] — ሕድር-ማርያም፡ — መሐመድ፡ [ወመሐመድ፡ ወብእምነት፡ ወዐይቡ፡] — ዕቅባ ጮን፡ ወልደ፡ — ወተስፎይ፡ ወድ፡ የሐንስ፡ — የሐንስ፡ — ዛይድ፡ [ወእብ፡ ጥምቀት፡ ጠሞቲዎስ፡ ለትሰመ፡ ፋይድ፡]፡ ወእለ፡ ጠሞቲዎስ፡ ዮናታን-ተስፎይ፡ ወልደ።

፪፻፲፩፡ እብ፡ ተስፎይ፡ ለካልእ፡ ብዙሕ፡ ጸጋይ፡ ወሃይባይ፡ ክም፡ ዐለ፡ ልደገም፡ ከሐድ፡ ጽጎቱ፡ እት፡ ቤቱ፡ እግል፡ ለሀድፎ፡ ገሻ፡ እንደ፡ ሐስቦ፡ አስክ፡ ቀላቅል፡ እት፡ ልሰብክ፡ ወአት፡ እንደ፡ ሐርደ፡ እት፡ ቤቱ፡ ሳቀለያ፡ ወሕፍረት፡ እንደ፡ ሐፍረ፡ ዕጨይ፡ ቀረጽ፡ አግሀረ፡ እታ፡ ከደብአያ፡ ወእት፡ ዐተሪ፡ ሚስ፡ እንደ፡ ወደ፡ ደፍነ፡ ከንሕሰ፡ ደብአ፡ ወሰብክ፡ ምና።

፪፻፲፪፡ ወሀቱ፡ ክም፡ ደነ፡ እት፡ ቤቱ፡ ሀለ፡ እት፡ ልብሎ፡ እግል፡ ልትእንገደ፡ ሀረሚት፡ ሐባብ፡ ወዐድ-ትማርያም፡ እት፡ ድምነቱ፡ መጽአው። ወሀቱ፡ ክም፡ ኢሀለ፡ ምን፡ ረአው፡ ደንገጸው። ደአም፡ ምርት፡ ምናም፤ "እንዴ፡ ለእዴ፡ ክሶቶ፡ ተስፎይ፡ አብ፡ ሐሪሽ፡ ለመ፡ ድምነቱ፡ ፈረፍር፡ ኢተሐግል፡ ቤለ፡ ከምን፡ ከስተው፡ ቡት-ቡት፡ እት፡ ልብሎ፡ ሕፍረት፡ እብ፡ ገሀራ፡ ረክበው። ከእሳት፡ ክም፡ ሓየው፡ ለአስጋይ፡ ሱቁል፡ ወሚስ፡ ድፉን፡ ረአው። ከክእና፡ ክም፡ በልዐው፡ ወሰተው፡ እት፡ ለቤት፡ ትመየው። እብ፡ ፈጅራ፤ "ግራና፡

ለመጽእ፡ ኢሐግል፡ እንደ፡ ቤለው፡ ለተርፈ፡ ምናም፡ ነብራ፡ እት፡ ለአካን፡ ሐድገው፡ ወሰን፡ እንደ፡ ደብአው፡ ገበዮም፡ ጌሰው።

፪፻፲፫፡ ሐቱ፡ ዶል፡ ሀዩ፡ ተስፎይ፡ ምድሩ፡ እንደ፡ አትሐረሰ፡ ቀይም፡ ክም፡ ትብተካ፡ እክሉ፡ ሕምሳ፡ ዒበት፡ ሌጠ፡ ገአ፡ ከሀቱ፡ ለገርሀቱ፡ አውሐደት፡ እንደ፡ ቤለ፡ እት፡ ለወድና፡ አተብለሰዩ። ገድም፡ ለጋ፡ እንደ፡ ሐርደ፡ ምን፡ ደሙ፡ እት፡ ድዋር፡ ለእክል፡ እት፡ ለወድና፡ ናጸገ፡ ወጨፎት፡ እንደ፡ አጨፈ፡ ገሌ፡ ሰሩ፡ እት፡ ለወድና፡ ሰደቀ፡ ወሰሩ፡ እግል፡ ልብሎ፡ እግል፡ አዳም፡ ሀበ። ሐር፡ መርዘቁ፡ እት፡ ለወድና፡ እንደ፡ ተክለ፡ ወእት፡ ለገርሀት፡ ውሎብ፡ እት፡ እንቱ፤ "አመስሊ፡ ሸበራ።" ወእግል፡ ለአዳሙ፤ "ለእክል፡ ርፉዕ።" እንደ፡ ቤለ፡ ተሃገ። ሀቶም፡ ሀዩ፡ ረፍዐው፡ ወምእት፡ ዒበት፡ መልአው። ወሐር፡ እለ፡ ዘዐቱ፡ ለ፤ "አመስሊ፡ ሸበራ።" "አመስሊ፡ ሸበራ፡ ቤለ፡ ለአናስ።" እት፡ ትትበሀል፡ ክም፡ መሰል፡ እንደ፡ ገአት፡ አስክ፡ አዜ፡ እት፡ አፍ፡ ለገቢል፡ ታርፈት፡ ሀሌት። እብ፡ ነይ፡ ተስፎይ፡ እት፡ ልደገም፡ እብ፡ መዋዲቱ፡ ክእና፡ ልትወሬ፡ እሉ።

፪፻፲፬፡ አሰአሎት፡ እብ፡ ለብዕዳመ፡ ተገሪት፡ ነይ፡ ቤት-አብርሃ፡ ልግባእ፡ ማ፡ ነይ፡ ቤት-እብሐቀን፡ ዳገሞት፡ እቦም፡ እብ፡ አማን፡ ወኢአከ፡ ገብእ። እብ፡ ክእና፡ ገድም፡ እብ፡ ነይ፡ ለወራዚት፡ — ወአግዳ፡ እብ፡ ቀልብ፡ ናሶም፡ ነይ፡ ለመጽአዎም፡ — እግል፡ መንሳዕ፡ እብ፡ ሚ፡ ምስምሳ፡ ክም፡ ተሐበረዎም፡ ወእብ፡ ሚ፡ ምስምሳ፡ አስክ፡ እለ፡ ነብር፡ ምስሎም፡ ክም፡ ሀለው፡ ለዘይድ፡ ወተአመረ። ደአም፡ ዳገሞት፡ እለ፡ ኩሉ፡ እግል፡ ኢሊፊም፡ እትና፡ ምን፡ ፈርሀና፡ ለትደገመ፡ አክለና፡ እንደ፡ እምቤ፡ ሐደገንሁ።



6: አልወሐት፣ ለውሉድ፣ ዋልድ፣ ስብ፣ መንሳዕ።  
 ፊ: ውሉድ፣ ዋልድ፣ መንሳዕ፣ አብ፣ ጀምሉ፣ ወላደ፣ ለገቢለት፣ ለገቢለት፣ መገሰው-ቤት-አብርሃም።  
 ቅርብ፣

መሀውያ፣

ፊ: ዜያ፣ ፊ: ዘቤያ።

ፊ: ሀረገርወያ፣ ፊ: ሐዘተያ፣ ፊ: ተረጎሜ፣ ፊ: መንሰሀይ፣ ፊ: መርዋያ፣ ፊ: ስሐያ፣ ፊ: ሀደግሎ፣

አረቢ፣

ፊ: አወሉ-ፈንጎሜ፣ (ፊ:)

ሐወዛ፣ ማርቦያ፣ (ቤት-ወርባያ፣)

መሐራ፣ አቦራ፣

ፊ: ህቅባዘን፣ ፊ: የዋዘን።

ፊ: አብርሃም፣ (ቤት-አብርሃም)፣ ፊ: አብርሃም፣ (ቤት-አብርሃም)፣ ፊ: አብርሃም፣ (ቤት-አብርሃም)፣

ቭ-ም-አቦዛ፣ (ቤት-አቦዛ፣)

ፊ: ስረቅ-ብገብ፣ ፊ: በሀረማት።

ፊ: ሂሞተያ፣ ፊ: ሐረርም፣ (ሀደ-ሐረርም)፣ ፊ: ለዋያ፣ (ሀደ-ገብረብ፣ ሀደ-ሀደ)

ፊ: ገምል፣ ፊ: አብመላ፣ ፊ: ለሀ፣ ሀደ-ቦላ።

መንገድ፣

አቶ፣ አፍገያ፣ የሀቀብ፣ አብርሃም-ቀይሕ፣ (ሀደ-አብርሃም-ቀይሕ)፣ ክፍለያ፣  
 ዘማት፣ ስንጉሳይ፣ ህቅባምኬል፣ ገሂረሂ፣ አልመሂሂ፣ ሂር፣  
 ሸንጉል፣ ሳብሳብ፣ ትምክራል፣ ሀብተን፣ መንገድ፣  
 ሐመያ፣ ባልዋያ፣ ትምክራል፣ አብሐቅ፣ በሀረማት፣ ክፍለያ-ሂንጎል፣  
 ሸንጉል፣ ማርገብ፣ ሳብሳብ፣ ትምርሂም፣ አልመሂሂ፣  
 ገሂረሂ፣ ስምክራል፣ አብሐቅ፣ ነባሂ፣  
 ማሂረሂ፣ ገብረብ፣ ትምርሂም፣ ሐሂምኬል፣  
 ሂሞል፣ ተብረምኬል፣ አብሐቅ፣ ሀባካ፣  
 ስጣን፣ አፍገያ፣ ሀምሂብ፣ ሂረሂ፣  
 ሀባሂል-ኸክ፣ ተብረምኬል፣ አፍገያ፣ ሀምሂብ፣

ስንጉሳይ፣ ተብረምኬል፣

(ስንጉሳይ) ህቅባምኬል፣

1: ተረጎሜ፣ ምስል፣ ሀደ-ብሉ፣ ሐብር፣ ቱ። — 2: ዋር፣ ሰጣራ፣ ምስል፣ ቤት-አብርሃም፣ ሀሰ። — 3: ምስል፣ ቤት-አብርሃም፣ ህልብት፣ ቱ።  
 4: ምስል፣ ለአረርዕት፣ ቤት፣ አብ-ሀም። — 5: ምስል፣ ሀደ-ገብረብ። — 6: ምስል፣ ፎድ-ሐረርም።



ᄒᆞᆫ ᄒᆞᆫ: ᄒᆞᆫ ᄒᆞᆫ::



II : ፍትሕ : መሓሪ : ወዓይታት ።

1 : መፍጠር : ገቢል : መንሳዕ ።

፩: ገቢል: መንሳዕ: ምን: በዲር: ምን: ሰለስ: ሞላድ: ቱ። ሰልፍ: ምን: ርሕም: አረቢ: ለቶም: ሀቶም: ሌጠ: ሰብ: ለዐድ: ወመና ቢት: ለምድር: መንሳዕ: ወአት: ጎማት: ወጋሪት: ለጸወ: ወለሊረቱ። ቶም: ወጸንዲት: ማ: ሽማገሌ: ልትበሀሎ። — ሐቆሃ: ምን: ገቢልት: እንደ: መጽአው: እግል: እሎም: ለልትከተሎ: ወትግራ: ለልትበሀሎ: ሀለው። — ወአት: ደንጎባ: አግብር: ወአማትመ: ሀለው። ሽማገሌ: ወዎርዎርት: ትግረይመ: ረትዐ: ምን: ገብእ: ምን: በዲርም: አግብር: ወአማት: ልትዛበው: ወለዘብ: ዐለው። እሎም: ሰለስ: ሞላድ: ክል: ዶል: ምስል: ነብር: ወክል: ዎርት: እብ: ፍትሐ: ወሐቱ: ጸቡጥ: ቱ።

፪: ምን: ርሕም: አረቢ: ወድ: ዐቢሆም: ለቱ: ሌጠ: ሹም: ለዐድ: ገብእ: ወፍትሐ: ዛይድ: ቱ።

፫: ወክስታን: ምን: ገአው: ምን: ኖሶም: ምን: ሰአነው: ቀሹም: ምን: ብዕድ: ገቢል: ነስአው: ወሀቱመ: ፍትሐ: ቡ።

፬: ዋጦት: ሀዬ: እት: ዐድ: እንደ: መጽአው: እብ: ክትል: ነብር: ወሀቶመ: ፍትሐም: ቦም። — ክምሰልሀ: ሀዬ: አግዳ: ምን: ሸነክ: ለመጽአው: ሰብ: ዓይታት: ሀለው። — ምን: እንክር: ለመጽአ: ዐለይተይ: ሀዬ: እት: ዐድ: ምን: ልትገሌ: አስክ: ሐሉ: ፍትሐ: ቡ: ቱ።

2 : ፍትሕ : ወሐቅ : ሽማገላይ : ወትግረይ ።

፩: ምን: መምብሀ: ክልኤ: ገርሀት: ለልትጸባሕ: ትግረይ: እስሌመይ: ፋዘጋ-ፋዘጋ: አርባዕ: ዋንጫ: ሔሳስ: ሀይቦ: ወሐቱ:

ለልተጸባሕ፡ ክልኤ፡ ሀይብ። — ትግረይ፡ ክስቴነይ፡ ላተ፡ ምን፡ አሐሀ፡ ምን፡ ሐርድ፡ ማ፡ ምን፡ ለመይት፡ ክል፡ ዶል፡ ንሳሉ፡ አት፡ መምብሀ፡ ረፍዕ፡ ደኢኮን፡ ገርሀት፡ ቱ፡ ኢልተጸባሕ፡ ከግልጸ፡ ኢሀይብ።

፫፡ ሀይ፡ ክል፡ ቀይም፡ ወለሔታ፡ ትግረይ፡ እግል፡ መምብሀ፡ ለአሉ፡ ልጽዕን፡ ብዕራይ፡ ሀይብ። ለተስተሀሎ፡ ሐቴ፡ ዶል፡ ሌጠ፡ ቱ፡ ደአም፡ ምን፡ ልትሳነው፡ ካልእ፡ ዶልመ፡ መጽዕን፡ ደግሞ።

፬፡ ከረም፡ ወአውል፡ እግል፡ መምብሀ፡ ወአት፡ ግርጃ፡ መንሐ፡ ምና፡ ቱ፡ ጽጉብ፡ ለቱ፡ ከድብ፡ ምና፡ ትግረይ፡ ንዋይ፡ ዘምተ፡ ምን፡ ገብእ፡ ምስሉ፡ ለጸንሕ፡ ጽኑዕ፡ እት፡ ረአስ፡ ለገርዝሀ፡ ምን፡ ገርዛ፡ ለአረይ፡ ነይ፡ ለትግረይ፡ ሐቴ፡ ወአት፡ ነስእ፡ መምብሀመ፡ ሐቴ፡ ነስእ፡ ለተርፊ፡ ላተ፡ ብሕታሀ፡ ቱ። ደአም፡ ሰይፍ፡ ወከናት፡ ዑርት፡ ወገለብ፡ ዐገባ፡ ወተላል፡ ደሀብ፡ ምን፡ ሰልብ፡ እሊ፡ ኩሉ፡ እግል፡ መምብሀ፡ ሀይብ።

፭፡ ወቀር፡ ዓጅመ፡ ምን፡ ረክብ፡ ነይ፡ መምብሀ፡ ቱ። ምና፡ ቱ፡ ለመምብ፡ እት፡ ቤቱ፡ ምን፡ አክቦ፡ ለለብሶ፡ ምን፡ ወምን፡ ለዘብዮ፡ ሀይ፡ ምን፡ ለዐውሉ፡ ለጥዕሞ።

፮፡ ወወአት፡ ሕውዝ፡ እብ፡ ጸደፍ፡ ማ፡ እብ፡ ዋኒን፡ ሞተት፡ ምን፡ ገብእ፡ እት፡ መምብሀ፡ ቱ፡ ደኢኮን፡ ራክባ፡ ኢኮን፡ ከኢበለግ።

፯፡ ትግረይ፡ ወለት፡ መምብሀ፡ ምን፡ ትትሀይ፡ ለዳርር፡ እንዶ፡ ትመዩ፡ ፈጅር፡ እግል፡ ሰዳዩት፡ መምብሀ፡ ፍሊት፡ ሀይብ።

፲፡ ወወለት፡ መምብሀ፡ ምን፡ ዐድ፡ ሐሙሃ፡ እት፡ ዐዳ፡ እክል፡ እግል፡ ትትሄይ፡ ምን፡ ተቀብል፡ ቀደም፡ ሐርባ፡ ሐር፡ ዕቤላ፡ እክል፡ እግል፡ ለሀባ፡ ዋጅብ፡ ቱ። ደአም፡ ሀቱ፡ ምን፡ ጠልል፡ ወሀታ፡ ምን፡ ትሰኔ፡ እቱ፡ ክም፡ ነሲባ፡ ሀይብ። ወመምብሀ፡ ናሱ፡ ልግባእ፡ ማ፡ ወድ፡ መምብሀ፡ ምን፡ ሀይ፡ እግል፡ ለመሳኒት፡ ገሸሽ፡ ወዴ።

፲፩፡ መምብሀ፡ ማ፡ ወድ፡ መምብሀ፡ ምን፡ መይት፡ ወአት፡ ሐርድ፡ ደአም፡ አሐ፡ አለብ፡ ምን፡ ገብእ፡ ቅርሽ፡ ሀይብ። ወድ፡ [ሐ፡] አብ፡ ለመምብሀ፡ ሞተ፡ ምን፡ ገብእ፡ ወሀቱ፡ መምብሀ፡ እንደይ፡ ልሰአል፡ ወአት፡ ምን፡ ሐርድ፡ እቱ፡ ለአለ፡ ሐርድ፡ ወአት፡ ፈክ፡ አለባ፡ ት፡ ገብእ፡ ምን፡ ወመምብሀ፡ እት፡ ቅጽዕት፡ እለ፡ ቅርሽ፡ ነስእ፡ ምን።

፲፪፡ ወሀይ፡ ትግረይ፡ ምስል፡ መምብሀ፡ ምን፡ ልትበአስ፡ ከአብ፡ ጨሊቅ፡ እንደይ፡ ገይስ፡ ዐለዮ፡ ምን፡ ሐዜ፡ ለመምብሀ፡ ሰለስ፡ ወአት፡

በሀለት፡ ሐቴ፡ እት፡ ምንሕት፡ ወሐቴ፡ እት፡ ሽፍር፡ ወሐቴ፡ እት፡ ብዕራይ፡ መጽዕን፡ ነስእ፡ መን፡ ከጠልቆ።

፲፫፡ ወሀይ፡ ትግረይ፡ እብ፡ ጭልቅ፡ እት፡ ለዐሌ፡ ግን፡ ዐዳ፡ እንደይ፡ ሐልፍ፡ መምብሀ፡ ምን፡ ዐሬብ፡ እንዶ፡ በልሰዩ፡ ፍትሐ፡ ለገአት፡ ሌጠ፡ ነስእ፡ ምን፡ ከ፤ "ለእታ፡ ፈቴከ፡ ጊስ፤" ልብሎ፡ ደኢኮን፡ ስርሐ፡ ኢከልኦ። — ደአም፡ ሀይ፡ ግን፡ ዐዳ፡ እንደይ፡ ሐልፍ፡ ምርት፡ ጽኑዕ፡ ለገቢለት፡ እት፡ ገብይ፡ ተሃደፈዩ፡ ምን፡ ገብእ፡ ለአሐሀ፡ ምን፡ ግት፡ ለብላ፡ ምን፡ በቀይ፡ ምን፡ ገብእ፡ እት፡ መምብሀ፡ በልሶ፡ ገድሞ፡ ክእና፡ ምን፡ ልትዐሬ፡ ወምን፡ ልትጸበጥ፡ መምብሀ፡ ቱ፡ አለብ፡ እሊ፡ ሰረራ - በረራ፡ ልትበሀል፡ ወእት፡ ለመትጸባጥ፡ ለአሐሀ፡ ሐሜ፡ አለብ።

፲፬፡ ደአም፡ ለትግረይ፡ እት፡ ለግን፡ ናሱ፡ ምን፡ ልትዐሬ፡ ለግን፡ ለሐልፈት፡ አሐ፡ ነይ፡ ለእታ፡ ዐሌ፡ ገቢለት፡ ትገብእ፡ ለኢተዐዴት፡ አሐ፡ ላተ፡ እት፡ ለምና፡ ዐሌ፡ ገቢለት፡ እት፡ ለመምብሀ፡ ተቀብል። ወምን፡ ለአሐ፡ ሐቴ፡ ወአትመ፡ ለክልኤ፡ እግር፡ ለቀደማ፡ እንዶ፡ ዐዴት፡ ለክልኤ፡ እግር፡ ለሐራ፡ እንደይ፡ ተዐድዮን፡ እት፡ ለግን፡ ምን፡ ትትጸበጥ፡ ለወአት፡ ምን፡ ለቀራጺታ፡ ትትቀረጭ፡ ወክልኤ፡ ለገቢለት፡ ክል፡ ምን፡ ሰራ፡ ትነስእ፡ ወእሊመ፡ ሰረራ - በረራ፡ ቱ፡ ከፈርድ፡ እቱ፡ አለብ።

፲፭፡ ደአም፡ ትግረይ፡ እብ፡ አሐሀ፡ ለግን፡ ተዐደ፡ ምን፡ ገብእ፡ እት፡ ለእታ፡ ገይስ፡ ገቢለት፡ ሀይ፡ ተዐደ፡ ከሰበት፡ እሊ፡ ለግን፡ ዕዳይ፡ እት፡ እንቱ፡ ምን፡ ልትዐሬ፡ እት፡ ለእታ፡ ዐሌ፡ ገቢለት፡ ልውዔ፡ ወሀታ፡ ትረድኦ።

፲፮፡ ትግረይ፡ ክልኤ፡ ሀይገት፡ ፍታሕ፡ አለብ፡ በሀለት፡ ትግረይ፡ ወድ፡ ዐድ፡ እት፡ ወድ፡ ዐድ፡ ኢሐልፍ፡ ደአም፡ ሽማግለይ፡ እግል፡ ትግረይ፡ እት፡ ፍርሲት፡ ለተንኖ፡ ወእት፡ ትግረይ፡ ብዕድ፡ ምን፡ ልበሕት፡ እት፡ ስሐተቱ፡ ሀይብ፡ ወመምብሀ፡ ተሐገዝ፡ እቱመ፡ ምን፡ ገብእ፡ ለዘብዮ።

፲፯፡ ሀይ፡ ትግረይ፡ መምብሀ፡ ክም፡ ሞተ፡ ደበሳ፡ ለመምብሀ፡ እንደይ፡ ሀይብ፡ ምን፡ ዐሌ፡ ገብር፡ ለምን፡ ዐለ፡ መምብሀ፡ ገብእ። ወለመ፡ ደበሳ፡ እንዶ፡ ሀይ፡ ከሐል፡ ለሞት፡ መምብሀ፡ እንደይ፡ ተምም፡

ምን፡ ዐሴ፡ ለድልመ፡ ገብሩ፡ ገብኡ፡ ክእና፡ ለትመስል፡ ግብርነት፡ አስከ፡ እብ ማል፡ ፈግር፡ ምና፡ ሞላዳ፡ ትመንክል፡ ደኢኮን፡ እት ክደማት፡ ቀስቦ፡ አለቡ።

፲፮፡ ትግረይ፡ ሆይ፡ እብ፡ በአስ፡ ዓሊ፡ እንደ፡ ዐለ፡ ሐር፡ ዐጀ፡ ምን፡ ልብል፡ እብ፡ ዐይብ፡ ስርሐ፡ ዐዳ፡ ለቀብል፡ ገድም፡ ክም፡ መጽአ፡ ምን፡ ውላድ፡ አብ፡ ለመምብሁ፡ ምር፡ እንደ፡ ገንሐ፡ እቱ፡ አቱ። ወለመምብ፡ በዲሩ፡ ምንመ፡ ልርአዮ፡ አርበኛ፡ ምዕል፡ አዝም፡ ምኑ። ሐር፡ ላት፡ ህተን፡ ክም፡ ተመያ፡ እት፡ ለትግረዮ፡ ለአተ፡ እቱ፡ ወድ፡ አቡሁ፡ መጽእ፡ ወ፤ "እሊ፡ ወሬዛዬ፡ ለለሐድር፡ ገአ፡ ምን፡ ገብኡ፡ እት፡ ፈራዕዬ፡ ልሕደር፡ ወገርሀቼ፡ ልትጸባሕ፡ ወልሕረስ። ወ ኢሐድር፡ ምን፡ ገብኡ፡ እንተ፡ እግል፡ ተትከትሎ፡ ቱ፡ ኢለስትህለስ፡ ሳረሐ። ልብሎ። ህቱ፡ ሆይ፡ ሐሳብ፡ ክትል፡ እንደይ፡ ወዴ፡ እግል፡ ለአቲህ፡ ትግረይ፡ ልትሰአሎ፡ ወ፤ "ተሐድር፡ ማ፡ ትትሳራሕ።" ልብ ሎ። ለትግረይ፡ ሆይ፡ "ሐድር፡" ምን፡ ልብል፡ እት፡ ለመምብሁ፡ ለ ቀብል። ደአም፡ "እግዕዝ።" ምን፡ ልብል፡ ለበዐል፡ ዐይቡ፡ እት፡ ለኦ ታ፡ ሐዘ፡ ሳርሐ።

፲፯፡ ትግረይ፡ እብ፡ ማሉ፡ ቀሪም፡ እንደ፡ አንሰሰ፡ ምንመ፡ ልደ በር፡ ለመምብሁ፡ እግል፡ ኢሊሙት፡ እንደ ሌል፡ ኢጠለቀዮ፡ እሉ፡ ምን፡ ገብኡ፡ ዝቤህ፡ ራክቡ፡ ኢኮን። ወእት፡ ዐድ፡ ብዕድመ፡ ምን፡ ዐሴ፡ ወለቀሪሙ፡ ምን፡ ልትሐረስ፡ ቀሪም፡ ትግረይ፡ ዓሊ፡ እት፡ መምብሁ፡ ትቱ፡ ኖሱ፡ አስከ፡ ሐድር፡ ብልዒቱ፡ መምብሁ፡ በለዓ። ወትግረይ፡ እት፡ ዐድ፡ ምንመ፡ ወድ፡ አብ፡ ሓድግ፡ ገብኡ፡ ቀሪም፡ ልግባእ፡ ማ፡ ፈክ፡ ማ፡ ብዕድ፡ ለእሉ፡ አውድ፡ ለቱ፡ እት፡ መምብ ሁ፡ ቱ፡ ደኢኮን፡ ለወድ፡ አቡሁ፡ ሐቱ፡ አለቡ፡ ምኑ።

፲፰፡ መምብ፡ እግል፡ ትግረዮ፡ ዓመት-ዓመት፡ ገርህት፡ ስብክ፡ ወ ስግም፡ ጸብሐ።

፲፱፡ ወትግረይ፡ ዶል፡ ሸንግል፡ እብ፡ መምብሁ፡ ሸንግል፡ ምን፡ ገብኡ፡ "ተምኔ።" ልብሎ። ወሐር፡ እት፡ እዴህ፡ ለጸንሐት፡ ወሀቱ፡ ለሐምድባ፡ ድለ፡ እላ፡ ሐረ፡ ክምሰል፡ ፍሊት፡ ትግባእ፡ ማ፡ ለጋ፡ ማ፡ ገለብ፡ ዐገባ፡ ማ፡ ኮናት፡ ዑርት፡ ማ፡ ሕጽብት፡ ለመስል፡ ሆይቡ፡ ወ እሊ፡ ኩሉ፡ ምን፡ ኢጸንሕ፡ እሉ፡ ቅርሽ፡ እግል፡ ለሀቡ፡ ፍትሕ፡ ቱ።

፲፱፡ ወክም፡ ሆይ፡ ለመምብሁ፡ እብ፡ ተራሁ፡ እከለይ፡ ገሸሽ፡ ወመዐለይ፡ ስልታ፡ ወዴ፡ እሉ፡ ወጠለ፡ ምን፡ ገብኡ፡ ጸምብሎ።

፳፡ ትግረይ፡ ደበረ፡ ምን፡ ገብኡ፡ መምብሁ፡ እብ፡ ርዒና፡ አሐሁ፡ ለትናብር። ከቀደም፡ እለ፡ እት፡ ለአሐሁ፡ ወሬዛ፡ ብዕድ፡ ምን፡ ጸንሕ፡ ለትግረዮ፡ ሞርሁ፡ ነስእ፡ ምኑ፡ ወ፤ "ኖሹ፡ አሐ፡ መምብዬ፡ አውዕላ፡ ወሐሊብ፡ እሰቲ።" ልብሎ። ገድም፡ ለሆይ፡ ደርብ፡ ወእሊ፡ አሐ፡ መ ምብሁ፡ ለውዕል፡ ደአም፡ ክልኢቶም፡ ወራዚቱ፡ ምን፡ ገብኡ፡ ለ መምብ፡ እግል፡ ለሐረይ፡ መንሐ፡ ወዓመት፡ ለትዓድዮ።

፳፩፡ ደአም፡ ሆይ፡ ለትግረይ፡ እንደ፡ ደበረ፡ ወሐግለ፡ ለመምብሁ፡ እት፡ ቡ፡ ምን፡ አኪ፡ እቱ፡ ወዓመት፡ ምን፡ ኢለትዓድዮ፡ ወምንሕት፡ ማ፡ ፍጨል፡ ማ፡ ሽራፍ፡ ምን፡ ኢሆይቡ፡ ለትግረይ፡ ሆይ፡ ምን፡ ቤት፡ አብ፡ ለመምብሁ፡ ምርት፡ ጽኑዕ፡ ገንሕ፡ ከበዐል፡ ዕንድር፡ ነስእ፡ ወ ስም፡ ለእናስ፡ ለወድ፡ አብ፡ ለመምብሁ፡ እንደ፡ ሰመ፤ "ስማዕ፡ ስማዕ፡ ገብሩ፡ አና።" ለልብል፡ ናዳ፡ ለናዴ። ሐቆ፡ አለ፡ ለሆይ፡ ለሐዲብ፡ መ ምብሁ፡ ሆይ፡ ሰለስ፡ ምዕል፡ ለከልኦ፡ ከበዐል፡ ዕንድር፡ እንደ፡ ነስእ፤ "እሊ፡ እናስ፡ ሐራ፡ ፋግር፡ ቱ።" እንደ፡ አበለ፡ ለናዴ። ሐቆሃ፡ ክምሰል፡ ገብር፡ እንደይ፡ ገብኡ፡ ክምሰል፡ ትግረይ፡ ሌጠ፡ እት፡ ለእናስ፡ ሐር፡ ልትዐዴ፡ ከልትከተሎ።

፳፪፡ ለወሬዛ፡ እት፡ መሐበር፡ እግል፡ ልትሃጌ፡ ቀድር፡ አለቡ። ደአም፡ ተዐመጸ፡ ምን፡ ገብኡ፡ ለመምብ፡ ጸገቱ፡ ጸብጥ፡ ወኢረትዐ፡ ምን፡ ገብኡ፡ ወልስሕት፡ ከቀትል፡ እቱ፡ ወልግዕዝ፡ ከመስከብ፡ ሐድግ።

፳፫፡ ሸማገለይመ፡ እት፡ ዐገብ፡ ዐቢ፡ እንደ፡ ትጸበጠ፡ ልትሀ መጅ፡ ወ ሸ ማ ገ ላ ይ ፡ ቀ ጢ ጌ ፡ ልትበሀል። እት፡ ረአስ፡ እሊ፡ ሆይ፡ ሸማገለይ፡ ቀጢጌ፡ እግል፡ ሸማገለይ፡ ጽኑዕ፡ ማሉ፡ ምን፡ ሰርቅ፡ ወምን፡ ለበዴ፡ ምኑ፡ ወለአሉ፡ ሪዴ፡ ምን፡ ሐግል፡ ወለጽኑዕ፡ እብ፡ ሐሩ ቀት፡ እት፡ መሐበር፤ "እሊ፡ እገሌ፡ እብ፡ ስጋዳ፡ ጠለቅክም።" ምን፡ ልብል፡ ከእብ፡ ሰበቱ፡ አዳም፡ ዳ ዳ ፡ እት፡ ልብል፡ ምን፡ ልት ሃየር፡ ህቱ፡ ምን፡ ሕጺ፡ ወሀዳይ፡ ኢልትከላእ፡ ወእብ፡ ስም፡ ግብር ነት፡ ኢልትመንክል። ምና፡ ተ፡ ህቱ፡ ልግባእ፡ ማ፡ ተርፋ፡ ምን፡ እለ፡ ስም፡ ሂረት፡ ለ ዳ ዳ ፡ አብ፡ ማልመ፡ ኢፈግር።

3 ፡ ግ ብ ር ነ ት ።

፩፡ ሰብ፡ መንሳዕ፡ አ ግ ብ ር ፡ ጸ ላ ይ ም ፡ ወ ቀ ይ ሒ ት ፡ ዐ ለው፡ እሎም፡ ለአግብር፡ ወአማት፡ ጸላይም፡ ምን፡ ገቢለት፡ ልዛ በው፡ ወእት፡ ብዕድ፡ ለዘብዎም፡ ወእት፡ ናስኖሶመ፡ ለተሐገዘ፡ ገብ ሩ፡ ወአመቱ፡ ለዘቤ። ክእና፡ ለመስሎ፡ አግብር፡ ወአማት፡ መምበሮ ሆም፡ ምስል፡ መናቢቶም፡ ተ። ወእብ፡ ቀልብ፡ ወእብ፡ ንዩት፡ ደኢ ኮን፡ እብ፡ ቀስብ፡ ወእብ፡ ሀርመት፡ ኢልትናበሮ።

፪፡ ወገብር፡ ሀደ፡ ምን፡ ገብእ፡ እግል፡ መምብሀ፡ ሐድ፡ ቀልብ፡ ወስኑ፡ ሰድዮ፡ ደኢኮን፡ እብ፡ ዳሩ፡ ገብእ፡ ወእግል፡ እሲቱ፡ ወውላ ዳ፡ ሐርስ፡ ደአም፡ እብ፡ ኩሉ፡ ጸዋ፡ ቤቱ፡ ክል፡ ዶል፡ ነይ፡ መምብ ሀ፡ ቱ። ምና፡ ተ፡ ለእሲቱ፡ አመት፡ ብዕድ፡ መምብ፡ ምን፡ ትገብእ፡ ለተርሩ፡ ነይ፡ መምብ፡ ለእሲቱ፡ ገብእ።

፫፡ ወአመት፡ ስነት፡ ሀዳይ፡ እንዶ፡ በጽሐት፡ ምን፡ ኢትትሀዴ፡ ከአትቀሐበያ፡ ምን፡ ገብእ፡ አስክ፡ ሕልቀት፡ ትወደ፡ ወክም፡ እ ሲት፡ ትትዐለብ፡ መምብሃ፡ መውና፡ ወዕብረታ፡ [ ክራያ፡ ] በልዕ፡ ምና። ወሕልቀት፡ ክም፡ ወደት፡ ኢሰን፡ እታ፡ ምን፡ ገብእ፡ ማል፡ ለዕብረታ፡ ምስላ፡ ከፍሎ።

፬፡ እብ፡ ነይ፡ ለፍገራት፡ ላተ፡ ገብር፡ ጸሊም፡ ሰልፍ፡ ለሐራ፡ ናሱ፡ ጋር፡ ኢወደ፡ እታ፡ ወሐር፡ ሀዩ፡ ሐዘያመ፡ ምን፡ ገብእ፡ መምብ ሀ፡ አግል፡ ለፍገሮ፡ ኢፈቱ፡ ከፍትሕ፡ ፍገራቱ፡ ድሉይ፡ ኢኮን።

፭፡ ካልእ፡ ጅንስ፡ ግብርነት፡ ነይ፡ ሰብ፡ ቀይሒት፡ እት፡ መን ሳዕ፡ ክእና፡ ቱ። ሽማገላይ፡ ትግረዩ፡ ገሌ፡ አግመመ፡ ምን፡ ገብእ፡ ከወአቱ፡ ምን፡ አግር፡ ወእት፡ ደመ፡ ምን፡ ልውዕል፡ ወግልጸሀ፡ ምን፡ ከልክ፡ ግብርዬ፡ እንተ፡ ልብሎ፡ ወገድም፡ ክም፡ ገብር፡ ልት ዐለብ፡ ወአስክ፡ ሀዴ፡ እግል፡ ናሱ፡ ለከድሞ፡ ወክም፡ ሀደ፡ ወወል ደ፡ ውላዳ፡ ለከድም፡ — ክምሰልሀ፡ ሀዩ፡ በዲር፡ ክም፡ ለትበሀለ፡ ትግረይ፡ ደበሳ፡ ለመምብሀ፡ እንደይ፡ ሀይብ፡ ማ፡ ዓመት፡ ሐቆ፡ ሞት፡ መምብሀ፡ እንደይ፡ ለትሐልፍ፡ ዐለ፡ ምን፡ ገብእ፡ ልትገበር። ሀዩ፡ እብ፡ ብዕድትመ፡ ገበይ፡ ከለፍ፡ መምብ፡ አግል፡ ትግረዩ፡ ገብር። ዎርዎሮመ፡ እብ፡ ምስምሳ፡ ፈለል፡ ናሱ፡ እት፡ ግብርነት፡ ልትዐጺ።

እሎም፡ ክልኦት፡ ጅንስ፡ አግብር፡ አግል፡ ክደማት፡ መምብሆም፡ ኢ ልትቀሰቦ።

፮፡ ገብር፡ ቀይሕ፡ ምን፡ ግብርነት፡ እግል፡ ልፍገር፡ ሐዘ፡ ምን፡ ገብእ፡ መምብሀ፡ ልሰአል፡ ወሀቱ፡ ፈተ፡ ምን፡ ገብእ፡ ዐውል፡ ፍገ ሬቱ፡ ቀጽዕ፡ እቱ። ወመምብሀ፡ ለቀጽዐያ፡ እቱ፡ ምን፡ ልትከበት፡ እብ፡ ከንቴባይ፡ ዕንድር፡ ለዘብጥ። ወሐር፡ አዳም፡ ክም፡ ተአከበ፡ እት፡ ቀደም፡ ሹም፡ ዎክ፡ ሽማገላይ፡ ወእት፡ ገጽ፡ ኩሉ፡ ለመሐበር፡ ለገብር፡ ማል፡ ፍገራቱ፡ ዐልብ። ወማሉ፡ ክም፡ ሀበ፡ ለሹም፡ ማ፡ ዎሮ፡ ሽማገላይ፡ አግል፡ ለመምብሀ። "ገድም፡ አገርመ፡ አብጽሐ።" ልብ ሎ። ለመምብሀ፡ ሀዩ፤ "ለእሉ፡ ፈተ፡ ልብጸሕ።" ልብል። ሐቆሃ፡ ለገ ብር፡ ሰለስ፡ ጸንዲት፡ እንዶ፡ ሐረ፤ "እገሌ፡ ወእገሌ፡ በጽሐኮ።" ልብል፡ ወጥቦም፡ [ጭብዕቶም፡] ጠቤ። — ሐቆሃ፡ ለሹም፡ ማ፡ ዎሮ፡ ሽማገ ላይ፡ አግል፡ ለዋጠይ፤ "አናዴ፡ እሉ።" ልብሎ። ወለዋጠይ፡ ክእና፡ እት፡ ልብል፡ ለናዴ፤ "ሰማዕ፡ ሰማዕ፡ ሰማዕ፡ እገሌ፡ ወድ፡ እገሌ፡ አገ ርመ፡ ነስኦ፡ ወምን፡ ግብርነት፡ ፈግረ፡ ወክትሉ፡ እት፡ መምብሀ፡ ቱ። ምን፡ እለ፡ ወሐር፡ ገ ብ ር ፡ ለቤሎ፡ እት፡ ናሱ፡ ልፍራሀ።" ሐቆ ሃ፡ ለሹም፡ "ንጋረት፡ ዝበጠ፡ ወእንቱም፡ ዋጦት፡ ዋጦ።" ልብል። ወክእና፡ እት፡ ልወዳ፡ ክሎም፡ አግል፡ ልርአዎ፡ ለሐራ፡ ፈግር፡ በ ርጅ፡ ወለሰቅር። አመትመ፡ ሀዩ፡ እት፡ እዛም፡ ለበርጅ፡ ወለስቃር፡ ሀታ፡ ትትሰሳዕ፡ ወትተል፤ ደኢኮን፡ ገበይ፡ ፍገራታ፡ ክም፡ እለ፡ ነይ፡ ለእ ናስ፡ ተ።

፯፡ ለሐራ፡ ፈግር፡ እት፡ ፍትሕ፡ ንጋረት፡ ክልኦት፡ ቅርሽ፡ ወእ ግል፡ ዋጠይ፡ ቅርሽ፡ ሀይብ፡ ደአም፤ "ሒለት፡ ንጋረት፡ አለብዬ።" ለ ቤለ፡ እት፡ አዝበጦታ፡ ለቀስቦ፡ አለብ። — ወዐውል፡ ፍገራት፡ ወድ፡ ተብዐት፡ ክም፡ ሐቁዲ፡ ዕስራ፡ ወለነይ፡ ወለት፡ አንስ፡ ሰላሳ፡ ቅርሽ፡ ቱ።

፰፡ እብለ፡ ገበይ፡ ሐራ፡ ክም፡ ፈግረው፡ ወደሞም፡ ክም፡ ጸረ፡ ምስል፡ ትግራ፡ — ወእብሊ፡ ዘበን፡ ሐርዲ፡ ምስል፡ ሽማገሌመ፡ — እ ግል፡ ልትሃደው፡ ገብእ፡ እሎም።

4 ፡ ክ ት ል ፡ እ ብ ፡ ን ሳ ል ።

፩፡ ክትል፡ እብ፡ ሀዩብ፡ ንሳልመ፡ ሀለ፡ ወእሊ፡ እት፡ ኩሉ፡ ቱ። ከአዳም፡ ምን፡ ንዋዩ፡ ምን፡ ሐርድ፡ ማ፡ ምን፡ ለመይት፡ ለንሳል፡



አግል፡ ብዕድ፡ ሀይብ፡ ደኢኮን፡ ኖሱ፡ ኢበልዎ። ወቀዳሚት፡ እዋን፡ ንሳል፡ ለትረፈው፡ እቱ፡ ሐርመ፡ ክል፡ ዶል፡ እግሉ፡ ልትሀዮብ። ሸማገ ለይ፡ ምን፡ ገብእ፡ ዎርት፡ ወድ፡ አቡሀ፡ እንዶ፡ ሐረ፡ ዲቡ፡ ረፍዎ፡ ወአብሉ፡ ርፍዲት፡ እት፡ ሸማገሌመ፡ ዎር፡ ድንበ፡ ክትል፡ ክም፡ ሀሉ፡ ልትረኤ፡ ወትግረይ፡ ክስቴነይ፡ ምን፡ ገብእ፡ እት፡ መምብሀ፡ ረፍዎ፡ እስሌመይ፡ ላተ፡ እት፡ እስሌመይ፡ ሐሀ፡ ረፍዎ።

፪፡ ወፈክ፡ ርፍዐት፡ ለንሳል፡ አሊ፡ ቱ። ለንሳል፡ ለልትረፋው፡ እቱ፡ እግል፡ ለራፍዕ፡ እቱ፡ ምን፡ ቀሪመ፡ ገርሀት፡ ጸብሐ፡ ወወልዱ፡ ምን፡ ሸንግል፡ ጸምብሎ፡ ወሂጋ፡ ምን፡ መጽአ፡ ጸገት፡ ጸብጥ፡ አሉ።

፫፡ እት፡ ረአስ፡ አሊ፡ ሀይ፡ ሸማገለይ፡ እት፡ ዐድ፡ ብዕድ፡ ምን፡ ዐሌ፡ ለተልኩ፡ አግል፡ ለበዐል፡ ንሳሉ፡ ለጸብሎ፡ ከገይስ። ሐር፡ መስ ክቡ፡ እት፡ ዐድ፡ ገቢለት፡ እት፡ እንቱ፡ እት፡ ዐዱ፡ ምን፡ ልበሕት፡ ከምን፡ ሰርቅ፡ ማ፡ ምን፡ ቀትል፡ ወለዐገብ፡ ተአመረት፡ ምን፡ ገብእ፡ በዐል፡ ለንሳል፡ ለተልክ፡ ጸብጥ፡ እት፡ ለወድ፡ ለአቡሀ፡ መጽአ፡ ወ፡ "እት፡ ለንግብ፡ ወድ፡ አቡኩ፡ ፍዴ፡ ወተልኩ፡ አጽንሐ። ልብሎ። ወእ ሊ፡ ፈደ፡ እቱ፡ ምን፡ ገብእ፡ ለተልኩ፡ ለጸንሐ። ደአም፡ አቡ፡ ምን፡ ገብእ፡ ተልኩ፡ አግል፡ ኢልብዴ፡ ለበዐል፡ ለንሳሉ፡ ኖሱ፡ ፈዴ፡ እቱ፡ ወተልኩ፡ ለጸንሐ። ወሐር፡ ለዓሊ፡ አቅበለ፡ ምን፡ ገብእ፡ ለክሉ፡ ሀብ፡ እቱ፡ እንዶ፡ ፈደ፡ ተልኩ፡ ነስእ።

፬፡ እት፡ ፍንጌ፡ ክልኦት፡ ለሰብ፡ ንሳል፡ በአስ፡ ምን፡ ቀንጽ፡ ለን ሳል፡ ለልትረፋው፡ እቱ፡ ምስል፡ ለንሳል፡ ለረፍዕ፡ እቱ፡ ኢልትጸገግ።

፩ ፡ ሐ ጼ ።

፩፡ ሕጺ፡ ወሀዳይ፡ ምልኩ፡ እት፡ ዋልደት፡ ወሐቆሆም፡ እት፡ ለ ቀሩባም፡ ቱ።

፪፡ እብ፡ ሐዘ፡ ተርፍ፡ ልግባእ፡ ማ፡ ሞላድ፡ ማ፡ ዳር፡ ማ፡ ማል፡ ማ፡ ሀይ፡ እግል፡ አብደዮት፡ ደም፡ ልትሓጸው።

፫፡ ፈተት፡ ሐትሐቴ፡ ዶል፡ ውላዶም፡ እንደይ፡ ልትዋለዶመ፡ ለትሓጽዎም። ክም፡ ገበዩ፡ ላተ፡ አብ፡ እግል፡ ወልዱ፡ ወለት፡ እግል፡ ልሕጺ፡ አሉ። ሐዘ፡ ወለኣ፡ ሐዘ፡ ወለት፡ ረክቡ፡ ምን፡ ገብእ፡ በዐል፡ ምግብ፡ ማ፡ መትማጽኢ፡ ወዴ።

፬፡ ወለሀይ፡ እንዶ፡ ጌሱ፡ አብ፡ ስም፡ ለለአከዩ፤ "ወለትኩም፡ ወ በርከትኩም፡ ነሐዜ፡ ሀሌና።" እንዶ፡ ቤሉ፡ እብ፡ ረኪባ፡ ወእብ፡ ስም ያ፡ ለመርዴ፡ አሉ።

፭፡ ወሐር፡ አብ፡ ለሕጻን፡ እንዶ፡ ሰምዐ፡ ማል፡ ለስመያ፡ ምን፡ ልትከበት፡ ምስል፡ ለአቡሃ፡ ፍጉር፡ እት፡ ለገብእ፡ እታ፡ ሰምበት፡ እብ፡ ምዕል፡ ሕጺሆም፡ ልትያመም። ሐቆ፡ አሉ፡ አብ፡ ለሕጻን፡ እት፡ ለም ዕሎም፡ ምስል፡ ቤት፡ አቡሀ፡ እግል፡ ልሕጺ፡ ወእግል፡ ለድሕር፡ እት፡ አብ፡ ለወለት፡ መጽአ።

፮፡ ወአብ፡ ለወለት፡ ለመጽአ፡ በዐል፡ ገቢለት፡ ገአ፡ ምን፡ ገብእ፡ ሐሊብ፡ ማ፡ ስልቃ፡ ወነብራ፡ እንዶ፡ ወድ፡ ጸንሐ። ወሀቆም፡ ክል፡ ምኖም፡ እብ፡ ለቤት፡ ለአቡሀ፡ ክም፡ ትማጸአው፡ አካን፡ ዐረት፡ እን ዶ፡ ረአው፡ እታ፡ መሐበር፡ ወዱ፡ ወመአኮቶም፡ ልትዋደው። ከሐ ቆ፡ ገሌ፡ ሂጋ፡ አብ፡ ለሕጻን፡ ዎር፡ ሐዲስ፡ ምስሉ፡ ለአምጸአዩ፡ ብ ላይ፡ ማ፡ እት፡ እዛመ፡ ቀጥረት፡ እት፡ ቀደመ፡ ክም፡ ከረ፡ ሰልፍ፡ እብ፡ ስመይ፡ ስጋድ፡ ለወለት፡ ልትያመም። ወሐር፡ አስእኖም፡ እን ዶ፡ ሐርጠው፡ ክኢና፡ ልትአከቶ።

፯፡ ምን፡ ሰብ፡ ዐድ፡ ለሕጻን፡ ዎርት፡ እንዶ፡ ሐረው፡ ሀቱ፡ እግል፡ ለአብ፡ ለሕጻን፤ "አሊ፡ እገሌተት፡ አሲት፡ እገሌ፡ እግል፡ ትግባእ፡ ነስ አከሃ፡ ወማል፡ ለስመያ፡ ትከበትኩ።" እት፡ ልብል፡ ልሰአሎ። ወሀቱ፤ "ነስ አከ፡ ወትከበትኩ።" በልሱ፡ እቱ። ሐር፡ ለመአከተይ፡ እግል፡ ለአብ፡ ለወ ለት፡ ሀይ፤ "አሊ፡ እገሌተት፡ አሲት፡ እገሌ፡ እግል፡ ትግባእ፡ ሀብከሃ።" ልብሎ። ወሀቱ፤ "አር፡ ሀብክዋ።" በልሱ። ወክእና፡ በዐል፡ ለምግብ፡ እ ግል፡ ለአብ፡ ለሕጻን፡ ወእግል፡ አብ፡ ለወለት፡ ሰለሱ፡ ዶል፡ እንዶ፡ ደ ጋገመ፡ ልሰአሎም። ሐቆሃ፤ "ሕድ፡ እግል፡ ኢትጥለሞ፡ መአከትኩም፡ መአከት፡ ረቢ፡ ትግባእ።" እት፡ ልብል፡ ለትምሕሎም። ወሀቆም፤ "አ ሚን፡ ትግባእ።" ልብሎ። ወእሊመ፡ ሰለሱ፡ ዶል፡ ልደጋገም። — ወ ሐር፡ ወድ፡ ሐማ፡ እንዶ፡ ትላከው፡ ሀቱ፡ ክልኤ፡ ሰዐረት፡ ጥልት፡ ጸ ብጥ፤ ሐቴ፡ ለነይ፡ ለሕጻን፡ እት፡ እዴ፡ ማኑ፡ አብ፡ ለሕጻን፡ ሀይብ-ተ፡ ወሐቴ፡ ለነይ፡ ለወለት፡ እት፡ እዴ፡ ገለቡ፡ አብ፡ ለወለት፡ ሀይብ-ተ። ከለወድ፡ ለሐማ፡ እት፡ ለመሐበር፡ እት፡ ልደውርበን፤ "ረቢ፡ እት፡ ነሐር፡ ሕድ፡ ለሐብረኩም፡ ወበከት፡ ለሀበኩም።" እት፡ ልብሎ፡ ጠፉአ፡ እተን። ወክም፡ ጠፍአው፡ እተን፡ ለሕጻን፡ እግል፡ ክልኦት፡ ለዋል ደት፡ እግል፡ ክል፡ ዎርት፡ ሰዐረቱ፡ ሀይብ፡ ወሀቆም፡ እት፡ ግስት-ግስ

ቶም፡ ሰቆቀን። — ሐር፡ ለበዐል፡ ለምግብ፤ ማንኛላ፡ መአኮትኩም፡ መአኮት፡ ረቢ፡ ትግባክ፡ ረቢ፡ እት፡ ሕድ፡ ለሐብረኩም፡ ተርፍኩም፡ ምስል፡ ልግባክ፡ ለመአኮት፡ ለገአት፡ እሉ፡ ወለረአይ፡ ወለሰዐይ፡ ልስኔ፡ ንሒስባ፡ ረቢ፡ እት፡ ህዳዮም፡ ለሐብረና። እት፡ ልብል፡ ልድሕርም። — ከእግል፡ ለእታ፡ ግሱያም፤ ምደሐር፡ ልብሎም። ሐቆሃ፡ ለእብ፡ ለሕጻን፡ እንደ፡ ቀንጸ፡ እት፡ ልደውር፡ አሰር፡ ሕድ፡ እደዮም፡ ነስእ፡ ወልደሐር። — አሰር፡ እሊ፡ አስእኖም፡ ለውሾ፡ ወእግል፡ ለአብ፡ ለሕጻን፡ ማደም፡ ማልክ፡ ሀብ፡ ልብሎ። ወሀቱ፡ እት፡ ስመይ፡ መድሐራታ፡ ሰማን፡ ቅርሽ፡ ወብላይ፡ ወሽመት፡ ወክልኦት፡ ቅርሽ፡ አብዕብ፡ ወብላይ፡ መዐቀሪ፡ ሀይብ። ለሰማን፡ ቅርሽ፡ እግል፡ እም፡ ለወለት፡ ቶም፡ ለብላይ፡ ወለሽመት፡ ነይ፡ መርዓት፡ እት፡ እንቱ፡ ልትአኩብ፡ ወሐር፡ ወክድ፡ ህዳይ፡ ሀታ፡ ትነስኦም። ወለአቅሩሽ፡ አብዕብ፡ ወብላይ፡ ለመዐቀሪ፡ አቡሃ፡ ነስኦም።

፳፡ ገድም፡ አብ፡ ለወለት፡ አሐ፡ ጨሐፈት፡ ወፈላይት፡ ልባስ፡ ክለን፡ ደቅብ፡ ምን፡ ገብእ፡ እግል፡ አብ፡ ለሕጻን፡ ማክር፡ ወአልብስ። ልብሎ። — ዝክራንዲ፡ ክል፡ ዎር፡ ክም፡ ሒላቱ፡ ዝክር፡ ከእት፡ ሰላሳ፡ ማ፡ እት፡ አርባ፡ ወአት፡ ወምኑ፡ ወኬን፡ ልትሀዮብ። — ከክእና፡ ገድም፡ አብ፡ ለሕጻን፡ ቀደም፡ ለህዳይ፡ ማ፡ ወክድ፡ ለህዳይ፡ አሐ፡ ጨሐፈት፡ እግል፡ ልትከበት፡ እንደ፡ ቤለ፡ ጭራመት፡ ሰለስ፡ እድሃ፡ እብ፡ ዕጺ፡ እት፡ ዝክራን፡ ክም፡ ሀይብ፡ ልብል። ወአቅሩሽ፡ ለዝክራን፡ ወአቅሩሽ፡ ለለበብስ፡ ጎሀ፡ ምን፡ ጸንሕ፡ እባ-እባ፡ እት፡ ለዶልመ፡ ዝክር፡ ወለለብስ። ከእት፡ ጭራመት፡ ሐዳስ፡ ክም፡ ሒላቱ፡ ዕስራ፡ ማ፡ ሰላሳ፡ ቅርሽ፡ ለዝክራን፡ እንደ፡ ዐቅረ፡ ማ፡ ሀይብ፡ ብላይ፡ ጀበረት፡ ወእብ፡ ዶል፡ ሓሪት፡ እግል፡ አትመሞት፡ ለዝክራን፡ አቅሩሽ፡ እግል፡ አብ፡ ለወለት፡ ሀይብ፡ ወሐር፡ እግል፡ ቤት፡ አብ፡ ለወለት፡ እግል፡ ልግባክ፡ አብ፡ ስም፡ ልባስ፡ ክል፡ ልባስ፡ አክል፡ ቅርሽ፡ እንደ፡ ትሰነነ፡ [ዶል፡ ለህዳይ፡ እብ፡ ፈኩ፡ እግል፡ ለቅብል፡ እቱ፡ እንደ፡ ቤለ፡] አቅሩሽ፡ ለለበብስመ፡ ሀይብ፡ ከፀልብ፡ እሉ። ወአብ፡ ለወለት፡ ምን፡ ፈቱ፡ ሀቱመ፡ ኖሱ፡ አስክ፡ ዐስር፡ ቅርሽመ፡ ለብስ፡ እሉ። ደአም፡ አብ፡ ለሕጻን፡ ዶል፡ ለሕጻን፡ ለማል፡ ምን፡ ኢረክብ፡ ዐዲ፡ እንደ፡ ጌሱ፡ ክም፡ ትዳለ፡ ሐር፡ እብ፡ ማል፡ ለዝክራን፡ ወእብ፡ ማል፡ ለለበብስ፡ ለቅብል፡ ከእት፡ እደሀ፡ ካሬ፡ እሉ።

፱፡ ፍትሕ፡ ሕጹ፡ ሽማግለይ፡ ወነይ፡ ለትግረይ፡ በንባን፡ አለቡ። ደአም፡ ምን፡ ስመይ፡ ስጋድ፡ ወለት፡ ሽማግለይ፡ ለነይ፡ ለትግረይ፡ ልውሕድ።

፲፡ ሽማግለይ፡ ወለት፡ ትግረይ፡ ሀይ፡ ደኢኮን፡ ወለት፡ ሽማግለይ፡ በዲር፡ እግል፡ ትግረይ፡ ኢትትሀዮብ፡ አዜ፡ ላተ፡ እብሊ፡ ዘበን፡ ትትሀዮብ፡ ሀሌት።

፲፩፡ ወሰብ፡ ሽማግለ፡ ወትግራመ፡ ምስል፡ አግብር፡ ወአማት፡ ጸላይም፡ ማ፡ ምስል፡ አግብር፡ እብ፡ ስም፡ ሌጠ፡ እግል፡ ኢልትሞለዶ፡ ምን፡ መአምበት፡ ለሐዚ፡ ለሕጹ፡ እንደ፡ ሰኒ፡ አመርደው፡ እግል፡ ልትዐቀብ፡ ምኖም፡ ለስትሀል።

፲፪፡ አግብር፡ ወአማት፡ ጸላይም፡ ወቀይሒትመ፡ እት፡ ኖስኖሶም፡ ሌጠ፡ ልትሓጸው፡ ወልትሃደው። ወሕጺሆም፡ ወህዳዮም፡ ሀይ፡ ክም፡ ለትረተዐት፡ እሎም፡ ወድዎ፡ ደኢኮን፡ ክም፡ ለአዜ፡ ትደገመ፡ ኢገብእ።

፲፫፡ ሰብዕ፡ ትውልድ፡ እንደይ፡ ሐልፍ፡ እት፡ ፍንጌ፡ ተርፍ፡ አበች፡ ወእማት፡ ሕጹ፡ ወህዳይ፡ ሐላል፡ ኢኮን። — እብሊ፡ ዘበን፡ ሐር፡ ላተ፡ ምስልምና፡ ክም፡ ትለወሽ፡ ሐቆ፡ ሰለስ፡ ማ፡ አርባዕ፡ ትውልድመ፡ ሕድ፡ እግል፡ ልሕጸው፡ ሐለለዎ። — ወዋልደት፡ ማ፡ ወካይሎም፡ ኖሶም፡ እት፡ ውላዶም፡ ምን፡ ኢአብዎ፡ ሐገሌብ፡ ልግባክ፡ ማ፡ ሕማም፡ ማ፡ ምስክና፡ እግል፡ ሕጹ፡ ወህዳይ፡ ለከርዕ፡ ፍትሕ፡ አለቡ።

፪፡ ሕጹይ፡ ወሕጺት፡ ሐመች፡ ወሐማታት፡ ለልትናበሮባ፡ ገበይ።

፩፡ ግራ፡ ለመአኮት፡ ለሽመት፡ ለመድሐራት፡ እት፡ ቤት፡ እም፡ ለሕጺት፡ ክም፡ አቴት፡ ሐቱ፡ እሲት፡ ጭገረይ፡ ምፋን፡ እንደ፡ ነስኦት፡ ምና፡ በከት፡ እግል፡ ልግባክ፡ እላ፡ እንደ፡ ትቤ፡ እት፡ ስጋድ፡ ለሕጺት፡ ተአስር። ወእሊ፡ ጭገረይ፡ አስክ፡ እብ፡ ኖሱ፡ ኢትበተከ፡ ለፈትሐ፡ ምና፡ አለቡ።

፪፡ ቀደም፡ አለ፡ አዘና፡ ወምጥራቅ፡ ድማን፡ ለአንፋ፡ ኢጣሪቀ፡ ምን፡ ገብአ፡ ምን፡ አለ፡ ወሐር፡ እብ፡ ሐቲ፡ ምዕል፡ ፍጉር፡ እሲት፡ ትጣርቆ። እት፡ ለአዘና፡ ሐድ፡ ምርከባ፡ ከማይም፡ ትወዴ፡ ወአስክ፡ ወክድ፡ ለሀዳያ፡ እት፡ ምጥራቅ፡ ለአንፋ፡ ዕጩተይ፡ ማ፡ እበነይ፡ ተ አቲ።

፫፡ ምን፡ ምዕል፡ ለሕጺ፡ እንዶ፡ አምበተት፡ ለሕጺት፡ ስም፡ ለሕጺያ፡ ወስም፡ ሐሙሃ፡ ወስም፡ ሐማታ፡ ትሰርዕ፡ ከእብ፡ አት ዳዋር፡ ትሰምዮም፡ ደኢኮን፡ እብ፡ ከጆሌብ፡ ወእብ፡ ሐሸሞት፡ ስ ሞም፡ ሴመ፡ ኢትነቅም። — ከምሰልሀ፡ ሀዬ፡ አብ፡ ለምስምሳ፡ ሕሽም፡ ወከጆሌብ፡ አግል፡ ኢትትረኤ፡ ለሕጺት፡ ተሃደፈዋ፡ ምን፡ ገብአ፡ ምን፡ ሕጺያ፡ ወምን፡ ሐሙሃ፡ ወምን፡ ሐማታ፡ ወምን፡ ዐበይ፡ ሕት፡ ለሕ ጺይ፡ ወምን፡ ሐወ፡ ወምን፡ እብ፡ ሐ፡ ለበጸሐ፡ ወድ፡ አቡሀ፡ ከፍ፡ እት፡ ትብል፡ እንዶ፡ ደነት፡ ትትሐባዕ፡ ምኖም፡ ደኢኮን፡ ኢትቀርቦም። ወምን፡ ንኢሽ፡ ሕት፡ ለሕጺያ፡ ሀዬ፡ ምን፡ ትትሐባዕ፡ ሀታ፡ ሀዬበይ፡ ከም፡ ሀበታ፡ ትትቀላዕ፡ እላ።

፬፡ ሕጺይ፡ ሀዬ፡ እግል፡ ሐማቱ፡ ከጆላ፡ ከአት፡ ገበይ፡ ተሃደፈ ያ፡ ምን፡ ገብአ፡ ለወልጥ፡ ምና፡ ወእት፡ ቤታ፡ ኢአቲ። ሀታመ፡ እብ፡ እንክራ፡ ትትከወል፡ ምኑ።

፭፡ ሐመች፡ ወሐማታት፡ ሀዬ፡ እግል፡ ሕድ፡ ጠቅር። ከአና፡ እብ፡ ምዕል፡ ለሕጺ፡ ሐማት፡ ለሕጺን፡ እግል፡ ሐሙሃ፡ አከለት፡ ሕ ራብ፡ ተመጽእ፡ እቲ። ወሀቱ፡ ምስል፡ ጸሩ፡ ከም፡ በልዐያ፡ እት፡ ለጢ ሾ፡ ለአከለት፡ ቅርሽ፡ ከሬ፡ እላ።

፮፡ ሐጺ፡ ወሕጺት፡ ክልኢቶም፡ ሰብ፡ ዐድ፡ ገአው፡ ምን፡ ገብአ፡ ለአም፡ ለሕጺት፡ ሐቆ፡ ለሕጺ፡ ብዙሕ፡ እንደይ፡ ትከልእ፡ እት፡ ለእሉ፡ ሐዜት፡ ፍጉር፡ — አግል፡ በቃለት፡ ለሕጺይ፡ — ፍሬ፡ ለልትበሀል፡ ጨፎት፡ እት፡ ሐሙሃ፡ ትነድእ። ወሀቱ፡ እብ፡ ተራሀ፡ እት፡ ግራብ፡ ለፍሬ፡ ቅርሽ፡ እንዶ፡ ከረ፡ በልሶ፡ ኦታ። ወአለ፡ ሂበት፡ ለጨፎት፡ አግል፡ ሐቲ፡ ዶል፡ ሌጠ፡ ቱ፡ ለትትሀዩብ።

፯፡ ደአም፡ አሰር፡ አለ፡ ለሀዳይ፡ አስክ፡ ገብአ፡ ክል፡ ዓመት፡ እብ፡ ምዕል፡ ለበዓል፡ ምክኤል-ሐጋይ፡ ወእብ፡ ምዕል፡ ምክኤል- ቀይም፡ ማርቀ፡ ለትትበሀል፡ ሕበዘት፡ ትነድእ፡ እቲ። ወሐር፡ ለሐ

ጺ፡ እት፡ ክልአት፡ ለምንክብ፡ ወአት፡ ክልኤ፡ ለብርኩ፡ እንዶ፡ አብ ጸሐያ፡ ሰብራ፡ ወምስል፡ ጸዋ፡ ቤት፡ አቡሀ፡ በለግ። ወሐር፡ አቡ ሀ፡ ሀዬ፡ እብ፡ እንክሩ፡ ውስብ፡ ለማርቀ፡ እት፡ ልበልስ፡ ቅርሽ፡ ማ፡ ዕቤላ፡ እክል፡ ለገብአ፡ ሀዬብ፡ ከነድእ፡ አታ።

፰፡ ለሕጺን፡ እት፡ ዐድ፡ ገቢለት፡ ሐጺ፡ ምን፡ ገብአ፡ ከሐቲ፡ ዶል፡ ምስል፡ ጸሩ፡ እት፡ ለዐድ፡ ምን፡ ልትመዬ፡ ሐማቱ፡ እንዶ፡ ሰም ዐት፡ እከለት፡ ትነድእ፡ እቲ። ወሀቱ፡ ምስል፡ ጸሩ፡ ከም፡ በልዐያ፡ እት፡ ለጢሾ፡ ቅርሽ፡ እንዶ፡ ከረ፡ በልሳ።

፱፡ ከምሰልሀ፡ ሀዬ፡ አብ፡ ለሕጺን፡ እግል፡ አብ፡ ለወለት፡ ሕግዝ ቱ፡ ወንዮቲ፡ እት፡ ለረአያ፡ እብ፡ ድለ፡ ልትበላዕ፡ ወለልትሰቲ፡ ወ ለልትለበስ፡ ለተ፡ ጠቅር። ሐር፡ ከም፡ ስርዐት፡ ልማዶም፡ ወክድ፡ ለሀዳይ፡ አብ፡ ለወለት፡ እብ፡ ፈኩ፡ በልሶ።

፲፡ ሐመች፡ ወሐማታት፡ ሀዬ፡ ክል፡ ዶል፡ ሕድ፡ ሐሽሞ፡ ወከጆ ሎ፡ ወአስማይ፡ ሕድ፡ ዐጽፎ።

፯ ፡ ፈ ሬ ሮ ፡ ጺ ብ ፡ አ ሐ ፡ ስ መ ደ ፡ ስ ጋ ድ ፡ ወ ጺ ብ ፡ አ ሐ ፡ ጨ ሐ ፈ ት ።

፩፡ ሐቆ፡ ለሕጺ፡ ብዙሕ፡ ማ፡ ሐድ፡ ምን፡ ልደንገር፡ ማ፡ ምን፡ ልትቀደም፡ አብ፡ ለሕጺን፡ እግል፡ አብ፡ ለወለት፡ አሐ፡ ለስመይ፡ ለስ ጋዳ፡ እግል፡ ለሀብ፡ "ትፈረር፡ እቲ።" ልብሎ። ለሀዬ፡ ሀዬ፡ ምዕል፡ ባርሀት፡ በሀለት፡ ሐቲ፡ ሰምበት፡ [ዐባይ፡] ፍጉር፡ ከም፡ ዐለብ፡ ሐድ፡ ዐስር፡ ማ፡ ዐስር፡ ወሐምስ፡ እናብ፡ እንዶ፡ ገኤ፡ ልትፈረር፡ እቲ።

፪፡ አብ፡ ለሕጺን፡ እት፡ ቤቱ፡ ነብራ፡ ወስተይ፡ እንዶ፡ ወድ፡ ጸን ሐም፡ ወዶል፡ ዓረቆም፡ እግል፡ ሕራድ፡ ወአት፡ ማ፡ ዐጣል፡ ሀይበም።

፫፡ እብ፡ ፈጅራ፡ ምድር፡ ከም፡ ጸብሐ፡ እት፡ ሰላሳ፡ ዛክር፡ ምን፡ ገብአ፡ አት፡ ስጋድ፡ ለወለት፡ እግል፡ አቡሃ፡ ምስል፡ አለ፡ ወአት፡ ለድ ራሮም፡ ወወአት፡ ለመንድቅ፡ እብ፡ ስም፡ አሐ፡ ሰይፍ፡ አብሰብ፡ ፲፭፡ ወአት፡ ሀይብ። — ወዛክር፡ ምን፡ ኢገብአ፡ ምስል፡ ለበዳር፡ ለትነቀ መያ፡ ክልኤ፡ ወአት፡ ከም፡ እብ፡ ፍትሕ፡ ስመይ፡ ለስጋድ፡ ፲፩፡ ሌጠ፡ ሀይብ፡ ደአም፡ አብ፡ ለሕጺን፡ በዐል፡ ገቢለት፡ ምን፡ ገብአ፡ ስመይ፡ ስጋዳ፡ ፲፪፡ ወአት፡ ቱ።

፱፡ ወአት፡ ለመንድቅ፡ ምንመ፡ አት፡ ስመይ፡ ትትዐለብ፡ አብ፡ ለሕጻን፡ ኖሱ፡ ወክድ፡ ለሀዳይ፡ ልትፈረርባ። ወአብ፡ ለወለት፡ እግል፡ ለወአት፡ ለድራር፡ እንድ፡ ሐርድ፡ ምን፡ ኢበለግ፡ ምስሉ፡ ነሰኣ። ወ ሐር፡ ክም፡ ቀልብ፡ ለስዕ፡ ማ፡ ዐስር፡ ወአት፡ ገሌሀን፡ እብ፡ ስም፡ አብዕብ፡ ማ፡ እብ፡ ስም፡ ዐቢ፡ ለቤት፡ አብ፡ ሐይይ፡ ወማይት፡ እብ፡ ለበብስ፡ አት፡ ለሀይብ፡ እግል፡ ለአብ፡ ለሕጻን፡ በልሰን፡ ወገሌሀን፡ ዕ ዳዩ፡ እግል፡ ለቅልል፡ አንድ፡ ቤለ፡ አት፡ አፍተሐት፡ ኅ፡ አሊ፡ አብ፡ ለሕጻን፡ ሐድገን፡ ለተርፈት፡ ምክ፡ ሐድ፡ ፪፡ ማ፡ ሮ፡ እብ፡ ረአሳ፡ ምክ፡ እብ፡ ሙት፡ አት፡ ክል፡ ወአት፡ ፩፡ ማ፡ ፱፡ ቅርሽ፡ እንድ፡ ትከበተ፡ ዐዳ፡ አቲባ።

፳፡ ሐቆሃ፡ አብ፡ ለወለት፡ ቀደም፡ ለሀዳይ፡ ዕዳዩ፡ እግል፡ ለቅልል፡ ወባህ፡ እግል፡ ለብል፡ አንድ፡ ቤለ፡ እብ፡ ተርሀ፡ እግል፡ ለአብ፡ ለሕ ጻን፡ መትሎ፡ ሰልፍ፡ እግል፡ ለሀብ፡ ፡ፍጉርከ፡ እንድ፡ ዐለብከ፡ ትፈረር፡ እቲ። ልብሎ። ወአብ፡ ለሕጻን፡ እብ፡ ምዕል፡ ባርሀት፡ እንድ፡ ሰአለ፡ ልልእክ፡ እቲ። ወሐር፡ ምስል፡ ጸፋ፡ ልትፈረር፡ ከዶል፡ ምሴ፡ ዐይር፡ እቲ። አብ፡ ለወለት፡ እክል፡ ወሐሊብ፡ ለዳርሮም። ሐር፡ እብ፡ ፈጅራ፡ አብ፡ ለወለት፡ አት፡ ሰላሳ፡ ዝኩር፡ ምን፡ ገብእ፡ ምን፡ ለጨሐፈት፡ [ማ፡ አሐ፡ ለዝክራን፡] ዕስራ፡ ወሐቲ፡ ወአት፡ ወአት፡ ለበብስ፡ ዐስር፡ ወአት፡ ሀይብ፡ ምን፡ ለጨሐፈት፡ ለተርፈይ፡ ስዕ፡ ሐር፡ ወክድ፡ ለሀ ዳይ፡ ምስል፡ ለወለት፡ አትዩ፡ ገድም፡ አብ፡ ለሕጻን፡ አሐሀ፡ እንድ፡ ነስኣ፡ ዐዳ፡ ለቀብል።

፳፩፡ እብሊ፡ ዘበን፡ እሊ፡ ላተ፡ አሐ፡ ምን፡ ሐደት፡ ዝክራን፡ ወ ጨሐፈት፡ ታርፍ፡ ሀለ።

፳፪፡ ሕጺት፡ ሞተት፡ ምን፡ ገብእ፡ አብ፡ ለሐጺ፡ እብ፡ ብላይ፡ መ ግነዛ፡ ወወአት፡ ርጋዛ፡ አት፡ ቀብራ፡ እንድ፡ መጽአ፡ ሕለፍ፡ እግል፡ ልርከብ፡ ገብእ፡ እሊ፡ ወምን፡ ኢተሀሌ፡ ዐድ፡ ለሐጺ፡ አስክ፡ አርባዕ፡ ትውልድ፡ ወምን፡ ወኪንመ፡ ተወሊደት፡ ብዕደት፡ ወለት፡ ልትጸበር። እት፡ ሞት፡ ሕጺቱ፡ እግል፡ ለኢመጽአ፡ ላተ፡ እምበል፡ ስመይ፡ ለመ ድሐራት፡ ማል፡ ለለበብስ፡ ወለዝክራን፡ ወብዕድ፡ ኩሉ፡ እብ፡ ረአሱ፡ ሌጠ፡ እንድ፡ በልሰም፡ እቲ፡ ምን፡ ሞላድ፡ ተርፎ፡ ደኢኮን፡ ወለት፡

ሕለፍ፡ ኢሀይብ። — ደአም፡ ሐጺ፡ ምን፡ መይት፡ ማል፡ ለሕጺ፡ ኢ ጠለቀ፡ ምን፡ ገብእ፡ ሐሀ፡ ማ፡ እብ፡ ሞላድ፡ ለቀርብ፡ እግል፡ ለሕጺቱ፡ ወርስ።

8፡ ሕ ድ ጎ ፡ ሕ ጺ ።

፩፡ ሐቆ፡ ለመአኮት፡ አብ፡ ለሐጺ፡ ማ፡ ሀቲ፡ ኖሱ፡ እብ፡ ምስ ምሳ፡ ሕሚት፡ ግብርነት፡ ማ፡ በአስ፡ ማ፡ ቅብ፡ ሞላድ፡ ለመስል፡ ተዐ ሰ፡ ምን፡ ገብእ፡ አት፡ ሕጺ፡ ለአሉ፡ ሀብ፡ ማል፡ እንድ፡ ሐድገ፡ ለሕ ጺ፡ እግል፡ ልጠልቅ፡ ገብእ፡ እሉ።

፪፡ ወለት፡ ሕጺት፡ ላተ፡ ሀታ፡ ምን፡ ትገብእ፡ ማ፡ ሞልደታ፡ እብ፡ ክል፡ ገአት፡ ምስምስ፡ ጠለቆት፡ ሕጺ፡ አለቦም።

9፡ ዓ ደ ት ፡ ሰ ም ድ ።

፩፡ ለሕጺት፡ ፍንጌ፡ ዐስር፡ ወክልኢ፡ ወዐስር፡ ወሐምስ፡ ዓመት፡ እት፡ ሀሌት፡ ወለሕጺይ፡ ፍንጌ፡ ዐስር፡ ወስስ፡ ወዕስራ፡ ወሰለስ፡ ዓ መት፡ እት፡ እንቲ፡ አቡሀ፡ እግል፡ ልሀይ፡ እሉ፡ ክም፡ ሐዘ፡ ምስል፡ ገሌ፡ ሰብ፡ እት፡ ለሐሙሀ፡ እንድ፡ ጌሰ፡ ምዳይ፡ ሀበኒ፡ ልብሎ። ደአም፡ ሀዳይ፡ እንደይ፡ ሐዜ፡ ምን፡ ደንግር፡ ወለሕጺት፡ ምን፡ ትደንግል፡ አ ቡሃ፡ እግል፡ አብ፡ ለሕጻን፡ እት፡ ሀዳይ፡ ለሸፍን፡ እብ፡ ክል፡ ገአት፡ ገድም፡ አብ፡ ለሕጺት፡ ሀዳይ፡ እግል፡ ለሀብ፡ ሰኒ፡ ቤለ፡ ምን፡ ገብእ፡ ወክድም፡ ልትቃጻር። ክምክ፡ ክም፡ በዳር፡ ሐቲ፡ ሰምበት፡ ዐባይ፡ ሐፋ፡ ምክ፡ አዜ፡ ሀይ፡ ምን፡ መአምረት፡ ዐድ፡ እስላም፡ ፍንጌ፡ ቢ ደት፡ ወስርቀት፡ ሰምበት፡ ዐባይ፡ ለብአተን፡ አምዒላት፡ ለፍጉሮም፡ ለመርዳ። ገድም፡ ለወክድ፡ ክእፍ፡ ክም፡ ተአመረት፡ ወምዕል፡ ለሀ ዳይ፡ ክም፡ ትበተከት፡ ክል፡ ምኖም፡ እግል፡ ለሀዳይ፡ ልዳሌ።

፪፡ ገድም፡ እግል፡ ሰምበት፡ ለፍጉር፡ ለትቀድም፡ ከሚሽ፡ እግል፡ ለመርዳዊ፡ ወእግል፡ ለመርዳት፡ ለሰሙዶም። ደአም፡ ፍጉር፡ ደንገር፡ ምን፡ ገብእ፡ እብ፡ ሰምበት፡ ንኢሽ፡ ለሰሙዶም።

፫፡ ከዶል፡ ጽብሕ፡ ምድር፡ ማዘይ፡ እንድ፡ መጽአ፡ ቀደም፡ ንቅመት፡ ሰራይር፡ እግል፡ ለሕጺይ፡ ሰይፍ፡ አብዕብ፡ ወክርባድ፡ ለጸ



ብጦ፡ ወእት፡ ቤታ፡ ለትመዖ፡ ሔማ፡ ሰሚታት፡ ወሽካል፡ እግል፡ ስጋ  
 ዱ፡ ወለእቡ፡ ሰምድ፡ ብላይ፡ ወትከት፡ እግል፡ እዴ፡ ማጉ፡ እንዶ፡  
 አምጸአት፡ እሉ፡ ሰምድ። ክእና፡ ሳምድ፡ እት፡ እንቱ፡ ምስል፡ መሳ  
 ኒቱ፡ ወአግዳ፡ ምስል፡ ለምን፡ በዲር፡ ሐረዬ፡ ማዘዩ፡ እት፡ ምዕጥን፡  
 ወርድ፡ ወልትሐጸብ፡ ከለማዘዩ፡ እት፡ አጫብዕ፡ እዴ፡ ገለቡ፡ ቀጠፍ፡  
 ዕላም፡ ወዴ፡ እቱ፡ ወዕንታቱ፡ ልክሕል፡ ወጭገሩ፡ በርብር፡ ከልትመ  
 ሸጥ። ወሐር፡ ለመርዓዊ፡ እት፡ ምዕል፡ ሐቴ፡ ዶል፡ እት፡ ልትሐጸብ፡  
 ምን፡ ወራት፡ ዳር፡ እንዶ፡ ትገሰ፡ ልውዕል።

፩፡ ለመርዓት፡ ሆይ፡ እብ፡ ለላሊ፡ ለሀ፡ እት፡ ቤት፡ ሔማ፡ እንዶ፡  
 ትመዖት፡ እብ፡ ራድራ፡ ቀደም፡ ጨው-ጨው፡ ለሰራይር፡ ትቀንጽ፡  
 ከእብ፡ ሽመት፡ ለመድሐራት፡ ትሰምድ፡ ወሐድ፡ ምርካባ፡ ትትሰርጌ።  
 ወክእና፡ ሳምደት፡ እት፡ እንተ፡ ምስል፡ ለበዲር፡ ሐራታ፡ መስንዩታ፡  
 ወብዕዳት ስናታ፡ ሰለስ፡ ምዕል፡ ደርብ፡ ሕድ፡ ምዕጥን፡ ትወርድ፡ ከትት  
 ሐጸብ። እት፡ ተቀብል፡ ለመሳኒታ፡ እት፡ ሰር፡ ገበይ፡ እንዶ፡ ትገሰያባ፡  
 ሐምዳሃ፡ ልውዕላ። ወዶል፡ ለቀዳሚት፡ ውርደታ፡ መስንዩታ፡ እት፡ አ  
 ጫብዕ፡ እዴ፡ ገለባ፡ ዕላም ትወዴ፡ እታ። አብለን፡ አምዒላት፡ ሆይ፡  
 ምስል፡ መስንዩታ፡ እት፡ ዐድ፡ እት፡ ትደውር፡ ትደሐር፡ ወትትጸናበል።  
 ወእት፡ ትትጸናበል፡ እዴ፡ እንዶ፡ ነስአት፡ "ደሐረኒ።" ትብል። ወክል፡  
 ዎር፡ እብሊ፡ መስል፡ ቃል፡ ልድሕር፡ "ሆዳይኪ፡ በኪት፡ ልግባእ፡ እልኪ፡  
 ረቢ፡ ተርፍ፡ ወንዋይ፡ ወጽጋብ፡ ወእክል፡ ወእግል፡ ለሀበኪ፡ ዕምርኪ፡  
 ልጠወል፡ ወገድኪ፡ ልብዛሕ፡ ተርፍኪ፡ እት፡ ምድር፡ ልትረፍ፡ ወ  
 ቤትኪ፡ መራት፡ ትግባእ፡ ከተሐጠኪ፡ ወስከኪ፡ እታ፡ ወቀሰኒ።"

፪፡ እት፡ ረአስ፡ እሊ፡ አዋልድ፡ ለዐድ፡ ሆይ፡ ምን፡ አምዕል፡ ለ  
 ሰምድ፡ አስክ፡ ለመርዓት፡ ትትረፋዕ፡ ከትገይስ፡ ምዕል፡ ወላሊ፡ እብ  
 እዋን፡ እዋነን፡ ከበር፡ ዘብጣ፡ ወጎልያ፡ ወልተልሀያ፡ መንደሊታት፡  
 ወአባጽሕትመ፡ ሆይ፡ ላሊ-ላሊ፡ እት፡ ለጎይላ፡ ምስለን፡ ልትሐበር፡  
 ወእብ፡ ሕላይ፡ እግል፡ ዐድ፡ አበይታ፡ — እግል፡ ሰብ፡ ለዐል፡ ወሰብ፡ ተ  
 ሐት፡ — ምስል፡ ሐምዶ። — እት፡ ዐድ፡ ለመርዓዊ፡ ላተ፡ እት፡ ለ  
 ጎይላ፡ ላሊ-ላሊ፡ ሌጠ፡ እግል፡ ለአበይቱ፡ — እግል፡ ሰብ፡ ለዐል፡  
 ወሰብ፡ ተሐት፡ — ሐምዶ። — ለሐጽያም፡ ላተ፡ ምን፡ አምዕል፡ ለ  
 ስምደቶም፡ መርዓዊ፡ ወመርዓት፡ እንዶ፡ ትበሀለው፡ ከከብ፡ ዐቢ፡ እግል፡

ኢልቅተሎም፡ ላሊ፡ እት፡ ከዋክብ፡ ኢራግር። እብ፡ ለአምዒላት፡ ሆይ፡  
 መራይር፡ ፍጋር፡ እንዶ፡ ሰተው፡ ሐድ፡ ሌጠ፡ በሉዕ።

፫፡ እብ፡ ለወለት፡ ሆይ፡ እግል፡ ልዳሌ፡ እት፡ እብ፡ ለሕጻን፡ እን  
 ዶ፡ ለአክ፡ ዐውል፡ ዐስር፡ ማ፡ ዐስር፡ ወክልአት፡ ቅርሽ፡ ለገብእ፡ ቀር  
 በት፡ መዐር፡ እግል፡ ልንዳእ፡ ዲቡ፡ ልብሎ። ወእሊ፡ ክም፡ መጽአዩ፡  
 ልዳሌ፡ ድላለቱ፡ ለነድቅ፡ ወአቱ፡ አስር፡ ሚሱ፡ ዘዝሕ፡ ስልቅሀ፡ ነጥፍ፡  
 ወነበራቱ፡ ለበሽል፡ ከእግል፡ ለመጽእ፡ ሰብ፡ ሆዳይ፡ ዱሉይ፡ ጸንሐም።

፬፡ እም፡ ለመርዓት፡ ሆይ፡ እት፡ ለሰማን፡ ቅርሽ፡ ለመድሐራት፡  
 ሐድ፡ ሐሊታ፡ እንዶ፡ ወሰከት፡ ወእግል፡ ሆዳይ፡ ለወለታ፡ አግርበት፡ ለ  
 መርዓት፡ እንዶ፡ አዳሌት፡ ትጸንሕ። ወእሊ፡ አግርበት፡ ነይ፡ ገኖ፡ ወ  
 ነይ፡ ትክዐሌ፡ ወነይ፡ ዕጨይ፡ ቱ፡ ክምስል፡ አነጥዕት፡ ሐበሲ፡ ወመ  
 ሳውድ፡ ወአንሐር፡ አግፋል፡ ወዐሻይን፡ መአስ፡ ጸፍር፡ ወመቃልዕ፡  
 ጥቀሐት፡ ለልቡሎ፡ እክል፡ እት፡ ዐሺነት፡ መተርአሲት፡ ነይ፡ ገኖ፡ መ  
 ተርአስ፡ ዕጨይ፡ እግል፡ ለመርዓዊ፡ ወአት፡ ረአስ፡ እሊ፡ ሕረብ፡ መ  
 ዐፈዶት፡ ምዕሽር፡ ወገባተት፡ ሚለል፡ ዐኬተት፡ ሕላብ፡ እብ፡ ቅሎ፡  
 ልትሞሀ፡ ወእብ፡ መዐሩ፡ ድቡእ፡ ቀድሐት፡ ድብእት፡ ከቤተት፡ መጽ  
 መሚት፡ ወወለት፡ መጽመሚት፡ ሸባተት፡ ሆይ፡ መለደድ፡ ወመሳቅል፡  
 ወዘማይም፡ ለመስል።

10: እት፡ ዐድ፡ መርዓት፡ ለትገብእ፡ ሰርዐት፡ ሆዳይ።

፩፡ ገድም፡ ወክድ፡ ለሆዳይ፡ ክም፡ በጽሐት፡ እብ፡ ለመርዓዊ፡  
 — ወሀቱ፡ ሞተ፡ ምን፡ ገብእ፡ ለመርዓዊ፡ ኖሱ፡ — እግል፡ በቃለት፡  
 ለመርዓዊ፡ ስልቃ፡ እንዶ፡ አጠምጠመ፡ ወክል፡ ዎርት፡ ጽዋሩ፡ እን  
 ዶ፡ ነስአ፡ ወኖሱ፡ ንጋረት፡ ምን፡ ረክብ፡ እላ፡ ወዋጦት፡ ወወሻይ፡  
 እንዶ፡ ነስአ፡ ምስል፡ ሰብ፡ ሆዳይ፡ ወለመሳኒት፡ ሰምበት፡ ንኢሽ፡ ክም፡  
 ዐይር፡ እት፡ ሆዳይ፡ ዐድ፡ ገቢለት፡ ልትፈረር።

፪፡ ገበይ፡ ራመቶም፡ ምን፡ ገብእ፡ እት፡ ዎርት፡ ዐድ፡ እት፡ ለ  
 በርጅ፡ ወሆይራ፡ እት፡ ልወዱ፡ መጽእ፡ ወእት፡ በዐል፡ መራነት፡ ማ፡  
 እት፡ ዎርት፡ ሞላደም፡ አቱ፡ ከእንዶ፡ ደረረው፡ ልትመዖው።

፫፡ ሐር፡ ሰብ፡ ለሆዳይ፡ እት፡ ዐድ፡ ለመርዓት፡ ክም፡ ቀርብው፡ ንጋ  
 ረት፡ ምን፡ ረክቦ፡ ዘጠጦ፡ ወእት፡ ለዐድ፡ ክም፡ ሐወጸው፡ ሰብ፡ ለ

ዐድ፡ ፈግሮ፡ ወእንደ፡ ሸፈው፡ ጸንሕዎም። አዋልድ፡ ከበሮ፡ ዘብጣ፡ ወጎልዳ፡ አንስ፡ ለዐልላ፡ ወዐድ፡ ለወለት፡ ንጋረት፡ ምን፡ ረክብ፡ እላ፡ ዘብጥ። ወሰብ፡ ለሀዳይ፡ ገሌሆም፡ እት፡ ልበርጅ፡ ወገሌሆም፡ እብ፡ ርፍዐት፡ ወእብ፡ ኪረት፡ ሆይራ፡ እት፡ ልወዳ፡ መጸ-እ።

፬፡ ወነሐር፡ ለመሐበር፡ ግሱዳ፡ ክም፡ ሸአገው፡ በጥሮ፡ ከለመ በርጅቱ፡ እብ፡ ተርተራ፡ በርጅ፡ ወለተርፈው፡ ሆይራሆም፡ ወዳ። ገሌ፡ ክም፡ ከልአው፡ ምሮት፡ በዐል፡ ዐድ፡ እንደ፡ ቀንጸ፤ ሚሮ፡ ዒሮ። ልብሎም። ወሀቶም፡ ሆዬ፡ እብ፡ በርጅ፡ ወሆይራ፡ እት፡ ለድላለት፡ ጠርቆ፡ ወእታ፡ ክም፡ በጽሐው፡ እት፡ ልገይሶ፡ ወ፤ ሆ፡ ማርያም። እት፡ ልብሎ፡ ሰለስ፡ ዶል፡ ከሉላ። ከለመርዓዊ፡ ምስል፡ ገሌ፡ መሳኒ ቱ፡ እት፡ ቀበታ፡ አቴ፡ ወለብዕድ፡ ሀዳይ፡ እት፡ አፌታ፡ እት፡ ዐራታት፡ ወእት፡ ነጸጽ፡ ልትጋሌ። እባ-እባ፡ ሰብ፡ ለዐድ፡ ምስል፡ አብ፡ ለወ ለት፡ ጠርቆ፡ እቶም፡ ወ፤ "አሰናይ፡ ደሐን፡ መጽአኩም።" ልብሎም። ወሀቶም፡ እብ፡ እንክርም፤ "አሰናይ፡ ደሐን፡ ጸንሐኩም።" ልብሎም።

፭፡ ሐቆ፡ አሊ፡ መትሰላላም፡ እግል፡ ለገሻ፡ መገዲት፡ ካሩ፡ እሎም፡ ወተነብክ፡ ወቡን፡ መጥምም፡ ወሰለቂት፡ ወነበሪት፡ ለመጸ-እ፡ እቶም፡ ወለኖሶም፡ አምጸአዋ፡ ወአት፡ እንደ፡ አሸአገው፤ ምሐት፡ ድራርኩም፡ ሕረዶ። ልብሎም። ወክእና፡ እት፡ ልብሎ፡ ወእት፡ ልሰ ቱ፡ ክም፡ አምሰው፡ "ዐቢኩም፡ ለቱ፡ እት፡ ሚስ፡ ልአቴ።" ልብሎም። ክም፡ አተው፡ "ስተው።" ልብሎም። ሀቶም፡ ሆዬ፤ "ዐባዬ፡ ለዐድ፡ ኢትላኬኩም፡ ምን፡ ገብእ፡ ኢእንሰቴ።" ልብሎም። ገድም፡ ለሰብ፡ ለ ዐድ፡ እግል፡ ምሮት፡ መንደለይ፤ "ቀልቦም፡ እግል፡ ልስከብ፡ ተላከ ምም፡ እቶም።" ልብሎም። ወለዐባዬ፡ ለዐድ፡ ክም፡ አተው፤ "ገድም፡ አዳም፡ አተ፡ ጅቀፍ፡ ከአዳር።" ልትበሀል። ሐቆ፡ አሊ፡ ምስል፡ ሰቱ፡ ወልትገጅኩ፡ ወዋጦቶም፡ አብ፡ ወቤት፡ አብ፡ ለመርዓት፡ እት፡ ተሐ ምድ፡ ትትመዬ። አባጽሕት፡ ለሀዳይመ፡ እብ፡ እንክርም፡ እት፡ ጎይላ፡ ለዐድ፡ እንደ፡ ተሐከበው፡ ቤት፡ አብ፡ ለመርዓት፡ እት፡ ለሐምዶ፡ ልትመየው። — እንስ፡ ለዐድ፡ ሆዬ፡ እት፡ ቤት፡ እም፡ ለመርዓት፡ እንደ፡ ተአከበዳ፡ ሰብ፡ ለዐል፡ ወሰብ፡ ተሐት፡ ለቤት፡ አብ፡ ለመር ዓት፡ እት፡ ለሐምዳ፡ ወእግል፡ ለመርዓዊ፡ ወእግል፡ ለቀሩብ፡ እት፡ ልገንግራሆም፡ ልትመየዳ። ክእና፡ እብ፡ ጎይላ፡ ላሊሆም፡ ካፍሎ፡ ወምድር፡ ጸብሕ፡ እቶም።

፮፡ ምድር፡ ክም፡ ጸብሕ፡ ሀዳይ፡ ወሰብ፡ ዐድ፡ ገጽ-ሕድ፡ ልትጋ ሰው። ገድም፡ አብ፡ ለወለት፡ እግል፡ አብ፡ ለሕጻን፡ "ማልክ፡ እግል፡ ገክራን፡ ልግባእ፡ ማ፡ እግል፡ ብዕደት፡ ለእላ፡ ሃይብ፡ እንተ፡ ዐልብ።" ልብሎም። ደአም፡ ሀቱ፡ አምኑ፡ ምን፡ ገብእ፡ "አና፡ ኢዐልብ።" ልብሎም። ምሮት፡ በዐል፡ ምግብ፡ ሆዬ፡ "ተግለብ፡ ሀታ፡ ተሐይስ፡ ወ ትለጽሕ፡ እትኩም።" ልብሎም። አብ፡ ለመርዓዊ፡ ላተ፡ "አቤክ፡ ኢ ዐልብ፡ እንተ፡ ለአመርከሃ፡ እዬ፡ ተ፡ ነዬ።" እት፡ ልብሎ፡ በልስ። "ገ ድም፡ እለ፡ ትውዕሎ፡ ሚ፡ ቡ፡ ለእላ፡ ተአምር፡ ሀብ።" ልብሎም። ሰብ፡ ለምግብ፡ — ደአም፡ አብ፡ ለሕጻን፡ ምን፡ ኢአምኖ፡ ለእላ፡ አልበሰ፡ ወለእላ፡ ጠቀረ፡ ዐልብ።

፯፡ ገድም፡ አብ፡ ለወለት፡ እግል፡ አብ፡ ለሕጻን፡ እት፡ አሐ፡ ቀንጽቡ። ወምስሎም፡ ሰብ፡ ሀዳይ፡ ወሰብ፡ ዐድ፡ እግል፡ ልዕፈው፡ ክም፡ ደልደላ፡ በጥሮ። ገድም፡ አብ፡ ለወለት፡ እግል፡ አብ፡ ለሕጻን፡ "አሐ ባእ፡ እታ፡ ሺሽ፡ በል፡ ምና።" ልብሎም። ከአብ፡ ለሕጻን፡ አብ፡ ሀርመት፡ ምን፡ ዐድ፡ ለአምጸአዋ፡ ትክዐሌተት፡ ነይ፡ ምሮት፡ በዐል፡ ለሀዳይ፡ ለብይአት፡ ክም፡ ነስአ፡ አብ፡ ለወለት፡ እብ፡ እደ፡ ኖሱ፡ ዐስር፡ ዘብጥ፡ እቱ፡ ከሀይቦ። ምን፡ እለን፡ ፲፩፡ ወአት፡ ፰፡ ወለብይአት፡ ምን፡ ለ ጨሐፈት፡ ለተርፈዬ፡ ተን፡ ወለ ፪፡ እብ፡ ስን፡ ኖሱ፡ ወስከን። ገድም፡ አብ፡ ለወለት፡ ሰልፍ፡ እግል፡ ዋጦት፡ ለለብስ፡ ሐር፡ አብ፡ ለሕጻን፡ ንጋረት፡ ምን፡ ረክብ፡ ንጋረቱ፡ ለለብስ፡ ወእግል፡ ወድ፡ ሸማገለይ፡ ሴጠ፡ ለልትደርደራ፡ ወእት፡ ሀዳይ፡ ለልትፈረራ፡ አማት፡ ለለብስ፡ ወ ሐም፡ ወሐማት፡ ወመርዓዊ፡ ለለብስ፡ ወክንቴባይ፡ መስል፡ እት፡ ለሀ ዳይ፡ ምን፡ ጸንሕ፡ ለለብስ፡ ወኩሎ፡ ለብዕድ፡ ሀዳይ፡ እብ፡ ፈራዕ-ፈ ራዕ፡ ማ፡ እብ፡ ጅምላ፡ ለለብስ፡ ወእት፡ ክል፡ ልባስ፡ ለሀይቦ፡ ፍሊት፡ ማ፡ ፩፡ ማ፡ ፪፡ ቅርሽ፡ ቱ። እምበል፡ ልባስ፡ ለዋጦት፡ ኩሎ፡ እሊ፡ ለለብስ፡ እግል፡ አብ፡ ለመርዓዊ፡ ልትሀየብ። — ሐቆሃ፡ እግል፡ ወለቱ፡ ምን፡ ልርሕም፡ አብሃ፡ ምን፡ ቤት፡ አብ፡ ለሕጻን፡ እግል፡ ለለአምኖ፡ ወለዐቅብ፡ እላ፡ እንደ፡ አውሐሰ፡ ፩፡ ማ፡ ፪፡ ወአት፡ እግል፡ ብሕ ታሃ፡ ወብሕታ፡ ውላዳ፡ ሀይባ።

፰፡ ገድም፡ ሰብ፡ ለዐድ፡ "ዕዳይኩም፡ ሐቆ፡ ትፈዴኩም፡ ወማል ኩም፡ ተሌኩም፡ ምንድቅኩም፡ ሕረዶ፡ ወመርዓትኩም፡ ርፋዕ።" ል

ቡሎም። ወምን፡ ለሀዳይ፡ ሰብ፡ እንደ፡ ቀንጸው፡ እት፡ አፌት፡ እም፡ ለመርዓት፡ ቀደም፡ ዜነይ፡ እት፡ ለቆደያ፡ ወሐር፡ ለመስንዩት፡ እት፡ ለሐፍረታ፡ ሕፍረት፡ ለእሉ፡ አምጸአው፡ ምንድቅ፡ ሐርዶ።

፱፡ ከለመሳኒት፡ እት፡ ረአስ፡ እለ፡ ሕፍረት፡ እለ፡ ለምንድቅ፡ ክም፡ ሐርደው፡ ምድቶም፡ ክትፈት፡ ግርጉማ፡ መስል፡ እንደ፡ ነስአ፡ ምኑ፡ ሕርበት፡ ለአፌት፡ ቀልዕ፡ ከእት፡ ቤት፡ እም፡ ለመርዓት፡ እት፡ ለተአከበያ፡ አንስ፡ ለክፋ። ደአም፡ ሀተን፡ እግል፡ ኢልትመንከላ፡ ልትገላበባ፡ ምና።

፲፡ ወለምንድቅ፡ ደሙ፡ ወከቦሱ፡ ወዳጽሙ፡ እት፡ ለሕፍረት፡ ልደ ፈን። ወስጋ፡ ለምንድቅ፡ ዜነይ፡ ተድዕ፡ ወዋጠይ፡ እደ፡ ወረአስ፡ እንደ፡ ነስአው፡ ምኑ፡ ለመስንዩት፡ ወለእም፡ ሰር-ሰረን፡ ነሰአ። ወእ ሊ፡ ምንድቅ፡ ለመርዓት፡ ወለመርዓዊ፡ ምን፡ ክል፡ እኪት፡ ነጃ፡ እግል፡ ልግቡእ፡ ወሰኔት፡ ወመስኩበት፡ እግል፡ ትሕደር፡ እቶም፡ ክም፡ ሰደ ቀት፡ ቱ።

፲፩፡ ሐቆ፡ ለምንድቅ፡ ተሐረደ፡ ለሀዳይ፡ እት፡ ድላለቱ፡ ልትገ ሴ፡ ወቤት፡ አብ፡ ለወለት፡ እት፡ አፌት፡ እማ፡ ትትገቤ። ወወድ፡ ሔማ፡ ክም፡ ትላከው፡ መርዓት፡ እንደ፡ ለብሰቶ፡ ለትትረፋዕቡ፡ በለሊት፡ እት፡ ነጥዕ፡ ጠብሎሎ፡ እሉ። ወሀቱ፡ እንደይ፡ ልትወለብ፡ ሰለስ፡ ዶል፡ ምን፡ ለቤት፡ አስክ፡ ለድላለት፡ ለትቀባብልቡ፡ ወእት፡ ክል፡ አትቀባበ ሎቱ፡ ለሀዳይ፡ ምን፡ ለድላለት፡ ወሰብ፡ ለዐድ፡ ምን፡ ለአፌት፡ ለእ ማ፡ እት፡ ልድሕር፡ ጠፋእ፡ እቱ።

፲፪፡ ግራ፡ እሊ፡ ምር፡ ሕጻን፡ ምን፡ ለቤት፡ ለሐማት፡ እከለት፡ መአኮት፡ ሒሳስ፡ ጽብሕት፡ እት፡ ለመርዓዊ፡ ለመጽእ። ሀቱ፡ እባ- እባ፡ ምስል፡ ለመሳኒት፡ ክም፡ ጠዐመያ፡ በልሳ፡ ደአም፡ እት፡ ቤት፡ እንደይ፡ ተቀብል፡ ምን፡ ለራፍዐያ፡ ውላድ፡ ልትጋለያ፡ ከበለዓ።

፲፫፡ እብሊ፡ ወክድ፡ እለ፡ አንስ፡ እግል፡ ለመርዓት፡ እት፡ ረአስ፡ ለምን፡ ሰብ፡ ለሀዳይ፡ ነስአም፡ ልጋም፡ እንደ፡ አትገሰያሃ፡ ዐሸል፡ ልክ ዕያ፡ እታ፡ ወበዲር፡ እብ፡ አትቀባባል፡ ለሕጻን፡ ለጠፍአው፡ እቱ፡ ለበ ብሳ፡ በሀለት፡ ቀሚሽ፡ ወመክረቢት፡ ወብላይ፡ ለለብሳሃ፡ ወሐድ፡ ርካባ፡ ምን፡ ስምደት፡ ለትትሰርገዮ፡ ሰርጎ፡ ነይ፡ ደሀብ፡ ወወርቅ፡ ክም ሰፍ፤ ትከክ፡ ከማይም፡ ያቆቢታት፡ ዝማም፡ ሰነድግ፡ ፍከክ፡ ወእ ሻሃ፡ እብ፡ ክል፡ ሕብሩ፡ መራውድ፡ ወሐትሞታት፡ ለመስል፡ ሰርግ

ያሃ፡ ወግልብባሃ። — ሐር፡ ክም፡ ለብሰት፡ ዋልደታ፡ ወለቀሩባ፡ እንደ፡ ሸአገው፡ ልድሐራ።

፲፬፡ አዜ፡ ገድም፡ መሳኒት፡ ለመርዓዊ፡ መጽእ፡ ወለማዘይ፡ ለቱ፡ እት፡ ለቤት፡ እንደ፡ አተ፡ ለአንስ፡ እት፡ ልክልአሁተ፡ እብ፡ ሒለት፡ ለመርዓት፡ ረፍዕ፡ ምነን፡ ወእት፡ ድላለት፡ አቱባ፡ ደአም፡ እት፡ ልረ ፈዓ፡ ወድቀት፡ ምኑ፡ ምን፡ ገብእ፡ ላብድ፡ ምን፡ እለ፡ ወሐር፡ እግል፡ ኢትሕመም፡ እንደ፡ ቤለው፡ እት፡ ለእታ፡ ወድቀት፡ አካን፡ ትጸንሕ፡ ወእባ-እባ፡ ነዊድ፡ እንደ፡ አምጸአው፡ ሰለስ፡ ዶል፡ ለውልዎ፡ እላ፡ ከ ዲባ፡ ሐሩዶ። ገድም፡ ለማዘይ፡ እብ፡ ድግማን፡ ረፈዓ፡ ወእት፡ ቀደም፡ ለመርዓዊ፡ ማ፡ እት፡ ወኪሉ፡ እት፡ ድላለት፡ ከርያ።

፲፭፡ መርዓት፡ ምን፡ ቤት፡ እማ፡ ክም፡ ትረፈዐት፡ እሲት፡ እብ፡ ምዕ ሽር፡ ዝበድ፡ ምን፡ ለቤት፡ ደርባ፡ ትፈግር፡ ወእት፡ ለአፌታ፡ ግሰያም፡ እግል፡ ለሀለው፡ ሰብ፡ ቤት፡ ለመርዓት፡ እት፡ ግሰቶም፡ እንደ፡ ተማ ተመት፡ ምኑ፡ እት፡ ለቤት፡ ተአቱ።

፲፮፡ ሐር፡ ለማዘይ፡ ምስል፡ ለመሳኒት፡ እት፡ ቤት፡ እማ፡ ለቀ ብል። ወሀታ፡ እብ፡ ምርምርት፡ እንደ፡ ዐለበት፡ እሉ፡ እግል፡ ቤት፡ ለመርዓት፡ ለገብእ፡ አግርበት፡ ተሀይቦ። ወእሊ፡ ምስል፡ ለአቡሃ፡ ለ ለሀይቦ፡ ኩሉ፡ ክም፡ መትሎሃ፡ ልትዐለብ። ወእሊ፡ አግርበት፡ ለመ ርዓት፡ ለማዘይ፡ እብ፡ ዕልብ፡ እንደ፡ ትከበተዩ፡ ምስል፡ ለመሳኒት፡ እት፡ ሐበሲ፡ ለድዶ፡ ወልጽዕኖ።

፲፯፡ እብሊ፡ ወክድ፡ እለ፡ ለመርዓዊ፡ ማ፡ ወኪሉ፡ መድሐር፡ ዜ ነይ፡ ረምቅ፡ ወእሊ፡ ክም፡ ረክብ፡ ሐቁ፡ ሀይቦ።

፲፰፡ ለማዘይ፡ ወለመሳኒት፡ እንደ፡ ሳለመው፡ ወምን፡ ለድላለት፡ እግል፡ ለመርዓት፡ እንደ፡ ረፍዐው፡ እብ፡ ተርተራ፡ እት፡ ልጸወራ፡ እባ፡ ወእብ፡ መጽዐን፡ ለአግርበት፡ አስክ፡ ጎፍ፡ ከደን፡ ለዐድ፡ ልትሳ ፋሕ። ወክም፡ ትሳረሐው፡ ለማዘይ፡ እግል፡ ለመርዓት፡ እት፡ በቀል፡ ልጽዕኖ፡ ወእግል፡ ልጽብጣ፡ ልትገርበት፡ ምስላ፡ ከገጽ፡ ዐድ፡ ለመር ዓዊ፡ ልትበገሶ።

፲፱፡ መርዓት፡ ክም፡ ኔሰት፡ መርዓዊ፡ [ማ፡ ለእት፡ አካን፡] ምስል፡ ዐባይ፡ ለሀዳይ፡ እንደ፡ ተርፈ፡ እብ፡ ብጣሩ፡ ረአስ፡ እት፡ ለደንን፡ መድሐር፡ ቤት፡ እብ፡ ለሐሙሁ፡ ሐዜ፡ ወእባ-እባ፡ እግል፡ ክል፡ ም ሮት፡ እደሁ፡ እት፡ ለሀይብ፡ ልደሐር፡ ሐር፡ እብ፡ ለመርዓት፡ እግል፡ ለዐሬ፡ አጊድ፡ ቀንጽ፡ ምኖም።

፩፡ ወለመርዓት፡ እት፡ ትትረፋ፡ አዋልድ፡ ለዐድ፡ ሀዩ፡ እብ፡ ከበር፡ ወእብ፡ ጎይላ፡ ደርባ፡ ቀንጾ፡ ወ፤ "ሔለቶም፡ ሔለቶም፡ ሔለቶም፡ ሸንኮይ፡ መረርይ፡ ሰበዲነዩ፡ ሻኖይ፡ መዐርይ፡ ደሐን፡ ዐሊ፡ እዩ።" እት፡ ልብላ፡ ሳርሓ፡

፪፡ እግል፡ ለቅብላ፡ ዶል፡ ሐዝያ፡ እግል፡ ለማዘይ፡ "እግል፡ ን ሳለማ፡ ክረዋ፡ እልና።" ልብላ፡ ወክም፡ ክረዋ፡ እለን፡ ልስዕማሃ፡ ከ ለቀብላ፡ ወሰብ፡ ለሀዳይ፡ እብ፡ ለመርዓት፡ ገዘዮም፡ ጸብጦ።

፫፡ ገድም፡ ሐቆ፡ እለ፡ ለእም፡ ለመርዓት፡ ወለታ፡ እት፡ ቤታ፡ ስካብ፡ ወቆሳን፡ እግል፡ ትርኩብ፡ እንዶ፡ ትቤ፡ እግል፡ ገሌ፡ ዶል፡ መርዓት፡ እት፡ ለትረፈዐት፡ ምና፡ አካን፡ ፀርቀያ፡ ገሌ፡ ተግህም።

11፡ እት፡ ሀድ፡ መርዓዊ፡ ለትገብእ፡ ስርዐት፡ ሀዳይ።

፩፡ መርዓት፡ ለረፋ፡ ሰብ፡ ሀዳይ፡ ገበይ፡ ሬመቶም፡ ምን፡ ገብእ፡ እት፡ ዐድ፡ ደኢኮን፡ እት፡ ከደን፡ ኢልትመየውብ።

፪፡ ወሐር፡ ዐድ፡ ለመርዓዊ፡ ክም፡ ቀርበው፡ ምን፡ ለበቀል፡ መርዓቶም፡ እንዶ፡ ክረው፡ ገሌሆም፡ እት፡ ልረፍዕዋ፡ ወገሌሆም፡ እት፡ ልዘርጅ፡ እት፡ ቤት፡ ሔማ፡ ለአትዋ፡ ወሰብ፡ ለዐድ፡ እት፡ ለዐፋ፡ ወ አንስ፡ እት፡ ለዐልላ፡ ወአዋልድ፡ እት፡ ልጎልያ፡ ወከበር፡ እት፡ ልዘብጣ፡ ልትከቦቶም።

፫፡ ለመርዓዊ፡ ሀዩ፡ ምስል፡ ለሀዳይ፡ ምን፡ ጸንሕ፡ ማ፡ እት፡ ዐድመ፡ ልጸበር፡ ምን፡ ልውዕል፡ መጽእ፡ ወመርዓት፡ እት፡ ለአቲት፡ እታ፡ ቤት፡ ሀቲመ፡ ደርባ፡ አቲ። እታ፡ አንስ፡ እግል፡ ክልኢቶም፡ ሐሊብ፡ ለትባሽራሆም።

፬፡ ሐቆ፡ ገሌ፡ ለመሳኒት፡ እግል፡ ለመርዓት፡ እንዶ፡ ረፍዐዋ፡ አንስ፡ ሀዳይ፡ እት፡ ልጸበራ፡ በዲር፡ እት፡ ለነድቀያሃ፡ ቤት፡ ዲጣዮ፡ ለአትዋ፡ ደአም፡ ለመርዓት፡ መትሎ፡ አሐ፡ ምን፡ ትረክብ፡ እት፡ ለ ቤት፡ እንደይ፡ ለአትዋ፡ እት፡ ልረፍዕዋ፡ ምስል፡ ለአሐ፡ ሰለስ፡ ዶል፡ ለቤት፡ ከሎብ። — ሐቆሃ፡ ለመርዓዊ፡ ደርባ፡ ቀንጾ፡ ከእት፡ አፍ፡ ለ ቤት፡ ልትገሌ።

፭፡ እግል፡ ለመርዓት፡ ክም፡ አተዋ፡ ሀዩ፡ ሐቲ፡ እሲት፡ ደርባ፡ እንዶ፡ አቲት፡ ምን፡ ዐዳ፡ ለመጽአትብ፡ ሽመት፡ ጸዐዳ፡ ተለብሳ፡ ከለ ብላያ፡ እንዶ፡ ነስአት፡ ምና፡ እግል፡ ለመርዓዊ፡ ተሀይቦ። ለመርዓዊ፡

ሀዩ፡ እለ፡ ክም፡ መጽአዩ፡ ለመሳኒት፡ እግል፡ ልስመድብ፡ ምን፡ ሔማ፡ ለትወሐሰዩ፡ ብላይ፡ ቀንጥጦ፡ ምኑ፡ ከምስል፡ ለብላይ፡ ለመርዓት፡ ሕን፡ ወደዎ፡ እሉ፡ ወክእና፡ ልትዓጤ። ገድም፡ እግል፡ እለ፡ ጋሪት፡ ወድ፡ ጽምብል፡ ለልትበሀል፡ ወድ፡ ሔማ፡ እንዶ፡ ትላከው፡ ክምስል፡ ለመርዓዊ፡ ብራቁ፡ እንዶ፡ ገአ፡ ሐንቲሀ፡ ልትገሌ። ከቀሽ፡ እንዶ፡ መጽአ፡ እት፡ ለመጽመሚት፡ ለመርዓት፡ ማይ፡ መልእ፡ ወዐሸል፡ ወብቅል፡ ወሐሊብ፡ ወዴ፡ እቲ፡ ወገሎዳ፡ ጋራ፡ እንዶ፡ ሀበዎ፡ ምን፡ ግሰት፡ ለመርዓዊ፡ ጭገረት፡ ቀርጭ፡ ወእቲ፡ ከርያ፡ ከእትለ፡ ሐብር፤ "አቡ ነ፡ ዘበሰማያት።" ወለተልዮ፡ እንዶ፡ ቀርአ፡ እት፡ ለመርዓዊ፡ ልክዕዮ፡ ወልድሕር። ወሐር፡ እብ፡ ብላይ፡ ለመርዓት፡ ገልብቦ፡ ከ፤ "ትደሐር፡ ወትጸናበል።" ልብሎ። — ለመርዓዊ፡ እስሌመይ፡ ምን፡ ገብእ፡ ላተ፡ እለ፡ ስርዐት፡ ዲጣዮ፡ እብ፡ ገበይ፡ እስላም፡ ትገብእ። — ወወክድ፡ ለሰምድ፡ ለትወሐሰዩ፡ ብላይ፡ እት፡ በዐልቲ፡ በሎሶ፡ ወሐር፡ እብ፡ ለእለ፡ አልበሰዎ፡ ብላይ፡ ግልቡብ፡ እት፡ እንቲ፡ አስክ፡ ዐሰፋ፡ ከልእ።

፮፡ ገድም፡ ለመርዓዊ፡ እት፡ ምግሳዩ፡ እት፡ እንቲ፡ ቤት፡ አብሀ፡ ትቀንጽ፡ እሎ። ሀቲ፡ ሀዩ፡ እደያ፡ ነስእ፡ ወሀታ፡ እብ፡ ዎርዎሮት፡ ትድሕር፡ ወትጸናብሎ። ወለልድሕር፡ ክእና፡ ለመስል፡ ሂጋ፡ ልብላ፡ "እንሻላ፡ መርዓት፡ በኪተት፡ ትግባእ፡ እልክ፡ እብ፡ ጽምድ፡ በኪት፡ ትእቲክ፡ ውላድ፡ ተብዕን፡ ወእግል፡ አንሳት፡ ትግባእ፡ እልክ፡ እግል፡ ሕድ፡ ሐሲ፡ ወተርፍኩም፡ እት፡ ምድር፡ ልትረፍ፡ ዕምርኩም፡ ልጠወል፡ ወገድኩም፡ ልብዛሕ።"

፯፡ ወእት፡ ሰልፍ፡ ለልድሕር፡ ወለጸምብል፡ አብሀ፡ ቲ፡ ወሀቲ፡ ምሽርሕ፡ ሀይቦ፡ ወለምሽርሕ፡ ዎክ፡ ምን፡ ሐረቲ፡ ሺሽ፡ ለተብሎ፡ ዎክ፡ ብይአት፡ ለመትሎ፡ ሀይቦ። — ወሐቆሀ፡ ቤት፡ አብሀ፡ ክል፡ ዎር፡ ክም፡ ሐሊቲ፡ ምን፡ ቅርሽ፡ እት፡ ፍሊት፡ ወእት፡ ገርሀት፡ ጸምብሎ።

፰፡ ሐቆ፡ እለ፡ ለመርዓዊ፡ እት፡ ለቤት፡ እት፡ ለአቲ፡ ለማዘይ፡ ክልኤ፡ ለእዴሀ፡ እት፡ ስጋድ፡ ለመርዓት፡ እንዶ፡ ከረ፤ "ስጋዳ፡ ኪድ።" ልብሎ። ለመርዓዊ፡ ሀዩ፡ ስጋዳ፡ እት፡ ለሐዜ፡ እት፡ እደይ፡ ለማዘይ፡ ሰለስ፡ ዶል፡ እት፡ ልከይድ፡ ልትዳደያ፡ ወእት፡ ክል፡ ኪደቲ፡ ለማዘይ፡ ሀዩ፡ "ስጋዳ፡ ልትከም፡ ወስጋድክ፡ ልጽፋ።" ልብላ።



፱፡ ደአም፡ ሀዬ፡ መርዓት፡ ዐምሳት፡ እት፡ እንተ፡ ምን፡ ትትሀ  
ደ፡ ሐቆ፡ ለሀዳይ፡ ብእሳ፡ ዕምስናሃ፡ ክም፡ አመረ፡ ሽልቱት፡ ወሻል  
ማ፡ ሴጠ፡ እንደ፡ አልበሰዮ፡ ብራቃ፡ እግል፡ ልንደእ፡ ሐቆ፡ ቱ።

12፡ ግራ፡ ለሀዳይ፡ ለትገብእ፡ ዓደት፡ አርበዓ።

፩፡ ሐቆ፡ ለስርዐት፡ ሀዳይ፡ ለመርዓዊ፡ ስዕ፡ ምዕል፡ እት፡ ቤቱ፡  
ክልእ፡ ወምን፡ ቤት፡ አቡሀ፡ እግል፡ ለመሳኒቱ፡ ወእግል፡ ለወደ፡  
ጽምብል፡ ለበልዕ፡ ወለሰቱ። ሀቶም፡ ክል፡ ዶል፡ ምስሉ፡ ጸኑሕ፡  
ወእት፡ ልተልሀው፡ ልውዕሎ። ክእና፡ እብ፡ ተርተራ፡ ምርቶም፡ አስ  
ሮ፡ ወእት፡ አፈት፡ እመ፡ መስል፡ ከርዎ፡ ወእግል፡ መርዓዊ፡ ወ  
መርዓት፡ እንደ፡ ቤለው፡ ገሌ፡ ሀያብ፡ እንደይ፡ ረክቦ፡ ኢጠሉቁ።

፪፡ ሐቆ፡ ለሀዳይ፡ ሀዬ፡ ለቀዳም፡ ዐሱር፡ ክም፡ ተመ፡ እብ፡ ለ  
ዓስረይት፡ ምዕል፡ ገሌ፡ ምን፡ ለመሳኒት፡ እግል፡ ለመርዓት፡ ሐቆ፡  
እለ፡ አግዳ፡ ምሴ-ምሴ፡ ለትስሕኖ፡ ጸሮብ፡ ልትፈረሮ፡ ወገሌሆም፡  
ዋጠይ፡ ቀደሞም፡ እት፡ ለዐንድር፡ እብ፡ ለመርዓዊ፡ ምዕጥን፡ ለዐድ፡  
ወርዶ። ወለመርዓዊ፡ እት፡ ስምጥ፡ ለማይ፡ ክም፡ ትገሰ፡ ኖሱ፡ ግል  
ባቦሀ፡ ቀልዕ፡ ምኑ። ወሐር፡ እብ፡ ለመጽመሚት፡ ለመርዓት፡ ሰቡዕ፡  
ዶል፡ ሰቡዕ፡ ማይ፡ ልክዑ፡ እቱ። ክም፡ ተሐጸብ፡ እንደይ፡ ልትገል  
ብብ፡ ለብስ፡ ወሀቶም፡ አስእኑ፡ ጋሩ፡ እሉ፡ ወከሉሞ፡ ወሸሉክ፡ ወሓ  
ሱሶ። ሐቆሃ፡ ዋጠይ፡ እንደ፡ መርሐ፡ እት፡ ልዋጤ፡ ወመሳኒቱ፡ ሆይ  
ራ፡ እት፡ ልወዳ፡ ወእት፡ ልበርጅ፡ ፈግሮቡ።

፫፡ ለመርዓዊ፡ ምዕጥን፡ ዋርድ፡ እት፡ እንቱ፡ አንስ፡ ሔማታት፡  
ምስል፡ ዐርቀዮ፡ ቤቱ፡ እግል፡ ልንደቃ፡ ልትአከባ። ወእት፡ ልነድቃ፡  
ሀዬ፡ መርዓት፡ ምን፡ ለአምጸአቶ፡ እክል፡ ለጥቀሐት፡ ከልዕ፡ ልትመ  
ላእ፡ እለን፡ ከጨፍፍዮ፡ ወበለዓ፡ ወለዐልላ።

፬፡ ለመርዓዊ፡ ዐድ፡ ክም፡ ፈግረ፡ ክእና፡ እት፡ ለትነደቀት፡ እሉ፡  
ቤቱ፡ አቱ። እት፡ ጸሮብ፡ ለትፈረረው፡ መሳኒት፡ ሀዬ፡ ክም፡ አተው፡  
አብ፡ ለመርዓዊ፡ ማ፡ ቤት፡ አብሀ፡ እት፡ ክሎም፡ ገሺሽ፡ ወመዐለይ፡  
ለመጽእ። ወክም፡ ደረረው፡ ምን፡ ለመሳኒት፡ ክል፡ ምር፡ ሐድ፡ ደቅ  
ባቱ፡ እግል፡ ለመርዓዊ፡ እት፡ እሰራት፡ ቅርሽ፡ ማ፡ እክል፡ ሀይቦ።  
ወክል፡ ምኖም፤ "እብ፡ ምስንዮት፡ እገሌ፡ ፈገርከ" እት፡ ልብል፡  
ልትፋገሮ፡ ወዐድ-ዐዶም፡ ገይሶ። — ለማዘይ፡ ወለወድ፡ ጽምብል፡

ላተ፡ አዜመ፡ ምስል፡ ለመርዓዊ፡ ተርፎ፡ ወአሎም፡ ክልእት፡ አስክ፡  
አርበዓሀ፡ ለተምም፡ ምኑ፡ ኢልትፈንተው። ዶል፡ ፍግረት፡ ወኢ  
ተት፡ ተልዎ፡ ወምን፡ አምኔላት፡ ለዐሰር፡ እት፡ ለውሕዶ፡ ወዕልብ፡  
ለቅምብር፡ ለማይ፡ እት፡ ሰለሱ፡ ዶል፡ ሰቡዕ፡ አስክ፡ በጽሕ፡ እት፡ ለ  
ነቅሶ፡ አዜመ፡ አርበዕ፡ ዶል፡ ምስሉ፡ እት፡ ምዕጥን፡ ወርዶ።

፭፡ ወለአርበዓ፡ ምዕል፡ እንደይ፡ ተማ፡ ለማዘይ፡ እግል፡ ለመርዓዊ፡  
ብዙሕ፡ ለትትሀውለል፡ ወአት፡ ሕውዝ፡ ሐርድ፡ እሉ፡ እግል፡ አብሸ  
ሎታ፡ ላተ፡ በዲር፡ ዕጨይ፡ እንደ፡ አረ፡ እላ፡ ጸንሕ፡ ወእግል፡ ለ  
መስንዮት፡ ለስጋ፡ ገሺሽ፡ ወመዐለይ፡ ወዴ፡ እሎም። ገድም፡ ለመር  
ዓዊ፡ ምስል፡ መርዓቱ፡ ወአቱ፡ በልዕ፡ ወልጠቀር። ምና፡ ተ፡ ክላ፡ ኖ  
ሶም፡ ኢበልዕዋ፤ ከለመርዓት፡ ወለት፡ ዐድ፡ ምን፡ ትገብእ፡ ሰልፍ፡  
እግል፡ ዐድ፡ አቡሃ፡ ተድዕ፡ ልትሀዩብ፡ ምና፡ ወሐር፡ እግል፡ አብ፡ ለ  
መርዓዊ፡ ቀድሐት፡ ወእግል፡ እመ፡ ቀድሐት፡ ልትረፋዕ፡ ምና፡ ወ  
ቤት፡ አብሀመ፡ ትትፈቀድ፡ ምና፡ ወሐ፡ ዐቢ፡ ምን፡ ረክብ፡ እግሉ  
መ፡ ቀድሐት፡ ለረፍዕ፡ እሉ። ለማዘይ፡ ላተ፡ ምን፡ ለእላ፡ ሐርድ፡ ወ  
አት፡ ሴመ፡ ኢልጥዕም፡ ደአም፡ ለመርዓዊ፡ ምን፡ ረክብ፡ ጠሊት፡  
ሐርድ፡ እሉ።

፮፡ ሐቆ፡ እለ፡ ለመርዓዊ፡ አርበዓሀ፡ ክም፡ አትመመ፡ ሰይፋ፡  
ወክርባጁ፡ ወሸካሉ፡ ወሶሚታቱ፡ ወትከቱ፡ ከሬ፡ ከለማዘይ፡ ወለወድ፡  
ጽምብል፡ ገይሶ፡ ምኑ። ገድም፡ ለመርዓዊ፡ ቀደም፡ ሐሊብ፡ እግል፡  
ልስቱ፡ እት፡ ዐድ፡ አሐ፡ ዐይር፡ ወሐር፡ እት፡ ጸገም፡ ማሉ፡ ወዳሩ፡  
ገብእ።

፯፡ ለመርዓት፡ ሀዬ፡ ከደን፡ ለኢትፈግርበን፡ አርበዓሃ፡ ክም፡ ተ  
መያ፡ አንስ፡ እት፡ ረአሳ፡ ሕልቀት፡ ተክላ፡ እታ። ወለመርዓት፡ ወ  
ለት፡ ዐድ፡ ገአት፡ ምን፡ ገብእ፡ አንስ፡ ቤት፡ አቡሃ፡ — እማታ፡ —  
ክል፡ ምነን፡ ሐድ፡ ረክበታ፡ እክል፡ ማ፡ ሕበዘት፡ መስል፡ እንደ፡ ነስ  
አት፡ መጽላሃ፡ ወእግል፡ እለን፡ አንስ፡ ለአርበዓ፡ ስልቃ፡ ወነብራ፡  
ወዳ፡ እለን።

፰፡ አብሊ፡ ዘበን፡ ላተ፡ ከሉ፡ እሊ፡ ዓዶታት፡ እብ፡ ሐትሐቱ፡  
ኢተልዎ። ክእና፡ ገድም፡ አምኔላት፡ ለፍጉር፡ ሐደያ፡ ምን፡ ገብእ፡  
ለመርዓዊ፡ ቀደም፡ ለዐስር፡ ምዕልመ፡ ምን፡ ቤት፡ ዒጣዮሀ፡ ፈግሮ፡  
ወለማዘይ፡ ሀዬ፡ ለሕውዝ፡ ወአት፡ እሰራት፡ ምን፡ ኢረክብ፡ ጠሊት፡

ማ፡ ሀዬ፡ አርባዕ፡ ማ፡ ስስ፡ ቅርብ፡ ሌጠ፡ ሀይብ፡ ክምሰልሁ፡ እሊ፡ ለመበል፡ ለምኑ፡ አዝሞ፡ ብዕድ፡ መሐሊልመ፡ ሀለ።

፱፡ ለመርዓዊ፡ ገድም፡ ክም፡ በዲሩ፡ እግል፡ አቡሁ፡ ከድም፡ ወእት፡ ብርኩ፡ ጸንሕ። ወእሲቱ፡ እት፡ ቤት፡ እንዶ፡ ትገሴት፡ እንደይ፡ ትጥሕን፡ ወእንደይ፡ ተበሽል፡ ወእት፡ ወራት፡ ከደን፡ እንደይ፡ ትፈግር፡ ምስል፡ ብእሳ፡ ምን፡ እዴ፡ ሐማታ፡ ትትመወን። እብ፡ ክእና፡ ሐቆ፡ ለሀዳዮም፡ ንመት፡ ለደውሮ።

13፡ መበል፡ ሕጼሃ፡ ወሀዳያ።

፩፡ ማል፡ ሕጼ፡ መበል፡ ምን፡ ለነይ፡ ለወለት፡ ናቀሱ ቱ። ስመያ፡ ሰር፡ ቱ። ወዝክራን፡ ወልባስ፡ ወሰምድ፡ አለባ። — እት፡ ሀዳያ፡ ሐዳም፡ ሌጠ፡ ልትፈረሮ፡ ወበርጅ፡ ወጎይላ፡ ወዕንድር፡ አለባ፡ ድላለትመ፡ ኢነድቆ፡ ወምንድቆ፡ ኢልትሐረድ፡ እላ።

፪፡ አማታ፡ ወአበይታ፡ ክም፡ ደሐረዋ፡ ግሉብብት፡ እት፡ እንተ፡ ትትረፋዕ፡ ወእት፡ በቀል፡ ልጽዑና፡ ከአግርቦታ፡ ወበሸላታ፡ ወጥናባ፡ እንዶ፡ ጸዕነው፡ እላ፡ ገይሶባ። ወለመርዓዊ፡ እግል፡ መበል፡ ማዘይ፡ ወመሳኒት፡ ኢወዴ፡ ወእት፡ መንመ፡ ምኖም፡ ዐሸል፡ ኢልትከዲ።

፫፡ ደአም፡ ለመርዓዊ፡ ለመበል፡ ለተአቴቡ፡ በሸላት፡ እንዶ፡ እንጠፈ፡ ቤት፡ አቡሁ፡ ልትላኬ፡ ወስልታ፡ ለሰትያ፡ ወሀቶም፡ ክም፡ ሰተው፡ እግል፡ ክልኢቶም፡ ልድሕሮ፡ ከቤት-ቤቶም፡ ገይሶ። ወሐቆ፡ እሊ፡ ዓደት፡ ብዕደት፡ አለባም።

14፡ መፋረገት፡ አንስ።

፩፡ እናስ፡ ክም፡ ቀልቡ፡ አንስ፡ ምን፡ ለበዝሕ፡ ሐላል፡ እቱ፡ ቱ። ደአም፡ ወለት፡ እት፡ እንተ፡ ቀደም፡ እንዶ፡ ሐጸ፡ ለሀደይ፡ ሐማሁ፡ ገብእ፡ ደኢኮን፡ ምንመ፡ መበል፡ እት፡ ሰልፍ፡ ሃዳ፡ ጸንሕ፡ ሀታ፡ ሐማ፡ ኢትገብእ። ወቀደም፡ ማ፡ ሐቆ፡ ለሐማ፡ አዋልድ፡ ማ፡ መብላት፡ እት፡ እንተን፡ ለሀድሮን፡ አንስ፡ ክለን፡ አጽማር፡ ተን።

፪፡ ምና፡ ተ፡ ወለት፡ ምን፡ ሀዴ፡ ዓደት፡ ወለት፡ ወዴ፡ እላ፡ ወመበል፡ ምን፡ ሀዴ፡ ዓደት፡ መበል፡ ወዴ፡ እላ።

፫፡ ገድም፡ እት፡ ዐድ፡ መንሳዕ፡ ስርየት፡ ወዴ፡ አለቡ። ለእግል፡ ኩሉ፡ ግሱያት፡ ፈያቲብ፡ ማ፡ ቀሐይብ፡ ላተ፡ ሀለያ፡ ወሀተን፡ ለዘይድ፡ አማት፡ ተን።

15፡ ፍገራት፡ ወል፡ ሃዳ።

፩፡ ሐቆ፡ ለሀዳይ፡ ንመት፡ ክም፡ ሐልፈት፡ ለመርዓዊ፡ ምን፡ እክል፡ ለመሐረብ፡ መሰለብ፡ ረክብ። ወመሰለሱ፡ ክም፡ ነስኦ፡ ሐመሃ፡ ወሐማታ፡ እግል፡ እሲቱ፡ "እክልኪ፡ ጽብጢ፡ ወብእስኪ፡ መውኒ" ልቡላ። ወሀታ፡ ምን፡ ለዶል፡ ኖሳ፡ ቤታ፡ ትጸብጥ።

፪፡ ሐቆሃ፡ ለመርዓዊ፡ ምስል፡ አቡሁ፡ ወሐድ፡ ልክላኢ፡ ወብዙሕ፡ "ብርክዬ፡ አናግረኒ" ልብሎ። ወአቡሁ፡ ሐቆ፡ እንዶ፡ ሀበዬ፡ ብርኩ፡ ለፈግሮ፡ ወልድሕሮ። ወእት፡ ፍገራቱ፡ ገርሀት፡ እት፡ አውለት፡ ወገርሀት፡ እት፡ ቀላቀል፡ ጸብሐ፡ ወምን፡ እሕ፡ ወምን፡ አብዕረት፡ ሐድ፡ ርካቡ፡ ዐስር፡ ወአት፡ ወዎሮ፡ ብዕራይ፡ ማ፡ ስስራ፡ ወአት፡ ወክልአት፡ ብዕራይ፡ ሀይቡ፡ ሐቆሃ፡ ለወል፡ ወድ፡ ኖሱ፡ ገብእ።

፫፡ ወዎሮ፡ ማ፡ ክልአት፡ ሐል፡ ሐቆ፡ ለሀዳይ፡ ለመርዓት፡ ወለት፡ ዐድ፡ ምን፡ ትገብእ፡ እግል፡ ዐድ፡ አቡሃ፡ ቅልዖት፡ ትወዴ። ከስልታ፡ ወማሳ፡ ወነበሪታ፡ እንዶ፡ አዳሌት፡ ተትላክዮም። ወሀቶም፡ እንዶ፡ መጽአው፡ ክም፡ በልዐው፡ ወሰተው፡ ሰብ፡ ዐድ፡ ለመርዓዊ፡ "ደሐሮ፡ ወሀቡ" ልቡሎም። ከሀቶም፡ ልድሕሮ፡ ወበዐል፡ ፍሊት፡ ፍሊቱ፡ ሀይብ፡ ወበዐል፡ ቅርብ፡ ቅርብ፡ ሀይብ፡ ሐቆ፡ እሊ፡ ወለቶም፡ ልርኡ፡ ወዐዶም፡ ገይሶ።

፬፡ አብ፡ እግል፡ ክሎም፡ ለውላዳ፡ አብ፡ ነይ፡ ሀዳዮም፡ ወፍገራቶም፡ ሐቴ፡ ወድዮም። ከዶል፡ ሞቱ፡ ምን፡ ውላዳ፡ ገሌሆም፡ ሌጠ፡ ሃድያም፡ ምን፡ ጸኑሕ፡ ለተርፈው፡ ክም፡ ለሐምም፡ እግል፡ ልርከብ፡ ሐቆ፡ ቱ። — ወክሎም፡ ለውላድ፡ እንደይ፡ ሐጸ፡ ወሀዳ፡ አቡሆም፡ ምን፡ መይት፡ ወመቅርሕ፡ ወመትራዳይ፡ ሀዳይ፡ ምን፡ ኢረክቦ፡ ሰልፍ፡ ዳር፡ አቡሆም፡ ከፍሎ፡ ወሐር፡ ክል፡ ዎሮቶም፡ ምን፡ ገርዝሁ፡ ሐጼ፡ ወሀዴ።

16፡ ዓደት፡ እሲት፡ ሐራስ፡ ወዓደታት፡ ወሊዳ።

፩፡ እሲት፡ ዐምሳት፡ ቀደም፡ ዶላ፡ ውላዳ፡ እግል፡ ኢትንጻእ፡ እብ፡ ወክድ፡ ለሐምስ፡ ወርሐ፡ እንዶ፡ በድረው፡ እላ፡ ሐዳስ፡ ጨፍ፡ ዐት፡ ወእት፡ ሽንጉሊ፡ ለመጸእ፡ እላ፡ ወሀታ፡ ትጠምጥማ፡ ወገሮብ፡ ትትሻመታ። — ሀዬ፡ አንስ፡ እት፡ ቤታ፡ ክም፡ ተአከበደ፡ እሲት፡ ሐማ፡ ወድ፡ ንጉስ፡ ለልቡሎ፡ ማይ፡ ወስንፋኢ፡ እት፡ ቅምብር፡ እንዶ፡ መልእት፡ እግል፡ ለዐምሳት፡ እት፡ ዐርቀይ፡ ቤታ፡ ግሲት፡ እት፡ እንተ፡ ሰለስ፡ ዶል፡ እት፡ ድዋር፡ ለረክሳ፡ ትለውልዮ፡ እላ፡ ከእብ፡ ግርሃ፡ እት፡ ምድር፡ ትክዕዮ። — ወለወድ፡ ንጉስ፡ ክም፡ ትክዕ፡ ለእሲት፡ ሕጻን፡ እግል፡ ቲለድ፡ ለአንስ፡ ሰቡዕ፡ ዶል፡ ደርብ፡ ሕድ፡ ለዐልላ። — ወሐር፡ እት፡ ዐርቀይ፡ እንዶ፡ ዐርገዶ፡ ምሳ፡ እከለት፡ እብ፡ ሐሊብ፡ ወእብ፡ ሐሳስ፡ ጽብሕት፡ በለዓ። ደአም፡ እሊ፡ ክብር፡ እሊ፡ አብእስተን፡ እናስ፡ ለቀትለው፡ ሌጠ፡ ረክባሁ፡ ደኢኮን፡ ብዕዳት፡ ላተ፡ እት፡ ከድቤት፡ እንዶ፡ ትገሰዶ፡ እት፡ ለነጣ፡ ለእከለት፡ በለዓ።

፪፡ ሀዬ፡ ለዐምሳት፡ ደሐን፡ እግል፡ ትርከብ፡ ብእሳ፡ እብሊ፡ አውከድ፡ እሊ፡ አርዌ፡ ኢቀትል፡ ግናዘት፡ ኢቀብር፡ ወምን፡ ገበይ፡ ዶል፡ መጽእ፡ ለእሲት፡ እብ፡ ገሌ፡ እግል፡ ኢትትአደ፡ እት፡ ለመሐበር፡ ገሌ፡ እዋን፡ እንደይ፡ ልትገሌ፡ ቤቱ፡ ኢአቱ። — እብሊ፡ ዘበን፡ ሐር፡ ሀዬ፡ ምርምርት፡ አተምበሊት፡ ለትትበሀል፡ ሰደቀት፡ ጽኡር፡ ሐርድ፡ እላ።

፫፡ ሐር፡ ዶል፡ ወሊዳ፡ ክም፡ በጽሐት፡ አንስ፡ ልትአከባ፡ እታ። ሐቱ፡ መእምሪይት፡ ማ፡ እም-ሞልድ፡ ለዐልቀት፡ ትትከበት፡ ወሀተን፡ አግዳ፡ ለወሊዳ፡ ምን፡ ሰድድ፡ ዲባ፡ እት፡ ሰለስ፡ ለማርያም፡ መንሳዕ፡ በሀለት፡ ማርያም፡ ብሪሪ፡ ወማርያም፡ ደበረ-ሲና፡ ወማርያም፡ ጨወን፡ ልትመሀለላ፡ ወኖሳመ፡ ም፡ እምዬ፡ ማርያም፡ ትብል። ወለግርዝ፡ ሕጻን፡ ምን፡ ገብእ፡ ክለን፡ ለአንስ፡ ሰቡዕ፡ ዶል፡ ምስል፡ ለዐልላ፡ ደአም፡ ወለት፡ ምን፡ ትገብእ፡ አዝማ።

፬፡ ወድ፡ ተብዕት፡ እት፡ አስእን፡ አቡሁ፡ እንዶ፡ ተአተቤ፡ እጋል፡ ረክብ፡ ምኑ፡ ወለት፡ አንስ፡ ላተ፡ እት፡ አስእን፡ እማ፡ ትትአተብ፡ ወሴመ፡ ኢሀዩብ።

፭፡ ግናይ፡ እት፡ እንቱ፡ ለትወለድ፡ እብ፡ ዘበን፡ በዲር፡ ለሰንዖ፡ ዐለው።

፮፡ ለእም-ሞልድ፡ እት፡ እደይ፡ ወእት፡ ስጋድ፡ ወእት፡ ብሶት፡ ለሐራስ፡ ወእት፡ እደይ፡ ወእት፡ ስጋድ፡ ለግርዝ፡ ትክዕሌ፡ ማ፡ ጭገር፡ ሽመት፡ ተአስር።

፯፡ ገድም፡ እሲት፡ ሞላዳ፡ ለተ፡ እከለት፡ ክም፡ አብሸለት፡ እንዶ፡ ጽብሐታ፡ ወእግል፡ ኖሳ፡ ሰቡዕ፡ ዶል፡ እንዶ፡ ጠዐመታ፡ እት፡ ረሐት፡ ለሐራስ፡ እት፡ ትክሬ፡ ምና፡ ተበለዓ። ለአንስመ፡ ለዶል፡ እከለት፡ ዐባይ፡ ወሰኒ፡ ጽብሕት፡ በለዓ፡ ከዐድ-ዐደን፡ ገይሳ።

፰፡ ለግርዝ፡ ሕጻን፡ ገኦ፡ ምን፡ ገብእ፡ እት፡ ታክያት፡ ለቤት፡ ሀሮመይ፡ ልትአሰር፡ ወለተውሊደት፡ ጽብሕ፡ ምድር፡ ምን፡ ትገብእ፡ ጽብሕ፡ ምድር፡ ማ፡ አምሱይ፡ ምን፡ ትገብእ፡ አምሱይ፡ ለቀዳሚት፡ ዶል፡ ልዘበጥ። ክአና፡ እብ፡ አርበዓ፡ ምዕል፡ ብዙሕ፡ ልግባእ፡ ማ፡ ሐድ፡ ክል፡ ጽብሕ፡ ምድር፡ ወክል፡ ምሴ፡ ወአክል፡ ለአድግ፡ ነሐቀ፡ ወአክል፡ ለሀዳድ፡ ሀደ፡ ማ፡ በርቅ፡ በርቅ፡ ለሀሮመይ፡ ልዘበጥ።

፱፡ እት፡ ረአስ፡ እሊ፡ ለትወለድ፡ ሕጻን፡ ምን፡ ገብእ፡ እት፡ አፌት፡ ለቤት፡ ለሐራስ፡ ምግዳ፡ እንዶ፡ ከረው፡ እሳቱ፡ ምዕል፡ ወላሊ፡ ተሐዩ።

፲፡ እት፡ ሐቱ፡ ታክያት፡ ለቤት፡ ሐራስ፡ ሽንኬበይ፡ ትክዕሌ፡ ልትአሰር፡ ወአክል፡ ለአዳም፡ ለቤት፡ አተ፡ ለሽንኬበይ፡ ልትከሸከሽ።

፲፩፡ እሲት፡ ክም፡ ወልደት፡ እንደይ፡ ተጠቤ፡ እት፡ አፋሃ፡ ወእት፡ አፍ፡ ለዐልቀታ፡ ገሌ፡ ጸብር፡ ማ፡ ሀዬ፡ ከርቤተት፡ ለጥዕማሆም።

፲፪፡ ሐራስ፡ ሀዬ፡ አስክ፡ አርበዓሃ፡ ተተምም፡ እንስ፡ በና፡ ኢሐድጋሃ፡ ደአም፡ ብእሳ፡ ልግባእ፡ ማ፡ ብዕድ፡ እናስ፡ እብሊ፡ ወክድ፡ እለ፡ እት፡ ቤታ፡ ኢአቱ።

፲፫፡ ወለብእስ፡ ማ፡ ለሀቱ፡ ልልእኮም፡ እት፡ ክል፡ አሐ፡ እንዶ፡ ጌሰው፡ ሐሊብ፡ ረምቆ፡ እላ፡ ወለከልኦ፡ አለቡ።

፲፬፡ ግራ፡ ወሊዳ፡ ለቀዳም፡ ዐሱራ፡ አስክ፡ ተተምም፡ ምሴ፡ ወጽብሕ፡ ምድር፡ እሲት፡ እት፡ ረአሳ፡ ጨወት፡ እንዶ፡ ለውሌት፡ እላ፡ እት፡ እሳት፡ ትክርያ።

፲፭፡ ገሌ፡ አምዒላት፡ ሐቆ፡ ለወሊዳ፡ ለሐራስ፡ እግል፡ ትሕዩ፡ አንስ፡ ምሴ-ምሴ፡ ተነት፡ ዘርያ፡ እላ።

፲፯፡ ሐራሱ ስጋ ማ፡ ለኢተአመረ፡ ነብራ ማ፡ ሲቶ ምን፡ ትረ ክብ፡ እግል፡ ትድገጥ፡ እግል፡ ፈድራ፡ ገሌ፡ ትከሬ ምኑ፡ ደኢከን፡ ኩሉ፡ እብ፡ ሐቱ ምዕል፡ ኢተተልዮ።

፲፰፡ ወድሉ፡ እግል፡ ለሐራሱ፡ ትሹብብ፡ ማ፡ ድሉ ምስል፡ ለኡብ ለግርዝ፡ ልትራብብ፡ "ሐጸን፡ በኪት፡ ልግባእ።" ማ፤ "ወለት፡ በኪተት፡ ትግባእ፡ ወሐጸን፡ ትስሐብ።" እት፡ ልብል፡ ልድሕር።

፲፱፡ እት፡ ለዐሱር፡ እም-ሞልድ፡ እብ፡ ለበብስ፡ ወትክቦሌ፡ ለ ሐራሱ፡ ወለነይ፡ ለሐጸን፡ ምዕጥን፡ ትወርድ። ወሐር፡ ለትክቦሌ፡ እት፡ ለኢከን፡ እንዶ፡ ሐድገት፡ ለለበብስ፡ ክም፡ ሐጽብት፡ እብ፡ ተቀብል። ከእከለት፡ ወጨፎት፡ ክም፡ ጸበሐት፡ ክልኤ፡ ክፋሎ፡ እክል፡ ትረክብ፡ ወትትሳራሕ።

፲፱፡ እብ፡ ለምዕል፡ ብእሳ፡ ስጋ፡ እግል፡ ትብላዕ፡ ወመረቅ፡ እግል፡ ትስቱ፡ እግል፡ ለሐራሱ ነገል፡ ማ፡ ጠሊት፡ ሐርድ፡ እላ።

፳፡ ሐር፡ እት፡ ለአርባዓ፡ ሐቆ፡ ለወሊዳ፡ ማ፡ አብሊ፡ ዘበን፡ ሐር፡ ፍጉር ምን፡ ገበእ፡ እቱ፡ እት፡ ለቀዳም፡ ማ፡ እት፡ ለክልእ፡ ማ፡ እት፡ ለሳልብ፡ ዐሱራመ፡ እሲት፡ ለዓቅባይታ፡ ውላድ፡ ትትላኬ። ወሀቶም፡ እት፡ ለቤት፡ ክም፡ አተው፡ ምን፡ ለዐል፡ እሳት፡ ለመክሻት፡ እደዮም፡ ጸብጦ፡ ወሀቶም፡ "ሐጸን፡ ልዕቤ" ማ፡ "ወለት፡ ትዕቤ፡ ወእሳት፡ ትቀሰን።" እት፡ ልብሎ፡ ለእሲት፡ እት፡ ለሐፋን፡ ለእደዮም፡ ማይ፡ ትክዔ፡ ወሰእሳት፡ ትቀሰን። ሐር፡ ለእሲት፡ ጨበል፡ ወሕራ ራት፡ ለመክሻት፡ ክም፡ ነሐት፡ ለውላድ፡ እት፡ ሐቱ፡ ዐቅቤተት፡ ከ ደን፡ ልክዕም። ክም፡ አቅበለው፡ ለእሲት፡ እግል፡ ቅሎ፡ ምን፡ እክል፡ ለበዐል፡ ቤት፡ ሐፍን-ሐፍኖም፡ ትመልእ፡ እሎም፡ ወዐዶም፡ ገይሶ።

፳፩፡ ሐቆ፡ እሊ፡ ኩሉ፡ ዓዶታት፡ ሐዳስ፡ እሳት፡ እት፡ ለመክ ሻት፡ ለጸብጦ፡ ወክልኤ፡ ክፋሎ፡ እክል፡ ጨፍዶ። ለሐራሱ፡ ትትገ ደል፡ ወትትሰርጌ፡ ወሐዲስ፡ መገልበብ፡ ጸዐዳ፡ ትትገልበብ። ገድም፡ ዐልቀታ፡ እንዶ፡ ነስእት፡ ምን፡ ዐርቀዶ፡ ትትክሬ፡ ወእት፡ አራት፡ ቤታ፡ እንዶ፡ ፈግረት፡ ትትገሰ። — እባ-እባ፡ ወድ፡ ሐማ፡ ለቱ፡ ሐጸን፡ ማ፡ እናስ፡ እታ፡ መጽእ፡ ወሐሊብ፡ ወብቅል፡ እብ፡ ለትሐበረ፡ እቱ፡ ማይ፡ እንዶ፡ አጥለለ፡ ዐለት፡ ለግርዝ፡ ላኤ። — ሐቆሃ፡ ለአብ፡ ማ፡ ለእም፡ ማ፡ ክልኢቶም፡ ምስል፡ ስም፡ ለዐልቀት፡ ለፈግሮ። ደኢም፡ ምን፡ ክልኤ፡ ማ፡ ሰለብ፡ ስም፡ እግል፡ ልሕረው፡ ምን፡ ሐዘ፡ እብ፡

ዕልብ፡ ለአስማይ፡ አስዕር፡ ለመጽእ፡ ወእግል፡ ክል፡ ሐቱ፡ ስማ፡ ሆዩ ባ። ከእግል፡ ወድ፡ ሐማ፡ እንዶ፡ ትላከው፡ "ምን፡ እለን፡ አስዕር፡ ሐቱ፡ እት፡ ረአስ፡ ለዐልቀት፡ ክሬ።" ልብሎ። ወለግርዝ፡ ሆቱ፡ እብ፡ ለከረዶ፡ እቱ፡ ስም፡ ለሰዐረት፡ ልትሰሜ።

፳፪፡ ወስሙ፡ ክም፡ ትሰመ፡ ለአዳም፡ "ስሙ፡ ልርፈዓ።" ልብል።

፳፫፡ ሐቆሃ፡ ለሐራሱ፡ ወልዳ፡ እንዶ፡ ሐቅረት፡ ትቀንጽ፡ ወአ ቡሁ፡ ወእሙ፡ ለሀለው፡ ወድ፡ ሐማ፡ ምጽብጥ፡ እሳት፡ ከሬ፡ እላ፡ ከ ሀታ፡ እብ፡ ወልዳ፡ ሰለብ፡ ዶል፡ ትትዓደዶ፡ ወእት፡ ዐርቀዶ፡ ተቀብል።

፳፬፡ ለሐራሱ፡ እት፡ ቤታ፡ ክም፡ አቱት፡ አንስ፡ "ምን፡ ለዶ፡ መጽ አኪ።" ልብላሃ፡ ሀታ፡ ሆዩ፡ "ምን፡ ባብ፡ አ ክ ሱ ም፡ መጽአኪ።" እት፡ ትብል፡ ትበልስ። ወሀተን፡ እብ፡ ድግማን፡ "ከሚ፡ እግል፡ ጊደይ፡ መጽ አኪ።" ልብላሃ፡ ወሀታ፡ "ዘርእ፡ ወጸርዕ፡ እግል፡ እፍታሕ፡ መጽአኪ።" ትብል፡ ለዶል፡ ሀተን፡ "ከደሐሪ።" ክም፡ ቤለዮ፡ ሀታ፡ "ዘርእ፡ ወጸርዕ፡ ልጠለቅ።" ትብል።

፳፭፡ ሐቆ፡ እሊ፡ ለጨፎት፡ ክም፡ በሽለ፡ አንስ፡ እት፡ ሐነክል፡ ካፍላሁ፡ ወእብ፡ ልኡክ፡ ውላድ፡ እግል፡ ኩሉ፡ ወእት፡ ክል፡ ቤት፡ ለ ኬለብ፡ ለሐራሱ፡ ነድኢሁ፡ ወልትሀዮብ፡ ወለጨፎት፡ ለበሉዕ፡ "ሐራሱ ና፡ ትዕተብ፡ ሐጸን፡ ልዕቤ፡ ጋሽይ፡ ልኡቱ፡ በኪት፡ ልግባእ።" ልብሎ።

፳፮፡ ግራ፡ እሊ፡ ዓደት፡ ለብእስ፡ እት፡ ቤቱ፡ አቱ፡ ወለቤት፡ ክም፡ በዲር፡ እግል፡ ኩሉ፡ ትትከሰት። እብ፡ ለምዕል፡ ለብእስ፡ ምን፡ ኢጸ ንሕ፡ እት፡ እዛመ፡ እት፡ ድማን፡ ለዐርቀይ፡ ምስላ፡ ሰይፍ፡ መዩ፡ ወ ሰይፍ፡ ምን፡ ኢረክብ፡ ሕጺነይ፡ ወድ፡ ሐማ፡ ለትመዩ፡ ምስላ።

፳፯፡ ለሐራሱ፡ ሐቆ፡ ወሊዳ፡ ለአርባዓ፡ ምዕላ፡ ክም፡ አትመመት፡ ምን፡ ቤት፡ ትፈግር፡ ወክም፡ ኩሉ፡ ለአንስ፡ ወራት፡ ቤታ፡ ትወዴ፡ ለሀሮመይ፡ እንዶ፡ ፈትሐው፡ ከርዎ፡ ዶል፡ አዳም፡ ቤታ፡ አቱ፡ መት ከሽክሽ፡ ለተክዐሌ፡ ተርፍ፡ ምግዳ፡ ለሐጸን፡ ልቅሰን፡ ሐድጎ፡ ወትረፍ፡ ለዕጨዩ፡ ረፍዕ፡ ወምን፡ ርምቅ፡ ለሐሊብመ፡ ምን፡ ለሰብ፡ ለንዋይ፡ ልትገሰው።

፳፰፡ ሐቆሃ፡ ለግርዝ፡ ሰር፡ ዓመት፡ ክም፡ ወደ፡ በዐል፡ ዐንቀር፡ ገሌ፡ ምን፡ ዐንቀሩ፡ ነትፍ፡ ከቃድሮ።

፳፱፡ ወሀዩ፡ ዓመት፡ ክም፡ ወደ፡ እት፡ ረአስ፡ ዎሮት፡ ዐረም፡ ከርዎ፡ ከወድ፡ ተብዐት፡ ምን፡ ገብእ፡ እት፡ እዲሁ፡ ክርባድ፡ ለጸብጦ፡



ደአም፡ ወለት፡ አንስ፡ ምን፡ ትገብእ፡ እት፡ እዲሃ፡ ርኮት፡ እከለት፡ ለ  
ጸቡጣ፡ ወለግርዝ፡ ለገእ፡ ምን፡ ገብእ፡ እት፡ ረአሱ፡ ምን፡ ቅሎ፡ ማ  
ሹላ፡ ልክወ፡ እቱ።

፱፡ ወእብ፡ ነይ፡ ለአስማይ፡ ሆይ፡ አብ፡ ለግርዝ፡ እት፡ ሀለ፡ ለግ  
ርዝ፡ እብ፡ ስም፡ ዋልደይ፡ ኢልትሰሚ፡ ወለስም፡ አብ፡ እት፡ አስማይ፡  
ለሐራሬን፡ ኢትትሐበር። — ወአብ፡ ክም፡ ሞተመ፡ ምን፡ ውላዳ፡ ለን  
ኡሾም፡ ሌጠ፡ እብ፡ ስም፡ አቡሁ፡ ወልዳ፡ እግል፡ ልስሚ፡ ሆቱ፡ ሌጠ፡  
ሐቃ፡ ቡ። ምና፡ ተ፡ ሆይ፡ ሐ፡ አቡሁ፡ ተርፍ፡ እንደይ፡ ሐድግ፡ ሞተ፡  
ምን፡ ገብእ፡ እግል፡ ወልዳ፡ አግዳ፡ እብ፡ ስም፡ እሊ፡ ሐ፡ አቡሁ፡  
ሰምዮ።

፲፩፡ ወእናስ፡ እግል፡ ወልዳ፡ እብ፡ ስም፡ አቡሁ፡ ማ፡ እብ፡ ስም፡  
አብዕቡ፡ ሰመዬ፡ ምን፡ ገብእ፡ ሰበት፡ ለስሙ፡ ገሌ፡ ከጅሎ፡ ከሐር፡  
ምንመ፡ ሐትሐቱ፡ ዶል፡ ቅጽዕት፡ ተትሐዝዮ፡ አክል-አክል፡ ኢሀ  
ርሞ።

፲፪፡ ወዋልደት፡ ሆይ፡ ውላደም፡ ምን፡ መይቶ፡ ምናም፡ ረቢ፡  
ሐር፡ እግል፡ ለትወለድ፡ ተርፎም፡ እንደ፡ ቀብ፡ እብ፡ ነፍሶም፡ እግል፡  
ልሕደን፡ እሎም፡ ክም፡ ከራ፡ ከ ል ብ ፡ ማ፡ አ ድ ግ ፡ ለትመስል፡  
ስም፡ ሰምዎ፡ ማ፡ ሆይ፡ እም፡ ሐራስ፡ እት፡ እንተ፡ ለተርፋ፡ ረቢ፡  
እግል፡ ልሕደን፡ እላ፡ ቀርጠጠማ፡ ለእዝን፡ ትቀጥም፡ ምኑ፡ ወምስል፡  
ርግአት፡ እንደ፡ ሓበረታ፡ ትበለግ፡ ወሐቆሃ፡ እዘን፡ ሕይይት፡ ትሰርዕ።

፲፫፡ ሆይ፡ እም፡ እግል፡ ወልዳ፡ ስም፡ ስቅራት፡ ተፈግር፡ እሉ፡  
ወህታ፡ ወአንስ፡ ለቤት፡ አቡሁመ፡ እብ፡ ልትላክያሁ።

፲፬፡ ዋልደትመ፡ ሆይ፡ እብ፡ ወድ፡ ብክር፡ ማ፡ እብ፡ ወለት፡  
ብክር፡ እግል፡ ለአብ፡ "አብ፡ እገሌ።" ማ፡ "አብ፡ እገሌተት።" ወእ  
ግል፡ ለእም፡ "እም፡ እገሌ።" ማ፡ "እም፡ እገሌተት።" እት፡ ልቡ  
ሎም፡ ልትሰመው። ወክእና፡ እሲት፡ እግል፡ ብእሳ፡ ስም፡ ለብክር፡  
ኢትሰረዐት፡ እታ፡ ምን፡ ገብእ፡ አብ፡ ስሙ፡ "አብ፡ እገሌ።" ማ፡  
"አብ፡ እገሌተት።" እት፡ ትብል፡ ትሰምዮ።

17: ክ ሸ በ ት ።

፩፡ ውላድ፡ ክልኤ፡ ማ፡ ሆይ፡ አስክመ፡ ሰማን፡ ዓመት፡ ክም፡  
ወደው፡ ልትከሸቡ፡ ከእግል፡ ለሕጻን፡ እግል፡ ልክሸብ፡ መእምረይ፡

ክም፡ ትላከው፡ ለሆይ፡ እንደ፡ መጽአ፡ ለሕጻን፡ እት፡ አሐ፡ ምን፡ ጸ  
ንሕ፡ እት፡ ዐሙር፡ ብልስት፡ ለትገስዮ፡ ወእት፡ ድጌ፡ ምን፡ ጸንሕ፡  
እት፡ መምበር፡ ለትገስዮ፡ ወከሸቡ፡ ክም፡ ትከሸቡ፡ እግል፡ ለሕጻን፡  
እት፡ እዲሁ፡ ኮናት፡ ለጸቡጣ፡ ወህቱ፡ እብ፡ ለኮናት፡ ሰለስ፡ ዶል፡ ሐር  
በት፡ አራት፡ ለእሙ፡ ረግዝ፡ እብ፡ ለዶል፡ እሙ፡ እት፡ ዐርቀዮ፡ እንደ፡  
ገአት፡ ሰቡዕ፡ ዶል፡ ተዐልል፡ እሉ።

፪፡ ወሐር፡ አቡሁ፡ አሐ፡ ምን፡ ረክብ፡ "ፍሊት፡ ክሸባት፡ ሀቡ።"  
ልቡሎ። ወህቱ፡ "ወለት፡ እገሌተት፡ ሀብክዎ።" ልብል፡ ወእሉ፡ ፍ  
ሊት፡ ክሸባቱ፡ በራሁ፡ ተ።

፫፡ እሉ፡ ክሸባት፡ ምን፡ በዲር፡ አግዳ፡ ክም፡ ዓደት፡ ዐድ፡ እት፡  
እንተ፡ ጸንሐት፡ ሌጠ፡ ደኢክን፡ ክም፡ ስርዐት፡ ዲንዲ፡ ኢትትዐለብ።

፬፡ እብ፡ ለወክድ፡ ለሀ፡ ወለት፡ ሆይ፡ እብ፡ ድንግልናሃ፡ ሰኒ፡  
እግል፡ ትትዐቀብ፡ ምን፡ በዲር፡ ክም፡ ለዓደት፡ ዐድ፡ ትትከሸብ፡ ሀሌት።

18: ሸ ን ገ ላ ት ።

፩፡ ሕጻን፡ ሐድ፡ ዐስር፡ ወስስ፡ ማ፡ ዕስራ፡ ዓመት፡ ክም፡ ወደ፡  
ሸንግል።

፪፡ ምን፡ ዐድ፡ አቡሁ፡ ልግባእ፡ ማ፡ ምን፡ ዐድ፡ እሙ፡ ማል፡  
እት፡ ለልስኤ፡ እቱ፡ እናስ፡ ገይስ፡ ወአምዕል፡ ፍጉር፡ እት፡ ሐንቴሁ፡  
እንደ፡ ትገስ፡ "አሸንግለኒ።" ልብሎ። ወህቱ፡ ክም፡ ለስርዐት፡ ብቅል፡  
ወሐሊብ፡ እብ፡ ለተሓበረ፡ እቱ፡ ማይ፡ እንደ፡ አጥለለ፡ መሸንገሉ፡  
ቀንቅን፡ ከለሸንግሎ። ክም፡ አሸንገለዮ፡ ለሕጻን፡ እንደ፡ ቀንጸ፡ እዲ  
ሁ፡ ነስእ፡ ወ፤ "ደሐረኒ።" ልብሎ። ወህቱ፤ "ዕለትከ፡ ቲሪም፡ ገድከ፡  
ልብዛሕ፡ ማል፡ ወውላድ፡ ለሀበከ፡ ወሸንገላት፡ በኪተት፡ ሸንግል።"  
ወእሊ፡ ለመስል፡ እት፡ ልብል፡ ልድሕር።

፫፡ ሐቆሃ፡ ለሕጻን፡ "ጸምብለኒ።" ልብሎ። ሆቱ፡ ሆይ፡ ምክ፡  
እብ፡ እዲ፡ ኖሱ፡ ሆይ፡ ምክ፡ "ተምኔ።" ልብሎ። ገድም፡ ክምስል፡  
ለዓደት፡ ሰይፍ፡ ልግባእ፡ ማ፡ ኮናት፡ ማ፡ ገለብ፡ ፍሊት፡ ማ፡ ፈረስ፡  
ማ፡ ገርሀት፡ ቅርሽ፡ ማ፡ ክልአት፡ ቅርሽ፡ ሆይ።

፬፡ ወሐር፡ ልባስ፡ ጸዕዳ፡ እንደ፡ ለብስ፡ እት፡ ቅልጭም፡ ማኑ፡  
ፈከት፡ አስር፡ እት፡ ስጋዳ፡ ሸክል፡ ወእት፡ ጭምብዕር፡ ገለብ፡ ከ  
ትም፡ ወዴ፡ ከሸማገለይ፡ ምን፡ ገብእ፡ እት፡ እዲሁ፡ ክርባጅ፡ ወትግ

ረይ፡ ምን፡ ገብእ፡ ሞራ፡ ዐገና፡ አውሔተት፡ ጸብጥ። ክእና፡ እንደ፡ ትፈንጠዘ፡ አርበኛህ፡ አስክ፡ ተምም፡ ምስል፡ ማዘዩ፡ እት፡ ሞላዳ፡ ልግባእ፡ ማ፡ እት፡ ጋና፡ እግል፡ ልትጸናበል፡ ደውር። ወደለ፡ እቶም፡ መጽእ፡ ጸምቡሎ፡ ወእብ፡ ለዶል፡ ለአሉ፡ ለተስእም፡ ምን፡ ኢረክቦ፡ እሉ፡ ሐር፡ ሀዩቦ። ወሐር፡ ለሸንገለ፡ ክእና፡ ለመስሎ፡ ጸነብልዲ፡ እግል፡ ለሰብ፡ ለፈኩ፡ ልግባእ፡ ማ፡ እግል፡ ተርፎም፡ እብ፡ ጽምበ ላት፡ ፈደዮም-ቱ።

፩፡ ገድም፡ ለስርዐት፡ ሸንገላት፡ ክም፡ ተመት፡ ለሕጻን፡ እት፡ ሕስበት፡ እናስ፡ ልትዐለብ፡ ከእት፡ ሰማዕ፡ ልትሰሜ፡ እት፡ መሐበር፡ እንደ፡ ትገሰ፡ እት፡ ጎማት፡ ለዐድ፡ ልትሐበር፡ ጽዋር፡ ጸውር፡ እት፡ ጠርቅ፡ ልትዐለብ፡ እት፡ ግብር፡ ልትሐበር፡ ሕራዳ፡ ልትበላዕ፡ ወእት፡ ፋይተት፡ ቀምሽ።

፪፡ ደአም፡ ሐርመ፡ እንደ፡ ሀደ፡ አስክ፡ ምን፡ ብርክ፡ አቡሁ፡ ፈግር፡ ክል፡ ዶል፡ ሐንቱ፡ ምልኩ፡ ቱ።

19፡ ቅደስ፡ ምልክ፡ አብ፡ እት፡ ውላዳ።

፩፡ ምልክ፡ አብ፡ እት፡ ውላዳ፡ ጽኑዕ፡ ቱ። አብ፡ እግል፡ ወልዳ፡ ምን፡ ልትበአሶ፡ ማ፡ ምን፡ ሀርሞ፡ ለወል፡ እብ፡ እዴሁ፡ ልግባእ፡ ማ፡ እብ፡ አፋሁ፡ ኢበልስ፡ እቱ። ደአም፡ ሞዲሃ፡ ምን፡ ገብእ፡ እሉ፡ ብዝሕት፡ ዑረት፡ ወገአት፡ ከወትቀጸዐ፡ እታ።

፪፡ ወል፡ እት፡ ዐድ፡ ልግባእ፡ ማ፡ እት፡ ከደን፡ ማ፡ እት፡ ገበይ፡ ክል፡ ዶል፡ አቡሁ፡ ሐሽም፡ ሻሙ፡ ላተ፡ እት፡ እሙ፡ በዝሕ።

፫፡ ሐቆ፡ ለፍገራትመ፡ ሀዩ፡ አብ፡ ወወል፡ እንደ፡ ትበአሰው፡ እት፡ ቀደም፡ ለሹም፡ ምን፡ ልትሻከው፡ ወል፡ ለዕበያት፡ አቡሁ፡ እግል፡ ልፍቀድ፡ እት፡ ልትራቱዕ፡ እት፡ ፎቃዩ፡ ረፍዶ።

፬፡ አብ፡ መሐረሱ፡ ምን፡ በደ፡ ሐቆ፡ ለፍገራቶመ፡ ምን፡ ወቀይ፡ ለውላዳ፡ ክፍዕ፡ ኢኮን። ገድም፡ ምን፡ ውላዳ፡ ብርክመ፡ ለፋግር፡ ምን፡ ሀሌ፡ ወአብዕረት፡ እንደ፡ ወደ፡ ምን፡ ሐርስ፡ ወእክል፡ ምን፡ በቅል፡ እሉ፡ ለአቡሁ፡ ለእክል፡ ልትበተክ፡ ወልትሐዩብ፡ እሉ፡ ሐድጎ፡ ደአም፡ እት፡ ዕደብ፡ ክም፡ ትሻከሻከ፡ እንደ፡ መጽአ፡ እግል፡ ወልዳ።

"ደላሕ፡ ምኑ፡ እንተ፡ ትንእሸኒ፡ አና፡ ሒለቲ፡ ሐወነት፡ እብ፡ ዕጾ፡ ሚ፡ እመይት፡ ምኑ፡ ብዕደት፡ አውቁ።" ልብሎ፡ ከለእክሉ፡ እግል፡ ናሱ፡ ነስኦ። ወለወልዳ፡ ክም፡ ለለስትሀል፡ ሐድጎ፡ እሉ፡ ደአም፡ ሐር፡ ደክል፡ ወለደክል፡ ወለአብ፡ ክም፡ ደከለም፡ ፈተ፡ ምን፡ ገብእ፡ እግል፡ ወልዳ፡ ምን፡ ለእክል፡ ሰር፡ በልሶ፡ እቱ።

፩፡ ክምሰልሁ፡ ሀዩ፡ አብ፡ ምን፡ ልደበር፡ ወወልዳ፡ አሐ፡ ምን፡ አንስቦ፡ ለአብ፡ እት፡ ወልዳ፡ እንደ፡ መጽአ፡ "እንተ፡ ትትዐጸመኒ፡ ወትንእሸኒ፡ እሉ፡ አሐ፡ እሉ፡ አና፡ እግል፡ እምበርብ፡ እግልዬ፡ ሕደጋ፡ ወክም፡ ምትኩ፡ ትወርሳ፡ እንተ፡ ገድም፡ ብዕደት፡ ትበብ፡ ምና።" ልብሎ፡ ለወል፡ ሀዩ፡ እንደይ፡ ልትወላለባ፡ ሐድጋ፡ እሉ።

20፡ መናበረት፡ ሐው፡ ወመናበረት፡ ወድ፡ ወለት፡ ወሐሎታቱ።

፩፡ ደሞም፡ ወጠርቆም፡ ምርት፡ ለገእ፡ ሐው፡ ሐድ፡ እግል፡ ልስደው፡ ለስትሀል። ከእግል፡ ኢልትዐዩርቡ፡ እግል፡ ለድቡር፡ ሐሆም፡ የቡቶ፡ ማ፡ መንሕዎ፡ ማ፡ ፈጩሎ፡ ከግመት፡ ለፈጉሮ።

፪፡ ደአም፡ ለሐሁ፡ ለራትዕ፡ እግል፡ ሞት፡ ምን፡ ገንሕ፡ እሉ፡ ለድቡር፡ አስክመ፡ ድርገት፡ ትግባእ፡ ማ፡ ገርሀት፡ ማ፡ ትግረይ፡ ምን፡ ኢረክብ፡ ክም፡ ትሰደደ፡ ወዕጾ፡ ክም፡ ከርፈቶ፡ እግል፡ ሐሁ፡ እግል፡ ለአኬ፡ እንደ፡ ቤለ፡ ቀንጽ፡ ወእት፡ ለዐድ፡ ሸርብ፡ ፈረስ፡ ነስኦ፡ ማ፡ ብዕደት፡ ስሕተት፡ ወደ፡ ከእት፡ ገቢለት፡ ዐሌ። ወለዶል፡ ሰብ፡ ለዐድ፡ እግል፡ ለሐሁ፡ ለራትዕ፡ "በዲር፡ እንተ፡ ምን፡ ኢመነሐክሁ፡ ወምን፡ ኢፈጩልክሁ፡ ዕጾ፡ ክም፡ ከርፈቶ፡ ወደያ፡ ገድም፡ እንተ፡ ፍዴ፡ ወትገደብ፡ እቱ።" ልብሎ። ከለሞተ፡ ፈረስ፡ ምን፡ ገብእ፡ ማ፡ በቀል፡ ለሐሁ፡ ለራትዕ፡ ፈድሆም፡ ምእት፡ ወዕስራ፡ ወእት፡ ሀይብ። ደአም፡ ሐሁ፡ ሐድ፡ አርበኛ፡ ማ፡ ስሳ፡ ወአት፡ ሌጠ፡ ምን፡ ረክብ፡ እብለን መ፡ ለፍርድ፡ ለሰክብ፡ ሐቆሃ፡ ለሰሐተ፡ ድቡር፡ ሐ፡ እት፡ ዐዳ፡ ምን፡ ለቀብል፡ ነጻ፡ ቱ፡ ወሐቲ፡ ኢወድዎ።

፫፡ ክምሰልሁ፡ ሀዩ፡ ወድ፡ ወለት፡ እት፡ ዐድ፡ እሙ፡ እንደ፡ መጽአ፡ ሐሎታቱ፡ ምን፡ ኢጸምቡሎ፡ ማ፡ እብ፡ ብዕደትመ፡ ቀልቡ።

ምን፡ ኢወዱ፡ ሕያይት፡ ዘርፍ፡ ወምስል፡ ጸሩ፡ በለዓ። ወሐር፡ እባ-  
እባ፡ እብ፡ አትሐላይ፡ ምን፡ ኢተቀብል፡ ለእሉ፡ ዘርፈ፡ ማል፡ ነይ፡  
ሐሎታቱ፡ ምን፡ ገአ፡ አካኑ፡ ተ፡ ወሰበቱ፡ ኢልትቀጻዕ። ደአም፡ ለእ  
ሉ፡ ዘርፈ፡ ማል፡ ነይ፡ ጋና፡ ገአ፡ ምን፡ ገብኢ፡ ለዶልመ፡ ሐሎታቱ፡  
ፈዱ፡ እቱ፡ ደኢኮን፡ ህቱ፡ ኢልጸበጥ፡ እቱ።

21፡ ሕድጎ።

ሀ፡ ለመሐደገት።

፩፡ እናስ፡ ሃዲ፡ ክል፡ ዶል፡ እብ፡ ለገአ፡ ልግባእ፡ ምስምሳ፡ እ  
ሲቱ፡ እግል፡ ልሕደግ፡ ገብኢ፡ እሉ። እሲት፡ ላተ፡ እብ፡ ሞት፡ ብእ  
ሳ፡ ምን፡ ኢገብኢ፡ ሐቅ፡ ሕድጎ፡ አለባ። ምና፡ ተ፡ እብሊ፡ ዘበን፡  
ሐር፡ እሲት፡ ምስል፡ ብእሳ፡ ገሌ፡ ዓሞታት፡ ክም፡ ከልኣት፡ እብ፡  
ምስምሳ፡ አማንመ፡ እግል፡ ብእሳ፡ ሕድጎ፡ እንዶ፡ ረምቀቶ፡ ህቱ፡ ምን  
መ፡ ከለኣ፡ ሰርጎሃ፡ እንዶ፡ ቀንጠጠት፡ ወማል፡ መሐደጎሃ፡ እንዶ፡ ሐድ  
ገት፡ እት፡ መሐበር፡ ምን፡ ትፈግር፡ እብ፡ ቀስብ፡ ልግባእ፡ ማ፡ እብ፡  
ቀልብ፡ ምን፡ ብእሳ፡ ትትሐደግ። እሲት፡ መርዓት፡ ላተ፡ ብእሳ፡ ምን፡  
ኢትረዴ፡ ወፍግረት፡ እት፡ መሐበር፡ ምን፡ ተከጅላ፡ እንዶ፡ ቀንጸት፡  
እብ፡ ጭልቅ፡ ሌጠ፡ እት፡ ዐደ፡ ገቢለት፡ ምን፡ ትበጽሕ፡ ትጠለቅ።  
ደአም፡ እምበል፡ ለጌሰትቡ፡ ማል፡ ሐቲመ፡ ኢትረክብ።

፪፡ እብ፡ ነይ፡ ለስርዐት፡ ሕድጎ፡ ላተ፡ እግል፡ ክል፡ እሲት፡ ገበ  
ያ፡ ሐቲ፡ ተ። ቤት፡ አብ፡ ለእሲት፡ እንዶ፡ ትላከው፡ ወእት፡ ገጸም፡  
ለሔማ፡ ክም፡ ሔማ፡ ወለመበል፡ ክም፡ መበል፡ ማል፡ መሐደጎሃ፡ ክም፡  
ተሀዩበ፡ ክእና፡ ትትሐደግ። ዎሮት፡ ምን፡ ቤት፡ አብሃ፡ እግል፡ ለብ  
እስ፤ "ስጋዳ፡ ጠልቅ፡ እላ።" ልብሎ። ሐቆ፡ እለ፡ እለ፡ በዐል፡ ምግብ፡  
እት፡ ልመርሕ፡ ለሂጋ፡ ረፍዕ፡ ወእግል፡ ለብእስ፤ "ገድም፡ ሕድግት፡  
ፍትሕት፡ ትግባእ፡" በል። ልብሎ። ወለብእስ፡ ህዬ፡ ደርቡ፤ "ሕድ  
ግት፡ ፍትሕት፡ ትግባእ።" ደግም። ሐር፡ ለበዐል፡ ለምግብ፤ "ተሐርም፡  
ወተሐልል፡ ማ፡ ሚ።" ልብሎ። ለብእስ፤ "ተሐርም፡ ወተሐልል።"  
እት፡ ልብል፡ ደግም። ወደንጎባ፡ ለበዐል፡ ለምግብ፤ "ሰብዕ፡ ሐርመት፡  
ትፍገር፡ ወትትበለስ።" ልብሎ። ወለብእስ፤ "ሰብዕ፡ ሐርመት፡ ትፍ  
ገር፡ ወትትበለስ።" ደግም። ወእሊ፡ ሂጋ፡ እብ፡ ዎርዎሮ፡ ሰለስ፡ ዶል፡  
ልደገም።

፫፡ ሐቆ፡ እለ፡ ስርዐት፡ ሕድጎ፡ ለሕድግት፡ ወለት፡ እት፡ እንተ፡  
ህዲት፡ ምን፡ ትገብኢ፡ ለአቡሃ፡ እግል፡ ለብእሳ፡ ሐል፡ ጸንሐብ። ወ  
ለሐል፡ ክም፡ ተመ፡ አብ፡ ለሕድግት፡ ዲብ፡ ለብእስ፡ በዲራ፡ እንዶ፡  
ጌሰ፤ "ትበልሳ፡ ማ፡ አትሀደያ።" እት፡ ልብል፡ ልሰአሎ። ወለብእስ፡  
እንዶ፡ ተዐሰ፡ ምን፡ ረድያ፡ እምበል፡ ደጊም፡ ዐቅድ፡ እሲቱ፡ በልስ፡  
ደአም፡ ምን፡ ኢሐዝያ፤ "ወለትከ፡ አትሀደያ።" ልብሎ። ለብእስ፡ ላተ፡  
ክም፡ ሐዘ፡ ቀደም፡ ሐልመ፡ እግል፡ ለእሲቱ፡ በልሳ፡ ወሀታ፡ እብ፡  
ማላ፡ ተቀብሎ።

፬፡ ሐቆ፡ እለ፡ ስእላት፡ እለ፡ ለብእስ፡ ቀልባ፡ ኢወደ፡ ምን፡ ገብኢ፡  
ለአቡሃ፡ እት፡ ለእቱ፡ ሐዘ፡ ለትሀደያ። ደአም፡ ቀደም፡ ለሐል፡ አብ  
ሃ፡ አትሀደያ፡ ምን፡ ገብኢ፡ ለብእሳ፤ "ግልዐከኒ፡ እሲቹ፡ ሀበኒ።" እግል፡  
ሊበሎ። ሐቅ፡ በ። ወለዶል፡ ለብእሳ፡ እብ፡ አማኑ፡ ምን፡ ሐዝያ፡  
ለአቡሃ፡ ዎክ፡ ምን፡ ሰብዕመ፡ ሐርመት፡ በሀለት፡ ምን፡ ሰብዕ፡ ብእስ፡  
ለእሲቱ፡ በልስ፡ እቱ፡ ዎክ፡ ልትገደብ፡ እታ።

፭፡ ደአም፡ ለሕድግት፡ መበል፡ እት፡ እንተ፡ ህዲት፡ ምን፡ ት  
ገብኢ፡ ምስል፡ አቡሃ፡ ማ፡ ምስል፡ ወኪሉ፡ ሰር፡ ሐል፡ ሌጠ፡ ትትገሌ።  
ወሐር፡ ለወክድ፡ እንዶ፡ ተመት፡ አቡሃ፡ ክም፡ ሰአለ፡ ህታ፡ ዎክ፡ እት፡  
ብእሳ፡ ተቀብል፡ ዎክ፡ ምን፡ ፍትሕ፡ ብእሳ፡ ኩሉ፡ ረአሱ፡ ትጠለቅ።

፮፡ ለልትሐደጎ፡ ውላድ፡ ምን፡ ጸኑሕ፡ እሎም፡ ህቶም፡ ነይ፡ አብ  
ሆም፡ ትቶም፡ ምስሉ፡ ተርፎ፡ ወሀታ፡ በና፡ ትገይስ። ደአም፡ አግ  
ዳ፡ እግል፡ ለነኣይሽ፡ ለጸኑሕ፡ እሞም፡ ምን፡ ትርሕሞም፡ ወሙነቶም፡  
እንደይ፡ ትትሐሰብ፡ ለአብ፡ እግል፡ ልዕበው፡ ትንሰአም፡ ሐድጋ።

ለ፡ ሐቆ፡ እሲት፡ ሕድግት።

፯፡ እናስ፡ ሃዲ፡ ሔማሁ፡ ትግባእ፡ ማ፡ ወለት፡ እት፡ እንተ፡ ለሀ  
ደያ፡ ጸመር፡ ምን፡ ሐድግ፡ እት፡ ለሀዳይ፡ ለእሉ፡ አብደ፡ ማ፡ እግል፡  
ለብዴ፡ ለአስተሀለዩ፡ ኩሉ፡ ከስር፡ ወእግል፡ ለእሲት፡ እሊ፡ ሐቅ፡ መ  
ሐደጎሃ፡ ሀይባ፤ ሰልፍ፡ ኩሉ፡ ሰርጎ፡ ሀዳያ፡ ወሐቆሃ፡ ምን፡ ብእሳ፡ ለት  
ከበተት፡ ብዕድ፡ ሰርጎመ፡ ትነስኢ፡ ወሐር፡ እት፡ በራይራ፡ ዎክ፡ ለጋ፡  
ዎክ፡ ወአት፡ ስጋ፡ ማ፡ ቅርሽ፡ ትረክብ፡ ህዬ፡ መአስ፡ ማ፡ እት፡ አካ  
ኑ፡ ቅርሽ፡ ትነስኢ፡ ወሽመታ፡ ወብላይ፡ ስማኒ፡ ለመገልበባ፡ ወእግል፡  
ስቃ፡ ገበታ፡ እክል፡ ትነስኢ፡ ወእብ፡ መቀብቀብ፡ ምን፡ ለትቀብቀብ፡  
ዕያብ፡ ሰልፍ፡ ህቱ፡ ሐቲ፡ ዓቢት፡ ክም፡ ሐረ፡ አሰሩ፡ ህታ፡ ህዬ፡

ሐቴ፡ ብዕድት፡ ተሐራ፡ ወለተር፡ ኩሉ፡ አግላ፡ ቱ። ወሀቱ፡ እብ፡ መስፊ፡ ምን፡ ለትሰፊ፡ ገኖ፡ መስወድ፡ ዘርእ፡ ወመስወድ፡ ክያል፡ እንደ፡ ነስኦ፡ ለተር፡ ኩሉ፡ አግላ፡ ቱ። ሀይ፡ ጸፍር፡ ወገሉዳ፡ ወሐይ ጠታ፡ መስል፡ ትነስኦ፡ ወጸቡሕ፡ ምኑ፡ ምን፡ ጸኑሕ፡ ሔሳስመ፡ እብ፡ ዕክቱ፡ ወእዴሃ፡ ካይረት፡ እታ፡ ምን፡ ትጸንሕ፡ ሂብትመ፡ ምስል፡ እክላ፡ ወ [አግል፡ ለእናስ፡ እምበል፡ ለተር፡ መክቦብ፡ ወዕክት፡ ወተብል፡ ወሕራጸ፡ ወሕርበት፡ ክራር፡ ድማን፡] ሀታ፡ ኩሉ፡ አግርበት፡ ስፊ፡ መስል፡ ወጥናብ፡ ወክላት፡ ትነስኦ፡ ወሀይ፡ አቡሃ፡ እት፡ ትትሀይ፡ አሐ፡ ብሕታሃ፡ አጽቦጠ፡ እላ፡ ምን፡ ገብእ፡ አዜ፡ እብ፡ ተርፋ፡ ትነስኦ።

፫፡ ለተሐደገት፡ መበል፡ ማ፡ ጸመር፡ መበል፡ ገአት፡ ምን፡ ገብእ፡ ክምሰልሁ፡ እት፡ ለሀዳይ፡ ለእሉ፡ አብደ፡ ማ፡ አግል፡ ልፍዴ፡ ለአስተሀለዩ፡ ከራ፡ ሰቡዕ፡ ማ፡ ሰማን፡ ቅርሽ፡ ከስር፤ ወእሎም፡ ዶል፡ ለሀዳይ፡ ኢፈደዮም፡ ምን፡ ገብእ፡ ወወክድ፡ ለሕድጎሃመ፡ ኩሉ፡ ምን፡ ኢረክብ፡ ለጸንሐት፡ እሉ፡ ሀይባ፡ ወለተር፡ ምን፡ ክል፡ እክል፡ ለተምም፡ እላ። ወቀጣን፡ እክል፡ አለምሱ፡ ለቱ፡ ወእት፡ ምልእት፡ ሂብትመ፡ እዴሃ፡ ካይረት፡ እታ፡ ምን፡ ትጸንሕ፡ ምስል፡ ለእክላ፡ ትነስኦ። እት፡ ረክስ፡ እሊ፡ አግል፡ ለእናስ፡ ለተር፡ ጥሉላም፡ እምበል፡ ለጸኑሕ፡ መክቦብ፡ ወዕክት፡ ወተብል፡ ወሕራጸ፡ ወሀይ፡ እት፡ ቤት፡ እምበል፡ ለአቴትቡ፡ እክል፡ ዶል፡ ሀዳይ፡ ለአቴትቡ፡ ኩሉ፡ ትነስኦ። ደአም፡ እት፡ ቤቶም፡ መአስ፡ ልግባእ፡ ማ፡ ጸፍር፡ ምን፡ ኢጸንሕ፡ እሎም፡ እት፡ አካን፡ መአስ፡ ብላይ፡ ስስ፡ እድሁ፡ ወእት፡ አካን፡ ጸፍር፡ ሰለስ፡ እድሁ፡ እንደ፡ ትቀጸቦ፡ ትረክብ። ወአግል፡ ስቃ፡ ክልኦት፡ ዕቤላ፡ እክል፡ ወአግል፡ መገልበባ፡ ፎረት፡ እንደ፡ ነስኦት፡ እብሊ፡ ኩሉ፡ ትገይስ።

፬፡ ደአም፡ እሲት፡ ብእሳ፡ ክም፡ ሞተ፡ ምን፡ ሐዉ፡ ማ፡ ምን፡ ውላዳ፡ ሕድጎ፡ ምን፡ ተሐዜ፡ ውላድ፡ ተብዕን፡ እት፡ ባ፡ እምበል፡ ሰርጎሃ፡ ወጥናባ፡ ክም፡ ለሐቃ፡ ሐቴ፡ ኢትነስኦ። ደአም፡ መካን፡ ምን፡ ትገብእ፡ ማ፡ አዋልድ፡ ሌጠ፡ ዋልደት፡ ምን፡ ትገብእ፡ ውላድ፡ ለብእሳ፡ እት፡ አካን፡ አቡሆም፡ ክም፡ ሐቃ፡ ማል፡ ለስመይ፡ መድሐራታ፡ ወእናስ፡ እሲቱ፡ ዶል፡ ሐድግ፡ ክም፡ ለሀይባ፡ ማል፡ መሐድጎሃ፡ ሀዩባ።

፭፡ ደአም፡ ሀይ፡ መበል፡ እት፡ ብዕድ፡ ኢተሀዴት፡ ምን፡ ገብእ፡ እብ፡ ኩሉ፡ ለዳር፡ ብእሳ፡ ምስል፡ ውላዳ፡ እት፡ ፈርግ፡ አግል፡ ትምበር፡ ሐቅ፡ ባ።

22: ፈ ፡ ማ ጸ ጵ ፡

፩፡ አዳም፡ ሕያይ፡ እት፡ እንቱ፡ ምን፡ ማሉ፡ አግል፡ ለእሉ፡ ሐዘ፡ ምን፡ ሀይብ፡ ከርዶ፡ አለቡ። ደአም፡ ወክድ፡ ሞቱ፡ ምን፡ ማሉ፡ አግል፡ ለሀብ፡ ሐዘ፡ ምን፡ ገብእ፡ ወድ፡ ብክሩ፡ እንደ፡ አትገሰ፡ እብ፡ ረዳሁ፡ ምን፡ ኢገብእ፡ ለፊናሁ፡ ኢተሐጥ።

፪፡ ገድም፡ ለወድ፡ ብክር፡ ፊና፡ አቡሁ፡ ትክበተ፡ ምን፡ ገብእ፡ ለፊና፡ ተሐጥ፡ ደአም፡ ፊና፡ አቡሁ፡ እት፡ ልሰምዕ፡ ሰኒ፡ ኢቤሉ፡ ምን፡ ገብእ፡ ፊና፡ ግናዘት፡ ለኢትነፍዕ፡ ትተ፡ አቡሁ፡ ክም፡ ሞተ፡ ለአግል፡ ልርከቦ፡ ለትፋነዩ፡ እሉ፡ ማል፡ ከልኦ።

፫፡ ምና፡ ተ፡ አብ፡ እት፡ ልመይት፡ እት፡ ረክስ፡ ሰማዕ፡ አግል፡ ውላዳ፡ እብ፡ ነይ፡ ዕዳዩ፡ ልግባእ፡ ማ፡ እብ፡ ለእሉ፡ ፈዳ፡ እቱ፡ ፈኩ። ማ፡ እብ፡ ለእሉ፡ አውድ፡ ማል፡ ማ፡ እብ፡ መትፈዳይ፡ ፈክ፡ ምን፡ ልትፋነዮም፡ ወሀይ፡ መርባት፡ ደም፡ ምን፡ ተሀሌ፡ እላ፡ አግል፡ ለቅስኖ፡ ምን፡ ልብሎም፡ እሊ፡ ኩሉ፡ ክም፡ ሐጥ፡ ወትቡት፡ ቱ፡ ወክምሰል፡ ሐቁ፡ ለሰሎጦ፡ ወለዋርሰት፡ አቡሆም፡ አግል፡ ሊደዩ፡ ለኢዐረቡ፡ ክምሰል፡ ነይ፡ አቅሰኖት፡ መርባት፡ አግል፡ ለትምሞ፡ ክም፡ ዐባይ፡ ጋሪት፡ ዐሎባ፡ ደኢኮን፡ ክም፡ ቀላል፡ ፊና፡ ሌጠ፡ ኢወድ።

23: ሕ ማ ም ፡ ሞ ጥ ፡ ቅ ብ ረ ጥ ።

፩፡ አዳም፡ ሐመ፡ ምን፡ ገብእ፡ ሞላዳ፡ ልግቡእ፡ ማ፡ ለሸቡብ፡ እት፡ ቤት፡ ለትረከቦ፡ ስራይ፡ ነይ፡ እክል፡ ማ፡ ነይ፡ ቅርድ፡ ማ፡ ነይ፡ ቀጠፍ፡ ሀዩብ፡ ከተንቱኖ። ወለሕሙም፡ አግል፡ ልሕይ፡ ሰደቀት፡ ሐርዶ፡ ወመመር፡ ለረክሱ፡ እት፡ ምድር፡ ሐጸነይ፡ ተክሎ።

፪፡ እት፡ በዐል፡ ግድሪ፡ ወበዐል፡ ጸልዕ፡ ወበዐል፡ ስብር፡ አግል፡ ልሸቡብ፡ እት፡ ልመጹእ፡ ለጸልዕ፡ ለሕሙም፡ አግል፡ ኢልርከስ፡ ወአግል፡ ኢልክኬ፡ ቀረፍ፡ ጸሐት፡ ለተሓበረ፡ እቱ፡ ማይ፡ እንደይ፡ ነጽጎ እቱ፡ እት፡ ለሕሙም፡ አግል፡ ልኦቱ፡ ኢጠሉቁ።

፫፡ ምንመ፡ ክእና፡ እብ፡ ስራይ፡ ትተንተን፡ ለሕሙም፡ ምን፡ መይት፡ እባ-እባ፡ ትንፋሱ፡ ክም፡ ጌሰት፡ ዕንታቱ፡ ሻምሞ፡ ወአፋሁ፡ ደቡእ፡ ወእደዩ፡ ወእገሩ፡ ለትራቱዕ፡ ከብላይ፡ ከፈኑ፡ ከሩ፡ እቱ።



— ለዶል፡ እት፡ ለቤት፡ ለጸነሐ፡ አንስ፡ ክም፡ ቀጻቀጻያ፡ ዋጦት፡ መ ጽእ፡ ከዐንድሮ፡ ወሐምዶ፡ ወክምሰልሀ፡ መ፡ ለአንስ፡ ለዐድ፡ እቱ፡ መ ጸአ። ከሀተን፡ እት፡ ቅሩብ፡ ለቤት፡ ለማይት፡ ክም፡ ሸአገያ፡ እት፡ ልቀጻቅጻ፡ ሀራብጣ፡ እት፡ አርእስተን፡ ሐጻ፡ ባልሳ፡ ወእት፡ ለቤት፡ አይታ፡ ከእንዶ፡ ፈግረያ፡ ሐር፡ እት፡ አፌታ፡ እብ፡ ዝብጠት፡ ከበር፡ እት፡ ልሸምብራ፡ ወእት፡ ልዘፍና፡ ሂቦ፡ ወይዳ፡ ወሐር፡ ክል፡ ዶል፡ እት፡ ልሸምብራ፡ እግል፡ ተሮክያይት፡ ለዐድ፡ ደውራ።

፬፡ ወሰብ፡ ለዐድ፡ እት፡ ለአካን፡ ክም፡ መጽአው፡ እባ-እባ፡ ው ላድ፡ ለማይት፡ ወሐው፡ እት፡ አፌት፡ ለቤት፡ እግል፡ ሕድ፡ ኤማን፡ እት፡ ለወዳ፡ ሐና፡ እገሌ፡ ወድ፡ እገሌ፡ እግል፡ እትመመከ፡ ወእግል፡ ሒለፈከ። ልብሎ፡ ከለትሳቅሮ።

፭፡ ገድም፡ ለሰብ፡ እት፡ አካን፡ ለቀብር፡ እንዶ፡ ገሰው፡ ለሕፍ ረት፡ ለዳሉ። ወሀታ፡ እብ፡ ሕፍረት፡ እት፡ ቀበት፡ ሕፍረት፡ ትትሐ ፈር፡ በሀለት፡ ሰልፍ፡ ሐቱ፡ ክም፡ ተሐፈረት፡ ሐር፡ እት፡ ቀበታ፡ ግናዘት፡ ለትትከሬ፡ አታ፡ ሐቱ፡ ብዕደት፡ ንኢሽ፡ ማ፡ መልገባ፡ ትት ሰጠር። ክላ፡ ለሕፍረት፡ ክም፡ ልማዶም፡ አስክ፡ ሐድ፡ ሰለስ፡ ማ፡ አር ባዕ፡ አመት፡ ሐድ፡ ለተትሐዜ፡ ለቆርዋ። ከምን፡ ለሰብ፡ ገሌሆም፡ እሉ፡ ሕፍረት፡ ሐፍሮ። ወገሌሆም፡ ሕፍረት፡ ለልትደባእብ፡ እበን፡ አሩ። ደአም፡ ሞት፡ እግል፡ ኢትብዛሕ፡ ለግናዘት፡ እት፡ ለሕፍረት፡ አስክ፡ ትትደፈን፡ እብ፡ ሐትሐቱ፡ ረፍዕውን፡ ለሕፍረት፡ ክም፡ ተሐ ፈረት፡ እበን፡ ለክረው፡ ሰብ፡ ግናዘት፡ እግል፡ ልርፉዕ፡ እት፡ ዐድ፡ ለቀብሎ።

፮፡ እብሉ፡ ወክድ፡ እሉ፡ እት፡ ቤት፡ ለማይት፡ ለቀሩብ፡ ምን፡ ምዕጥን፡ ሌጠ፡ ማይ፡ እንዶ፡ አምጸአው፡ ለግናዘት፡ ሐጽቦ፡ ወ ምን፡ ለመክፈን፡ እግል፡ አሲር፡ ለመክፈን፡ ለግናዘት፡ ኖሳ፡ ወእግል፡ ዕማመት፡ ለእሲት፡ ወእግል፡ ለአንስ፡ ቤት፡ እብ፡ ለማይት፡ ለገበእ፡ ጨረርም፡ እንዶ፡ አትረፈው፡ ከፉና። እሉ፡ ክም፡ ወደው፡ ማይ፡ ቅ ዲት፡ ነስንሱ፡ ዲባ፡ ወብላይ፡ ልቡስ፡ ገልቡባ። ሐር፡ ቀሽ፡ እንዶ፡ መጽአ፡ ልባን፡ ለተንን፡ ወለደውር፡ ወጃክት፡ ለታቦት፡ ከሬ፡ እታ። ለ ዶል፡ ሀዬ፡ እሲት፡ ለማይት፡ ወአንስ፡ ቤት፡ እብ፡ ለማይት፡ ሰርጎሀን፡ ቀንጥጣ፡ ወምን፡ ለጨረርም፡ ለመክፈን፡ ለእሲት፡ ዕማመት፡ ትወዴ፡ ወለሀን፡ ጸነብል፡ አስራ።

፯፡ እግል፡ ለሕፍረት፡ እበን፡ ለጸረው፡ ሰብ፡ ምን፡ ቀብር፡ ክም፡ አቅበለው፡ ወእት፡ ቤት፡ ለማይት፡ ክም፡ በጽሐው፡ እብ፡ እዴሆም፡ ማ፡ እብ፡ መአስ፡ አዜመ፡ እብ፡ ለብላይ፡ ልቡስ፡ ወለጃክት፡ ለታቦት፡ ለትገልበበት፡ ግናዘት፡ ለፈግሮ። — ክም፡ ዓደት፡ በዲር፡ ግናዘት፡ ት ግሬ፡ ወነይ፡ ነአይሽ፡ እብ፡ ጎጽ፡ ለፈጉራ፡ ዐለው። አዜ፡ ላተ፡ ክል፡ ግናዘት፡ እብ፡ ባብ፡ ትፈግር።

፰፡ ገድም፡ እብ፡ ክርባዕ-ክርባዕ፡ እት፡ ልተራተው፡ እብ፡ መአስ፡ ልግባእ፡ ማ፡ እብ፡ ዐራት፡ ብልስት፡ ማ፡ እብ፡ ሳውሪት፡ እት፡ ለቀብር፡ ጸወራ።

፱፡ ቀደም፡ ለግናዘት፡ ቀሽ፡ እብ፡ ሐራሩ፡ ወዋጦት፡ እት፡ ለዐን ድሮ፡ መሩሕ፡ ወአንስ፡ ከበር፡ እት፡ ልዘብጣ፡ ወተሮክያይት፡ እት፡ ልወይዳ፡ ተልያሆም።

፲፡ እት፡ ገበይ፡ እት፡ እንቶም፡ ለጸውረት፡ ክልኤ፡ ዶል፡ እት፡ ምድር፡ ለግናዘት፡ ከሩ፡ ወዶል፡ እሉ፡ በጢር፡ ለአንስ፡ ከፍ፡ ልብላ።

፲፩፡ እት፡ ለቀብር፡ ክም፡ በጽሐው፡ እት፡ ስምጥ፡ ለሕፍረት፡ ለ ግናዘት፡ ከሩ። ወሐር፡ ገሌሆም፡ ምን፡ ለግናዘት፡ ቀሽ፡ ለልትከበታ፡ ጃክት፡ ለታቦት፡ ቀንጥጦ፡ ወእንዶ፡ ረፍዕው፡ እት፡ ረአስ፡ ለሕፍረት፡ ለብላይ፡ ጸብጦ፡ ወገሌሆም፡ እብ፡ እዴሆም፡ ሌጠ፡ እንዶ፡ ረፍዕው፡ እግል፡ ለግናዘት፡ እት፡ መልገባ፡ ለሕፍረት፡ ክርዋ፡ ወረአሳ፡ ሸንከት፡ ምውዳቅ፡ ጸሐይ፡ እት፡ ረአስ፡ እበነት፡ ወእገራ፡ ሸንከት፡ ምፍጋራ፡ እንዶ፡ ወደው፡ — ለግናዘት፡ ነይ፡ እናስ፡ ምን፡ ትገብእ፡ እብ፡ ስምጥ፡ ድማኑ፡ ወእሲት፡ ምን፡ ትገብእ፡ እብ፡ ስምጥ፡ ድገለባ፡ — ለተክሩራ።

፲፪፡ እባ-እባ፡ ምን፡ ለቀሽ፡ ልባን፡ እብ፡ ሐራሩ፡ ነሱእ፡ ወአዜ መ፡ እት፡ ለተኖ፡ እብ፡ መላግብ፡ ላጉባ፡ ወእግል፡ ሕጽቤ፡ ለግናዘት፡ ክም፡ ለትበሀለ፡ እብ፡ ማይ፡ ምዕጥን፡ ወእብ፡ ሐጻ፡ መርግ፡ እንዶ፡ ወ ደው፡ ለመጣርቁ፡ ዳቡእ።

፲፫፡ ገድም፡ ለብላይ፡ ልትረፋዕ፡ ወለመላግበት፡ ምን፡ ለሕፍረት፡ ፈግሮ። ሐቆሃ፡ ምስል፡ ለማይት፡ ጠል፡ እግል፡ ኢልብዴ፡ ሰዐር፡ ጥሉ ል፡ ምስል፡ ለሐጻ፡ እግል፡ ኢልደፈን፡ እት፡ ልትዐቀቦ፡ እብ፡ ሐጻ፡ ሼሸዋ።

፲፬፡ ከለሕፍረት፡ ክም፡ መልአው፡ ወክም፡ አጥፈሐው፡ እባ-እ ባ፡ ሰብ፡ ቤት፡ እብ፡ ለማይት፡ እት፡ ረአስ፡ ለሕፍረት፤ "እግል፡ ንትመ መከ፡ ወእግል፡ ንሕለፈከ፡ ፈታይ፡ ኢልደንግጽ፡ ወአባይ፡ ኢልፍ

ራሱ። እት፡ ልብሎ፡ ለትሳቅሮ። አሰር፡ እሊ፡ ገሌ፡ አሐ፡ እንደ፡ አም  
 ጸአው፡ እግሉ፡ ለቀብር፡ ሰለስ፡ ዶል፡ ክም፡ አክለለዋ፡ ወደ፡ ለማ  
 ይት፡ ማ፡ ሐሁ፡ እግሉ፡ ለማይት፡ እግሉ፡ ለወአት፡ ለሰልፍ፡ እንደ፡  
 አደበረ፡ እብ፡ ከናት፡ ሐርዳ፡ ወወአት፡ ድራር፡ ትትበሀል። ግራ፡ እሊ፡  
 ምን፡ ለተርፈያ፡ ክም፡ ቀልቦም፡ ሐድ፡ ማ፡ ብዙሕ፡ ቀጻፈን፡ ነሱእ፡  
 ምነን፡ ወሐር፡ እብ፡ መቅርሕ፡ ወክም፡ ዲኖም፡ ሐሩደን።

፲፮፡ ወሐር፡ ለለዓል፡ ለቀብር፡ ምክ፡ እብ፡ ገበይ፡ ክያል፡ ምክ፡  
 እብ፡ ምዳድ፡ እብ፡ እበን፡ ነዱቆ፡ ወነጅሕዎ። ወአዜ፡ እብሊ፡ ዘበን፡  
 ሐር፡ ሀዬ፡ ዐራት፡ ማ፡ ኖረት፡ እንደ፡ ወደው፡ እብ፡ ድጌ፡ ቀብር፡ ሀ  
 ለው። — ምን፡ ዘበን፡ በዲር፡ ዐባዪ፡ መንሳዕ፡ እት፡ መልገብ፡ ሀይ  
 ገት፡ እት፡ ስምጥ፡ ማርያም-ጩወን፡ ልትቀበር፡ ዐለው፡ ወእግል፡  
 ለብዕድ፡ አዳም፡ ላተ፡ እት፡ ለረክበዋ፡ አካን፡ እት፡ ዕንክለት፡ ልግባእ፡  
 ማ፡ እት፡ ገርሀት፡ ቀቡርም፡ ዐለው፡ ወአዜ፡ እብሊ፡ ዘበን፡ እሊ፡  
 ምን፡ ሰብ፡ ብሌን፡ ለለምደዎ፡ መልገብ፡ ለዶል፡ ወድዎ፡ ኢዐለው።  
 — እብ፡ ሐጺን፡ ለሞተ፡ ወእሲት፡ ድግለሊት፡ ወነአይሽ፡ ቀብርም፡  
 ኢልትነጃሕ።

፲፯፡ እት፡ ረክስ፡ ለቀብር፡ ግራብ፡ ለማይት፡ ማ፡ ለማይተት፡ ክም፡  
 መተርአስ፡ ማ፡ ምዕሽር፡ መስል፡ ወቅርድ፡ ለማይት፡ እግሉ፡ ልጥለል፡  
 ሸልዐት፡ ከሩ፡ እቱ።

፲፰፡ ፍትሐም፡ ትቱ፡ ኩሉ፡ ለሰብ፡ ወአንስ፡ ለዐድ፡ እት፡ ቀብር  
 ዲ፡ መጸእ፡ ደአም፡ ከንቴባይ፡ ወቀሽ፡ ወእሲቱ፡ ለዐምሰት፡ ወራት፡  
 ኢወዳ።

፲፱፡ ደንጎብ፡ ምን፡ ለቀብር፡ እት፡ ልትበገሶ፡ እግሉ፡ ሰብ፡ ለ  
 ማይት፡ "አሰሩ፡ ልሐሲ፡ እትኩም።" ልብሎ። ወለሆም፤ "አኪት፡  
 ትስረረኩም።" በልሶ።

፳፡ ለአንስ፡ ሀዬ፡ ሕፍረት፡ አስክ፡ ትደፈን፡ እት፡ ስምጣ፡ ከበ  
 ሮ፡ እት፡ ልዘብጣ፡ ተርክያይት፡ ወይዳ፡ ወሐጻ፡ ባልሳ፡ ወእሲት፡ ለማ  
 ይት፡ ጭገር፡ ረአሳ፡ ትነጭጭ። ወሐር፡ ለሰብ፡ እት፡ ለቀብር፡ እበን፡  
 እት፡ ልካሩ፡ ለአንስ፡ እንደ፡ ትነወከያ፡ ሂቦ፡ ወይዳ፡ — ወዶል፡ እሊ፡  
 ሂቦህን፡ ልግባእ፡ ማ፡ ዶል፡ ጊሰት፡ ማ፡ እቅባለት፡ አክል፡ ለአድግ፡ ነ  
 ሐቀ፡ ንኢሸቶ፡ ከፍ፡ ልብላ።

፳፩፡ ወለዋጦትመ፡ ክል፡ ዶል፡ ምስል፡ ለአንስ፡ እንደ፡ ገአው፡  
 እግሉ፡ ለማይት፡ ሐምዶ፡ ወዐንድሮ።

፳፪፡ እት፡ ኬለብ፡ ለማይት፡ ክም፡ አቅበለው፡ ምን፡ ስጋ፡ ለተሐ  
 ረደት፡ አሐ፡ ሰብ፡ ለዓደት፡ ክምስል፡ ከንቴባይ፡ ወቀሽ፡ መስል፡ ፍት  
 ሐም፡ እንደ፡ ነስአው፡ ምነ፡ ለተርፈ፡ ስጋ፡ ምስል፡ ልትበሸል፡ ወሰብ፡  
 ዐድ፡ ወሰብ፡ ገቢለት፡ ምስል፡ በልዕም።

፳፫፡ እት፡ ቤት፡ ለማይት፡ ምን፡ ሐሪጭ፡ ለቤቱ፡ እሲት፡ እከለት፡  
 ድራር፡ ለግናዘት፡ ክም፡ አብሸለት፡ እሲቱ፡ ኖሳ፡ ሰለስ፡ ዶል፡ ግዛዘት፡  
 እንደ፡ ነጨት፡ ምና፡ ሰለስ፡ ዶል፤ "ፍላን፡ ትብጻሕ።" እት፡ ትብል፡  
 እብ፡ ሐትሐቱ፡ እት፡ ለሐንረቀይ፡ ትለክፈን። ወለተርፈ፡ ምና፡ መስ  
 ኪን፡ ወለረድያ፡ በለዓ፤ ምና፡ ተ፡ እግሉ፡ ግናዘት፡ እናስ፡ ገአት፡ ምን፡  
 ገብእ፡ ሰብ፡ ሌጠ፡ በልዕዎ፡ ወእግል፡ ግናዘት፡ እሲት፡ ገአት፡ ምን፡  
 ገብእ፡ አንስ፡ ሌጠ፡ በለዓሃ።

፳፬፡ ወእምበል፡ እሊ፡ እከለት፡ እሊ፡ ለቤት፡ ለማይት፡ ብዕደት፡  
 ኢተበሸል፡ ደአም፡ ለዐድ፡ አካል፡ እንደ፡ አብሸለ፡ እት፡ ቤት፡ ለ  
 ማይት፡ ለመጽእ፡ ወሰብ፡ ለማይት፡ ወሰብ፡ ለገሻ፡ ልዳረር፡ ምነ።

፳፭፡ እሲት፡ ለማይት፡ ዐርቀያ፡ ክም፡ አውደቀት፡ ወለአንስ፡ ለአ  
 ካል፡ ክም፡ አብሸለያ፡ እንደ፡ አቅበለያ፡ ሐትሐቱ፡ ዶል፡ አስክመ፡  
 ሰር፡ ላሊ፡ እግሉ፡ እሲት፡ ለማይት፡ እት፡ ለደፋፍአ፡ ወአት፡ ልሸምብ  
 ራ፡ ሂቦ፡ ወይዳ። ወሐር፡ አስክ፡ ምድር፡ ጸብሕ፡ እት፡ ለአካን፡ እን  
 ዶ፡ ሰክበያ፡ እት፡ ቤት-ቤተን፡ ገይሳ።

፳፮፡ ወለሰብ፡ ሀዬ፡ እከለት፡ ወስጋ፡ ክም፡ በልዐው፡ እት፡ አምእ  
 ሶም፡ ወአት፡ ተካይቦም፡ እት፡ እንቶም፡ እግሉ፡ ሰብ፡ ለማይት፡ እት፡  
 ልፈጉዕ፡ ወአት፡ ልትሃገው፡ ወቡን፡ ወትምባኮ፡ እት፡ ልሰቱ፡ ወአት፡  
 ልትሃጀኮ፡ ወሐይለት፡ እት፡ ለተንሱ፡ ልትመደው፡ ወሐር፡ እብ፡ ፈጅ  
 ራ፡ ዐድ-ዐዶም፡ ገይሶ።

፳፯፡ ለማይት፡ እስሌመይ፡ ምን፡ ገብእ፡ እት፡ አካን፡ ለቀሽ፡ ሹክ፡  
 እት፡ ለቀብር፡ መርሕ። ወለግናዘት፡ እንደይ፡ ትትቀበር፡ ሰላት -  
 አል - ግናዘት፡ ልሰሌ፡ እላ። እስሌመይመ፡ ሀዬ፡ እት፡ ለመልገብ፡  
 ለሐፍረት፡ እብ፡ ድማኑ፡ ልትከሬ፡ ደአም፡ ረአስ፡ እሊ፡ ግናዘት፡ ሸን  
 ከት፡ ምናጋር፡ ጸሐይ፡ ወእገራ፡ ሸንከት፡ ምውዳቅ፡ ጸሐይ፡ እንደ፡  
 አትለው፡ ገጻ፡ ቅብለት፡ ለትወሉብ።

፳፯፡ እግል፡ አንስ፡ ወእግል፡ አግሩዝ፡ ቀብሮም፡ ብዙሕ፡ ኢሊ ገርሞ፡ ወለዕለቅዲ፡ ብዙሕ፡ ዶል፡ ሐንቲ፡ እበን፡ ዐባዩ፡ ሌጠ፡ ልደፈኖ።

፳፰፡ ቀሽ፡ ምን፡ ልትሐገል፡ እናስ፡ ክቡድመ፡ እግል፡ ለግናዘት፡ ልባን፡ ለተንን።

24 : ሕርደት : ርጋዝ።

፩፡ እብ፡ ቀብር፡ ማይት፡ ለኢዐረ፡ እት፡ ርጋዝ፡ መጽእ።

፪፡ እሊ፡ ርጋዝ፡ ክል፡ ምርት፡ ክም፡ ሐዘ፡ ወለቀድም፡ ወአስክ መ፡ ሰር፡ ዓመት፡ ለደንግሮ፡ ወአስክ፡ ለርጋዝ፡ ልትሐረድ፡ ለማይት፡ ልትበኬ። ጽብሕ፡ ምድር፡ ወምሴ፡ ሞጦት፡ ዕንድሮም፡ ዘብጦ፡ ወአንስ፡ ጽዋር፡ ለማይት፡ ማ፡ ሰርጎ፡ ለእሲት፡ እንዶ፡ ረፍዐዶ፡ እብ፡ ወተር-ወተር፡ እት፡ ልሸምብራ፡ ወእት፡ ልዘፍና፡ ወእት፡ ልሰሰን፡ ሂቦ፡ ወይዳ፡ ለሰብ፡ እብ፡ እንክሮም፡ እት፡ ለዐፍወን፡ ወእግል፡ ለአዳሞም፡ ሞተ፡ ምኖም፡ እት፡ ለትገጃኩም፡ ወእብ፡ ወራት፡ እት፡ ልሰድዎም፡ ምስሎም፡ ሐዝኖ።

፫፡ እብ፡ ወክድ፡ ለርጋዝ፡ ዐድ፡ ለማይት፡ እብ፡ ሰዳየት፡ ለዐድ፡ ነጸጽ፡ ወመገዲት፡ ወማይ፡ እንዶ፡ አከባ፡ ወእብ፡ አቅሩሽ፡ ኖሱ፡ ቡን፡ ወትምባኩ፡ እንዶ፡ ዛብ፡ ልዳሌ።

፬፡ ወዶል፡ አምሱይ፡ ለላሊ፡ ለርጋዝ፡ አዳም፡ ምን፡ ቅሩብ፡ ወ ምን፡ ርሐቅ፡ መጽእ፡ ወሞላድ፡ ለቱ፡ ወአት፡ ምስሎ፡ ነስእ። ለመት አካብ፡ እግል፡ ለርጋዝ፡ እት፡ ኬሉብ፡ ለማይት፡ ገብእ። ከእብ፡ መዐያ -መዐያ፡ ወክም፡ ዲኖም፡ እንዶ፡ ተአከበው፡ ሐቲ፡ ማ፡ ክልኤ፡ ወአት፡ ድራር፡ ሐርዶ፡ ወጠቡሕ፡ ከእሊ፡ ስጋ፡ ወለእሉ፡ ማጥዎም፡ አካል፡ ለ ዐድ፡ እብ፡ ስርዐት፡ በዲርም፡ በሉዕ፡ ገድም፡ እት፡ ለነጸጽ፡ እት፡ መሐበር፡ ቡን፡ ወትምባኩ፡ እት፡ ልሰቱ፡ ወእት፡ ልዳግሞ፡ ወእት፡ ለ ሐሉ፡ ልትመየው። አንስ፡ ሀዩ፡ ክም፡ ለእት፡ ለሞቱ፡ ሂቦህን፡ ወይዳ፡ ልትመየዶ።

፭፡ እብ፡ ኖከት፡ ምድር፡ አዳም፡ ምን፡ ለነጸጽ፡ እንዶ፡ ቀ ንጽ፡ ንኢሸቶ፡ ቅድም፡ ልብል፡ ወሐር፡ እግል፡ ሐቲ፡ ወአት፡ ነይ፡ ለቤት፡ ለማይት፡ እንዶ፡ ሸሐጋ፡ አስረው፡ ወልዳ፡ ማ፡ ሐ፡ ለማይት፡ እብ፡ ከኖት፡ ሐርዳ፡ ወሀታ፡ ክም፡ ወ አ ት ፡ ር ጋ ዝ ፡ ማ፡ ነይ፡ ሸ ሐ ግ ፡ ማ፡ ነይ፡ አ ቅ ሕ ማ ፡ እንዶ፡ ተዐለበት፡ ትትባህል። እብ-እብ፡ ሰብ፡

ቤት፡ ለማይት፡ አስክመ፡ ሰለስ፡ ዶል፡ ደርብ፡ ሕድ፡ እንዶ፡ ትከረው፡ ወጽዋር፡ እንዶ፡ ረፍዐው፡ ለትሳቅሮ፡ ከሞጦት፡ ዕንድሮም፡ ዘብጦ፡ ወአንስ፡ ሂቦ፡ ወይዳ፡ ምን፡ ስጋ፡ ለወአት፡ ቀሽ፡ ወብዕዳም፡ ሰብ፡ ለ ዓደት፡ ሐቆም፡ ክም፡ ነስአው፡ ለተርፈ፡ ምን፡ እት፡ ቤት፡ ለማይት፡ አቲ።

፮፡ ገድም፡ ለሰብ፡ ምንመ፡ ልውሕድ፡ እት፡ ደባሳ፡ እግል፡ ቤት፡ ለማይት፡ ቅርሽ፡ ሀዩባ፡ ወክሎም፡ ዐድ-ዐድም፡ ለቀብሎ።

፯፡ እት፡ ረአስ፡ እሊ፡ ሀዩ፡ እት፡ ክል፡ ዓሱር፡ ወዕስራ፡ ወሰላሳ፡ ወአርባ፡ ወሐቆ፡ ሰር፡ ዓመት፡ ሰለስ፡ ምዕል፡ ወእት፡ ዓመታ፡ ሐቆ፡ ለሞት፡ ስልቃ፡ ወዳ፡ ወሂቦ፡ ትደገም። — እምበልሀ-መ፡ ወልዳ፡ ማ፡ ሐ፡ ለማይት፡ ዓመት-ዓመት፡ እት፡ ፊቃዶ፡ ለማይት፡ ስልቃ፡ ወዴ፡ ወእግል፡ ለሰብ፡ ለሰቲ።

25 : ውርስ : ወዋርሰት።

፩፡ እት፡ ሽማገሌ፡ ኖትሕ፡ ተቀራብ፡ ወውርስ፡ ክእና፡ ቲ።

፪፡ ክም፡ ለስርዐት፡ ውርስዳ፡ ክል፡ ዶል፡ ምን፡ ለተርፍ፡ ው ላድ፡ ተብዕን፡ ወርሶ።

፫፡ እናስ፡ ምን፡ ተርፉ፡ ውላድ፡ ኖስ፡ ልግባእ፡ ማ፡ ውላድ፡ ሐ፡ እንደይ፡ ሐድግ፡ ምን፡ መይት፡ ውርሱ፡ እብ፡ አብ፡ እት፡ ለቀርቦ፡ ተብዐት፡ ሐልፍ።

፬፡ ቀደም፡ ለእሲት፡ ለብእሳ፡ ምን፡ መይት፡ ጼዋ፡ ቤት፡ አብ፡ ለማይት፡ እግል፡ ለእሲት፡ ትወርሳ፡ ደአም፡ ክም፡ ለስርዐት፡ ምን፡ ኖ ትሕ፡ ብእሳ፡ ጥልቅት፡ ቲ፡ ደኢኮን፡ እት፡ ውርስ፡ ተላክማ፡ ቀልባ፡ ኢገኦ፡ ምን፡ ገብእ፡ ቀስባ፡ አለቡ። ወምን፡ ሐ፡ ለማይት፡ ማ፡ ሀቲ፡ ምን፡ ኢሀሌ፡ ምን፡ ለቀርቦ፡ ሐቅ፡ ሕድጎ፡ ባ። ከእት፡ ምር፡ ብዕድ፡ ኢተሀዴት፡ ምን፡ ገብእ፡ ምስል፡ ውላዳ፡ እት፡ ዳር፡ ብእሳ፡ ትነብር።

፭፡ አብ፡ ክም፡ ሞተ፡ ክሎም፡ ውላድ፡ ተብዕን፡ ለአንሱ፡ ሌጠ፡ ወሩሶ፡ ከዳሩ፡ ከፍሎ። — ወለት፡ አንስ፡ ምን፡ ዳር፡ አቡሃ፡ ሴመ፡ ኢትወርስ፡ ምና፡ ቲ፡ አስክ፡ ትትሀዴ፡ ምን፡ ዳር፡ አቡሃ፡ ወዳርመ፡ ምን፡ ኢሀሌ፡ እብ፡ ለወሩሶ፡ ማ፡ እግል፡ ሊረሶ፡ እብ፡ ለባም፡ ትትመ ወን፡ ወትለብስ፡ ወፍትሕ፡ ሕጼሃ፡ ወሀዳዶ፡ ሀዩ፡ ሀይቦ፡ እላ።

፮፡ አብ፡ ነይ፡ ውርስ፡ እምዲ፡ ወለት፡ ሆይ፡ ሰርጎሃ፡ ወጥናባ፡ ት  
ረክብ። — እግል፡ መበል፡ ምንመ፡ አበይቶም፡ በንበን፡ ገቡእ፡ ክ  
ሎም፡ ለውላዳ፡ አክል-ሕድ፡ ወሩሳ። — መበል፡ ውላድ፡ ተብዕን፡  
ደይ፡ አለባ፡ ምን፡ ትመይት፡ አቡሃ፡ ማ፡ ሒሃ፡ ማ፡ ሀቱመ፡ ምን፡ ኢ  
ሀሌ፡ ምን፡ ቤት፡ አብ፡ ምን፡ ኩሉ፡ ለቀርባ፡ ወርሳ። ደአም፡ ሰርጎሃ፡  
ወጥናባ፡ እግል፡ አዋልዳ፡ ቱ፡ ወአዋልድመ፡ ኢሒድገት፡ ምን፡ ገብእ፡  
ሐዋታ፡ ወርሳሁ።

፯፡ አብ፡ ክም፡ ሞተ፡ ፍጎ፡ እት፡ ዐቢ፡ ለሐው፡ እት፡ ወድ፡ ብ  
ክር፡ ነይ፡ ለሰልፍ፡ ተሐጺት፡ እም፡ ሐልፍ።

፰፡ አቡሆም፡ ክም፡ ሞተ፡ ለውላድ፡ ዳሮም፡ እንደይ፡ ከፍሎ፡  
ዎሮት፡ ምኖም፡ ውላድ፡ ተብዕን፡ እንደይ፡ ወልድ፡ ምን፡ መይት፡ ገር  
ዛ፡ ውርሱ፡ ሐው፡ ውላድ፡ ለዎሮት፡ አቡሆም፡ ወሐቲ፡ እምም፡ ሌጠ፡  
ነስእም፡ ወእብ፡ አቡሁ፡ ማ፡ እብ፡ እመ፡ ሌጠ፡ ሐው፡ ለገአው፡ ምን፡  
ውርሱ፡ ሴመ፡ ኢረክቦ።

፱፡ አብ፡ ምን፡ ውላዳ፡ ዎሮቶም፡ ውላድ፡ ተብዕን፡ እንደይ፡ ወ  
ልድ፡ ምን፡ መይት፡ ለማሉ፡ ኖሱ፡ ወርሶ።

፲፡ ወዳር፡ አቡሆም፡ እንደይ፡ ከፍሎ፡ ምን፡ ምግብ፡ ኩሉ፡ ለ  
ማል፡ ሰልፍ፡ እሊ፡ ከሩ፡ ምኑ፡ ምን፡ ቀደም፡ ኩሉ፡ አቡሆም፡ እን  
ደይ፡ ፈድዮ፡ እግል፡ ልክራሎ፡ ለለትሐዜ፡ ማል፡ ፈዳ፡ ለእሉ፡ ሐድገ፡  
ዕዳዩ፡ እግል፡ ክፍለት፡ ዕዳይ፡ ሕጺ፡ ወሀዳይ፡ ለአዋልድ፡ ለለትሐዜ፡  
ወማል፡ ፍጎ፡ ወእግል፡ ሐቅ፡ ለንኡሽ፡ ለሐው፡ ለገብእ፡ ልግባእ፡ ማ፡  
እግል፡ ወድ፡ ፍጎ፡ ለበጽሐ፡ በሀለት፡ እምበል፡ ለማል፡ ለፍጎ፡ ሐቅ፡  
ክልኦት፡ ክፈል፡ ነይ፡ ለትረፍ፡ ለውርስ፡ ዎሮት፡ እብ፡ ሒራኑ፡ እግል፡  
ኖሱ፡ ወዎሮት፡ ምንመ፡ ቀደም፡ እሉ፡ ኢልትወለድ፡ እብ፡ ስም፡ ወድ፡  
ብክሩ፡ እሊ፡ ኩሉ፡ ከሩ።

፲፩፡ ክም፡ ማል፡ ፍጎ፡ እት፡ እንቱ፡ ወድ፡ ለፍጎ፡ እሊ፡ ኩሉ፡ እ  
ግል፡ ልንሳኦ፡ ሐቅ፡ ቡ። አቡሁ፡ ዎሮት፡ ምግዳ፡ ሌጠ፡ ምን፡ ረክብ፡ ወድ፡  
ለፍጎ፡ እት፡ ረአስ፡ ውሀር፡ ሰቡዕ፡ ወአት፡ እብ፡ ሰቡዕ፡ ወለተን፡ ነስእ፡  
ወምን፡ ዎሮት፡ መፍረር፡ ወኬን፡ ንዋይ፡ ምን፡ ሀሌ፡ ለአሐ፡ ዐባይ፡  
ነስእ፡ ወምን፡ ሀሉ፡ ምን፡ ትግሬ፡ ፈራዕ፡ ክስታን፡ ወፈራዕ፡ እስላም፡  
ነስእ፡ ወምን፡ ቀላቅል፡ ገርሀት፡ ወምን፡ ኣውለት፡ ገርሀት፡ እንደ፡  
ሐረ፡ ነስእ፡ ወምን፡ ቤት፡ አቡሁ፡ ክብት፡ ለቱ፡ ክምሰል፡ ደሀብ፡ ጁ  
ከት፡ ፍራሽ፡ ጀነጅር፡ መወቅሕ፡ ወሀሮመታት፡ ምን፡ ለጽዋር፡ ዎሮ፡

ሰይፍ፡ ወበቀል፡ አቡሁ፡ ወለአዳጉ፡ ወዐጣሉ፡ ነስእ። ምን፡ አግብር፡  
ሆይ፡ ገብር፡ ወአመት፡ ነስእ። ወለሐው፡ እት፡ ልክፍሎ፡ ርስዕት፡ እት፡  
እንተ፡ ለትረከበት፡ ምስል፡ እግል፡ ልክፍሎ፡ እት፡ እዛማ፡ ምን፡ ትግሬ፡  
እናስ፡ ሆይቦ፡ ደአም፡ እት፡ ልክፍሎ፡ እናስ፡ ምን፡ ኢሆይቦ፡ ሐር፡ ምን፡  
ማል፡ አቡሆም፡ ርስዕት፡ እት፡ እንተ፡ ለትረከበት፡ እግሉ፡ ተ። ወምን፡  
ለውርስ፡ አቡሆም፡ እት፡ አካን፡ ለማል፡ ገርሀት፡ ጽብጥት፡ ምን፡ ተሀሌ፡  
በዐላ፡ አስክ፡ ለፈግሬ፡ ብልዒታ፡ ወድ፡ ፍጎ፡ በለዓ፡ ደአም፡ ማል፡  
ለፍገሬታ፡ ክሎም፡ ምስል፡ ልክፍሎ፡ ወሐር፡ ለዳር፡ ክም፡ ትከፈለ፡  
ቀደም፡ ክሎም፡ ለሐው፡ ሐሬ።

እት፡ ረአስ፡ እሊ፡ ሆይ፡ እት፡ ልክፍሎ፡ ሐቅ፡ ገርሀት፡ ልባስመ፡ ቡ።

፲፪፡ ንኡሽ፡ ለሐው፡ ሐቅ፡ እሊ፡ ቱ። እንደ፡ አትካለሉ፡ እት፡ ክረይ፡  
ሞራሁ፡ ገርሀት፡ ወእት፡ ክረይ፡ ሞራሁ፡ ፍሊት፡ ነስእ፡ ወቀጣን፡ ቤት፡  
አቡሁ፡ ክምሰል፡ ዕድብ፡ መግጽድ፡ መሳራት፡ መፋርቅ፡ ጽሬታታት፡  
ወእሊ፡ ለመስል፡ ነስእ፡ ክምሰል፡ እመ፡ እት፡ ቤት፡ ተርፍ።

፲፫፡ ገድም፡ ምን፡ ኩሉ፡ ለውርስ፡ ማል፡ ለዕዳይ፡ ማል፡ ሀ  
ዳይ፡ ለሐዋት፡ ማል፡ ወድ፡ ፍጎ፡ ወተውሳክ፡ ፍጎ፡ ወለነይ፡ ለንኡሽ፡  
እንደ፡ አትረፈው፡ እት፡ ለዋርሰት፡ ለተርፈ፡ አክል-ሕድ፡ ከፍሎ።  
ክፍለት፡ ለዳር፡ ላተ፡ እት፡ ለንኡሽ፡ ተ። ወሀቱ፡ ኢሸንገለ፡ ምን፡ ገብእ፡  
እት፡ አካን፡ ምን፡ ለሞላዳ፡ ዎሮት፡ ለጸብጦ። ከእሊ፡ ልግባእ፡ ማ፡  
ለሀይ፡ እት፡ ለክፍለት፡ እንደይ፡ በጽሕ፡ ምን፡ ለዳር፡ ገርሀት፡ ለልባስ፡  
ወድ፡ ፍጎ፡ ወእግል፡ ኖሱ፡ ገርሀት፡ ክረይ፡ ሞራሁ፡ ወክምሰልሁመ፡  
ፍሊት፡ እብ፡ ክረይ፡ ሞራሁ፡ በኑ፡ ፈንትዮ፡ ወሐር፡ እብ፡ ዕልብ፡ ለ  
ሐው፡ ዎሮት፡ ዛይድ፡ ኩሉ፡ ለተርፈ፡ ዳር፡ ክምሰል፡ አሐ፡ ግራሁ፡  
ትግሬ፡ ወአግብር፡ ወአማት፡ አክል-ሕድ፡ ታኬ።

፲፬፡ ወክም፡ ታክ፡ ወድ፡ ፍጎ፡ ሰልፍ፡ ክፈል፡ ኖሱ፡ ሐሬ፡ ሐቆ  
ሁ፡ ክሎም፡ ክም፡ ተውሊደቶም፡ አሰር-ሕድ፡ ሐሩ፡ ወደንጎባ፡ ለተር  
ፈ፡ ትከይ፡ ለወድ፡ ፍጎ፡ እት፡ አካን፡ ወልዳ፡ ውሉድ፡ ልግባእ፡ ማ፡  
ሐር፡ ምን፡ ልትወለድ፡ ነስእ። ሐር፡ ለንኡሽ፡ እግል፡ ለወድ፡ ፍጎ፡  
ገርሀት፡ ልባስ፡ ሀይቦ፡ ወእግል፡ ኖሱ፡ ገርሀት፡ እት፡ ክረይ፡ ሞራሁ፡  
ወእት፡ ክረይ፡ ሞራሁ፡ ፍሊት፡ ነስእ፡ ወእብ፡ ለቀጣን፡ ቤት፡ አቡሁ፡  
ምስል፡ እመ፡ እት፡ ቤት፡ ተርፍ። ደአም፡ አቡሆም፡ ራኪ፡ እንደ፡  
ገኦ፡ አግርበት፡ ለቀጣን፡ ቤት፡ ምን፡ በዝሕ፡ ለንኡሽ፡ እግል፡ ለወድ፡  
ለፍጎ፡ ምን፡ ክል፡ ረአስ፡ ዎሮት፡ ሀይቦ።



፲፮። እብ፡ መን፡ ቀርብ፡ ክምስል፡ አበች፡ ወውላድ፡ አበች፡ ለልትወረስ፡ ማል፡ ፍትሐ፡ እሊ፡ ቱ። አበች፡ ማ፡ ወላድ፡ አብ፡ ለ ማይት፡ ናሶም፡ እብ፡ ጆር፡ ወእብ፡ ዕብረት፡ ኢደደደ፡ ምን፡ ኢገብእ፡ ዐቢሆም፡ ፍን፡ ወሐራን፡ እንደይ፡ ነስእ፡ አክል-ሕድ፡ እንደ፡ ወደው፡ እብ፡ ዕጽ፡ ለውርስ፡ ከፍሎ።

፲፯። ፍትሕ፡ ውርስ፡ ወላድ፡ እናስ፡ ትግረይ፡ ገሌ፡ በነ፡ ቱ። ለ ዐቢሆም፡ እት፡ ፍን፡ ወአት፡ ወውሀር፡ ሌጠ፡ ነስእ፡ ወሰልፍ፡ ሐሬ፡ ደኢኮን፡ ከሉ፡ ለተርፊ፡ ማል፡ አቡሆም፡ አክል-ሕድ፡ ከፍሎ።

፲፱። ወትግረይ፡ ተርፍ፡ ተብዕን፡ እንደይ፡ ሐድግ፡ ምን፡ መይት፡ ወወድ፡ አቡሀ፡ ማ፡ ወድ፡ እሙመ፡ ምን፡ ሀሌ፡ ወለመምብሆም፡ ምርት፡ ምን፡ ኢገብእ፡ ለመምብ፡ ለወሬዝሀ፡ ማይት፡ እግል፡ ለወሬዝ፡ ወድ፡ ለአቡሀ፡ [ምንመ፡ ቅሩብ፡ ለወሬዝሀ፡ ገብእ፡] ውርስ፡ ኢለ ሀይብ። ደአም፡ ምንመ፡ ለክልአት፡ መናቢት፡ ልትመቃሩሕ፡ ከለመም ብ፡ ለወሬዝሀ፡ ማይት፡ እግል፡ ለወሬዝ፡ ለመምብ፡ ለሀይ፡ ውርስ፡ ምን፡ ሀይብ፡ ለወሬዝሀ፡ ማይት፡ ምን፡ አሐ፡ ለወሬዝሀ፡ አርባዕ፡ ወ አት፡ ሸፍር፡ በሀለት፡ ሐቴ፡ እት፡ ሸፍር፡ ወሐቴ፡ እት፡ ሰዳዩት፡ ወ ሐቴ፡ እት፡ ምንሕት፡ ወሐቴ፡ እት፡ ብዕራይ፡ መጽዕን፡ ነስእ።

፳። ወለልትወረስ፡ ወለወርስ፡ መምብሆም፡ ምር፡ ምን፡ ገብእ፡ ለአርባዕ፡ ወአት፡ ለሸፍር፡ እንደ፡ ነስእ፡ እግል፡ ሞላዳ፡ ለወርሶ።

፳፩። አግብር፡ ወአማትመ፡ ውርስ፡ ሕድ፡ ሰም።

፳፪። ገብር፡ እብ፡ ቀሪሙዲ፡ አለቡ። ደአም፡ ወአት፡ ማ፡ ዐጤላት፡ ማ፡ አቅሩሽ፡ ለመስል፡ ብዕድ፡ ማል፡ ምን፡ ረክብ፡ ውላዳ፡ ወሩሶ።

፳፫። ደአም፡ ውላድ፡ ማ፡ ሐ፡ ምን፡ ኢረክብ፡ መምብሀ፡ ወርሶ።

፳፬። ወለገብር፡ ብዝሓም፡ ውላድ፡ ምን፡ ጸኑሕ፡ እሉ፡ ወምር፡ ምኖም፡ አቡሀ፡ እት፡ ሀለ፡ ምን፡ ግብርነት፡ ፋግር፡ ምን፡ ጸንሕ፡ ምስል፡ ለሐወ፡ ለአግብር፡ ማል፡ አቡሀ፡ ኢወርስ፡ ደአም፡ ወርሶ፡ ምን፡ ገ ብእ፡ እብ፡ ድግማን፡ ልትገብር።

26: የታይም።

፩። የታይም፡ አብ፡ አስክ፡ ሸንግሎ፡ እብ፡ ነፍሶም፡ ወእብ፡ ውር ሶም፡ ሐንቲ፡ ጸብጠይ፡ ዐቡ።

፪። ወጸብጠይ፡ የታይም፡ ምክ፡ ኢተሀዴት፡ ምን፡ ገብእ፡ እሞም፡ ትጸብጦም፡ ምክ፡ ምን፡ ትትሀዴ፡ ሐ፡ አቡሆም፡ ማ፡ እግል፡ ለየታይም፡ ለቀርቦም፡ ምር፡ ብዕድ፡ ጸብጠዮም፡ ገብእ።

፫። እግል፡ የቲም፡ ለአቡሀ፡ ማይት፡ ምክቅሩሽ፡ ማ፡ አሐ፡ አው ደከ። እት፡ ልብሎ፡ ምርት፡ መጽአዩ፡ ምን፡ ገብእ፡ ምንመ፡ አሐ፡ እት፡ ሐረቱ፡ ተሀሌ፡ ወምንመ፡ አቅሩሽ፡ እት፡ ቤቱ፡ ሀሌ፡ ዕዳዩ፡ አ ቀ ል ል ፡ ኢቤለ፡ ከከሉ፡ ማ፡ ሰሩ፡ ኢፊደ፡ ምን፡ ገብእ፡ አስክ፡ ሸንግል፡ ለሰፊድዮ፡ ፍትሕ፡ አለቡ።

፬። ለእግል፡ ሕጺ፡ ወሀዳ፡ ወለት፡ ለአትረፊም፡ ማል፡ ውርስ፡ አብ፡ ጸብጠቱ፡ እት፡ ወድ፡ ፍን፡ ተ፡ ደአም፡ ሐር፡ ምን፡ ላብድ፡ ገሌ፡ ትረፍ፡ ማ፡ ሬክ፡ ምን፡ ልትረከብ፡ እሊ፡ እት፡ ክሎም፡ ለሐው፡ እግል፡ ልትከፈል፡ ለስትሀል።

27: ስም፡ ማ፡ ከንቲባይ።

፩። ከንቲባይ፡ ምን፡ ዐድ፡ ለበልዎ፡ ወእግል፡ ዐድ፡ ለወድዮ፡ እሊ፡ ቱ። ዐዳ፡ ዘምተ፡ ምን፡ ገብእ፡ ማመት፡ ማ፡ ምን፡ ክል፡ ዐስር፡ ሐቴ፡ ወአት፡ ነስእ። — ወሀቱ፡ ናሱ፡ እት፡ ለዘምተት፡ ምን፡ ጸንሕ፡ ወአት፡ ንጋረት፡ ወወአት፡ ጽምብል፡ ወወአት፡ ግልባብ፡ ሰለስ፡ እለን፡ እግሉ፡ ተን። — ወእት፡ ለዘምተት፡ ወልዳ፡ ሌጠ፡ ምን፡ ጸንሕ፡ እግሉ፡ ተን። — ደአም፡ ሀቱ፡ ልግባእ፡ ማ፡ ውላዳ፡ ምን፡ ኢጸኑሕ፡ ምን፡ ለሐው፡ ለቀሩብ፡ ውላድ፡ እሙ፡ ማ፡ ውላድ፡ አቡሀ፡ እግል፡ ለጸንሐ፡ እቶም፡ ተን። — ለዕሰሪት፡ ላተ፡ ለማመት፡ ክል፡ ዶል፡ ነይ፡ ከንቲባይ፡ ተ።

፪። ወሐቆ፡ እለ፡ ሀዩ፡ ምን፡ ክል፡ ትግረይ፡ ለቱ፡ ምክላት፡ ነስእ፡ ሐቴ፡ ምክላት፡ በዳር፡ ሰለስ፡ ገበታ፡ እክል፡ ዐለት፡ ወሐር፡ ትግሬ፡ ምርቱ፡ እትኖ፡ ምን፡ ትቤ፡ እብ፡ ከንቲባይ፡ ብእምነት፡ እት፡ ሐምስ፡ ዕቤላ፡ ትከሬት።

፫፡ ወአዳም፡ ምን፡ ልትቀረድ፡ እቱ፡ ከ ሰብቀል፡ ትግባእ፡ ምን፡ ልብሎ፡ ማ፡ እብ፡ ወአት፡ ምን፡ ልትቀረድ፡ ወለእባ፡ ትቀረደው፡ ትን አሽ፡ ማ፡ ትዕቤ፡ ምን፡ ለትወጸዕ፡ ነሰአ።

፬፡ ወ ምጋ፡ ከንቴባይ፡ እንደ፡ ቤለዎ፡ ለተለዕ፡ ልትበላላ፡ ከ ከንቴባይ፡ ወለውሕድ፡ ወለብዝሕ፡ ኢጠልቆ።

፭፡ ወክእና፡ ሰብ፡ ከንቴባይ፡ ምስሎም፡ እት፡ ሀለ፡ ስጋ፡ ሐርደው፡ ምን፡ ገብእ፡ ክልኤ፡ ልትከተፍ። ምንመ፡ ሀቱ፡ ኢጸንሕ፡ ደአም፡ ውላ ዳ፡ ምን፡ ሀሉ፡ ሀቶም፡ ነስእወን። ወምን፡ ወአት፡ ምሀልላ፡ መንከ፡ ወንሳል፡ ቡ። ወምን፡ ወአት፡ ርጋዝ፡ መንከ፡ ሌጠ፡ ቡ። ጋሸይ፡ ጸዐ ዳ፡ ሻንፋ፡ ሀዬ፡ ጽኑዕ፡ ምን፡ ገብእ፡ ዶል፡ ሕያይት፡ ለመይት፤ ሰዐ ይብከ፡ አና፡ ሺጠን። እት፡ ልብል፡ እግል፡ ከንቴባይ፡ መንከ፡ ወን ሳል፡ ረፍዕ፡ እቱ።

፮፡ ወምን፡ ለእግል፡ ንጉስ፡ ለፈግር፡ ግብር፡ ምን፡ ለበዝሕ፡ ም እት፡ ወምን፡ ለውሕድ፡ ሕምሳ፡ ርያል፡ በልዕ። ደአም፡ ሀዬ፡ ምን፡ ገ ባር፡ ግብር፡ ለትሀይብ፡ ሌጠ፡ ደኢከን፡ ናሱ፡ ምን፡ ግብር፡ ነጻ፡ ቱ። ክም፡ ለብዕዳም፡ ቅርሽመ፡ ኢሀይብ፡ ወምን፡ እንክር፡ ንጉስ፡ እግል፡ ለመጸእ፡ ዐቀች፡ ምን፡ ቤቱ፡ እስለት፡ ኢለበሽል።

፯፡ ወንዋይ፡ ሰምሀረይት፡ እት፡ እንተ፡ ለሳገመት፡ ወበዐላ፡ እን ዶ፡ ትከተለ፡ ገርሀት፡ ለእላ፡ ሐርስ፡ ለኢልትጸባሕ፡ ከሰዐር፡ ሌጠ፡ እንዶ፡ አብለዕ፡ ለሰብክ፡ ቅርሽ፡ ሰዐሩ፡ እት፡ ከንቴባይ፡ ቱ። ደአም፡ ለልትከተል፡ ወገርሀት፡ ለልትጸባሕ፡ ቅርሽ፡ ሰዐሩ፡ እግል፡ ለበዐል፡ ለክተሉ፡ ሀይቦ።

፰፡ ወእት፡ እዛም፡ ዐድ፡ ምን፡ ልትአሰር፡ ለዐድ፡ ጠርቆ።

፱፡ ወሐር፡ እብ፡ ነይ፡ ለተስትሀል፡ ወራቱ፡ ምን፡ ገብእ፡ ዐድ፡ ጎማት፡ ምን፡ ሐዜ፡ ከንቴባይ፡ ዕንድር፡ ለትሀርም፡ እሉ፡ ወና ዳ፡ ለናዴ፡ ወክሎም፡ ለናዳ፡ ክም፡ ሰምዐው፡ እቱ፡ ልትአከቦ።

፲፡ ለትሳበከ፡ እቱ፡ ለትራትዕ፡ ከሀቱ፡ እት፡ ዐድ፡ እት፡ ሀለ፡ ለ ትሳበከ፡ ኩሉ፡ እሉ፡ ሐልፍ፡ አለቡ።

፲፩፡ ሀቱመ፡ ሀዬ፡ ዐድ፡ ምዕል፡ ለጽኑዕ፡ ሐግዙተ፡ ማል፡ እት፡ ቤቱ፡ ምን፡ ጸንሕ፡ ለትሐልፍ፡ እሉ፡ ወሐር፡ ምን፡ ዐድ፡ ነስአ።

፲፪፡ ወበዳር፡ ክም፡ ለትበሀለ፡ እብ፡ ነፍሱመ፡ እት፡ እዛም፡ ዐድ፡ ሐልፍ፡ ወእት፡ እዛም፡ ዐድ፡ ልትአሰር።

፲፫፡ ቃጸይት፡ ዐዳ፡ አቤ፡ ወዐዳ፡ ምን፡ ጋና፡ ለነግፍ፡ ለትበአ ሰ፡ ዓሬ፡ ለትሸንኬት፡ ለረትዕ።

፲፬፡ ገርሀት፡ ለሐርሰ፡ ምኑ፡ ጸብሐተ፡ ወዕሩቅ፡ ምን፡ ልርኤ፡ ለለብስ።

፲፭፡ ድቡር፡ ቤት፡ አቡሁ፡ ፈቅድ፡ ወስተይ፡ እንዶ፡ ወደ፡ ምዕል፡ በዓል፡ ቤት፡ አቡሁ፡ ለሰቱ።

፲፮፡ ከንቴባይ፡ ምን፡ ኩሉ፡ ወቀደም፡ ድጌ፡ ኢለርሔ፡ ደአም፡ ጋር፡ ገቢለት፡ ማ፡ እት፡ ግራሀ፡ ማ፡ እት፡ አሐ፡ ጋር፡ ናሱመ፡ ምን፡ ወዴ፡ እት፡ አካኑ፡ ምን፡ ፈርዐ፡ ዐቢ፡ ወዕሱም፡ ወላብብ፡ ለመስ ሎ፡ እንዶ፡ ወከለ፡ ልትፋኔ፡ ከገይስ።

፲፯፡ እሊ፡ ወኪሉ፡ ለትሳበከ፡ እቱ፡ ለትራትዕ፡ ደአም፡ ለጸን ሀት፡ እቱ፡ እሉ፡ ለጸንሐ። ምና፡ ተ፡ ሀዬ፡ ብሂል፡ ምጋ፡ ከንቴባይ፡ ፍትሕ፡ ቱ። ሰበት፡ እሊ፡ ከንቴባይ፡ ልግባእ፡ ማ፡ ወኪሉመ፡ ምን፡ ኢ ጸንሕ፡ እብ፡ መትብእሰዩ፡ እት፡ ለጸንሐዩ፡ ሽማገላይ፡ ልትባጠር፡ ከረ ትዕ፡ ምኑ።

28፡ ዓደት፡ ሸዮሞት።

፩፡ ሺመት፡ ለሐዜ፡ እናስ፡ አግዳ፡ ምን፡ ንጉስ፡ ሐዝያ፡ ወእን ዶ፡ ትሸዮመ፡ ዐዳ፡ ክም፡ ቀርብ፡ እት፡ ቤት፡ አቡሁ፡ እንዶ፡ ለአከ፡ ሰትከበቱኒ። ልብል፡ ወኩሉ፡ ለዐድ፡ እንዶ፡ ቀንጸ፡ ልትከበቶ፡ ወእን ዶ፡ ደሐረው፡ እት፡ ቤቱ፡ ለአትዎ፡ ወግልቡብ፡ እት፡ እንቱ፡ አርባዕ፡ ምዕል፡ ከልእ።

፪፡ ሐቆ፡ እሉ፡ ለግልባብ፡ እንደይ፡ ቀልዕ፡ ሰለስ፡ ግራብ፤ እት፡ ለዎር፡ ሐጻ፡ እት፡ ለካልእ፡ ሸፍር፡ እት፡ ለሳልስ፡ ሾክ፡ እንዶ፡ ወደው፡ ከሩ፡ እሉ፡ ከ፤ ምእደከ፡ ከሬ፤ ልቡሉ። ወእት፡ ሐጻ፡ ምን፡ ከሬ፡ እክል፡ በዝሕ፡ ወእት፡ ሸፍር፡ ምን፡ ከሬ፡ ንዋይ፡ በዝሕ፡ ወእት፡ ሾክ፡ ምን፡ ከሬ፡ ሐጺን፡ ክም፡ በዝሕ፡ ልብሎ።

፫፡ ሐር፡ እንደ፡ ነስአዎ፡ እት፡ አካን፡ ዐረት፡ ገይሶብ፡ ወለትገስ  
ዎ፡ ከአት፡ ረአሰ፡ ቀጠፍ፡ ካፍ፡ እቱ፡ ወልድሐሮ። ሐቆ፡ እሊ፡ ለ  
ሹም፡ ግልባቦህ፡ ቀልዕ።

፬፡ ወምን፡ ለመሐበር፡ ዎሮ፡ ዐቢ፡ ቀንጽ፡ ከእግል፡ ለዐድ፤ ግ  
ድም፡ ትከበትኩም፡ ወደሐርኩም፡ አዜ፡ ምን፡ ክል፡ ፈራሳ፡ ጸባይጥ፡  
ጥይዓን፡ ሆብ፡ ልብሎም። ወለዶል፡ ህቶም፡ ምን፡ ክል፡ ፈራሳ፡ ሰይፍ፡  
ወድ፡ ዐቢሆም፡ ሆቦ። ህቱ፡ ሆቦ፡ ምን፡ አምኖም፡ ለአሰይፍ፡ እብ  
ስም፡ ሐደራት፡ ዘልሶ፡ እቶም። ምን፡ ኢአምኖም፡ ላተ፡ ለአሰይፍ፡  
ጎህ፡ ከርዮም።

፭፡ ሐቆሃ፡ ለሹም፡ ክም፡ ትዳለ፡ ነብራ፡ ወስተይ፡ እንደ፡ ወደ፡  
ወዳሱ፡ እንደ፡ ነድቀ፡ ኩሉ፡ ለዐድ፡ አክብ፡ ወለበልዕ፡ ወለሰቴ። ወክል፡  
ዎሮ፡ ክም፡ በልዕ፡ ልድሕር፡ ወዐዳ፡ ገይስ።

29: ቀ ሸ ።

፩፡ ቀ ሸ፡ ምን፡ ዐድ፡ ለበልዎ፡ ወእግል፡ ዐድ፡ ለወ  
ድዮ፡ እሊ፡ ቱ።

፪፡ ትልም-ትልም፡ ተከበት፡ መዶ፡ ከምን፡ እክል፡ ክፋሉ፡ ጽ  
ምድ፡ ልክዕ፡ እሉ።

፫፡ ከረም-ከረም፡ ምን፡ ክል፡ ሐረት፡ መስፈር፡ ሐሊብ፡ ነስእ።  
፬፡ ቀደም፡ ወሐጋይ፡ ቀውዕ-ቀውዕ፡ ምን፡ ክል፡ ወድና፡ ሰፍእ፡  
እክል፡ ነስእ።

፭፡ እክል፡ ምን፡ ለልደረር፡ ህዳይ፡ ገሺሽ፡ ቡ። ወሐሊብ፡ ምን፡  
ለልደረር፡ ህዳይ፡ መስፈር፡ ነስእ።

፮፡ እናስ፡ ወክድ፡ ሆይ፡ እብ፡ ገሎዳ፡ ለመርዓዊ፡ ምን፡ ግሰቱ፡  
ገሌ፡ ጭገር፡ እንደ፡ ቀርጨ፡ እግል፡ ለገሎዳዲ፡ እት፡ ቤቱ፡ ገይስቡ።  
ወእንደ፡ መጽአዎ፡ እት፡ አዛም፡ ለገሎዳ፡ ምን፡ አግርበት፡ ለመርዓት፡  
ዐሽነት፡ ገኖ፡ ምን፡ ኢሆቦ፡ ኢበልሶ።

፯፡ እት፡ ረአስ፡ እሊ፡ ምን፡ ስልቃ፡ ባዳና፡ መሉእ፡ እሉ።

፰፡ ወአት፡ እስራት፡ ምን፡ ለትትሐረድ፡ ወአት፡ ሆቦ፡ ምን፡ ለፍሶ  
ሃ፡ አርባ፡ ፍሶተት፡ ወምን፡ ሽባላ፡ ሐቱ፡ ስልስቶ፡ ነስእ፡ ወእግል፡  
አሰእኑ፡ ስራክ፡ ሆቦ።

፱፡ አዳም፡ ምን፡ መይት፡ ዶል፡ መትቀባር፡ ወዶል፡ ርጋዙ፡ ቀ  
ደም፡ ምን፡ ድለ፡ ተሐረደት፡ ወአት፡ ለበክ፡ ነስእ፡ ወሐር፡ ወልዱ፡  
ማ፡ ሐሁ፡ እት፡ ለማይት፡ ምን፡ ለሐርዳ፡ ወአት፡ አቅሕማ፡ ወምን፡  
ወአት፡ ሸሐግ፡ ሰር፡ ስግሀን፡ ወመአስ፡ ለወአት፡ ሸሐግ፡ ነስእ።—  
ሐቆሃ፡ ሆቦ፡ እግል፡ ፈቃዶ፡ ለማይት፡ እት፡ ለአርባ፡ ምዕሉ፡ ምን፡  
ለትትሐረድ፡ ወአት፡ በቅርት፡ ወስጤት፡ ወእዴ፡ ነስእ። ወእሉ፡ ወአት፡  
ለአርባ፡ በዲር፡ ዐለት፡ ደኢኮን፡ አዜ፡ እብ፡ ዘበና፡ በጥረት፡ ከገርዛ፡  
ለቀሽመ፡ ተርፈት፡ ምኑ።— ወዓመት-ዓመት፡ ወክድ፡ ተስከር፡ ሆቦ፡  
እግል፡ ለስልቃ፡ ለቀሽ፡ ቀደም፡ ቀርእ፡ እቱ፡ ወሐር፡ ምስሎም፡ እን  
ዶ፡ ሰቴ፡ ዐለ፡ ባዳናህ፡ መሉእ፡ እሉ።

፲፡ ዐቢ፡ ለቱ፡ ዶል፡ ስተይ፡ ወዴ፡ ልትላከዮ፡ ወለሰትዮ።

፲፩፡ ዐድ፡ እብ፡ አረይ፡ ምን፡ አቱ፡ ወአት፡ ሆቦ፡ ቀሽ፡ ምስል፡  
መሐበር፡ ክስታን፡ ስጋ፡ ምን፡ ልትከተፍ፡ ክልኤ፡ ዋክት፡ መጥዎ።

፲፪፡ ወአትሊ፡ ኩሉ፡ አስሌመይ፡ ለቱ፡ እት፡ እክል፡ ወሐሊብ፡  
ልትሐበር፡ ደኢኮን፡ እምበልህ፡ ኩሉ፡ ለፍትሕ፡ ለቀሽ፡ ምን፡ ክስ  
ታን፡ ሌጠ፡ ፈግር።

፲፫፡ እት፡ ረአስ፡ እሊ፡ ሆቦ፡ ቀሽ፡ ምን፡ ግብር፡ ንጉስ፡ ነጽ፡ ቱ፡  
ነቅም፡ እቱ፡ አለቡ፡ ወግራ፡ ከንቱባይ፡ እት፡ ዐድ፡ ለከብር፡ ህቱ፡ ቱ።

፲፬፡ ቀ ሸ፡ እግል፡ ዐድ፡ ለወድያ፡ ወራት፡ ሆቦ፡ እሊ፡  
ተ። በዓል፡ ለልውዕል፡ እታ፡ ምዕል፡ ዐልብ፡ ከ፤ ምእሉ፡ በዓል፡  
ተ፡ ያላ፡ ኢትክድማ። ወ፤ ምእሉ፡ ግብር፡ ተ፡ ክደማ። እት፡ ልብል፡  
እግል፡ ለአዳም፡ ለስክል፡ ሐር፡ ዶል፡ ዐባይ፡ በዓላት፡ ምሴት፡ ድሮ  
ሆም፡ መጥቅዕ፡ ቤት-ማርያም፡ ሀርም፡ ከደርብ፡ እብ፡ ለምሴት፡ ለድ  
ሮ፡ ለበዓል፡ ወጽብሕ፡ ምድፍ፡ እንደ፡ አተ፡ እታ፡ ልባን፡ ዐጥን።

፲፭፡ እብ፡ ምዕል፡ ጥምቀት፡ አዳም፡ ምን፡ ክል፡ አካን፡ ለአታ፡  
ሀለ፡ መጽእ፡ ወለቀሽ፡ እንደ፡ ትቀፋጠነ፡ መጥቅዕ፡ ሀርም። ደርብ፡  
ዋጦት፡ መጽአዎ፡ ከዘብጠ፡ ወአንስ፡ ለዐድ፡ ለዐልላ። ወሐር፡ ሰብ፡  
ለሀድ፡ ክም፡ ተአከበው፡ ቀሽ፡ ታቦቱ፡ ጸውር፡ ወአት፡ ልመርሕ፡  
ምዕጥን፡ ወርድ፡ ወክለን፡ አንስ፡ ለዐድ፡ እት፡ ለዐልላ፡ ለሰብ፡ አሰፍ፡  
ገቡእ። ወልዱ፡ ሀሮመይ፡ እት፡ ልዘብጥ፡ ቀደመ፡ ገይስ፡ ክምስልሃ፡  
ሆቦ፡ ዋጦት፡ ዐነድር፡ እት፡ ተሀርም፡ ቀደም፡ ወልዱ፡ ትገይስ። ከክስ

ቴነይ፡ ለቱ፤ ማግኪኦ፡ መሐረር፡ ክርስቶስ። እት፡ ልብል፡ አሰሩ፡ ገደስ። ወአብሉ፡ ስርዐት፡ አለ፡ እት፡ ምዕጥን፡ ዔማት፡ ወርዶ።

፲፯፡ ክም፡ ወርደው፡ በዲር፡ እት፡ ለትትከሬ፡ እታ፡ በልቀት፡ እግል፡ ለታቦት፡ ከርያ፡ ከቀርእ፡ ለጸብሕ። ወሐር፤ ማቅዱስ፡ ቅዱስ፡ ቅዱስ። እት፡ ልብል፡ ሰለስ፡ ዶል፡ እብ፡ መስቀል፡ ማ፡ እብ፡ እዲሁ፡ እት፡ ለታቦት፡ ማይ፡ ናዝፍ። ገድም፡ ኩሉ፡ ለአዳም፤ ማቅዱስ፡ ቅዱስ፡ ቅዱስ። እት፡ ልብል፡ ደግሞ፡ ወእት፡ ለማይ፡ ልጠናቀሽ፡ ወልት ሐጸብ።

፲፰፡ ሐቆሃ፡ ለቀሽ፡ ለታቦት፡ ረፍዕ፡ ከቀንጽ፡ ወኩሉ፡ ለአዳም፤ ማግኪኦ፡ መሐረር፡ ክርስቶስ። እት፡ ልብል፡ አሰሩ፡ ገብእ፡ ወክእና፡ ክሎም፡ እት፡ ዐድ፡ ለቀብሎ።

፲፱፡ ሐቆሃ፡ እት፡ ዐድ፡ ክም፡ ፈግረው፡ ኩሉ፡ ለሰብ፡ ወውላድ፡ አሰር፡ ለቀሽ፡ እብ፡ ታቦቱ፡ እት፡ ልገቡእ፡ ሰለስ፡ ዶል፡ ቤት-ማርያም፡ ክሎ፡ ወእት፡ ልክሎ፡ አንስ፡ ሆይ፡ ጸዓዲ፡ መገላብብ፡ እንዶ፡ ትገላበበ ያ፡ ወክል፡ ሐቱ፡ እት፡ ለአካና፡ እት፡ እንተ፡ ለዐልላ፡ ለጸበሓ።

፳፡ ወለሰብ፡ ሰለስ፡ ዶል፡ ክም፡ ዶረው፡ ለቀሽ፡ እት፡ አፍ፡ ቤት-ማርያም፡ በጥር፡ ወኩሉ፡ ለአዳም፡ እብ፡ ጦግ-ጦግ፡ እት፡ ቀደም፡ ቤት-ማርያም፡ ልትሰሩዕ። ወለቀሽ፡ ገሌ፡ እንዶ፡ ቀርእ፡ ጸንሕ፤ ማ'አ በስነ' በሎ። ልብሎም። ለዶል፡ ክሎም፡ ቤት-ማርያም፡ እት፡ ል ገኑሕ፡ ወሰለስ፡ ዶል፡ እት፡ ልሰግዶ፡ ወእት፡ ልቀንጸ፤ ማአበስነ፡ አበስነ፡ አበስነ። ልብሎ፡ ከልጸለው።

፳፩፡ ወሐር፡ ክሎም፡ ልትጋሰው፡ ወለቀሽ፡ ክእና፡ እት፡ ልብል፡ ልድሕርም፤ ማዘርእ፡ ወጸርዕ፡ ልጠለቅ። ንኡሽኩም፡ ልዕቤ፡ ወዐቢ ኩም፡ ልዳብር። ዐድ፡ ኬር፡ ግቡእ፡ ዐድ፡ በርከት፡ ግቡእ፡ ወዕጹጸ ኩም፡ ልብቃዕ። ሹምኩም፡ ልዝገን፡ ወልዳብር። ዐምሳትኩም፡ ቲ ለድ። ሐራስኩም፡ ትዕተብ። ፍርትኩም፡ ትዲር፡ ወዓይረትኩም፡ ተጽብሕ። ጥለሎ፡ ወብቀሎ። ወእት፡ ክል፡ ዘዐት፡ ለመድሐር፡ ኩሉ፡ ለአዳም፤ ማአሚን፡ አሚን፡ አሚን፡ ሰኔትና፡ ለቀርበት፡ ወእኪትና፡ ለ ሬመት፡ ትግባእ። እት፡ ልብሎ፡ ልደሐር።

፳፪፡ ገድም፡ ለቀሽ፡ ታቦቱ፡ እት፡ ቤታ፡ ለአትያ፡ ወለአዳም፡ ቀንጽ፡ ወክል፡ ያርት፡ እት፡ ቤቱ፡ ገይስ። ሐቆሃ፡ ለዐባይ፡ ለስተይ፡ ዋይዳም፡ እግል፡ ለቀሽ፡ ልትላከዎ፡ ወምስሎም፡ ለሰትም።

፳፫፡ አምዕል፡ ውርድ፡ ለመሐላ፡ ወንኢሽ፡ ትግባእ፡ ወዐባይ፡ እግል፡ ለቀሽ፡ ልትላከዎ፡ ወ፤ ማቤት-ማርያም፡ ክሰት። ልብሎ። እታ፡ እት፡ ልገይስ፡ ምን፡ ለልምሕሎ፡ ሕምሳ፡ ወሐምስ፡ ለእሉ፡ ፈቱ፡ ም ሮት፡ ጸብጥ፡ ወምን፡ ለመሐላ፡ ለተርፎ። ሐር፡ ባብ፡ ቤት-ማርያም፡ ክስት፡ እሎም።

፳፬፡ እምበልሁ፡ ቀሽ፡ ሆይ፡ እት፡ ድጌሁ፡ እንዶ፡ ትገሰ፡ ምን፡ ክስታን፡ ለሀደ፡ ወለሞተ፡ ዐቅብ፡ ደኢኩን፡ ድጌ፡ ኢለርሔ። ከገድም፡ እግል፡ ለሀደ፡ ሰልፍ፡ እት፡ ልድሕር፡ እት፡ ዐሸል፡ ማአብ፡ ... እት፡ ልብል፡ ቀርእ፡ ወሐር፡ ምን፡ ግሰት፡ ለመርዓዊ፡ ገሌ፡ ቀርጭ፡ ከእት፡ ለዐሸል፡ ሓብሮ፡ ወእት፡ ረአስ፡ ለመርዐዊ፡ ልክዕዮ፡ ወ፤ ማል፡ ወው ላድ፡ ልግባእ፡ አልከ። እት፡ ልብል፡ ልድሕር።

፳፭፡ ሆይ፡ አዳም፡ ክም፡ ሞተ፡ ቀሽ፡ እንዶ፡ መጽኢ፡ እት፡ ሐራር፡ ገሀር፡ ከሬ፡ ወልባን፡ ወዴ፡ እቱ፡ ከእት፡ ለግናዘት፡ ለተንን። ሐቆሃ፡ እት፡ ለግናዘት፡ ጁከት፡ ለታቦት፡ ከሬ፡ ወእብ፡ ሐራር፡ አስከ፡ ሕፍረት፡ ቀደማ፡ ገይስ።

፳፮፡ ቀሽ፡ እብ፡ መምበርሁ፡ ሆይ፡ ክእና፡ እግል፡ ልምበር፡ ቱ፤ ኢነግድ፡ ወኢልትቀሐብ፡ ወትምባከ፡ ኢሰቱ፡ ወሆይ፡ ስጋ፡ ወእት፡ መበከ፡ ወጀሉጥ፡ ወልውለይ፡ ኢበልዕ፡ ወክምሰል፡ ክል፡ ክስቴነይ፡ ምን፡ በልዕ፡ ሕራድ፡ እስላም፡ ወስጋ፡ እንሳ፡ ወሐሊባ፡ ወዐምበጣ፡ ለ መስል፡ ሆይ፡ ልትዐቀብ።

፳፯፡ ዐድ፡ ጎማት፡ እግል፡ ሊደ፡ ምን፡ ሐዜ፡ ከንቴባይ፡ ዋጠይ፡ ልትላኬ፡ ወሀቱ፡ ዕንድር፡ እግል፡ ልዝበጥ፡ ለስትሀሎ፡ ወሐር፡ አዳም፡ እንዶ፡ ተአከበ፡ ጎማቶም፡ ክም፡ በትከው፡ ዋጠይ፡ እብ፡ ውቅል፡ ክ ርን፡ ለናድያ። — ምሴት፡ ድሮ፡ በዓል፡ ፋዘጋ፡ ወበዓል፡ የሐንስ፡ እብ፡ አፌት፡ ቤት፡ ከንቴባይ፡ እንዶ፡ አምበተ፡ ቤት፡ እንደይ፡ ሐልፍ፡ እት፡ ክል፡ አፌት፡ እት፡ ልዋጤ፡ ወእት፡ ለሐምድ፡ ለመሴ፡ ሐር፡ እብ፡ ፈጅሩ፡ እት፡ ለእታ፡ አቱ፡ ቤት፡ በልዕ፡ ወሰቱ፡ ልውዕል። — ወእክል፡ ለተሐገዘ፡ ወአግዳ፡ እብሎም፡ በዓላት፡ እናስ፡ በዐል፡ ማል፡ ምን፡ ጸብጥ፡ እንዶ፡ ዋጠይ፡ ወሐመደይ፡ ቅርሽ፡ ነስእ፡ ምኑ።



፪፡ እት፡ ዐድ፡ ገቢለት፡ ለገብእ፡ ሀዳይ፡ ምስሉ፡ እብ፡ ዕንድ፡ ልትፈረር፡ ወብዙሕ፡ ምን፡ ለልተሌ፡ ፍሊት፡ ረከብ፡ ወሐድ፡ ምን፡ ለልተሌ፡ ቅርሽ፡ ቡ። እት፡ ሀዳይ፡ ዐድመ፡ ቅርሽ፡ ኢልስእን።

፫፡ አዳም፡ ከም፡ ሞተ፡ አንስ፡ እት፡ ልቀጽቅጸ፡ እቱ፡ ወእግል፡ ልትቀበር፡ እት፡ ልትረፋዕ፡ ወእት፡ ልትቀበር፡ ወእት፡ ሂቦሁ፡ ወእት፡ ገጸፋ፡ አስክ፡ ርጋዙ፡ ወፊቃዶሁ፡ ሞጤ፡ ወሐምድ፡ ከምን፡ ድለ፡ ተሐረደት፡ እቱ፡ ወእት፡ ጎሎ፡ ነስእ።

፬፡ ወዋጠይ ቀይም፡ እት፡ አውለት፡ ወሐጋይ፡ እት፡ ቀላቅል፡ እንዶ፡ ዶረ፡ ምን፡ ክል፡ ወድና፡ ሰፍእ፡ እክል፡ ረክብ።

፭፡ ከእና፡ ሀዩ፡ እናስ፡ ዐቢ፡ ጋሽይ፡ እት፡ እንቱ፡ እት፡ ዐድ፡ አተ፡ ምን፡ ገብእ፡ ከሀቱ፡ እብ፡ ዕንድ፡ እት፡ ልዋጤ፡ ወእት፡ ለሐምድ፡ ምን፡ ልትከበቶ፡ ነሲብ፡ ነስእ፡ ምኑ። — ወአክል፡ ለሐዜ፡ እት፡ ገበይል፡ እንዶ፡ ገይስ፡ ከሰብ፡ ጸገብ፡ ወሸዮም፡ እንዶ፡ ሐሬ፡ ጸብዋ፡ ወዋጤ፡ ወሐምድ፡ ወምኖመ፡ ነሲብ፡ ነስእ።

፮፡ ዋጦት፡ ወለሐዶ፡ ወልብዙሕ፡ እት፡ ዐድ፡ እብ፡ ክትል፡ ነብር።

፳ 1 ፡ ናድ ቀት ፡ ድላለት ።

፩፡ ዜነይ፡ ለቱ፡ ወክድ፡ ሀዳይ፡ ዕጨይ፡ እንዶ፡ አምጸኦ፡ ድላለት፡ ነድቅ፡ ከምሰልሁ፡ ሀዩ፡ እግል፡ ሰደቀት፡ ለተትሐዜ፡ ሕፍረት፡ ለምንድቅ፡ ለቆዴ። — እሊ፡ ከም፡ ወደ፡ ጸምድ፡ ድላለት፡ እንዶ፡ ጸብጦ፡ እግል፡ ዐድ፡ ለመርዓት፡ ልድሕር፡ ወፍትሐ፡ ነስእ፡ ከዝክራን፡ ምን፡ ለባ፡ መርዓት፡ ፍሊት፡ ነስእ፡ ወምን፡ ለአለባ፡ ምን፡ ልባሳ፡ ቅርሽ፡ ነስእ።

፪፡ ሀዩ፡ ሀዳይ፡ ምን፡ ለልደረር፡ ድራር፡ ገሺሽ፡ ነስእ፡ ወምን፡ ምንድቅ፡ ተድዕ፡ ቡ፡ ወለሀዳይ፡ እት፡ ድላለት፡ እንዶ፡ ሰቅል፡ ለሐድ፡ ጎ፡ ጸራይር፡ እግሉ፡ ተርፍ።

፳ 2 ፡ ማርሐት ፡ ዘማቴ ፡ ወወራር ።

፩፡ ውቄነይ፡ ለቱ፡ ዐድ፡ ምን፡ ጸብእ፡ ማ፡ ምን፡ ሀድድ፡ እት፡ ዕንክለት፡ ውቅል፡ እንዶ፡ ገአ፡ ሻበይ፡ ገብእ፡ ከለስእል፡ ወመርሕ፡ ወሐር፡ ለሀድ፡ እብ፡ አረይ፡ ምን፡ አቴ፡ እት፡ ረአስ፡ ለገርዝሁ፡ ፍሊት፡ በዐል፡ ክልኤ፡ ረክብ።

፪፡ ሀዩ፡ ምን፡ ድለ፡ እት፡ ለሞተ፡ ትትሐረድ፡ ወአት፡ ልብ፡ ነስእ።

፳ 3 ፡ መቃድረት ።

፩፡ መቃድረይ፡ ለቱ፡ ግርዝ፡ እግል፡ ልቃድር፡ አቡሁ፡ "ኢትስረር" እንዶ፡ ቤለ፡ ምን፡ ልልእክ፡ እቱ፡ ረርሀት፡ ገበይ፡ እንደይ፡ ዐልብ፡ ግርዝ፡ እት፡ ለብእታ፡ ሂርር፡ ወቃድር፡ ደአም፡ እለ፡ ኢወደ፡ ምን፡ ገብእ፡ ወለግርዝ፡ ምን፡ መይት፡ ደም፡ ለግርዝ፡ እቱ፡ ቱ።

፪፡ ወሰበት፡ እለ፡ ወራቱ፡ ለእባ፡ ቃድር፡ ወክድ፡ ለበልዕም፡ ወለሰትም፡ ሌጠ፡ ደኢኮን፡ ሐር፡ ቀውዕ-ቀውዕ፡ እንዶ፡ ዶረ፡ ምን፡ ክል፡ ወድና፡ ሰፍእ፡ እክል፡ ነስእ፡ ወምን፡ ለእት፡ ለሞተ፡ ትትሐረድ፡ ወአት፡ ጨላም፡ ነስእ። — ደአም፡ ግርዝ፡ ሐረስተይ፡ ምን፡ ቃድር፡ ዕቤላ፡ እክል፡ ነስእ። ወግርዝ፡ ተላይ፡ ምን፡ ቃድር፡ ዋንጫ፡ ሔሳስ፡ ረክብ።

፳ 4 ፡ ጠበብ ።

ጠቢብ፡ አዜ፡ እት፡ ዐድ፡ ኢሀለ፡ ደኢኮን፡ በዲር፡ እት፡ ሀለዲ፡ እት፡ ለእላ፡ ሰርሐ፡ ዐውሉ፡ ነስእ። ደአም፡ ቀውዕ-ቀውዕ፡ ሰፍእ፡ ወድና፡ ወእት፡ ለሞተ፡ ምን፡ ለትትሐረድ፡ ወአት፡ ለበክ፡ እግል፡ ለሆብ፡ ፍትሕ፡ እግል፡ ለወደው፡ እለ፡ እብ፡ ለሀ፡ ንዋያት፡ ሐርሶም፡ ሰርሕ፡ ወግርግ፡ እሎም፡ ዐለ።

፳ 5 ፡ ደላሊብ ።

ደላሊብይ፡ ሐቅ፡ ወፍትሕ፡ በነ፡ አለቡ። ደአም፡ ሔሳስ፡ እግል፡ ልንሳእ፡ ቅርሽ፡ ማ፡ ብላይ፡ ምን፡ ሀይብ፡ ወሐር፡ ለሔሳስ፡ ምን፡ ኢልትረከብ፡ ከሀቱ፡ እብ፡ እክል፡ ተመን፡ ምን፡ ገብእ፡ ለመጽፈር፡ ሐሳስ፡ ክልኤ፡ ገበታ፡ እክል፡ እንዶ፡ ተመንም፡ እሉ፡ ነስእ። ከምሰልሁ፡ ሀዩ፡ እት፡ አንከትከታ፡ ገበታ፡ ወእት፡ ዋንጫ፡ ክልኦት፡ ዕቤላ፡ ወእት፡ ቆበት፡ ዕቤላ፡ ወእት፡ ሰር፡ ቆበት፡ ፪፡ ክፋሎ፡ እክል፡ ነስእ።

36፡ ሐረስቶት።

፩፡ እግል፡ ብዕዳም፡ ለከድሞ፡ ሰብ፡ ክድመት፤ ሐረስቶት፡ ወተለች፡ ሕጻናት፡ ወወደዲት፡ ወሰብ፡ ወዓል፡ ቶም፡ ወክል፡ ምኖም፡ ፍትሑ፡ ቡ።

፪፡ ሐረስቶት፡ እት፡ ሐረስቶት፡ ሰብ፡ ምንሕት፡ ወእት፡ ሐረስቶት፡ ሰብ፡ ገባርቂሶ፡ ልትካፈሎ።

፫፡ ሐረስተይ፡ በዐል፡ ምንሕት፡ እብ፡ ሕርስትነት፡ እት፡ ምር፡ መምብ፡ ምን፡ ገብእ፡ እግል፡ ለመምብሁ፡ ሰልፍ፡ ለምርት፡ እክል፡ እንደ፡ ሐርስ፡ ለአቲ፡ እሉ፡ ወሐር፡ እግል፡ ለካልእ፡ ለእክል፡ እንደ፡ ሐርስ፡ እሉ፡ ደርብ፡ ምኑ፡ ደአም፡ እግል፡ መምብሁ፡ ምን፡ ለሐርሰቱ፡ ሐድ፡ ሒለቱ፡ ሌጠ፡ ሀርም፡ ወለእላ፡ ሀረመ፡ ዐቅብ፡ ከበትክ፡ ወወቅዕ፡ ወእት፡ ዕያብ፡ ለአቲ። — እት፡ ረአስ፡ እሊ፡ ሀቤ፡ መምብሁ፡ እት፡ ለለአከዩ-ተ፡ እምበል፡ ሐቲ፡ በጽዕ፡ ደኢከን፡ እት፡ ኩሉ፡ ገይስ፡ ወቀልቡ፡ ወዴ፡ ገድም፡ ዕጨይ፡ ምግዳ፡ ለመጽእ፡ ሐጹር፡ በትክ፡ ወኬሉብ፡ ለነክስ፡ ሓፍጽ፡ ዐርቀይ፡ በትክ፡ ወቀረጽ፡ ነግፍ፡ ከለአቲ፡ ወዕጨይ፡ ቅሻሻ፡ ለመጽእ።

፬፡ ወሰበት፡ እሊ፡ ኩሉ፡ ወራቱ፡ ክልኤ፡ ወአት፡ ልትመናሕ፡ ወምነን፡ ሐቲ፡ ደርብ፡ ለተላይ፡ ኖሱ፡ ሐርያ፡ ወሐቲ፡ ለመምብሁ፡ ደግሞ-ተ። ምን፡ ለእላ፡ ሀረመ፡ ወዐቅብ፡ ርብዕ፡ በልዕ። ምን፡ ክርድ፡ ወድና፡ እግል፡ ሐቲ፡ ዶል፡ መስወድ፡ ድራር፡ ነስእ፡ ወምሴት-ምሴት፡ አስክ፡ ለገርሀት፡ ትትበተክ፡ እግሉ፡ ወእግል፡ እሲቲ፡ ክልኤ፡ ተጌት፡ አወር፡ ወክልኤ፡ ተጌት፡ ማሼላ፡ ወክልኤ፡ ተጌት፡ እግል፡ ድራርም፡ ልትረፈኛ፡ ወሐቲ፡ ዶል፡ ምን፡ ለማሼላ፡ እብ፡ ለሰፍእ፡ ለወድና፡ ነስእ። — ወሀቤ፡ እክል፡ ለድገም፡ [ለውቅዐት፡] ለወድና፡ እቲ፡ ወእት፡ ለወዳይት፡ ቱ። — ወእት፡ መምብሁ፡ እብ፡ ቀኒን፡ ማ፡ እብ፡ ለገአት፡ ትግባእ፡ ምን፡ ትመይት፡ ለሐረስተይ፡ ንሳላ፡ እንደ፡ ሐድገ፡ ለረአሳ፡ ወጀባላ፡ ወአርባዕ፡ ሽክናሃ፡ ወሽንፍላሃ፡ ነስእ፡ ምና፡ ወምን፡ ሕርስትነቱ፡ እንደይ፡ ልትሳራሕ፡ መምብሁ፡ ምን፡ መይት፡ ምን፡ ክል፡ ለትትሐረድ፡ ወአት፡ እሉ፡ ነስእ።

፭፡ እሊ፡ ኩሉ፡ እግል፡ ሕድ፡ እንደ፡ አትመመው፡ ሐረስተይ፡ እዴ፡ መምብሁ፡ ነስእ፡ ከልትሳራሕ፡ ምኑ። ደአም፡ እዴ፡ መምብሁ፡ እንደይ፡ ነስእ፡ ምን፡ ደርብ፡ ምኑ፡ ለመምብሁ፡ ምን፡ ለሐረስተይ፡ ለአንሰሰቱ፡ ሰር፡ ማሉ፡ ገድብ፡ ምኑ።

፮፡ ሀቤ፡ ሐረስተይ፡ እት፡ ረአስ፡ ለነይ፡ ለሕርስትነቱ፡ ወራት፡ መምብሁ፡ ዶል፡ ወዴ፡ ማ፡ ዶል፡ ልትለአክ፡ ሙነቱ፡ እት፡ መምብሁ፡ ተ።

፯፡ ወለሐረስተይ፡ በዐል፡ ገባርቂሶ፡ ወራት፡ ሐርስ፡ ሌጠ፡ ወዴ። ወምን፡ ለእላ፡ ሀረመ፡ ወዐቅብ፡ ርብዕ፡ በልዕ፡ ወለሐረስተይ፡ በዐል፡ ምንሕት፡ ምን፡ ለወድና፡ ክም፡ ለነስኦ፡ ሀቲመ፡ እሉ፡ ነስእ፡ ከገይስ።

፰፡ ወሀቤ፡ ክል፡ ሐረስተይ፡ ዶል፡ ለሐርስ፡ ምን፡ ትልም፡ አስክ፡ ምክራይ፡ እርባና፡ ሙነቱ፡ እት፡ መምብሁ፡ ተ።

፱፡ ክምሰል፡ መሰል፡ እኩይ፡ መቅርሕ፡ ምስል፡ ሐረስቶት፡ እብ፡ ሐቲ፡ ወለት፡ ሐጸይ፡ ለትትበሀል፡ እት፡ መንሳዕ፡ ክእና፡ ልደገም። ወለት፡ ሐጸይ፡ ሀታ፡ ወብእሳ፡ እብ፡ አርዛቆም፡ ወእብ፡ አካሎም፡ ወእብ፡ አዳሞም፡ ሀርጎግ፡ እት፡ ልብሎ፡ ምን፡ ከበሳ፡ ዲብ፡ ገለብ፡ እት፡ መንሳዕ፡ ክም፡ ትከረው፡ ልትበሀል። አዳሞም፡ እንደ፡ አብጸሐዎም፡ አቅበለው፡ ሀታ፡ ወብእሳ፡ ወሐረስቶታ፡ ላተ፡ ተርፈው፡ እታ። ደአም፡ ኩሉ፡ ለዕያብ፡ ወሸባታታ፡ እክል፡ ምሉኦ፡ እት፡ እንቱ፡ እንደ፡ ትቀወሐት፡ እግል፡ ለሐረስቶት፡ እከለት፡ ግለት፡ አድረረቶም። ከሀቶም፡ ሀቤ፡ ምን፡ እሊ፡ ኩሉ፡ ሽርናይ፡ ወግፍ፡ ወሽዲር፡ አከለት፡ ግለት፡ አድረርኪና፡ ከረቢ፡ ልትሐሰበኪ። እንደ፡ ቤለው፡ ረግመዋ። ሀታመ፤ ሀብይ፡ ቀይሕ፡ አነግባ፡ ግብኦ። እንደ፡ ትቤ፡ ረግመቶም። እለን፡ መራግም፡ እለን፡ እት፡ ክሎም፡ ተመያ። ሀታ፡ ወብእሳ፡ ወዕያብ፡ ወሸባታታ፡ እበን፡ ገአው፡ ወክም፡ ዐባይ፡ ወውቀል፡ በልቀት፡ እት፡ ስምጥ፡ ጋድም፡ ገለብ፡ አዜመ፡ ልትረአው፤ ከምን፡ ለዐል፡ ክፋያት፡ ለሀለያ፡ እታ፡ ክልኤ፡ እበነት፡ ሀታ፡ ወብእሳ፡ ተን፡ ወለሐንቴ ሀን፡ ክሙር፡ አገምእት፡ ዕያብም፡ ወሸባታቶም፡ ቱ። ወለሐረስቶት፡ ሀቤ፡ ሀብይ፡ ቀይሕ፡ አነግባ፡ ገአው። እግል፡ ምዕዶ፡ እት፡ መንሳዕ፡ ምን፡ በዲር፡ ክእና፡ ልደገም፡ ሀለ።

፳፯: ተለኝ።

፩: ተላይ: በዐል: ስድብ: አሐ: መምብሀ: ልርጌ: ወለሰ  
ቲ: ሐልብ: ወላሊ: ምስል: ሰብ: ዐዳ: ዐቅባ: ወአባይ: ማ: ዋኒን: ማ:  
ብዕድ: አዳ: ምን: መጽእ: ሐድ: ሐለቱ: ከርዕ: ወልው።

፪: ወእትለ: ወራቱ: ለረክቦ: አሊ: ቱ: እት: ክራይ: ምን: ገጽ:  
ከረም: ክልኤ: ወአት: እት: ሕድ: ጽኑራት: ወሐቱ: ወአት: እግል:  
አፉሀ: ወሐቱ: ወአት: አግል: ገሻ: ነሰአን። — ወምን: ገጽ: አውል:  
ለአሐ: እት: ቀላቅል: ሐቆ: ሰብከት: እምበል: ለነይ: ሰምበት: ኩሉ:  
ለሐሊባ: እት: ተላይ: ወአት: ገሻሀ: ቱ: ደአም: በዐላ: ልግባእ: ማ:  
ወድ: በዐላ: እት: ድርጸ: ምን: ልትመዬ: ዐመር: ሐሊብ: ትትረ  
ፋዕ: አሉ።

፫: ወሐሊብ: ሰምበት: ዐባይ: እት: ድጌ: አቱ: ደኢኮን: እጋል:  
ኢጠብዮ: ወሰብ: ቀበታ: ኢሰትዎ: ወተላይ: ኢልምሕጸ: ለአሐ:  
ቅሩብ: ድጌ: ጸንሐት: ምን: ገብእ: ሐሊብ: ለጽብሕ: ምድር: ሰምበት:  
ዐባይ: እንዶ: ተሐለብ: አቱ: ደአም: ምንመ: ተረይም: ከአብር: ግድም:  
በሐር: ምን: ተሀሌ: ተላይ: ሐሊብ: ለአመቅረብ: ሰምበት: ንኢሻ:  
እንዶ: ነስእ: ከይድብ: ልትመዬ: ወልውዕል: ከሰምበት: ዐባይ: ድጌ:  
ለአትዮ። — ተላይ: እብ: ማሉ: ወአብ: ነፍሱ: ደሐን: እት: ሀለ:  
ኖሱ: ልግባእ: ማ: እብ: ለልንጉዩ: ማ: እብ: ሐረስተይ: መምብሀ:  
ኢአተዮ: ምን: ገብእ: ሐሊብ: ሰምበት: እት: ስጋዳ: ታምም: ቱ።  
ወሰብ: ድጌሃ: ሐልብ: ሰምበታ: ኢአተ: ምን: ገብእ: "ለአሐ: ትዘ  
መተት: ልብሎ: ከረዳእ።

፬: እት: ረአስ: አሊ: ሀዬ: አሊ: ተላይ: ዶል: ፋዘጋ: እት: ግል:  
ጸ: ምን: ሐሳስ: አሐ: መምብሀ: ስስ: ዋንጫ: ሀይብ: ወዶል: ሀ:  
ዳይ: ወድ: መምብሀ: ማ: ዶል: ሀዳይ: ወለቱ: ሀዬ: ለተላይ: ሰ:  
ምን: ገብእ: እግል: ሰዳዮቱ: እት: ለሕጻን: ዋንጫ: ወአት: ለወ:  
ለት: ሰር: ዋንጫ: ሐሳስ: ሀይብ።

፭: ተላይ: በዐል: ምንሕት: ላተ: ወራቱ: ከም: ለነይ:  
ለሀይ: እት: እንተ: ለሰለስ: ወአት: ለምንሕቱ: ሴጠ: ረክቦ: ደ

እም: ከራ: ሐሳስ: ፋዘጋ: ወአት: ሰዳዮት: ዶል: ሀዳይ: ውላድ: መምብ  
ሀ: ቅሱብ: ኢኮን።

፮: ወለተላይ: በዐል: ክራይ: ገአ: ምን: ገብእ: ሀቱመ:  
ክምስል: ለቀዳም: አሐ: መምብሀ: ልርጌ: ለሰቲ: ዐቅብ: ወሐልብ።  
ክራይ: ላተ: በኑ: ቱ: መኑቱ: ልባሱ: ጋራሀ: ወንጸፋ: እት: መምብ  
ሀ: ቱ: ወክል: ሰር: ሐል: እት: ክራይ: ቅርሽ: ነስእ።

፯: ልንጉይ: እግል: ለገአ: ልግባእ: ጅንስ: ተላይ: እት: ወ  
ራቱ: ሰድዮ: ገሌ: ከም: ዐባ: እት: ረአስ: ነብራ: ወልባስ: ወጋራሀ:  
ለመምብ: እት: ግመት: ቅርሽ: ሀይብ።

፰: ተላይ: በዐል: ስድብ: ልግባእ: ማ: ተላይ: በዐል: ክራይ:  
ግል: ልድረብ: ምን: ሐዜ: እግል: መምብሀ: እት: ወክድ: ለስእ  
። ደአም: እብ: ዶል: እንደይ: ሰስእ: ቀደም: ወክዳ: ምን: ገይስ:  
ሰበዐል: ክራይ: ክራይ: ሐድግ: ከ: ትሳራሕ: መምብሀ: ምን: ነድ:  
ኦ: ላተ: ወሀቱ: ወክድዬ: አተምም: ከእንይስ። ምን: ልብል: ለ  
መምብሀ: ወወክዳ: ለጸንሐ: ከአብ: ደሐኑ: ሳርሐ: ምክ: ክራይ: እን  
ዶ: አትመመ: ሀይብ: ከነድአ።

፱: ወለገአ: ልግባእ: ተላይ: አሐ: እንደይ: ልውጌ: ወአት: አብ  
ደ: ምን: ገብእ: "ከገርከ:" ልቡሎ: ከፈይ: አታ። — ወእግል: ልፋ:  
ዴ: ኢገአ: አሉ: ምን: ገብእ: ለመምብሀ: እግል: ለመምብ: ለክት  
ሉ: እት: ፈክ: ሐረት: ሐድጎ: አሉ። ክምስልሀ: ሀዬ: ተላይ: እብ:  
ሀርመት: ወአት: ቀትለ: ምን: ገብእ: ወለበዐላ: እብ: ስኑ: ዐውላ:  
ምን: ኢልትፈይ: እለመ: እት: ፈክ: ለመምብሀ: ሐድጋ: አሉ። —  
ጽብሐ: ምድርመ: እንዶ: ጋነሐ: ከላሊ: ባይደት: እት: እንተ: ምን:  
ኢለስአልባ: በዳሃ: ከም: ተአመረ: እት: ለእግር: ዕልብት: ቱ።

38 ፡ ሕ ጻ ና ት ፡ ወ ወ ደ ዲ ት ።

፩፡ ዎርዎሮት፡ ላብድ፡ ሕ ጻ ን ፡ ወደ፡ ምን፡ ገብእ፡ እት፡ ረክስ፡ ነብራ፡ ወልባስ፡ ወጋራሁ፡ ክራይ፡ ምን፡ ረክብ፡ ማ፡ ምን፡ ኢረክብ፡ እሙር፡ ኢኮን።

፪፡ ወ ዳ ይ ት ፡ ላተ፡ እብ፡ ክራይ፡ ትከድም። ሀታ፡ ዕጨይ፡ ወማይ፡ ተመጽእ፡ ወትጥሕን፡ ወተበሽል፡ ወወክድ፡ ደሪባ፡ ክልኣት፡ ጸር፡ እን ሺባ፡ ወክልኣት፡ ጸር፡ ዕጨይ፡ ስሕኖ፡ ትከሬ፡ ወምን፡ ዕጨይ፡ ሕዮ፡ ሐንረቀይ፡ ትመልእ፡ ከትትሳራሕ። ደአም፡ ወክዳ፡ እንደይ፡ ተተምም፡ ኢትገይስ። ወእት፡ ረክስ፡ ለነብራ፡ ወልባስ፡ ወአስእን፡ ቅርሽ፡ ዓመት፡ ትረክብ።

39 ፡ ሰ ብ ፡ ወ ዓ ል ።

ሐረስተይ፡ ዶል፡ በቲክ፡ በዐል፡ ወዓል፡ እንዶ፡ ወደ፡ እት፡ ረክስ፡ ለሙነቱ፡ እት፡ ምዕል፡ ምን፡ ክፋሎ፡ አስክ፡ ዕቤላመ፡ ሀይቦ። — ወእምበል፡ ሐረስተይ፡ በዐል፡ ወዓል፡ ወደ፡ አለቡ።

40 ፡ ጋ ሸ ይ ፡ ጸ ዐ ዳ ፡ ሻ ን ፉ ።

፩፡ እት፡ ምድር፡ መንሳዕ፡ እንዶ፡ መጽእ፡ ለሐድር፡ እብ፡ ሰልፉ፡ ጋ ሸ ይ ፡ ጸ ዐ ዳ ፡ ሻ ን ፉ ፡ ልትበሀል። ትከተለ፡ ምን፡ ገብእ፡ ላተ፡ ገበዩ፡ በዲር፡ እት፡ ለድግም፡ ሐበርና። እግል፡ ክድመት፡ መጽእ፡ ምን፡ ገ ብእ፡ እግል፡ ዶሉ፡ ጸንሕ። ጽኑዕ፡ ገእ፡ ምን፡ ገብእ፡ ወምን፡ ልትገ ሴ፡ እግል፡ ሹም፡ ልግባእ፡ ማ፡ እግል፡ ሽማገለይ፡ ። ዐይብከ፡ አና፡ ሺ ጠን። ልብል፡ ከነብር። ደአም፡ እት፡ ልነብር፡ እት፡ ልነብር፡ አደቡ፡ አከ፡ ምን፡ ገብእ፡ እት፡ ዐዳ፡ ሳርሕም።

፪፡ ክእና፡ ጋ ሸ ይ ፡ ጸ ዐ ዳ ፡ ሻ ን ፉ ። እት፡ ዐድ፡ እንዶ፡ አቱ፡ ከ እት፡ መሐበር፡ ሐቱ፡ ትገሰ፡ በዲር፡ እት፡ ዐድና፡ አዳም፡ ቃትልመ፡ ምን፡ ገብእ፡ ኢቀቱሎ፡ ወኢለቀቱሎ። ገድም፡ ዎሮት፤ ። ካሊ፡ እናስ፡ ሐቶ፡ ማ፡ ወልዮ፡ ቃትል፡ ቱ። እት፡ ልብል፡ ምን፡ መጽእ፡ ሰብ፡ ለ ዐድ፡ ። ካዜዲ፡ ልትሳራሕ። ግን፡ ምድርና፡ ክም፡ ሐልፈ፡ እት፡ ዐዳ፡ ጽብእ። ልቡሎ።

፫፡ ወምንመ፡ አሐ፡ ማ፡ ማል፡ ናስእ፡ ገብእ፡ ከለበዐል፡ ለአሐ፡ ማ፡ በዐል፡ ለማል፡ እግል፡ ልትፈዴ፡ ምን፡ ምን፡ መጽእ፡ ሰብ፡ ለ ዐድ፡ ከልእም፡ ወ፤ ጋ ሸ ይና፡ እት፡ እንቱ፡ እለ፡ ራክባ፡ ኢእንተ። እት፡ መስከቡ፡ ክም፡ ጌሰ፡ እብ፡ ፍትሕ፡ ዐዳ፡ ትፋደዮ። ልቡሎ።

፬፡ ወሀዩ፡ ክእና፡ ለመስል፡ ጋ ሸ ይ ፡ ምን፡ ልስሕት፡ ከክርክሕ መ፡ ምን፡ ለብል፤ ። ሴመ፡ ኢቲቦሎ፡ ልትሳራሕ፡ ሕድን። ልትበሀል።

፭፡ ደአም፡ በዐል፡ ዐድ፡ ሰሐተ፡ እቱ፡ ምን፡ ገብእ፡ ዐውል፡ ደሙ፡ ብዙሕ፡ ቱ። ምፍቃእ፡ ሴጠ፡ ገኣት፡ እቱ፡ ምን፡ ገብእ፡ ሰሳ፡ ወአት፡ ፈዴ። ወኩሉ፡ ረክስ፡ ቀትለዩ፡ ምን፡ ገብእ፡ ምእት፡ ወዕስራ፡ ፈዴ፡ እቱ። ወለማይት፡ ትግረይ፡ ምን፡ ገብእ፡ ዐስር፡ ወአት፡ እት፡ ሕሽም፡ መምብሀ፡ ልትሀዩባ። ለጋ ሸ ይ ፡ መምብሀ፡ ሰመ፡ ምን፡ ገብእ፡ ለዐስር፡ ወአት፡ ለመምብሀ፡ ነሰአን፡ ወመምብሀ፡ ምን፡ ኢሰሚ፡ እግል፡ ሹም፡ ለዐድ፡ ለጋ ሸ ይ ፡ መይት፡ እቱ፡ እግሉ፡ ተን።

41 ፡ ጋ ሸ ይ ፡ ላ ሊ ፡ ወ መ ለ ሀ ሀ ይ ፡ ገ በ ይ ።

፩፡ በዐል፡ ዐድ፡ ልግባእ፡ ማ፡ በዐል፡ ገቢለት፡ እት፡ በዐል፡ ቤት፡ ምን፡ ል ት አ ን ገ ድ ፡ ሀ ቱ ፡ ን ጸ ፍ ፡ እ ን ዶ ፡ ሀ በ ዩ ፡ ለ ደ ር ር ፡ ወ ዐ ቅ ሶ ። ወሐር፡ እብ፡ ፈጅራ፡ ጎሀ፡ አጽበሐ፡ ምን፡ ገብእ፡ ጸብሐ፡ ከነድኦ።

፪፡ ወገሻሁ፡ ለኢልትከበት፡ ሐምዎ፡ ከገይሶ፡ ምን፡ ደኢኮን፡ እብ፡ ፍትሕ፡ ለረትዕ፡ ምን፡ አለቡ። ደአም፡ እብ፡ ፍርሀ፡ ድመል፡ ወ ሕሚት፡ ወመርገም፡ አክል-አክል፡ ጋ ሸ ይ ፡ ለኢልትከበትመ፡ አለቡ።

፫፡ ሰብ፡ ገበይ፡ ምስል፡ በሉዕ፡ ወሰቱ። ሐግል፡ ምን፡ ራክብ፡ ልትሐረብ፡ ደኢኮን፤ ። በነ፡ በልዕ፡ በነ፡ መይት። ክም፡ ለልትበሀል፡ በነ፡ በልዕ፡ ወሰቱ፡ አለቡ። ሀዩ፡ ሰብ፡ ገበይ፡ ምን፡ አባይ፡ አድሕድ፡ ዐቅቦ፡ ወሕድ፡ ሰዳ፡ ደኢኮን፡ ጸልም፡ ማ፡ ሐድገይ፡ መለሀዩ፡ ለቱ፡ ምንመ፡ ላብድ፡ እት፡ ሹም፡ ኢልትከበስ፡ ልትሐሚ። እብ፡ ነይ፡ እሊ፡ ክእና፡ ልደገም። — ክልኣት፡ እናስ፡ ምስል፡ እንዶ፡ ገይሶ፡ ዐለው፡ ጣፍ ሐት፡ በልቀት፡ ውቅል፡ እት፡ ለብእታ፡ አካን፡ እት፡ ስምጥ፡ ገበይ፡ ገድማይ፡ ትመዩው፡ ልትበሀል። ከለሦሮት፡ እግል፡ መለሀዩ፤ ። ምን፡ ሀመም፡ እትለ፡ በልቀት፡ ንስከብ። ቤሎ። ። ኢኮን፡ ሐንቲሃ፡ እት፡ ገ በይ፡ ሐይስ፡ እታ፡ ነክርር። በልሰ፡ እቱ፡ ወእታ፡ ሰክበው። ደአም፡ ለቀዳም፡ ሳክብ፡ እት፡ እንቱ፡ ለእብ፡ ጸላም፡ ሰካብ፡ እት፡ ገበይ፡ ለገመ፡



ምንመ፡ ላሊ፡ እንደ፡ ቀንጾ፡ እት፡ ለበልቀት፡ ነክሱ፡ ከሰክቦ፡ ሀመም፡ ነስአዩ። ለሀይ፡ ለቀዳም፡ ላተ፡ ባርሀ፡ ምን፡ ገአ፡ ምንመ፡ እት፡ ለተፈርሀ፡ አካን፡ እት፡ ገበይ፡ ሰክቦ፡ ደሐነ፡ ልትበሀል። ሰባት፡ እሊ፡ እት፡ ልመክሮ፡ እብ፡ መሰል፡ ሰርሀ፡ ግባእ፡ ወእት፡ ገበይ፡ ሰክብ፡ ልብሎ።

42: ዝሆ ።

፩፡ ክልኤ፡ ገቢለት፡ ምን፡ ልትበአሳ፡ ሐር፡ ክም፡ ተዓረያ፡ እግል፡ እብ፡ ድግግን፡ ኢልትበአሳ፡ ዝሆ ታ ት፡ ልትሃዩባ።

፪፡ እት፡ ዝሆ፡ ለልጸባ፡ ሀቱ፡ ሕጻን፡ ኮሽ፡ ለገአ፡ ምክ፡ ወደ፡ ሹም፡ ምክ፡ ወደ፡ ምር፡ ሓዩስ፡ እግል፡ ልግባእ፡ ለስትሀል። ወእት፡ ለኦታ፡ ልጸባ፡ ገቢለት፡ ን፡ ሹም፡ ልትመወን፡ ወልጽ፡ ወልትጋሬ፡ ወሰኒ፡ ልትዐቀብ፡ ሐር፡ ሐቆ፡ ሐል፡ በሉሶ፡ ወልዕራት፡ ለክልኤ፡ ገቢለት፡ ክእና፡ ተሐጥ።

፫፡ ደአም፡ ለዝሆ፡ ጸብ፡ እት፡ አንቱ፡ ቀትለም፡ ምን፡ ገብእ፡ ምን፡ ለቀዳሚት፡ ለሐሪት፡ ፈትሐሆም፡ ወእቢሆም፡ ተአኬ።

43: ሰብ፡ ዐይብ፡ ወለአይክ።

፩፡ አዳም፡ እግል፡ ምርት፡ እብ፡ ቅሩሽ፡ ልግባእ፡ ማ፡ እብ፡ ሕያይት፡ ማ፡ እብ፡ ሂጋ፡ ለአከዩ፡ ምን፡ ገብእ፡ ክም፡ ለአላ፡ ትከበተዩ፡ ልኡኩ፡ እግል፡ ለባጽሕ፡ ቀስብ፡ እቱ፡ ቱ።

፪፡ ደአም፡ ለማል፡ እንደይ፡ ልትሰረቅ፡ ማ፡ ለሕያይት፡ እብ፡ ሕማም፡ ማ፡ እብ፡ ዋኒን፡ እንደይ፡ መይት፡ ኢኡብጸሐዩ፡ ምን፡ ገብእ፡ ልጸባ፡ ወሐድ፡ ለእሉ፡ አተልእከም፡ ፈዴ።

፫፡ ወለልኡክ፡ ሬና፡ ኦፍ፡ ሴጠ፡ ገኡ፡ ምን፡ ገብእ፡ እግል፡ ለአበጠለዩ፡ ሐምም፡ ወለትሓዉኖ፡ ደኢኮን፡ ሴመ፡ ኢለከሱሮ።

44: ገማይጽ።

፩፡ ደል፡ ቀውዕ፡ ግሙጽ፡ ዲብ፡ ወድና፡ ምን፡ መጽእ፡ ሐድ፡ ልግባእ፡ ማ፡ ብዙሕ፡ እክል፡ ለጥዑም፡ ደኢኮን፡ መርገመ፡ እንደ፡ ፈርሀው፡ ብራቁ-ብራቁ፡ ኢነድእም።

፪፡ ወእምበል፡ እሊ፡ ሞላዳ፡ ለኢከርዐዩ፡ እንደ፡ ዶረ፡ ማርያም፡ ተሀበኩም። እት፡ ልብል፡ እግል፡ ነብራሀ፡ ረምቅ፡ ወእብ፡ ለእሉ፡ ረክብ፡ ነብር።

45: ዘማቴ፡ ወአረይ።

፩፡ አዳም፡ እት፡ ዐድ፡ ጋና፡ እንደ፡ ጌሰው፡ ዘምቶ። ሰልፍ፡ ገሌሆም፡ እግል፡ ልታይኖ፡ ነዳእ፡ ወሐር፡ እንደ፡ በዝሐው፡ ወክሎም፡ ቅስብያ፡ አለብ፡ እብ፡ ረዳ፡ ኖሶም፡ እንደ፡ ገመው፡ እግል፡ ልዝመቶ፡ ገይሶ፡ ደአም፡ ለከራዩ፡ ለዛምተት፡ ምን፡ ዐድ፡ እንደይ፡ ትትበገስ፡ እት፡ ለልትረከብ፡ አረይ፡ ሕድ፡ እግል፡ ኢትጥለም፤ ሞራ፡ አውሔና። እት፡ ትብል፡ አድሕድ፡ ትሸር። ገድም፡ ምን፡ ቀደም፡ ኩሉ፡ እንደ፡ ሀዘመ፡ እናስ፡ ለቀትለ፡ እምበል፡ ክፍለቱ፡ ምን፡ ለአረይና፡ ወአት፡ ቀጸር፡ ነሀይቦ፡ ወሀይ፡ እንደ፡ ዘመትና፡ ለአረይ፡ እት፡ እንከብብ፡ ረድኢት፡ ምን፡ ተሀራብና፡ ለዶል፡ እንደ፡ በድረ፡ ምን፡ ሰብ፡ ለረድኢት፡ እናስ፡ ለቀትለ፡ እምበል፡ ለገርዝሀ፡ ክልኤ፡ ወአት፡ ነሀይቦ፡ እግል፡ ክል፡ መዐይነይ፡ ምን፡ ለዐል፡ ወአት፡ ነሀይቦ። ወእሊ፡ ለመስል፡ ልብሎ፡ ወሐር፡ ጋሪቶም፡ እግል፡ ኢትትአመር፤ ሞራ፡ ንሽላሶ። እንደ፡ ቤለው፡ ልትበገሶ።

፪፡ ሐቆሃ፡ እንደ፡ ዐየነው፡ ለአሉ፡ ዘምቶ፡ ዐድ፡ ክም፡ ቀርቦው፡ በዐል፡ ገጸም፡ እንደ፡ ልባሱ፡ በርቦረ፡ ወእስእኑ፡ ሐርጠ፡ ልትገሌ፡ ወእብ፡ ልባሱ፡ ልትገልብብ። ለጸሩ፡ ሀዩ፡ እት፡ ረአሱ፡ ቀጠፍ፡ እት፡ ልከሩ፡ ወአክለቶም፡ እት፡ ልሳብሮ፡ እቱ፤ ሰበኪትና፡ ግባእ፡ ደሐረና። ልብሎ። ወሀቱ፡ ገጹ፡ እት፡ ዐዳ፡ እንደ፡ ወደ፡ ወቤት-ማርያም፡ እት፡ ልገንሕ፤ ረቢ፡ ወማርያም፡ ልስደዩኩም፡ ዕል፡ ወነስር፡ ለሀበኩም፡ እንቱም፡ ለለከፍኩማ፡ እቶም፡ ወሀቶም፡ ለለክፈዋ፡ እት፡ ምድር፡ ትግባእ፡ ሰይፍኩም፡ እት፡ መቅጠኖም፡ ልብቃዕ፡ ወከናቶም፡ እንጀበት፡ ትግባእ፡ አልሃሳ፡ ልግብኡ፡ ምንኩም፡ ኢልድቀቦ፡ ወኢልፍቀዶ፡ ረቢ፡ ወማርያም፡ አታሌኮኩም። እት፡ ልብል፡ ሰግድ፡ ወብሶቱ፡ እት፡ ምድር፡ ለበጸሐ። ክአባያሞም፡ እግል፡ ልሰክሮ፡ ምኖም፡ እት፡ ስምጥ፡ ማኑ፡ ንኢሸቶ፡ ለከርር። ሐር፡ እባ-እባ፡ ባርክ፡ እት፡ እንቱ፡ ክልኤ፡ ለአስኢኑ፡ እት፡ ክልኦት፡ ለስምጡ፡ እንደ፡ ወደ፡ ምስል፡ ልባሱ፡ ልትዐን

ደቀን፡ ከሰይፍ፡ ወገለቡ፡ እንደ፡ ነስኦ፤ "ው-ረ ሮ፡ ገድም፡ እት፡ ልብል፡ ከርተፍ፡ ወዴ፡ ወቀደሞም፡ ገይስ፡ ወጸፍ፡ ተልም።

፫፡ ሐቆ፡ ንኢሸቶ፡ እት፡ ለዐድ፡ ከም፡ ሐወጸው፤ "ኢሃ፡ ዐድ፡ ዝሙት፡ ልግባእ፡ ዝሞቶ፡ እብ፡ ረቢ፡ እት፡ ልብሎ፡ ወድቆ፡ እቱ፡ ከቀትሎ፡ ወመይቶ። ለዶል፡ በዐል፡ ገጾም፡ ሰልፍ፡ ለረክባይ፡ ወአት፤ "እግል፡ ማርያም፡" እት፡ ልብል፡ እብ፡ ሰይፍ፡ እት፡ ዘነባ፡ ደንግባ። ሐር፡ እንደ፡ ጸገመው፡ ተዐወተው፡ ምን፡ ገብእ፤ ሆ፡ ማርያም፡ እት፡ ልብሎ፡ ምን፡ አዳም፡ ነኣይሽ፡ ወሕያይት፡ ወስላብ፡ ወለእሉ፡ ረክባው፡ ኩሉ፡ ነሱእ፡ ወእብ፡ አረዮም፡ ረአሶም፡ እት፡ ዐዶም፡ ገይሶ።

፬፡ ክእና፡ እት፡ ገበይ፡ እት፡ እንቶም፡ ላሊ፡ ለሰልፎም፡ በዐል፡ ገጾም፡ ሰደቀት፡ ለአረይ፡ እግል፡ ትግባእ፡ እንደ፡ ቤላ፤ "ወ አ ት ፡ መር ጉ ዝ ፡ ሕ ረ ዶ ፡" ልብሎም። ወሀቶም፡ እንደ፡ ሐርደቀ፡ በሉዕ፡ ልት መኖው። እብ፡ ፈጅራ፡ — ነስኦ፡ ለመአስ፡ ስርዕ፡ ትቱ፡ — እት፡ አካን፡ ለምምያዮም፡ ሐዳ፡ ከከሱእ። ደንገባ፡ እብ፡ ደሐኖም፡ ዲብ፡ ዐዶም፡ ክም፡ ሸአገው፡ እብ፡ ስርዕት፡ ለፍትሕ፡ ለአረዮም፡ ከፍሎ።

46፡ ክ ፍ ለ ት ፡ አ ረ ይ ።

፩፡ ዶል፡ ክ ፍ ለ ት ፡ ለ አ ረ ይ ፡ ሰልፍ፡ ኩሉ፡ እግል፡ ቀ ሽ፡ ለበዲር፡ እግል፡ ማርያም፡ ለትደንገበት፡ ወአት፡ ሆይ። ሐር፡ ለአረይ፡ ክም፡ ዐለበው፡ እግል፡ ሹ ም፡ ዐዶም፡ ማመት፡ ለፈግሮ፡ ምኑ፡ እት፡ ረአስ፡ እሊ፡ ሆይ፡ ሹ ም፡ ኖሱ፡ ማ፡ ወልዱ፡ ማ፡ ለቀርቦ፡ እት፡ ለዛምተት፡ ምን፡ ጸንሕ፡ እግል፡ ለጸንሐ፡ ምኖም፡ ሰለስ፡ ለወአቱ፡ ሆይ። ሐር፡ ለ መ ዐ ይ ነ ት ፡ ምን፡ ለዐል፡ ለክፍለት፡ ወአት-ወአቶም፡ ነሱእ፡ ሐቆሃ፡ አሰር፡ በዐል፡ ገጽ፡ ለተሌ፡ በዐል፡ ሕ ራ ጥ ፡ ወአቱ፡ ነስኦ፡ አሰፍ፡ ሰ ብ ፡ ፍ ጎ ፡ ለ ዐ ድ ፡ እ ግ ል ፡ አ ሐ ፡ ጸ ላ ም ፡ ወ እ ግ ል ፡ አ ሐ ፡ ጣ ላ ታ ት ፡ ወ አ ት - ወ አ ቶ ም ፡ ነ ሱ እ ፡ ው ቂ ነ ይ ፡ ሆይ፡ ሻበይ፡ ምን፡ ገአ፡ እምበል፡ ለገርዝሁ፡ ፍሊት፡ በዐል፡ ክልኤ፡ ሆይ። ክምሰልሁ፡ ሆይ፡ ለ መ ከ ን ት ፈ ይ ፡ ምን፡ ለዐል፡ ፍሊት፡ ረክብ። እምበልሁመ፡ ሐይስ፡ ለከራይ፡ ለቱ፡ ወአት፡ ልባስ፡ መስል፡ ለዘይዶ፡ እሉ። ወሆይ፡ እብ፡ አረይ፡ ዐድ፡ እት፡ ለአቱ፡ ምን፡ ዐዶም፡ እንደ፡ ፈግረ፡ እናስ፡ እብ፡ መስእል፡ ምን፡ ለዐድ፡ ምን፡ ልትቃበሉም፡ ወ፤ "ሸትዲት፡

ሀቡኒ፡ ምን፡ ልብሎም፡ ምስሎም፡ ከፍል። ደአም፡ ቀደም፡ ምጽኢቱ፡ ከፍላም፡ ምን፡ ጸኑሕ፡ በዲር፡ እት፡ ልከፍሎ፡ እግል፡ በዐል፡ ሽ ት ሂ ት ፡ እንደ፡ ቤለው፡ ለከረዎ፡ ሆይ። ገድም፡ ለአረይ፡ አሐ፡ ምን፡ ገብእ፡ ፍሊት፡ በዐል፡ ክልኤ፡ ወአንሳ፡ ምን፡ ትገብእ፡ ሽመት፡ እት፡ ክል፡ ነአት፡ ወዐጣል፡ ምንዲ፡ ገብእ፡ ሐምስ፡ ጠሊት፡ ወአዳግ፡ ምን፡ ገብእ፡ ሪንብ፡ ረክብ።

፪፡ ሐቆ፡ እሊ፡ ኩሉ፡ እት፡ ዕልብ፡ ለሰብ፡ አክል-ሕድ፡ ለአረይ፡ ከፍሎ። ምና፡ ተ፡ ትግረይ፡ ምን፡ ለገርዝሁ፡ ምስሎ፡ እግል፡ ለጸንሕ፡ ጽኑዕ፡ ልግባእ፡ ማ፡ እት፡ ዐድ፡ እግል፡ ለታርፍ፡ መምብሁ፡ ወአት-ወአቶም፡ ሆይ። ወ በ ዐ ዕ ፡ መ ን ዱ ቅ ፡ ለ ቱ ፡ ዕ ጸ - ፍ ፡ ለ ጸ ፍ ፡ ነ ስ እ ።

፫፡ ደአም፡ ለአረይ፡ ስ ፍ ቅ ፡ ገአ፡ ምን፡ ገብእ፡ ወዐስር፡ ወአት፡ ምን፡ ተምም፡ ለበዐል፡ ሽትዲት፡ ፍሊት፡ በዐል፡ ክልኤ፡ ነስኦ፡ ደአም፡ ዐስር፡ ምን፡ ኢተምም፡ ምን፡ ክል፡ ወአት፡ ክዩስ፡ ሌጠ፡ ሆይ።

፬፡ ወክድ፡ ዘማቲ፡ ማ፡ ወክድ፡ ሸፍ፡ ለትሰለበ፡ ጽዋር፡ ፍትሐ፡ ክእና፡ ቱ። ለክልኤ፡ ከራይ፡ እት፡ ልትጸገማ፡ እግል፡ እናስ፡ አባይ፡ ለዎሮት፡ እብ፡ ግሰቱ፡ ምን፡ ጸብጦ፡ ወለዎሮት፡ እብ፡ ሐጺን፡ ምን፡ ለደመዎ፡ ስላብ፡ ነይ፡ ለእብ፡ ሐጺን፡ ለአድመዐ፡ ቱ። ክምሰልሁ፡ ሆይ፡ በዐል፡ ሞራ፡ ማ፡ በዐል፡ እበነት፡ ምንመ፡ እንደ፡ በድረ፡ ለደምዕ፡ ማ፡ እግል፡ ለበዐል፡ ሐጺን፡ ለሐከረይ፡ እናስ፡ ነፍሱመ፡ ምን፡ ነስኦ፡ ስላብ፡ ለእናስዲ፡ ምን፡ ቀድም፡ ማ፡ ምን፡ ደንግር፡ እብ፡ ሐጺን፡ ነይ፡ ለአድመዐ፡ ቱ። ደኢኮን፡ በዐል፡ ሞራ፡ ወበዐል፡ እበነት፡ ሐቱ፡ አለቦም። እምበል፡ አለዲ፡ ክም፡ ለፍትሕ፡ ክል፡ ዎሮት፡ ስላብ፡ ለእሉ፡ ቀትሉ፡ ነስኦ።

፭፡ ምና፡ ተ፡ ትግረይ፡ ሰይፍ፡ ወከናት፡ ዑርት፡ ወገለብ፡ ዐገባ፡ ወዝማም፡ ደሀብ፡ ምን፡ ሰልብ፡ እግል፡ መምብሁ፡ ገብእ።

፮፡ ገብርዲ፡ አረዮ፡ ልግባእ፡ ማ፡ ስላብ፡ ነይ፡ መምብሁ፡ ቱ።

፯፡ አሐ፡ ዐድ፡ ምን፡ ትትዘመት፡ ወሰብ፡ ለዐድ፡ እንደ፡ ረድአው፡ ምን፡ በሉሳ፡ ላተ፡ ምን፡ ለአሐ፡ ለበዴት፡ ምን፡ በዐላ፡ በዴት፡ ወምን፡ ለአሐ፡ ለትረከበት፡ እግል፡ በዐላ፡ ተ፡ ከክል፡ ዎሮት፡ ወአቱ፡ ማ፡ ብዕራይ፡ ነስኦ።

፳፯፡ መ.ሐ.ሰ.ስ።

፩፡ ምስል፡ ሰብ፡ ገቢለት፡ ፈትሐ፡ ገአት፡ ምን፡ ገብእ፡ ወወራር፡ ምን፡ ፈሩሀ፡ እት፡ መ.ሐ.ሰ.ስ፡ ሰብ፡ ነዱእ፡ ወአሎም፡ ሰብ፡ እግል፡ ዐድ፡ ወአሐ፡ እግል፡ ልዕቀብ፡ ወምን፡ ለትሐዜ፡ አባይ፡ እግል፡ ልውረር፡ ለስትሀሎም፡ ደአም፡ እንዶ፡ ታዮነው፡ ኩሉ፡ ደሐን፡ ገአ፡ ምን፡ ገብእ፡ ዐድ፡ ለቀብሎም፡ ወእንደይ፡ ልትበገሶ፡ ሞት፡ ለከርዐቶ፡ ወለሐመ፡ ወለረምድ፡ ምን፡ ኢገብእ፡ ሕያይ፡ እት፡ እንቱ፡ ምርመ፡ እት፡ ዐድ፡ እግል፡ ኢለዐል፡ ዕንድር፡ ለዘብጦ፡ ለዶል፡ ሕያይ፡ እት፡ እንቱ፡ እት፡ ዐድ፡ እግል፡ ለዐለ፡ ሰብ፡ ለመሐሰስ፡ ወአቱ፡ እንዶ፡ ሐርደው፡ ምን፡ በሉዕ፡ ሐሜ፡ እታ፡ አለቡ፡ ወእለ፡ ወአት፡ እለ፡ ወአት፡ ሰንደላ፡ ትትበሀል።

፪፡ ደአም፡ አዳም፡ እት፡ ረድኢት፡ ማ፡ እት፡ ዘማቴ፡ ጌሰ፡ ምን፡ ገብእ፡ ናሱ፡ እብ፡ ቀልቡ፡ ኢጌሰ፡ ምን፡ ገብእ፡ ከአት፡ ዐድ፡ ምን፡ ተርፍ፡ ልትሐሜ፡ ደኢኮን፡ ጃድዮ፡ አለቡ።

፳፰፡ ግብር፡ ወምክላት።

፩፡ ሹም፡ እብ፡ ንጉስ፡ ምን፡ ግብር፡ ነጻ፡ ቱ። ቀሽ፡ ወጠቢብ፡ ወዋጠይ፡ ወካልእይ፡ ዐንቀር፡ ምን፡ ግብር፡ ንጉስ፡ ዐዶም፡ ነጻ፡ ዋዲሆም፡ ቱ።

፪፡ እምበል፡ እሎም፡ ሽማገለይ፡ ልግባእ፡ ማ፡ ትግረይ፡ ጥልበት፡ ንጉስ፡ ክል፡ ምርት፡ ክም፡ ማሉ፡ ምስል፡ ሀዩባ።

፫፡ ወለግብር፡ ሐትሐቴ፡ ዶል፡ እት፡ ሽንጉል፡ ወአግዳ፡ እት፡ አሐ፡ ወአት፡ አብዕረት፡ ደኢኮን፡ እት፡ ግራሀ፡ ኢልትከሬ። ገድም፡ ምንመ፡ ኢሸንግል፡ መንደለይ፡ እት፡ እንቱ፡ አሐ፡ ወአብዕረት፡ ምን፡ ረክብ፡ ግብር፡ ሀይብ፡ ምና፡ ተ፡ ቀደም፡ ፍገራት፡ ምን፡ ብርክ፡ አቡሀ፡ ለሐርሰ፡ ዶል፡ እክል፡ ለሰልፉ፡ ግብር፡ ኢሐዙ፡ እቱ።

፬፡ ክምሰልሀ፡ ሀዩ፡ ግሰት፡ ለኢከልአ፡ ምን፡ ሐርስ፡ አስክ፡ ሐል፡ ምክላት፡ ኢጠልብ፡ እብ፡ ነይ፡ ብዕደት፡ ላተ፡ እግል፡ ክል፡ ምርት፡ ክም፡ ለትቀጸዐት፡ እቱ፡ ሀቱመ፡ ሀይብ።

፳፯፡ አግቡይ።

፩፡ ገበይ፡ መንሳዕ፡ ምን፡ በዲር፡ አዳም፡ ወንዋይ፡ ኬደዋ፡ ከአፍገረዋ፡ ወገበይ፡ አርበኛ፡ ትትበሀል፡ ደኢኮን፡ እንዶ፡ ሐፍረው፡ ማ፡ እንዶ፡ መትረው፡ ኢወደዋ፡ ወእለ፡ ገበይ፡ እለ፡ በዐል፡ ዐድ፡ ወበዐል፡ ገቢለት፡ ኩሉ፡ ምስል፡ ከይዳ፡ ደኢኮን፡ ሐጽራ፡ ማ፡ ሐርሳ፡ ማ፡ ሐድር፡ እታ፡ አለቡ።

፪፡ ዕጨይ፡ ማ፡ እበን፡ ምን፡ ወድቅ፡ እታ፡ ከከለአ፡ ሰብ፡ ገበይ፡ ምን፡ ፈቱ፡ ናሶም፡ ወርክም፡ ደኢኮን፡ እብ፡ ተምብሀ፡ ዐድ፡ ለለሰንዶ፡ አለቡ።

50፡ ብጽዕ፡ ነድ፡ ሞት።

፩፡ ቤት፡ እብ፡ አሳት፡ ምን፡ ትነድድ፡ ማ፡ አዳም፡ ምን፡ መይት፡ ኩሉ፡ ሰብ፡ ለዐድ፡ ረዳእ፡ ወቀብሮ፡ ወምን፡ እለንመ፡ ለበጥረ፡ ሐምዎ፡ ደኢኮን፡ ለሰብክ፡ ማ፡ ለለከስር፡ እቱ፡ አለቡ።

፪፡ አሲት፡ ምን፡ ጸዋሃ፡ ምር፡ ምን፡ ብጽዕ፡ ነግፈ፡ አላ፡ ምን፡ ገብእ፡ ክላ፡ ለምዕል፡ ለመንገር፡ አሳት፡ እግል፡ ኢተፍግርባ፡ ትሰርዎ።

51፡ አብያት፡ ንድቆሀን፡ ወመድሐራተን።

፩፡ ጅንስ፡ አብያት፡ በዲር፡ ቀሻሻ፡ ቱ፡ ወአንስ፡ እግል፡ ሐድ፡ እት፡ ልሰይዳ፡ ነድቃሀ።

፪፡ ለቤት፡ ክም፡ ተመት፡ በዐል፡ ቤት፡ እግል፡ ለሳይደት፡ እስለት፡ ትወደ፡ እለን፡ ደአም፡ ለእስለት፡ እንደይ፡ ተቀርብ፡ እለን፡ አጅናን፡ እግል፡ ልርሐቆ፤ "እለ፡ ሀብከኩም።" እት፡ ትብል፡ ሰለስ፡ ዶል፡ ንኢሽ፡ ግዘዘት፡ እንዶ፡ ነስአት፡ ምና፡ እት፡ አስማጥ፡ ለቤት፡ ትለክፈን።

፫፡ ሰብአ፡ እብ፡ ለአቱ፡ አታ፡ ምዕል፡ እግል፡ መድሐራታ፡ እት፡ አፌታ፡ ነገል፡ ሰድቆ፡ ወሐር፡ በዐል፡ ቤት፡ ልግባእ፡ ማ፡ ጋና፤ "ቤት፡ በኪተት፡ ትግባእ፡ እግል፡ ንፍየት፡ ወጸሮት፡ ትግባእ፡ ረቢ፡ ዕምር፡ ጥዉል፡ ወገድ፡ ብዙሕ፡ ለሀበና።" እት፡ ልብል፡ ልድሕር።

52 ፡ መ ሃ ዩ በ ት ።

፩፡ ለበዝሕ፡ ሀያብ፡ እብ፡ ፈኩ፡ ወእብ፡ ሸኩ፡ ቱ፡ ደኢኮን፡ እብ፡ ለሀ፡ ኢልትሀዩብ። ክእና፡ ገድም፡ እናስ፡ እግል፡ ቅሩብ፡ ማ፡ እግል፡ ጋናሁ፡ እት፡ ጽምበላት፡ ማ፡ እት፡ ብዕደት፡ ጠሊት፡ ማ፡ ጽዋር፡ ማ፡ አቅሩሽ፡ ሃይብ፡ ገእ፡ ምን፡ ገብእ፡ ፈክ፡ ለሀያብ፡ ኢበደ፡ ምኑ፡ ከለ ናስኦ፡ ምን፡ ለውሕድ፡ ማ፡ ምን፡ ለበዝሕ፡ እብ፡ ወክዱ፡ ፈክ፡ ለሀያብ፡ በልስ፡ ደአም፡ እለ፡ ምን፡ ኢወደ፡ ለሃይበይ፡ ከሰዩ፡ ምን፡ ገብእ፡ እብ፡ ፍትሕ፡ ረትዕ፡ ምን፡ ከለሀያብ፡ ምክ፡ እብ፡ ረአሱ፡ ምክ፡ እብ፡ ቅጽዑ፡ ለቀብል፡ እቱ።

፪፡ ወቅጻዕ፡ ጠሊት፡ ስማኒ ቱ፡ ወሀታ፡ ምን፡ ልባስ፡ ሐምስ፡ እድሃ፡ ተ። ዶል፡ ሕጼ፡ ላተ፡ ቅርሽ፡ ልባስ፡ ለሀይብ፡ እብ፡ ዕጹፍ፡ መጽኦ።

፫፡ ክእና፡ ሀዩ፡ ወአት፡ እንዶ፡ ሞተት፡ ምኑ፡ እብ፡ መአሳ፡ እት፡ ጋና፡ ልግባእ፡ ማ፡ እት፡ ቅሩብ፡ ረፍዐያ፡ ምን፡ ገብእ፡ ሐር፡ ፈክ፡ ምን፡ ሐዜ፡ ፍሊት፡ በዐል፡ ክልኤ፡ ተ። ደአም፡ መአሳ፡ እንዶ፡ አትረፈ፡ ስግሃ፡ ሌጠ፡ ምን፡ ሀይብ፡ ፈክ፡ አለባ። — ክእናመ፡ እት፡ ሂጋ፡ ብ ሸራት፡ ለልትሀዩብ፡ ፈክ፡ አለቡ።

53 ፡ ተ ፍ ደ ፡ እ ት ፡ ቤ ት ፡ አ ብ ።

፩፡ ቤት፡ አቡሁ፡ ለዐጼቶ፡ እናስ፡ እግል፡ ልርታዕ፡ እንዶ፡ ቤለ፡ ክእና፡ ወደ፡ ወድ፡ ጽኑዕ፡ ዐዳ፡ ጸዌ፡ ወእት፡ ሹም፡ ዐድ፡ ገቢለት፡ አቲቡ። ምን፡ ቤት፡ አቡሁ፡ እግል፡ ለርተዶ፡ ጥቡ፡ [ጭንብዕርሁ፡] እት፡ ልጠቤ፡ "ዐይብኩ" ልብሎ።

፪፡ ቤት፡ አቡሁ፡ ሀዩ፡ ለሕጻን፡ ትረድእ፡ ወእሉ፡ ወለጸወዩ፡ እንዶ፡ ነስአው፡ እት፡ ዐዶም፡ ለቀብሎ። እቱ፡ እት፡ ሹምም፡ እንዶ፡ በጥረውብም፡ ለሹም፡ ሰልፍ፡ ኩሉ፡ እግል፡ ለእናስ፡ ለጽወይ፡ ለረተ ዶ፡ ወገድም፡ እግል፡ ለሕጻን፡ እት፡ አቡሁ፡ በልሶ፡

፫፡ ከአብ፡ ለሕጻን፡ እት፡ ሹም፡ እንዶ፡ በጥረ፡ እብ፡ ነይ፡ ጸወ ዮት፡ ወልዳ፡ ልትራታዕ፡ ወሹም፡ እት፡ ዘርዐ፡ ወልዳ፡ ቤት፡ አብ፡ ለመጸውዩይ፡ ለትፈድዮ፡ ምእት፡ ወዕስራ፡ ምን፡ አሐ፡ ፈርድ፡ እሉ። ደአም፡ ሐር፡ እግል፡ አብ፡ ለሕጻን፡ ደኩሎ፡ ወሀቱ፡ ሐምስ፡ ሺሽ፡

ወጃይብ፡ ሌጠ፡ ነስእ፡ ወእብ፡ ክእና፡ ለጽወይ፡ ወጻዊ፡ ቤት፡ አቡ ሆም፡ ተዓርዮም።

54 ፡ እ ን ሳ ሰ ት ፡ ቀ ሪ ም ።

፩፡ እብ፡ ነይ፡ እንሳሰት፡ ገርሀት፡ ለበዐላ፡ ምክ፡ ምን፡ አቡሁ፡ ወርሳ፡ ምክ፡ እብ፡ ማሉ፡ ልዛበያ፡ ከእግል፡ ውሉድ፡ ሞልዴ፡ ልብሕታ።

፪፡ ገድም፡ እት፡ ክልኤ፡ መንሳዕ፡ አዳም፡ ምን፡ ለአንስሶ፡ ኩሉ፡ ገርሀት፡ እቶም፡ ዝብንት፡ ተ። ሰበት፡ እለ፡ በዐላ፡ ለብዕድ፡ ማሉ፡ እን ደይ፡ ከልስ፡ ገርሀቱ፡ ኢለዘቤ። ወአዝበያመ፡ ምን፡ ገብእ፡ ሰልፍ፡ ኩሉ፡ እብ፡ ሞላድ፡ እት፡ ለቀርቦ፡ ማ፡ እት፡ እናስ፡ ለፈርዐ፡ ለዘብያ። ደአም፡ ለቅሩብ፡ እብ፡ ኢረኪብ፡ ማል፡ ወእብ፡ ኢቀልብ፡ ምን፡ ኢል ዛበያ፡ ሐቆ፡ ሕላሌ፡ እት፡ ጋና፡ እናስ፡ ዐዳ፡ ደኢኮን፡ እት፡ እናስ፡ ገቢለት፡ ብዕደት፡ ኢለዘብያ።

፫፡ ወለአዝበዮታ፡ ምክ፡ እብ፡ ጽብጥ፡ እግል፡ አውካድ፡ ቅጽር፡ ምክ፡ እብ፡ ውሐጥ፡ እብ፡ ክልኤ፡ እለን፡ ገበይ፡ ገብእ።

፬፡ ለቅጽር፡ ክም፡ ተመ፡ ለበዐል፡ ለገርሀት፡ ጽብጥት፡ እብ፡ ዕ ጹፍ፡ ለእሉ፡ ነስኦ፡ ምን፡ ጽብጣ፡ ገርሀቱ፡ ለፈገር።

፭፡ ለቅጽርመ፡ ክም፡ ሐልፈ፡ በዐላ፡ ኢበልሰያ፡ ምን፡ ገብእ፡ አ ስክ፡ ለማሉ፡ ልትፈዴ፡ በዐል፡ ለጽብጣ፡ ሐርሳ።

፮፡ ገበይ፡ ዝቤ፡ ለገርሀት፡ እብ፡ ውሐጥ፡ ላተ፡ ክእና፡ ቱ። ለ ገርሀት፡ ክም፡ ዕባ፡ ወውጅብ፡ ዐስር፡ ማ፡ ዐስር፡ ወሐምስ፡ ቅርሽ፡ ማ፡ ሺሽ፡ ምን፡ አሐ፡ ገይስ፡ እታ። — ለገርሀት፡ ሀዩ፡ እብ፡ ግንዳ፡ ወእብ፡ ጃጃ፡ ወጉማ፡ ትትዘቤ። — ወለበዐላ፡ እንዶ፡ ተዐሰ፡ ሐር፡ እግል፡ ኢልብለሳ፡ ወመንመ፡ እግል፡ ኢልንቀሞ፡ እታ፡ ምን፡ ጸሊም፡ ሸቢ ቡ፡ ወምን፡ ባርሀት፡ ኒቡ፡ እግል፡ ለልዛበያ፡ ወወልዳ፡ ወሐሁ፡ ለገ ርም፡ እሉ።

፯፡ ወለመትዛብዩይ፡ እግል፡ ለገረም፡ ሽመት፡ በሀለት፡ ልባስ፡ ስስ፡ እድሃ፡ ማ፡ ክልኦት፡ ዕቤላ፡ እክል፡ ሀይቦ።

፰፡ ወእሊ፡ ዝቤ፡ ለገርሀት፡ እብያ፡ ገበይ፡ ወእብ፡ ሚ፡ ዐውል፡ ክም፡ ትትዘቤ፤ "እብ፡ አክል፡ እሊ፡ ገርሀቱ፡ አዝቤኩ" ወለሀይ፡ "ትዛ ቤኩ" እት፡ ልብሎ፡ እት፡ ረአሱ፡ ሰምዓት፡ እግል፡ ልግባእ፡ ለስትሀል።



፱፡ ደአም፡ ገረም፡ እንደይ፡ ሀይብ፡ ገርሀቱ፡ አዝቦ፡ ምን፡ ገብእ፡ ምን፡ ልተዐስ፡ ዮል፡ ለአላ፡ ሐዘ፡ ማል፡ ለዝቤሃ፡ እንደ፡ ሀብ፡ በልሳ።

፲፡ ወለገርሀት፡ እብ፡ ውርስ፡ ልግባእ፡ ማ፡ እብ፡ ዝቤ፡ ክእና፡ ለአንሰሰያ፡ ድለ፡ ጸንሕ፡ እታ፡ ስልሐት፡ ወእብን፡ ሞጥዕ፡ አስክ፡ ለተዐሬባ፡ ንሀብመ፡ ኩሉ፡ ማሉ፡ ቱ፡ ኩሉ፡ ነይ፡ በዐል፡ ለገርሀት፡ ቱ።

፲፩፡ ክምሰልሁ፡ ሀይ፡ እናስ፡ ዎክ፡ እብ፡ ቅጹር፡ ዎክ፡ ሀይ፡ እም በል፡ ቅጹር፡ አስክ፡ ሀለ፡ እብ፡ ጽምበላት፡ ገርሀቱ፡ ሀይብ፡ ገርሀት፡ ክእና፡ ተሀየበት፡ ምን፡ ገብእ፡ ምንመ፡ ለወክድ፡ ለቅጹር፡ ኢትተ ምም፡ ተዐሳ፡ ምን፡ ገብእ፡ በልሳ።

፲፪፡ ወእግል፡ ርስመ፡ ገርሀቱ፡ ጸምበለ፡ ምን፡ ገብእ፡ ምን፡ ወለ ቱ፡ ወምን፡ ወድ፡ ወለቱ፡ እት፡ ስልቃ፡ እተያት፡ ለሀብያ፡ ገርሀት፡ ኢ በልስ፡ ደኢኮን፡ ምን፡ ወድ፡ አብ፡ ወምን፡ ጋና፡ ምስምሳ፡ ኢቅደቀት፡ ረክቦ፡ ምን፡ ገብእ፡ በልሳ።

55 : ሐ ር ስ ።

፩፡ በዐል፡ ለገርሀት፡ ኖሱ፡ እብ፡ አብዕረቱ፡ ማ፡ እብ፡ ግምገም፡ ማ፡ እብ፡ ርምቅ፡ ገርሀቱ፡ ምን፡ ሐርስ፡ ወሀርም፡ ዐቅብ፡ ወበትክ፡ እግል፡ ቀሽ፡ ወእግል፡ ለመቃድረይ፡ ወዋጠይ፡ ሰፍእ-ሰፍእም፡ ሀይ ቦም፡ ደኢኮን፡ ግብር፡ አለቡ፡ ኖሱ፡ እክል፡ ለገርሀቱ፡ ልብሕት። ደ አም፡ እብ፡ አብዕረት፡ ብዕድ፡ ሐርሰያ፡ ምን፡ ገብእ፡ እግል፡ ለበዐ ሎም፡ ርብዕ፡ ለእክላ፡ ለበለዎ፡ ወበዐል፡ ለገርሀት፡ ኖሱ፡ ምን፡ ኢሀ ርማ፡ እግል፡ ለሀሀርማ፡ ወዐቅባ፡ እንደ፡ ሀብ፡ ርብዕ፡ ለበለዎ፡ ምና። ክምሰልሁ፡ ሐረስተይ፡ ወድ፡ እታ፡ ምን፡ ገብእ፡ እት፡ ለፍትሕ፡ ለሐ ረስተይ፡ ክም፡ ለትበሀለ፡ ምን፡ ለእክል፡ ሐቅ፡ ለገርዝሁ፡ ሀይቦ።

፪፡ በዐል፡ ለገርሀት፡ እት፡ ብዕድ፡ ፈቅሐያ፡ ምን፡ ገብእ፡ ሐቱ፡ እንደይ፡ ከድም፡ ርብዕ፡ በልዕ፡ ምና። ደአም፡ እት፡ ረአስ፡ ለገርሀት፡ ሰር፡ ለዘርእ፡ ሀይ፡ ምን፡ ዘርእ፡ ወሰር፡ ለሀረሞ፡ ምን፡ ከርዕ፡ ሰር፡ በ ልዕ፡ ምና።

፫፡ ብዕራዩ፡ እግል፡ ብዕድ፡ እግል፡ ልሕረስቡ፡ ምን፡ ሀይቦ፡ ለ እናስ፡ ለሐርሰ፡ ምን፡ ልትላፈንቡ፡ ርብዕ፡ ለበለዎ፡ ወምስል፡ ብዕ ሬይ፡ ኖሱ፡ ምን፡ ሐርሰ፡ ስመኒት፡ ሀይቦ።

፱፡ ብዕራይ፡ ኖስ፡ ለአለቡ፡ ክልኤ፡ ምዕል፡ እግል፡ ለበዐል፡ ለአ ብዕረት፡ እንደ፡ ሐርሰን፡ ክል፡ ሳልስ፡ ለምዕል፡ እግል፡ ኖሱ፡ ሐርሶም፡ ወእክል፡ እሊ፡ ሐርሱ፡ ብሕታሁ፡ ቱ። ወእሊ፡ ሐ ር ስ ፡ እ ብ ፡ ስ ር ፡ ልትበሀል።

፺፡ ገርሀት፡ ምን፡ ሐርስ፡ ካርመት፡ በዐል፡ አሐ፡ እብ፡ መትያ ማም፡ ለበዐላ፡ ምን፡ ለሸፍራ፡ ለገርሀት፡ ነይ፡ አውለት፡ ምን፡ ትገብእ፡ ስለስ፡ እክል፡ በልዕ፡ ምና፡ ወነይ፡ ቀላቅል፡ ምን፡ ትገብእ፡ ክልአት፡ እክል፡ ሌጠ፡ በልዕ፡ ከሐር፡ እግል፡ በዐላ፡ ሐድጋ።

፻፡ ገርሀት፡ ክም፡ ትበተከት፡ ቃንጨሃ፡ እብ፡ ፈስሕ፡ ለበዐላ፡ ሌጠ፡ ልትበላዕ፡ ሰዕራ፡ ወማያ፡ ወዕጨያ፡ ላተ፡ ማል፡ ኩሉ፡ ትቱ፡ መንመ፡ ፈስሐ፡ እንደይ፡ ረምቅ፡ ክል፡ ዎርት፡ ክም፡ ለሐዘ፡ ነስእ፡ ምኑ።

፺፡ ሀይ፡ እናስ፡ ገርሀቱ፡ እምበል፡ ብልዒት፡ እግል፡ ፈታዩ፡ ማ፡ እግል፡ ቅርብ፡ ወክድ፡ እንደ፡ ቀጽረ፡ እብ፡ ጸብሕ፡ ሀይባ።

፻፡ አዳም፡ በዐላ፡ እንደይ፡ ሀይባ፡ ወእንደይ፡ ፈቀሃ፡ እብ፡ እዴ፡ ኖሱ፡ ገርሀት፡ ጸሩ፡ ሐርስ፡ ምን፡ ገብእ፡ በዐላ፡ እንደይ፡ መጽእ፡ እን ደ፡ በትከያ፡ እብ፡ እክላ፡ ገዘዘ፡ ምን፡ ገብእ፡ ፈዳ፡ አለቡ፡ እቱ። ደአም፡ እንደይ፡ በትከ፡ በዐላ፡ ምን፡ መጽእ፡ እግል፡ ለሐርሰያ፡ እንደ፡ ደለሐ ዩ፡ ምና፤ "ባርባርዬ፡ ተ።" እት፡ ልብል፡ ኖሱ፡ በትከ፡ ደኢኮን፡ ለሐር ሰያ፡ ሴመ፡ ኢረክብ፡ ምና።

56 : አ ሐ ፡ ወ መ ጽ ዕ ን ።

፩፡ በዐል፡ እንሱስ፡ ኖሱ፡ እግል፡ ማሉ፡ ኢአስነ፡ ምን፡ ገብእ፤ "ማልከ፡ አኬክ፡ ማ፡ ገደፍከ።" እንደ፡ ቤለ፡ ለጃድዮ፡ አለቡ። ደአም፡ ለበዐሉ፡ እግል፡ ኖሱ፡ ትግባእ፡ ለሰንዮ።

፪፡ ወአምዒላት፡ ቃቅሚን፡ ልግባእ፡ ማ፡ ምን፡ አምዒላት፡ ለ ሳምን፡ ሰምበት፡ ዐባይ፡ ወተላሸኖ፡ ወአረርቦን፡ ወጅምዐት፡ አሐ፡ ኢትግዕዘን። — ወእብ፡ አምዒላት፡ ቃቅሚን፡ እት፡ ክል፡ ምዕል፡ ጽብሕ፡ ምድር፡ ተላይ፡ ምዕጥን፡ እንደ፡ ወርድ፡ ዐሙር፡ ማይ፡ መልክ፡ ወቀረፍ፡ ጸሐት፡ እንደ፡ ጨፍጨፈ፡ ወዴ፡ እቱ፡ ወክላ፡ ለአሐ፡ ወርዕ ቡ፡ ወ፤ "ሐሊብ፡ ወስቃድ፡ ልግባእ፡ አልኪ፡ ወብዝሐ፡ ወሸር፡ ከራ ዩ፡ ልክለአኪ።" እት፡ ልብል፡ ልድሕራ።

፫፡ አሐ፡ በዝሐት፡ ምን፡ ገብእ፡ በዐላ፡ ፍጉር፡ እንደ፡ ዐልብ፡ እት፡ ክል፡ ሕብር፡ ጸግራ፡ ከእግል፡ ለጸሊም፡ ሕብር፡ ለብእታ፡ ጸ ላ ም ፡ ልብላ፡ ወጽዕዲና፡ ለብእታ፡ ጸ ሳ ጲ ፡ ልብላ፡ ወሀዬ፡ ዕራት፡ ለብእታ፡ ዕሮ ታ ት፡ ወ ጣ ላ ታ ት ፡ ወ ግ ራ ታ ት ፡ ወአሊ፡ ለመስል፡ እት፡ ል ብል፡ ሰምዖ።

፬፡ አሐ፡ አዳም፡ እግል፡ ኖሶም፡ ትግባእ፡ ክም፡ ትነፍዐውብ፡ ምን መ፡ ተሐምም፡ ሐሩዳ፡ ወስግሃ፡ በሉዕ፡ ወመእሳ፡ ነሱእ፡ ደኢኮን፡ ከ ደን፡ ኢለኩ።

፭፡ አብቀል፡ ወአዳግ፡ ወአፍሩስ፡ ላተ፡ ስግሆም፡ ለኢልትበላዕ፡ ወመአሶም፡ ለኢልትነጸፍ፡ ምን፡ ገአ፡ ዶል፡ ኢነፋዕ፡ ከደን፡ ለኩፍም፡ ደኢኮን፡ ኢሐሩዶም።

57: ዝቤ፡ ወመዛበየት።

፩፡ አዳም፡ እግል፡ ገብር፡ ማ፡ ትግረይ፡ ማ፡ ገርሀት፡ ምን፡ ለዘቤ፡ ለ መዝብየይ፡ አስክ፡ ሰለስ፡ ምዕል፡ ዕለት፡ ትዕስ፡ ቡ። ከእብለን፡ ሰለስ፡ ምዕል፡ እግል፡ ለትዛቤ፡ ምን፡ ትዕስ፡ ለአዝቦቹ፡ ምን፡ ለስእሎ፡ ለ እሉ፡ ነስኦ፡ ማል፡ ሀይብ፡ ወለእሉ፡ አዝብ፡ በልስ፡ ደአም፡ ወአት፡ ለልዛቤ፡ ወለለዘቤ፡ አስክ፡ ሐቲ፡ ላሊ፡ ሌጠ፡ ዕለት፡ ትዕስ፡ ቦም።

፪፡ ደአም፡ በዐል፡ ዐድ፡ እት፡ በዐል፡ ዐድ፡ እንደ፡ ገበዘ፡ አዝብ፡ ምን፡ ገብእ፡ ለዝቤ፡ ሐቆ፡ ሐልመ፡ ለቀብል።

፫፡ ወበዐል፡ ዐድ፡ ወበዐል፡ ገቢለት፡ ማ፡ ውላድ፡ ዐድ፡ ኖስኖ ሶም፡ ለገአ፡ ልግባእ፡ ምን፡ ሕድ፡ ዛበው፡ ምን፡ ገብእ፡ ምን፡ ስርቅ፡ እት፡ ረአስ፡ ሰምዓት፡ ውሕሳ፡ ማ፡ ደሚን፡ ልትሃየቦ።

፬፡ ወእክል፡ ወክድ፡ ልትዘቤ፡ እብ፡ ለትሰመ፡ ዐውል፡ በዐል፡ ለእክል፡ ዕስ፡ ሐቆ፡ ከረ፡ ወበዐል፡ ተረብ፡ ዐገና፡ ሐቆ፡ ሀርመ፡ ሐቆ፡ ትዕስ፡ አለቦም። ደአም፡ ለልትዘቤ፡ ዐገና፡ ኢሀርመ፡ ምን፡ ገብእ፡ ምን፡ ልተዐስ፡ ለዝቤ፡ ሐድግ፡ ደኢኮን፡ እብ፡ ከምፈር፡ ሌጠ፡ ኢል ጸበጥ።

፭፡ ወበቀል፡ ማ፡ ፈረስ፡ ማ፡ ብዕራይ፡ እንደ፡ ፈተነዩ፡ ወገንሐ ዩ፡ ለልትዘቦዩ፡ ሐቆ፡ ትዕስ፡ አለቡ። ክምሰልሀ፡ ሀዩ፡ ጽዋር፡ ወልባስ፡ ወሰርን፡ መስል፡ እንደ፡ ረደ፡ ለአዝቦዩ፡ ወእንደ፡ ረደ፡ ለትዘቦዩ፡ ት ዕስ፡ አለቡ።

፮፡ ወለገአ፡ ልግባእ፡ ዝቤ፡ ነይ፡ ገርሀት፡ ልግባእ፡ ማ፡ ነይ፡ ሕያ ይት፡ ማ፡ ነይ፡ ብዕደት፡ እት፡ ረአስ፡ ሰምዓት፡ ወእት፡ ረአስ፡ ሰብ፡ ምግብ፡ እብ፡ ሰርዴ፡ ረዴኮ። እግል፡ ልግባእ፡ ለስትሀል። ዝቤ፡ እብ ለ፡ ገበይ፡ ኢገአ፡ ምን፡ ገብእ፡ ወአግዳ፡ ገርሀት፡ ገረም፡ ኢተሀየቦ፡ እታ፡ ምን፡ ገብእ፡ ዝቤ፡ ባጥል፡ ቱ።

፯፡ እት፡ ለአምር፡ ስሩቅ፡ ማል፡ ለትዘቤ፡ ክም፡ ጸበጠ፡ እቱ፡ ኖሱ፡ ከስር፡ እቱ። ደአም፡ ማል፡ ስሩቅ፡ ክም፡ ቱ፡ እንደይ፡ አምር፡ ምን፡ ልትዘቤ፡ ለማል፡ ክም፡ ጸበጠ፡ እቱ፡ ማሉ፡ ለአሌሉ፡ ነስኦ፡ ወለአዝ ቤ፡ ከስር፡ ለትዘቤ፡ ላተ፡ ለእሉ፡ ዙቡይ፡ ለዐለ፡ ለቀብል፡ ምን፡ ደ ኢኮን፡ ለማሉዲ፡ ኢበደዮ።

58: ሐዳር፡ ወረፈግ።

፩፡ ሰብ፡ ገቢለት፡ እግል፡ ለትርቦ፡ እት፡ ዐድ፡ መንሳዕ፡ ምን፡ መጽእ፡ እት፡ ምር፡ እናስ፡ ሐዳር፡ አቱ። ወሀቱ፡ እንደ፡ ትከበተዮም፡ ለደርድም፡ ወእብ፡ ዝቤ፡ ወእብ፡ መዛበየት፡ ሰድዮም፡ ከሳርሐም።

፪፡ ሰበት፡ እሊ፡ መትከባቱ፡ ለሐዳር፡ እት፡ ረፍግ፡ ለሰብ፡ ተረብ፡ ሰብ፡ ፈላይት፡ ምን፡ ገቡእ፡ ምን፡ ክል፡ ፍሊት፡ ዕቤላ፡ እክል፡ ነስኦ። ወአግማል፡ ለልጽዕኖ፡ ሰብ፡ አቅሩሽ፡ ምን፡ ገቡእ፡ እት፡ ክል፡ ገመ፡ ሽመት፡ ነስኦ፡ ወአዳግ፡ ሌጠ፡ ለልጽዕኖ፡ [ሰብ፡ አቅሩሽ] ምን፡ ገቡእ፡ ምን፡ ክል፡ መጽዕን፡ ቀርቦት፡ ጠሊት፡ ነስኦ፡ ወእምበል፡ እሊ፡ ቅጹዕ፡ እግል፡ ለሐዳር፡ ብዕደት፡ ኢተስትሀሎ።

59: ገረም፡ ወውሐሳ።

፩፡ ገርሀት፡ ትግባእ፡ ማ፡ ገብር፡ ማ፡ አመት፡ ማ፡ ሕያይት፡ ምን፡ ልትዘበው፡ ለለዘብዮም፡ ምን፡ ከሐድ፡ ወምን፡ ስሩቅ፡ ወምን፡ ዕድር፡ እግል፡ ለልትዘቤ፡ ሐር፡ ምን፡ ልትሐዜ፡ እቱ፡ ለእሉ፡ ጸብጥ፡ ገረም፡ እመር፡ ተክል።

፪፡ ወገረም፡ ለገብእ፡ እናስ፡ ሞላድ፡ ለመዝብየይ፡ ማ፡ በዐል፡ ዐዳ፡ እግል፡ ልግባእ፡ ለስትሀል።

፫፡ እሊ፡ በዐል፡ ገረም፡ ወራቱ፡ ጽንዕት፡ ትተ፡ ለልትዘቤ፡ ሀዩ፡ እግል፡ ለገረም፡ ቅርሽ፡ ሀይቦ።



፪፡ እግል፡ ቀዩሶት፡ ሪም፡ ሰድር፡ አመት፡ ባዕ፡ ወምዕራፍ፡ ማ፡ ምንዳእ፡ ሀለ።

፫፡ ወለልትመዘን፡ እብ፡ ረጥል፡ ዐረብ፡ ወእብ፡ [ኪሎ፡ ግራም፡ ] ማ፡ ኪሎ፡ ጠላን፡ ልትሚዘን።

፬፡ ለደርሀም፡ ሀዩ፡ ቅርሽ፡ ወፈረንካት፡ [ሊራ፡] ወሰንቲም፡ ጠላን፡ ቱ።

፪፻፺፮ ፡ መ ት ባ ራ ክ ።

፩፡ አዳም፡ እት፡ ሐርስ፡ ማ፡ እት፡ ግራህ፡ ማ፡ እት፡ ሕያይት፡ ማ፡ እት፡ ጸብኢት፡ ምን፡ ልትባረከ፡ ፍትሐ፡ ክእና፡ ቱ። ክልኦት፡ እት፡ ሐርስ፡ ምን፡ ልትባረከ፡ ቀደም፡ ለትልም፡ ለትከፍፈረዋ፡ ከምፈር፡ ሐርሶባ፡ ወወክድ፡ በቲከም፡ ለትያመመም፡ ይማም፡ እግል፡ ልበድሎ፡ ኢገብእ።

፪፡ ወእት፡ ገርሀት፡ ምን፡ ልትባረከ፡ ምክ፡ እት፡ ክልኤ፡ ከፉላ፡ ምክ፡ ምስል፡ ሐሩሳ፡ ከሐር፡ ለእክላ፡ ከፍሎ፡ ምክ፡ ሀዩ፡ እብ፡ ዓመት-ዓመቶም፡ ሐሩሳ። ማ፡ ሀዩ፡ ለምርቶም፡ እግል፡ ለርሕያ፡ እት፡ ለክፍሉ፡ ማል፡ ምን፡ ሐዜ፡ ለመለሀዩ፡ እት፡ ለገርዝሁ፡ አቅሩሽ፡ በልስ፡ እቱ፡ ክልብሕታ።

፫፡ እት፡ ወእት፡ ማ፡ እት፡ በቀል፡ ምን፡ ልትባረከ፡ እብ፡ እዋን-እዋናም፡ ወእብ፡ ተርተራ፡ ሐሊብ፡ ለወአት፡ ሰቱ፡ ወሀታ፡ ምን፡ ትብዝሕ፡ ከምን፡ ትፈሬ፡ እሎም፡ እግል፡ ለተርፋ፡ አክል-ሕድ፡ ከፉሎ። ወእብ፡ ለነይ፡ ለበቀል፡ ሀዩ፡ እብ፡ ተራ-ተራሆም፡ ልጽዑና፡ ወእብ፡ ከራይ፡ ምን፡ ትትሀዩብ፡ ለማል፡ ለክራይ፡ እክል-ሕድ፡ ከፍሎ።

፬፡ ዳውረት፡ ሀዩ፡ እት፡ ከርቅ፡ ምን፡ ልትባረከ፡ ለቀርበት፡ ጸሩራተ፡ እብ፡ ምዕል፡ ለብጋሰቶም፡ ለትከፍፈረዋ፡ ከምፈር፡ ፍትሐም፡ ቱ። ከሐር፡ አረይ፡ ምን፡ ረክቦ፡ እባ፡ ከፍሎ። ምና፡ ተ፡ እግል፡ ዐቢሆም፡ ለዘይዶ፡ እሉ፡ ወእግል፡ ሹም፡ ኢልትረስዕም።

፪፻፺፯ ፡ ፍ ት ሕ ፡ ፍ ር ድ ።

ለፍትሕ፡ ሰልፍ፡ እግል፡ ሰብ፡ ዐድ፡ ወሐርመ፡ እግል፡ በዐል፡ ገቢ ለት፡ በንበን፡ ቱ፡ ደኢኮን፡ እግል፡ ከሉ፡ አክል-ሕድ፡ ኢኮን። እት፡

ለበንበን፡ አፍተሓት፡ ክም፡ ለልትረኤ፡ ክል፡ ምርት፡ ክም፡ ሞላዳ፡ እብ፡ ሐድ፡ ለዐገብ፡ ልትፈረድ።

፪፻፺፰ ፡ ሰ በ ካ ።

፩፡ በአስ፡ ቀንጾ፡ ምን፡ ገብእ፡ ለዕገብ፡ ምሱል፡ እግል፡ ለመዐገበዩ፡ "ጸጋ፡ ከንቲባይ።" ማ፡ "ጸጋ፡ እገሌ።" እት፡ ልብሎ፡ ሰብኮ፡ ወለሀይ ሀዩ፡ እት፡ ለሹም፡ እግል፡ ልትለዩ፡ ለስትሀል።

፪፡ "ጸጋ፡ ከንቲባይ።" እንዶ፡ ቤለዎ፡ ከለአብ፡ ከንቲባይ፡ ማ፡ ወኪሎ፡ ናሱ፡ ጠልቦ፡ ደአም፡ እት፡ ሰማዕ፡ ለትሰመው፡ መጽእ፡ እግል፡ ሰማዕ፡ አበው፡ ምን፡ ገብእ፡ እት፡ ሰማዕ፡ ለትላከዮም፡ ልትወጸዕ፡ ደኢኮን፡ ሀቶም፡ ሴመ፡ ኢገቡእ።

፪፻፺፱ ፡ ሞ ር ዶ ታ ት ።

፩፡ ክልኦት፡ እናስ፡ እብ፡ ምስምሳ፡ በአስ፡ ማ፡ ከሐድ፡ ሂጋ፡ ምን፡ ልትዋረዶ፡ ገበያ፡ ወፍትሐ፡ ክእና፡ ቱ። ለበድር፡ ምኖም፡ እዝን፡ ልባስ፡ ለዳይ፡ ዐቅድ፡ ወ፤ "በቀል።" ማ፡ "ብግዕት፡ ትግባእ።" ልብል። ለሀይ፡ ሀዩ፡ ምን፡ ረዴ፡ "በአኩ።" እት፡ ልብል፡ ለዕቅደት፡ ፈትሐ። ደአም፡ ለሀይ፡ ኢረድ፡ ምን፡ ገብእ፡ "እንተ፡ ተሐይስ፡ ሰኬኮ" እት፡ ልብል፡ ለዕቅደት፡ ኢፈትሕ፡ ወቀስቦ፡ እታ፡ አለቡ።

፪፡ ደአም፡ ፈትሐያ፡ ምን፡ ገብእ፡ ለትወጸዕ፡ እግል፡ ልፍዴ፡ ለዳይ፡ ክልኦት፡ ውሕሳ፡ ነስእ፡ ምኖም። ሐር፡ መሐበር፡ እንዶ፡ አውደ፡ ምስል፡ ቤት፡ አቡሀ፡ ፈርዶም፡ ወለትወጸዕ፡ ለእባ፡ ትዋረደው፡ ፈዴ። ወእግል፡ ለማል፡ ለውርዳ፡ ሹም፡ በልዎ።

፪፻፺፳ ፡ ሰ ም ዓ ት ።

፩፡ እት፡ ሰማዕ፡ ሰብ፡ ሸነግል፡ ወአንስ፡ ዕሱማት፡ ልትሰመው፡ ደኢኮን፡ ውላድ፡ ወአዋልድዲ፡ ሰምዖም፡ ክቡት፡ ኢኮን።

፪፡ እግል፡ ሰማዕ፡ ለትላከዎ፡ እብ፡ ለትበተከት፡ እዋን፡ እት፡ ዳይና፡ እግል፡ ልምጸእ፡ ለስትሀል።



፫፡ እት፡ ሰማዕ፡ ለትሰመው፡ እት፡ ሀላክም፡ ለእሉ፡ ነሱእ፡ አለቦም።  
፬፡ ቀደም፡ ለሰማዕ፡ እት፡ ሰማዕ፡ ምስል፡ ለትላከዩ፡ አዳም፡ ለት  
ራከበ፡ ሰማዕ፡ ኢነፍዕ፡ ወዳይና፡ ኢለሰመዖ።

፭፡ ሰማዕ፡ እብ፡ ሐሰት፡ ሰምዐ፡ ምን፡ ገብእ፡ አዳም፡ ሐምዮ፡  
ወረቢ፡ ጃድዮ፡ ደኢኮን፡ እብ፡ ፍትሕ፡ መሓሪ፡ ጆዳ፡ አለቡ።

68 ፡ መሓላ።

፩፡ መሓላ፡ ክም፡ ለትረከበት፡ ወክም፡ ፍትሓ፡ ምክ፡ እብ፡ ም  
ሮት፡ ምክ፡ እብ፡ ብዝሓም፡ ትገብእ።

፪፡ ለልምሕል፡ ትግረይ፡ እስሌመይ፡ ገአ፡ ምን፡ ገብእ፡ ለለም  
ሕል፡ እት፡ ክታብ፡ ሹክ፡ ክልአት፡ ቅርሽ፡ እንዶ፡ ሀብ፡ እሉ፡ ለሀይ፡  
እብ፡ እዴ፡ ማነ፡ ሰለስ፡ ዶል፡ እት፡ ልዘብ፡ ልምሕል። — ለልምሕል፡  
ክስቲነይ፡ ሽማገለይ፡ ማ፡ ትግረይ፡ ገአ፡ ምን፡ ገብእ፡ ምክ፡ ሰለስ፡  
ዶል፡ ቀብር፡ እንዶ፡ ዐር፡ ምክ፡ እት፡ ቤት-ማርያም፡ እንዶ፡ አት፡  
ልምሕል።

፫፡ ለመሓላ፡ እት፡ ገርሀት፡ እት፡ ግንዳ፡ ልግባእ፡ ማ፡ እት፡ ረአ  
ሳ፡ — ገአት፡ ምን፡ ገብእ፡ ሰቡዕ፡ እናስ፡ እት፡ ቤት-ማርያም፡ ልም  
ሕሎ፡ እታ። — እብ፡ ነይ፡ ግን፡ ገርሀት፡ በአስ፡ ቀንጾ፡ ምን፡ ገብእ፡ ለ  
ሹም፡ ውርድ፡ ለለሀይቦ፡ እናስ፡ ሰልፍ፡ ግን፡ ለገርሀት፡ ከሬ፡ ወሐር፡  
እብ፡ ሐቅ፡ ክም፡ ከረ፡ ልምሕል፡ ወክእና፡ ለበአስ፡ በርድ። — ደአም፡  
አዳም፡ እብ፡ ለገርሀት፡ ኖሳ፡ ምን፡ ልትክሐዶ፤ ምን፡ አብዕብዬ፡ ጸን  
ሐተኒ። እግል፡ ለልብል፡ ውርድ፡ ሀዩቦ፡ እታ፡ ደኢኮን፤ ምን፡ አቡ  
ዬ፡ ጸንሐተኒ። እግል፡ ለልብል፡ ኢኮን። እብ፡ ለገአት፡ ትግባእ፡ እግል፡  
ለልምሕል፤ ምን፡ ቤት፡ አቡክ፡ ሰቡዕ፡ እናስ፡ እንዶ፡ አትመምክ፡ ው  
ርድ፡ ባእ፡ ዲባ፡ ወ'ምን፡ አብዕብዬ፡ ጸንሐተኒ፡ ማ፡ ለግን፡ ነይ፡ አማን፡  
ክም፡ ቱ፡ እንዶ፡ ትቤ፡ ምስሎም፡ መሓል፡ እታ። ልቡሎ። ሀቱ፡ ሀዩ፡  
እለ፡ እግል፡ ቤት፡ አቡሀ፡ ክም፡ ሓከያ፡ ሀቶም፡ ሀዩ፤ ምንጌልና፡ እት  
ከ፡ ቱ፡ ምራሕ። ልቡሎ፡ ከምስሉ፡ ውርድ፡ እንዶ፡ በአው፡ ለገርሀት፡  
ለበሩዳ፡ ደኢኮን፡ ሀቱ፡ "ትሰቀቅኩ።" እግል፡ ኢሊባል፡ ኢአቡ፡ እሉ።

፬፡ እት፡ ቅታል፡ ነፍስ፡ አዳም፡ ሐመው፡ ምን፡ ገብእ፡ ምስል፡  
እሲት፡ ለክሰ-ስ፡ ማ፡ ምስል፡ ሐቲ፡ እሲት፡ ሞላዳ፡ ሐምስ፡ እሲት፡  
ከብራት፡ ወሕምሳ፡ እናስ፡ እንዶ፡ ገአው፡ እት፡ ቤት-ማርያም፡ ልምሕሎ።

፮፡ ወስርዐት፡ ለውርድ፡ ክእና፡ ተ። ውርድ፡ ለለሀይብ፡ ምስል፡  
ለምስሉ፡ ለልምሕሎ፡ ወምስል፡ ለካሰይ፡ ሰልፍ፡ እት፡ ቀደም፡ ሹም፡  
በጥር። ሐቆሃ፡ ሀዩ፡ ለካሰይ፡ ለዕልብ፡ ለቀጸዕ፡ ታምም፡ ክም፡ ቱ፡ ክም፡  
አመርዶ፡ ለሹም፡ እለ፡ ወእለ፡ ክም፡ ኢወደው፡ እግል፡ ልምሕሎ፡  
ፈጽሞም፡ ወለእሉ፡ አምን፡ ምርት፡ ዓቅባይ፡ ስርዐት፡ ወሂጋ፡ ወዴ፡  
እቶም። — ሐቆሃ፡ ሹም፡ እንዶ፡ ሐድገው፡ ክሎም፡ እት፡ ቀሽ፡ ገይሶ፡  
ወሀቱ፡ ምርት፡ ለእሉ፡ ፈቲ፡ ጸብጥ፡ ወምን፡ ለመሓላ፡ ለተርፍ። ለብ  
ዕዳም፡ ላተ፡ ቀሽ፡ እት፡ ለክስተያ፡ እሎም፡ እት፡ ቤት-ማርያም፡ አቱ።  
— ሐር፡ ለቀሽ፡ እግል፡ ለተምሕሎም፡ እት፡ አፌት፡ ጠጥር፡ ወሹም፡  
ለሐረዩ፡ ዓቅባይ፡ ለተንጌ፡ ከለካሰይ፡ ማ፡ ዋናሀ፡ ሰለስ፡ ዶል፡ ክእና፡  
እት፡ ልብል፡ ለምሕሎም፤ ምስል፡ ትክሰስኩም፡ እለ፡ ወእለ፡ ክም፡  
ኢወደኩም፡ መሓሎ። እብ፡ ሐሰት፡ ምን፡ ትብሎ፡ ክልኩም፡ ምስል፡  
እብ፡ ምር፡ መክስ፡ ፍገር፡ ማል፡ ወውላድ፡ ሕገሎ፡ ወድምነትኩም፡  
ወለት፡ አንስ፡ ሌጠ፡ ትትረፍ፡ እታ። ወለልምሕሎ፡ እት፡ ክል፡ ርግ  
መት፡ ምስል፡ እት፡ ልብሎ፡ በልሶ፡ ወእብሉ፡ ገበይ፡ እለ፡ ለፍትሕ፡  
መሓላሆም፡ ለተሞ፡ ወእብ፡ ደሐን፡ ልታረፍ። — ደአም፡ እት፡ ልረ  
ግሞም፡ ምስል፡ ምን፡ ኢልብሎ፡ ወ፡ ምስትክ፡ ትግባእ፡ ምን፡ ልቡ  
ሎ፡ ወዓቅባይ፡ ለመሓላ፡ እለ፡ ምን፡ ሰመዓ፡ ለውርድ፡ ተርፍ። ገድም፡  
ሀቶም፡ ክምስል፡ መወግበት፡ ወዋይደት፡ ልትዐለቦ፡ ወልጸበጠ፡ ወልት  
ፈረዶ። ክምስልሀ፡ ሀዩ፡ ዋይዳም፡ እት፡ እንቶም፡ ምንመ፡ ልምሕሎ፡  
ረቢ፡ ልትሓሰም፡ ወአድዮም። ደአም፡ ላጽሓም፡ እት፡ እንቶም፡ ምን፡  
ልምሕሎ፡ ምን፡ መርገል፡ ለመሓላ፡ በሪ፡ ፈግር።

69 ፡ ስርዐት ፡ ፈሪድ።

፩፡ በአስ፡ ቀንጾ፡ ምን፡ ገብእ፡ ምክ፡ እብ፡ ሰማዕ፡ ምክ፡ እብ፡ መ  
ሓላ፡ በርድ፡ ከተርፍ።

፪፡ እብ፡ ሰማዕ፡ እግል፡ ለመርድዎ፡ ለገብእ፡ እሎም፡ ሂጋ፡ ከ  
ሐድ፡ መሓላ፡ ኢሐዙ፡ አቱ። ደአም፡ እት፡ ገርሀት፡ ወእት፡ ነፍስ፡  
አዳም፡ ገአ፡ ምን፡ ገብእ፡ ክል፡ ዶል፡ ሐዙ፡ ጋር፡ እሎም፡ እምበል፡  
እብ፡ መሓላ፡ ቱ፡ ኢሰክብ።

፫፡ ስርዐት፡ ለመትፈራድ፡ እለ፡ ተ። ካሰይ፡ ወክሰ-ስ፡ እት፡ ገጽ፡  
ለሹም፡ ክም፡ በጽሐው፡ ለካሰይ፡ ለሂጋ፡ ለስእል፡ ወገድም፡ እት፡ ለክ

ሱስ፡ እንደ፡ ትወለበ፤ ማዘ፡ ክም፡ ለእቤሎ፡ ለሂጋ፡ እሊ፡ ክም፡ ቱ፡ ልስሙዕ፡ ልብሎ፡ ለክሱስ፡ ሀዩ፤ ማርከብ፡ ልብሎ፡ ለካሳይ፡ ገድም፤ ማእብ፡ እገሌ፡ ወእብ፡ እገሌ፡ ትግባእ፡ እት፡ ልብል፡ ሰምዓት፡ ዘርዘር፡ ወእሎም፡ እንደ፡ አስመዐው፡ ለሂጋ፡ እብ፡ ፍርድ፡ እግል፡ ለስኩብ፡ ልብል።

፬፡ ሐር፡ ለዳይና፡ ሹም፡ ልግባእ፡ ማ፡ ሽማገላይ፡ ሰልፍ፡ እግል፡ ለሰምዓት፡ ሳሚ፤ ማጊስ፡ ወለሰምዓት፡ ሓድር፡ ልብሎ፡ ወእሎም፡ ሰብ፡ ቅሩብ፡ ምን፡ ገቡእ፡ እብ፡ ለምዕል፡ ለሀ፡ ለትሓድሮም፡ ደአም፡ ሰብ፡ ረዩም፡ ምን፡ ገቡእ፤ ማእት፡ ዕለት፡ ሰለስ፡ ምዕል፡ አምጸአም፡ ልብሎ።

፭፡ ወሐር፡ በዐል፡ ለሰምዓት፡ ወለክሱስ፡ እት፡ ለዳይና፡ ክም፡ አቅበለው፡ ሀቱ፡ እግል፡ ለሰምዓት፡ እብ፡ ምርምር፤ ማትሰአሌክ፡ ማ፡ ኢፋሎ፡ ልብሎም፡ ወምርቶም፤ ማኔ፡ ትሰአሌኒ፡ ሌሊ፡ ምን፡ ገብእ፡ ለዳይና፤ ማብዕዳም፡ ሰምዓት፡ አምጸእ፡ ደኢኮን፡ እሎም፡ ኢነ ሰምዖም፡ ልብሎ። ደአም፡ ክሎም፤ ማኢትሰአሌና፡ ሌለው፡ ምን፡ ገብእ፡ ለዳይና፡ እንደ፡ ግጠጠ፡ ለሰምዖም፡ ገድም፡ ሰልፍ፡ ለሹም፡ እግል፡ ክል፡ ሰማዕ፤ ማኤ፡ ትሕ፡ እልዩ፡ ልብሎ፡ ለሰማዕ፡ ሀዩ፤ ማኤ፡ ተሐክ፡ እልክ፡ በልስ፡ እሉ። ሐር፡ ለሹም፤ ማእግል፡ ረቢ፡ ትቤ፡ ምን፡ ገብእ፡ ድራርክ፡ ምን፡ ረቢ፡ ልግባእ፡ ወእግል፡ አዳም፡ ትቤ፡ ምን፡ ገብእ፡ ድራርክ፡ ምን፡ አዳም፡ ሌጠ፡ ልግባእ፡ ገድም፡ ሰማዕክ፡ ሰማዕ፡ ልብሎ።

፮፡ ለሰማዕ፡ እንደ፡ ቀንጸ፤ ማእግል፡ ረቢ፡ ለቤሊ፡ ድራሩ፡ ምን፡ ረቢ፡ ልግባእ፡ ወእግል፡ አዳም፡ ለቤሊ፡ ድራሩ፡ ምን፡ አዳም፡ ሌጠ፡ ልግባእ፡ እት፡ ልብል፡ ደግም። — ወሐር፡ ልትሃጌ፡ ወሰምዕ።

፯፡ ወለዳይና፡ እብ ለሰምዖም፡ ፈርድ፡ ወሐር፡ ክም፡ ለእላ፡ ፈርድ፡ ለትፋድዮም፡ ደአም፡ ፍርድ፡ ክም፡ ትፈረድ፡ እምበል፡ እት፡ ነፍስ፡ አዳም፡ ደኢኮን፡ ለትወጸዐ፡ እት፡ ፈዳ፡ ማል፡ ትቀጸዐ፡ እቱ፡ ምን፡ ገብእ፡ ለእወድ፡ ምስል፡ ለአዳም፡ እት፡ ለአውድ፡ ለበዐል፡ ለዐውቴ፡ [ለከሐድ] እንደ፡ ቀርቦ፡ ገሌ፡ እግል፡ ማርያም፡ ወገሌ፡ እግል፡ መሐበር፡ ወገሌ፡ እግል፡ ልባስ፡ ሹም፡ እግል፡ ልሕደግ፡ ከእግል፡ ለቅልል፡ እሉ፡ ረሙቆ፡ ወለዶል፡ ለዕወት፡ ሰነ፡ ምን፡ ገብእ፡ ገሌ፡ ሐድግ፡ ወእክ፡ ምን፡ ገብእ፡ እብ፡ ለፍርድ፡ ለተሀዩቡ፡ ኩሉ፡ በልዕ።

፩፡ ክምስልሀ፡ ሀዩ፡ ጽኑዕ፡ እግል፡ ምርት፡ ጽኑዕ፡ ቀትለ፡ ምን፡ ገብእ፡ ወአዳም፡ እንደ፡ ጸው፡ ምን፡ ገይስቡ፡ ከእንደ፡ ጌሱ፡ እት፡ ብዕድት፡ ገቢለት፡ ምን፡ ልትዐዩብ፡ ለሐወ፡ ልጸበጠ፡ ወምኖም፡ ምርት፡ ስነት፡ ለማይት፡ ልትሸነቅ፡ እቱ፡ ወእት፡ ለጸውዮት፡ ልትገደቡ።

፪፡ ወጽኑዕ፡ እት፡ ዐድመ፡ እት፡ እንቱ፡ ወአት፡ ማ፡ ብዕራይ፡ ማ፡ ጠሊት፡ እግል፡ ልብላዕ፡ ምን፡ ሰርቅ፡ ወሐር፡ ምንመ፡ ልጸበጥ፡ ከሐቴ፡ ለአለቡ፡ ገአ፡ ምን፡ ገብእ፡ ለሐሀ፡ ለራትዕ፡ ፈዴ፡ እቱ።

፫፡ ትግረይ፡ እንደ፡ ትደበረ፡ ከወአት፡ ማ፡ ጠሊት፡ እንደ፡ ሰርቅ፡ ምን፡ ልጸበጥ፡ መምብሀ፡ ፈዴ፡ እቱ፡ ደኢኮን፡ ሐሀ፡ እብ፡ ተቀራብ፡ ኢልጸበጥ፡ እቱ። ደአም፡ እንደ፡ ሰሐተ፡ እት፡ ብዕድት፡ ገቢለት፡ ዐለ፡ ምን፡ ገብእ፡ መምብሀመ፡ ኢፈዴ፡ እቱ። ክምስልሀ፡ ሀዩ፡ ትግረይ፡ አዳም፡ እንደ፡ ቀትለ፡ ከእት፡ ብዕድት፡ ገቢለት፡ ምን፡ ዐሌ፡ ምርመ፡ ልጸበጥ፡ እቱ፡ አለቡ።

71: ቅጽዐት፡ እት፡ ኢከዮት፡ ሕያይት፡ አሐ፡ መዐስረይ፡ ከልብ፡ ድሙ።

፩፡ ክልአት፡ እናስ፡ ሰብ፡ ብርክ፡ እብ፡ ነዬ-ነይክ፡ እት፡ ወአት፡ ምን፡ ልትከሐዶ፡ እት፡ ገጽ፡ ሹም፡ ሰማዕ፡ ለሰምዐ፡ እሉ፡ ነሰአ፡ ደአም፡ ምርት፡ ምኖም፡ እት፡ ሹም፡ እንደይ፡ በጽሕ፡ ለአሐ፡ እት፡ ሐረት፡ ትግባእ፡ ማ፡ እት፡ ኔዋት፡ ምዕጥን፡ እት፡ ትሰክብ፡ ሀቱ፡ ማእንዴ፡ እግልዬ፡ ኢትግባእ፡ ወእግልክ፡ እንደ፡ ሌሊ፡ እብ፡ ሐሩቀት፡ ምን፡ ቀንጽ፡ እታ፡ ከእብ፡ ሰይፍ፡ ማ፡ እብ፡ ኮናት፡ ምን፡ ለደመዓ፡ ወደማ፡ ለሐረት፡ ማ፡ ለኔዋት፡ ምን፡ መንክል፡ በዐል፡ ለአሐ፤ ማለአት፡ እት፡ ሐረቹ፡ ዐትበት፡ ሐረቹ፡ ጥምብልኔታት፡ ወዴከ፡ ልብሎ፡ ከጸብጠ፡ ወሰብከ።

፪፡ ወፍርድ፡ እሊ፡ መዋዲት፡ ምእት፡ ወዕስራ፡ ወአት፡ ቱ። ደአም፡ እት፡ መዓል፡ ፍርት፡ እት፡ እንተ፡ ምን፡ ለደመዓ፡ ፍርዳ፡ ሰሳ፡ ወአት፡ ቱ። ክእና፡ እት፡ ሐቴ፡ ምን፡ አለን፡ ሰለስ፡ አካን፡ ካብራት።

ሰበት፡ ለትደመዐት፡ ሸርባ፡ ቀይሕ፡ ትትበሀል፡ ወፍርዳ፡ አክል፡ አሊ፡ ብዙሕ፡ ቱ።

፫፡ ደአም፡ ለወአት፡ እት፡ ከደን፡ በና፡ እት፡ እንተ፡ ድርጽ፡ እ ማታ፡ ምን፡ ኢትጸንሕ፡ ተሃገው፡ እታ፡ ምን፡ ገብእ፡ ወዎሮቶም፡ እብ፡ ሐፋቀት፡ ምን፡ ቀትላ፡ ልትሳበከ፡ ከክልኢቶም፡ እት፡ ፍትሕ፡ ልትባጠሮ። ወሐር፡ ለቃትለያ፡ እብ፡ ፍትሕ፡ እንደ፡ አስበተ፡ ለወአት፡ ነዩ፡ ገአት፡ ምን፡ ገብእ፡ ማሉ፡ ሌጠ፡ ቀትላ፡ ስግሃ፡ በልዕ፡ ወመአሳ፡ አክብ። ደ አም፡ ለወአት፡ ነይ፡ ለኢቃትል፡ ገአት፡ ምን፡ ገብእ፡ ለቃትለይ፡ ወአት፡ ፈድዮ፡ ወለአላ፡ ቀትላ፡ ወአት፡ እግል፡ ሹም፡ በቀሮት፡ እንደ፡ ሀብ፡ ምና፡ ስግሃ፡ ወመአሳ፡ ነስእ።

፬፡ ዎሮት፡ እግል፡ ብዕራይ፡ ማ፡ ወአት፡ ማ፡ እጋል፡ እብ፡ እ ብን፡ ልግባእ፡ ማ፡ እብ፡ ሞራ፡ ምን፡ ለሸክር፡ ወለአላ፡ አሸከረ፡ ምን፡ መይት፡ ለቃትለይ፡ እግል፡ በዐላ፡ ስነታ፡ ፈድዮ።

፭፡ ከልብ፡ ወድሙ፡ ዐድ፡ ቀትሎም፡ አለቡ። ደአም፡ በዐል፡ ለክልብ፡ ሹት፡ እንደ፡ ቤሎ፡ ነክሸ፡ ምን፡ ገብእ፡ ለበዐሉ፡ እግል፡ ለት ነክሸ፡ ጀልጠ። ደአም፡ ለክልብ፡ እት፡ ዐዳ፡ እንደ፡ መጽአዎ፡ ወሹት፡ እንደይ፡ ልቡሎ፡ ነክሸ፡ ምን፡ ገብእ፡ ለበዐሉ፡ ኢጀልጥ።

፮፡ አዳም፡ ከልብ፡ እግል፡ ልንከሾ፡ ዶል፡ መጽአ፡ ምን፡ ሀርሞ፡ ማ፡ ምን፡ ቀትሎ፡ ሃል፡ አለቡ።

፯፡ ክም፡ ለስርዐትዲ፡ ድሙ፡ ዐድ፡ ለቀትሎ፡ አለቡ። ደአም፡ ዎሮትሙ፡ ምን፡ ቀትሎ፡ እባ፡ ኢልትቀጸዕ።

፰፡ ፈረስ፡ ልግባእ፡ ማ፡ በቀል፡ ማ፡ አድግ፡ ማ፡ ብዕራይ፡ አ ዳም፡ እግል፡ ጽዕነት፡ ምን፡ ሕድ፡ ምን፡ ረምቆ፡ አስክ፡ ለእታ፡ ረምቀዩ፡ አካን፡ በጽሕ፡ ወአስክ፡ ምና፡ ለቀብል፡ መዙ፡ እት፡ ለረምቀዩ፡ ቱ። ሀዩ፡ ለአካን፡ ለዕድም፡ እንደይ፡ ሐልፍቡ፡ ምን፡ መይት፡ ምን፡ በዐሉ፡ ሞተ፡ ወለረምቀዩ፡ ኢፈድዮ። ደአም፡ ለአካን፡ ለዕድም፡ እንደ፡ ሐልፈቡ፡ ሞተ፡ ምን፡ ገብእ፡ ዐውሉ፡ ፈዴ፡ እቱ። ወፈዳ፡ ክእና፡ ለሞተ፡ ፈረስ፡ ልግባእ፡ ማ፡ በቀል፡ ምን፡ አሐ፡ ምእት፡ ወዕስራ፡ ቱ። ለሞተ፡ ብዕ ራይ፡ ማ፡ አድግ፡ ምን፡ ገብእ፡ ላተ፡ ክም፡ ውጅቡ፡ ሐድ፡ ስነቱ፡ ሌጠ፡ ፈዴ፡ እቱ።

72: ብዕራይ፡ ረጋዝ።

፩፡ ብዕራይ፡ ረጋዝ፡ እት፡ ገበይ፡ በዐሉ፡ እግል፡ ለልትከቦቶ፡ አዳም፡ አደቡ፡ እንደ፡ አሰአለ፡ ለብዕራይ፡ ዎሮት፡ ምን፡ ቀትል፡ ማ፡ ምን፡ ረግዝ፡ ለበዐል፡ ለብዕራይ፡ ሴመ፡ ኢከስር።

፪፡ ደአም፡ ለበዐል፡ ለብዕራይ፡ እግል፡ ለልትከቦቶ፡ ሰብ፡ ገበይ፡ አደቡ፡ እንደይ፡ ለስእል፡ አዳም፡ ረግዝ፡ ምን፡ ገብእ፡ ለርጉዝ፡ ምን፡ ሐዩ፡ ሰር፡ ዐውል፡ ለብዕራይ፡ ነስእ። ለርጉዝ፡ ምን፡ መይት፡ ላተ፡ ለብዕራይዲ፡ ልትሐረድ፡ ደአም፡ ለበዐሉ፡ ስግሁ፡ ወመአሰ፡ እግል፡ ናሱ፡ ነስእ፡ ወብዕደት፡ ኢከስር።

73: ዒር።

፩፡ አዳም፡ እግል፡ ትግረይ፡ ማ፡ እግል፡ ለምን፡ ግብርነት፡ ሐራ፡ ፋግር፡ ግብር። እንደ፡ ቤላ፡ ምን፡ ልትዓዩሮ፡ እት፡ መሐበር፡ ልትሰ በክ። ወለዐዩረዩ፡ እናስ፡ አንስ፡ ወውላድሙ፡ እት፡ ልሰሙዕ፤ ምእቤ፡ ወእቤ። ቤላ፡ ምን፡ ገብእ፡ ምእት፡ ወዕስራ፡ ወአት፡ እግል፡ ለተዐዩ ረ፡ እግል፡ ልፍዴ፡ ልትፈረድ፡ እቱ። ደአም፡ ለእናስ፡ ክም፡ ትከሰሰ፤ ምእሉ፡ ኢእቤ። ቤላ፡ ምን፡ ገብእ፡ ከለፈዳ፡ ለቀጽዐት፡ ምን፡ አቤ፡ ውርድ፡ ልአቱ፡ እሉ፡ ወምስል፡ ሕምሳ፡ እናስ፡ ወሐምስ፡ እሲት፡ ክም፡ ኢቤሎ፡ ልምሐል፡ ወለበአስ፡ እብሊ፡ ሰክብ። — ደአም፡ ገብር፡ እት፡ እንቱ፡ ግብር። ለቤሎ፡ ፍትሕ፡ ፈዳ፡ አለቡ።

፪፡ ወበዒር፡ እብ፡ ፍትሕ፡ መሐሪ፡ እግል፡ መለሀዩ፡ ከራ፡ ምእሉ፡ ወ ምእሉ፡ ወ ምዕዩን። መስል፡ ለቤሎ፡ ልትበአሰ፡ ወልትዓረውቡ፡ ደኢከን፡ ምንመ፡ ኢልትዓረው፡ ፈዳ፡ ማልዲ፡ አለቡ፡ እቱ።

74: ሀርመት።

፩፡ አዳም፡ ከልኤ፡ ጀሀረት፡ መለሀዩ፡ ምን፡ ሰብር፡ ወሐቱ፡ ማ፡ ክልኤ፡ ዕን፡ ምን፡ ነስእ፡ ስሳ፡ ወአት፡ ዐውል፡ ሰር፡ እናስ፡ ፈዴ፡ እተን። ፪፡ ክምስልሁ፡ ዎሮት፡ እንደ፡ ሰሐተ፡ እብ፡ ሐጺን፡ አዳም፡ ሐ ከረ፡ ምን፡ ገብእ፡ ልጸበጥ፡ ወምን፡ ቀደም፡ ኩሉ፡ እግል፡ ለተሐከረ፡

እግል፡ መተንተኒሁ፡ ጠሊት፡ ጀልጥ፡ ወአት፡ ረአስ፡ አሊ፡ ምን፡ አክል፡ ስስ፡ ዕቤላ፡ ወምን፡ ሔሳስ፡ ዋንጫ፡ ወዘታ፡ ብላይ፡ ወክፋሎ፡ ጨዋ፡ ወሸሊከት፡ ድማ፡ ሀይቦ፡ ወሐርመ፡ እት፡ ም ሕ ካ ሩ ፡ ጽኑ-ዕ፡ ምን፡ ገ ብእ፡ ስሳ፡ ወአት፡ ወትግረይ፡ ምን፡ ገብእ፡ ሰላሳ፡ ፈዴ፡ እቱ።

፫፡ ደአም፡ አዳም፡ እብ፡ ሞራ፡ ፈቀአ፡ ምን፡ ገብእ፡ ለመሐክ ረይ፡ ወአት፡ በረቄ፡ ሌጠ፡ ጀልጥ።

፬፡ እት፡ ክእና፡ ለትመስል፡ ስሕተት፡ ክል፡ ዎሮት፡ ናሱ፡ ፈዴ፡ እታ፡ ደኢከን፡ ቤት፡ አቡሁ፡ ምስሉ፡ ኢትጠርቅ።

፭፡ እናስ፡ እግል፡ እሲቱ፡ ምን፡ ስጋዳ፡ ወተሐት፡ ምን፡ ሀርማ፡ እ ሲ ቱ ፡ ሀር መ ፡ ልትበሀል፡ ወፍትሕ፡ አለቡ፡ እቱ። ደአም፡ እት፡ ስጋዳ፡ ማ፡ ምን፡ ስጋዳ፡ ወለዐል፡ እብ፡ ሞራ፡ ልግባእ፡ ማ፡ እብ፡ ብዕ ደት፡ ምን፡ ሀርማ፡ ከምን፡ ትትአዴ፡ ማ፡ ምን፡ ኢትትአዴ፡ ክም፡ እብ፡ ለመዝበጠሃ፡ ክም፡ ኩሉ፡ አዳም፡ ፍትሕ፡ ባ፡ ወሐቅ፡ ለፍትሐ፡ ሀድ፡ አቡሃ፡ በልዎ።

75 ፡ ዝ ሩ ።

፩፡ እት፡ እ ሲ ት ፡ ሐ ላ ል ፡ እንደ፡ ሰሐተ፡ ትጸበጠ፡ እታ፡ ምን፡ ገ ብእ፡ ወነፍሱ፡ ትመይት፡ ወኩሉ፡ ተልኩ፡ ገይስ፡ ደአም፡ ለሞት፡ እብ፡ ሕፋኑ፡ እት፡ ልዘኔ፡ ኢቀትለዎ፡ ምን፡ ኢገብእ፡ ክም፡ ጸብጠዎ፡ እብ፡ ፍትሕ፡ ለፈድዎ። ከለእሲት፡ እሲት፡ ጽኑ-ዕ፡ ምን፡ ትገብእ፡ ምን፡ አሐ፡ ምእት፡ ወዕስራ፡ ወእሲት፡ ሀመጀይ፡ ምን፡ ትገብእ፡ ስሳ፡ ሌጠ፡ ሀይብ። — ወለእታ፡ ሰሐተ፡ እሲት፡ ሀይ፡ ወምን፡ ምድር፡ ለፈ ጉራ፡ ወቀቱላ።

፪፡ ደአም፡ እናስ፡ እምበል፡ ለሔማሁ፡ ለእሲት፡ ሐላሉ፡ አንስ፡ አጽማር፡ ምን፡ ሀዴ፡ ወፈያቲብ፡ ምን፡ ልትቀሐብ፡ እሊ፡ ጥሉቅ፡ ቱ፡ ከለጃድዮ፡ እቱ፡ አለቡ።

76 ፡ ስ ሕ ተ ት ፡ እ ት ፡ ወ ለ ት ፡ ወ እ ት ፡ መ በ ል ።

፩፡ ሕ ጺ ት ፡ ወ ለ ት ፡ ለዓመሱ፡ ምን፡ ልጸበጥ፡ ዎክ፡ እብ፡ ምእት፡ ወዕስራ፡ ወአት፡ ልትገደብ፡ ዎክ፡ ቤት፡ አቡሁ፡ ወዐድ፡ ሐሙሃ፡ ልት

ዋረሮ፡ ከሕድ፡ ቀትሎ። ወለወለት፡ ሀይ፡ እንደ፡ ሀድመት፡ እት፡ ሀድ፡ ገቢለት፡ ምን፡ ኢትገይስ፡ እብ፡ ሞላዳመ፡ አክል-አክል፡ ትትሸነቅ።

፪፡ ከአብ፡ ለትመንከለትዳ፡ ወለቱ፡ ምን፡ ኢሸንቅ፡ ወማል፡ ለስ ሕት፡ ምን፡ ኢለገድብ፡ እብ፡ ደሐን፡ ኢፈግር። ወለወለት፡ እት፡ ሀድ፡ ገቢለት፡ ሰኬት፡ ምን፡ ገብእ፡ ወለሰሐተ፡ እታ፡ ምን፡ ኢልትአመር፡ አብ፡ ለወለት፡ ናሱ፡ ዎክ፡ እግል፡ ለዐድ፡ ለሐጺሃ፡ ለምእት፡ ወዕስራ፡ ወአት፡ ፈዴ፡ ዎክ፡ ልትዘመት።

፫፡ ደአም፡ ለወለት፡ እንደ፡ ተዐገበት፡ እባ-እባ፡ ለገአት፡ ምን፡ ተስእል፡ ለወለት፡ ኢትትቀጸዕ፡ ወአቡሃመ፡ ለዐገበዎ፡ ላተ፡ ክምሰል፡ ስሕት፡ ልትቀጸዕ።

፬፡ ደአም፡ እት፡ ለ ኢ ተ ሐ ጺ ት ፡ ወ ለ ት ፡ ለሰሐተ፡ ምን፡ መንክ ሳ፡ ወምን፡ ለዓምሳ፡ ቀደም፡ ማሉ፡ ገድቦ፡ ወሐር፡ ማል፡ ስመዎ፡ እንደ፡ ሀብክ፡ ሀደዎ፡ ልቡሎ፡ ምና፡ ተ፡ ለጸንዲት፡ ፍትሕ፡ መሐሪ፡ እንደ፡ አምሸሸው፡ በዲር፡ እግል፡ ትግረይ፡ ሀዲሃ፡ ከልአዎ፡ ዐለው።

፭፡ እት፡ መበል፡ ለሰሐተ፡ ላተ፡ ስመይ፡ ስጋዳ፡ እንደ፡ ሀብ፡ እ ግል፡ ልሀደዎ፡ ቀሱብ።

77 ፡ ቅ ታ ል ።

፩፡ ጽኑ-ዕ፡ እብ፡ ቀልብ፡ ልግባእ፡ ማ፡ እብ፡ ሀይ፡ እናስ፡ ጽኑ-ዕ ፡ ምን፡ ቀትል፡ ልትሸነቅ፡ እቱ፡ ደኢከን፡ ነፍሱ፡ እብ፡ ማል፡ ኢትትፈዴ።

፪፡ ትግረይ፡ ማ፡ ገብር፡ ሀይ፡ እናስ፡ ት ግ ረ ይ ፡ ምን፡ ቀትል፡ ልት ሸነቅ፡ እቱ። ደአም፡ ጽኑ-ዕ፡ እግል፡ ትግረይ፡ ምን፡ ቀትል፡ ጠርቁ፡ ስሳ፡ ወአት፡ ሌጠ፡ ፈዴ፡ እቱ፡ ወአት፡ ሕሽም፡ መምብሁ፡ ዐስር፡ ወ አት፡ ሀይብ።

፫፡ ወለገእ፡ ልግባእ፡ እግል፡ ገ ብ ር ፡ ማ፡ እግል፡ አ መ ት ፡ ምን፡ ቀትል፡ ጠርቅ፡ ለነፍስ፡ ክል፡ ምኖም፡ ምእት፡ ወዕስራ፡ ቱ።

፬፡ ወእናስ፡ ገቢለት፡ ጽኑ-ዕ፡ ሀድና፡ ምን፡ ቀትል፡ ዎክ፡ ለክል አት፡ ሀድ፡ ሕድ፡ ቀትሎ፡ እቱ፡ ዎክ፡ ጠርቅ፡ ምእት፡ ወዕስራ፡ ወአት፡ ወፍራሽ፡ ወወለት፡ [ እግል፡ ሀዳይ፡ ] ልትሀዩብ።

፭፡ ወገብር፡ እንደ፡ ሰሐተ፡ አዳም፡ ቀትሉ፡ ምን፡ ገብእ፡ ልትሸ ነቅ። ደአም፡ እንደ፡ ቀትሉ፡ ምን፡ ገይስ፡ መምብሁ፡ እብ፡ ገብይ፡ ተ ቀራብ፡ ኢልጸበጥ፡ እቱ።



፯፡ ጽኑዕ፡ ላተ፡ እግል፡ ትግረዩ፡ ማ፡ እግል፡ ገብራ፡ ቀትለ፡ ምን፡ ገብእ፡ ማሉ፡ ትቱ፡ ፈዳ፡ አለቡ፡ እቱ።

፰፡ ወእናስ፡ ወእሲት፡ ሕጻን፡ ወወለት፡ ክል፡ ምሮት፡ ክም፡ ሞ ላዳ፡ እብ፡ ፍርድ፡ ቅታል፡ ነፍስ፡ በንበን፡ አለቡ።

፱፡ እናስ፡ እት፡ ቅታል፡ አዳም፡ እንዶ፡ ትክሰሰ፡ ኢተአመነ፡ ምን፡ ገብእ፡ እምበል፡ እብ፡ መሐላ፡ ውርድ፡ ኢጠሉቆ፡ ወለውርድ፡ እግል፡ በዐል፡ ዐድ፡ ልግባእ፡ ማ፡ እግል፡ በዐል፡ ገቢለት፡ ሐቱ፡ ቱ።

፲፡ እት፡ ወ ድ ፡ ወ ለ ት ፡ እንዶ ፡ ሰሐተ ፡ ለቀትለ ፡ ምክ ፡ ልትሸነቅ ፡ እቱ ፡ ምክ ፡ ጠርቅ ፡ ገይስ ፡ እቱ ። ወእግል ፡ እሊ ፡ ጠርቁ ፡ ሆዬ ፡ ምእት ፡ ወ ዕስራ ፡ ወአት ፡ ወበቀል ፡ ወፍራሽ ፡ ዐድ ፡ አቡሁ ፡ ነስእም ፡ ወሰላሳ ፡ ወአት ፡ እት ፡ ሕሽም ፡ ዐድ ፡ እሙ ፡ ልትሆዩባ ። — እለ ፡ ስርዐት ፡ እለ ፡ እት ፡ ናስ-ኖስን ፡ ቤት-አብርሃ ፡ ወቤት-አሸሐቀን ፡ ሌጠ ፡ ወድሞ ።

፲፡ ፈዳ ፡ ጠርቅ ፡ እት ፡ ምሮት ፡ ትፈረድ ፡ ምን ፡ ገብእ ፡ ክሎም ፡ ለሐው ፡ ለምሮት ፡ አቡሆም ፡ ወውላድ ፡ ሐው ፡ ለአቡሆም ፡ እት ፡ ለ ክፍለቱ ፡ ሐቱ ፡ ቆም ።

78 ፡ ሐ ፍ ሐ ፎ ት ፡ ስ ር ቅ ፡ ጽ ሞ ር ፡ ወ ነ ይ ፡ ስ ል ሐ ት ፡ መ ስ ል ።

፩፡ አዳም፡ ቤት፡ ሐ ፍ ሐ ፈ ፡ ምን፡ ገብእ፡ ወምን፡ ልጸበጥ፡ ሰ ልፍ፡ ለእሉ፡ ስርቀ፡ ማል፡ ነሱእ፡ ምኑ፡ ወሐር፡ ምእት፡ ወዕስራ፡ ወ አት፡ ልትገደብ። ደአም፡ ለአሐሁ፡ ምን፡ ለቅጻዕ፡ ሐደት፡ ምን፡ ገብእ፡ ለጸንሐት፡ እሉ፡ ነሱእ፡ ምኑ። ወሐቱመ፡ ምን፡ ኢረክብ፡ እብ፡ ስጋዳ፡ ልጠለቅ፡ ከገብር፡ ለምኑ፡ ስርቀ፡ ገብእ፡ ወለመሐፍሕፈዶ፡ ገርገረ፡ ከአብዘሐ፡ ምን፡ ገብእ፡ አክል-አክል፡ ልትሐረድመ።

፪፡ እናስ፡ ሰ ይ ፍ ፡ ምን ፡ ልትወሐስ ፡ ወለሰይፍ ፡ ምክ ፡ ምን ፡ ልት ሰረቅ ፡ ምኑ ፡ ምክ ፡ እንዶ ፡ ሞተ ፡ ምን ፡ ልትሰለብ ፡ ምኑ ፡ ምኑ ፡ ልግ ባእ ፡ ማ ፡ ሐቆ ፡ ሞቱ ፡ ምን ፡ ውላዳ ፡ ምን ፡ ሰለስ ፡ ስነት ፡ እለን ፤ ምን ፡ ወአት ፡ ስጋ ፡ ሐቱ ፡ ወምን ፡ ረብዓት ፡ ሐቱ ፡ ወምን ፡ ሰብ ፡ ክልኤታት ፡ ሐቱ ፡ ወሰቡዕ ፡ ተነጭፍ ፡ ዐስር ፡ እለን ፡ ገይሳ ፡ እቱ ። ወለተነጭፍ ፡ እብ ፡ ስብሪ ፡ ወምብሪ ፡ ልትቀየሳ ፡ ከለፍሊት ፡ እት ፡ ለዕቃን ፡ ተመት ፡ ምን ፡ ገብእ ፡ ትትፈዴ ፡ ወነቅሰት ፡ ምን ፡ ገብእ ፡ ትትበደል ።

፫፡ ለሰይፍ፡ ምን፡ በዐሉ፡ እንዶ፡ ትሰረቀ፡ ማ፡ እንዶ፡ በደ፡ ምን፡ ልትረከብ፡ እት፡ በዐሉ፡ ለቀብል፡ ደኢኮን፡ ፈዳ፡ አለቡ፡ እቱ።

፬፡ ገለብ፡ ዐገባ፡ ምንመ፡ ባይለት፡ ትገብእ፡ ምን፡ ትትሰረቅ፡ ዐውላ፡ ፍሊት፡ ምሽርሕ፡ ተ።

፭፡ ደሀብ፡ ወ ወርቅ ፡ ማ ፡ ኮናት ፡ ወክል ፡ ጅንስ ፡ አግርበት ፡ ቤት ፡ ማ ፡ አቅሩሽ ፡ ለመስል ፡ ምን ፡ ከደን ፡ ትሰረቀ ፡ ምን ፡ ገብእ ፡ ወለሰርቀዩ ፡ ምን ፡ ልጸበጥ ፡ እብ ፡ ረአሱ ፡ ለቀብል ፡ ሌጠ ፡ ደኢኮን ፡ ለትትፈዴ ፡ እቱ ፡ አለቡ ።

79 ፡ ስ ር ቅ ፡ ሕ ያ ይ ት ፤ አ ሐ ፡ ዐ ጣ ል ፡ አ ብ ቁ ል ።

፩፡ ወ አ ት ፡ ዐ ድ ፡ እብ ፡ በዐል ፡ ዐድ ፡ ትሰረቀት ፡ ምን ፡ ገብእ ፡ ከ ለሳርቀታ ፡ እንዶ ፡ ሐርደሞ ፡ እት ፡ ሕደት ፡ ምን ፡ ልጸበጠ ፡ እብ ፡ ገብይ ፡ መረቅ ፡ ሸርፈጤ ፡ ፈድሞ ፡ ወለፈዳ ፡ እሊ ፡ ቱ ። እት ፡ ክልአት ፡ ለ ቀርፍ ፡ ክልኤ ፡ ወአት ፡ እት ፡ ዘነባ ፡ ወአት ፡ እት ፡ አርባዕ ፡ ለሽክነሃ ፡ እብ ፡ ጭልፍ-ጭልፍ ፡ ሰማን ፡ ወአት ፡ እት ፡ አርባዕ ፡ ለሕንዝዩታ ፡ አር ባዕ ፡ ወአት ፡ እት ፡ ክልአት ፡ ለአንፋ ፡ ክልኤ ፡ ወአት ፡ እምበል ፡ ለሰይ ጣት ፡ እት ፡ ክል ፡ ዐጽማ ፡ ወአት ፡ እት ፡ ለከልዳ ፡ ወአት ፡ እት ፡ ሞከሳ ፡ ወአት ፡ እት ፡ ሰለስ ፡ ለእትፍየታ ፡ ሰለስ ፡ ወአት ፡ ወአት ፡ ክል ፡ ሸኬፍ ፡ ወአት ፡ ፈዳ ፡ እት ፡ ረአስ ፡ እሊ ፡ ሆዬ ፡ ለናስአታ ፡ ክል ፡ ምኖም ፡ እት ፡ ዕልበም ፡ ወአት-ወአት ፡ ሆይ። — ደአም ፡ ለወአት ፡ እንዶ ፡ ትሰረቀት ፡ እብ ፡ ትንቱን ፡ ሌጠ ፡ ለሴርቀያ ፡ ምን ፡ ልጸበጥ ፡ ወልትአመን ፡ ለበዐል ፡ ለወአት ፡ ሐቱ ፡ ሺሽ ፡ ወሐቱ ፡ በዐል ፡ ክልኤ ፡ ልትፈዴ ። — ደአም ፡ ለሴርቀይ ፡ ትበረ ፡ ምን ፡ ገብእ ፡ ለበዐል ፡ ለወአት ፡ ትግረይ ፡ ምን ፡ ገብእ ፡ ምስል ፡ መምብሁ ፡ ልምሕል ፡ እታ ፡ ወሽማገለይ ፡ ምን ፡ ገብእ ፡ ምስል ፡ ሐሁ ፡ ልምሕል ፡ ከእብ ፡ ክል ፡ ገአት ፡ ክልኤ ፡ ሺሽ ፡ ወክልኤ ፡ ሰብ ፡ ክልኤታት ፡ ልትፈዴ ።

፪፡ ለስርቅት ፡ ወ አ ት ፡ በዐል ፡ ገቢለት ፡ ምን ፡ ትገብእ ፡ ላተ ፡ ሐቱ ፡ ወአት ፡ ሌጠ ፡ ትትፈዴ ፡ እታ ። ደአም ፡ ለሴርቀያ ፡ ፈድሃ ፡ እብ ፡ ምን ፡ ገብእ ፡ ወመይት ፡ እታ ፡ ወልትዘመት ።

፫፡ ወክምሰልሁ ፡ እናስ ፡ ሰምሀር ፡ እት ፡ ምድር ፡ መንሳዕ ፡ ምን ፡ ሳግም ፡ ወእንዶ ፡ ትከተለ ፡ እት ፡ ልነብር ፡ ወአቱ ፡ ምሮት ፡ በዐል ፡ ዐድ ፡

እንደ፡ ሰርቀዳ፡ ከምን፡ ሐርዳ፡ ወምን፡ አምና፡ ሐቲ፡ ሺሽ፡ ወሐቲ፡ በዐል፡ ክልኤ፡ ፈደ፡ እታ፡ ለሺሽ፡ ለበዐል፡ ለወአት፡ ነሰኣ፡ ወለበዐል፡ ክልኤ፡ ለአቲ፡ ክቱል፡ ለሀለ፡ መምብ፡ ነሰኣ፡ ደአም፡ ለሕሙይ፡ እታ፡ ትበረ፡ ምን፡ ገብእ፡ ለአግሉ፡ ትከተለ፡ መምብ፡ ወለተላይ፡ ልምሕሎ፡ እታ፡ ወለፈዳ፡ ሀይ፡ ለክልኤ፡ ሺሽ፡ ለበዐል፡ ለወአት፡ ነሰኣን፡ ወለክልኤ፡ ሰብ፡ ክልኤታት፡ ለመምብ፡ ነሰኣን።

፫፡ ለኢትዘገገ፡ ውሀር፡ ጥሉቅ፡ ወወአት፡ መካን፡ እንደ፡ ትሰረቀው፡ እት፡ ስምጥ፡ ዐድ፡ ምን፡ ልትሐረድ፡ ወእንደ፡ አተንተነው፡ ናስአቶም፡ ምን፡ ልትአመር፡ ክል፡ ምኖም፡ ሰብዕ፡ ዶል፡ ሰብዕ፡ ማ፡ አርባን፡ ወስዕ፡ ወአት፡ ልትፈደድ፡ እቶም።

፬፡ ወአጋል፡ አሽከአለላ፡ ትሰረቀት፡ ምን፡ ገብእ፡ እት፡ ሐሊብ፡ ለእማ፡ ሐቲ፡ ፍሊት፡ በዐል፡ ክልኤ፡ ወአት፡ ለረአሳ፡ ሀይ፡ ሐቲ፡ በዐል፡ ክልኤ፡ ልትፈደድ፡ እታ።

፭፡ አዳም፡ ጠሊት፡ እንደ፡ ሰርቀ፡ እት፡ መበኮ፡ ምን፡ ሐርዳ፡ ሐቲ፡ ፍሊት፡ በዐል፡ ክልኤ፡ ፈደ፡ እታ።

፮፡ ኩሉ፡ አሊ፡ እት፡ ዐድ፡ ወምን፡ በዐል፡ ዐድ፡ ለገአ፡ ስርቅ፡ መበኮ፡ ልትበሀል።

፯፡ በዐል፡ ዐድ፡ ወአት፡ ዐድ፡ እንደ፡ ሰርቀ፡ ጌሰባ፡ ምን፡ ገብእ፡ ምኑ፡ ልግባእ፡ ማ፡ ምን፡ ለቀርቦ፡ ፈዳሃ፡ ወአት፡ ሺሽ፡ ወፍሊት፡ በዐል፡ ክልኤ፡ ቱ። — ወጠሊት፡ እንደ፡ ሰርቀ፡ እት፡ ዐድ፡ ብዕድ፡ ጌሰባ፡ ምን፡ ገብእ፡ ፈዳሃ፡ ቅርሽ፡ ሌጠ፡ ቱ።

፱፡ እናስ፡ አድግ፡ ብዕድ፡ አብ፡ ኖሱ፡ እንደ፡ ነስአዩ፡ እት፡ ቅሩብ፡ ሌጠ፡ ምን፡ ልጽዕኖ፡ ከእንደ፡ አቅበለቡ፡ አብ፡ ለምዕሉ፡ እግል፡ በዐሉ፡ አብ፡ ደሐኑ፡ ምን፡ ሰልጥ፡ ፈዳ፡ አለቡ፡ እቱ።

፲፡ መጽዕን፡ ከራ፡ ፈረስ፡ ወበቀል፡ ወአድግ፡ ትሰረቀው፡ ምን፡ ገብእ፡ ፈዳሃም፡ አብ፡ ድሉይ፡ ኢትቀጸዐ፡ ደኢከን፡ ብዙሕ፡ ቱ፡ ወአት፡ ለወክዳመ፡ ልትበተክ።

፲፩፡ አዳም፡ እንደ፡ ዘርፈ፡ እት፡ ቀበት፡ ዐድ፡ ወአት፡ ምን፡ ሐርድ፡ ወእለ፡ አብ፡ ሰፍራ፡ ልግባእ፡ ማ፡ እግል፡ ፋይተት፡ እንደ፡ ቤለ፡ ምን፡ ወድያ፡ አብ፡ ረአሳ፡ ሌጠ፡ ትትፈደ። ወለአላ፡ ሐርድ፡ እንደ፡ አትካለለ፡ ሐርድያ፡ ምን፡ ገብእ፡ ሐትሐቲ፡ ዶል፡ ሐዱጋ፡ አሉ።

80: ገርበቦት።

እናስ፡ እታ፡ እግል፡ ልብልዎ፡ ማ፡ እግል፡ ሊጸር፡ እንደ፡ ቤለ፡ ገርሀት፡ ገርበቦ፡ ምን፡ ገብእ፡ ወአት፡ ለገርሀት፡ ምን፡ ልጸበጥ፡ ምን፡ እክል፡ ስስ፡ ገበታ፡ ወምን፡ አሐ፡ ክልኤ፡ ሰብ፡ ክልኤታት፡ ልትፈረድ፡ እቱ።

81: ስርቅ፡ መሀር፡ ንሀብ።

ንሀብ፡ እት፡ ስምጥ፡ ገርሀት፡ ባይአት፡ እት፡ እንተ፡ መሸንክለይ፡ ለመሀር፡ ምን፡ ሰርቅ፡ ወበዐል፡ ገርሀት፡ አብ፡ ሰማዕ፡ ጸብጠዩ፡ ምን፡ ገብእ፡ ለመሸንክለይ፡ ዐዴ፡ አሉ። ደአም፡ በዐል፡ ለገርሀት፡ እግል፡ ለመሸንክለይ፡ ሰነ፡ እቱ፡ ምን፡ ገብእ፡ ለመሀር፡ ሌጠ፡ እንደ፡ ነስአ፡ ሐድጎ።

82: ነድ።

፩፡ አዳም፡ እት፡ ከደን፡ ማ፡ እት፡ ቤት፡ ኖሱ፡ አብ፡ አምር፡ ልግባእ፡ ማ፡ እብ፡ ተርሱዕ፡ እሳት፡ ከረ፡ ምን፡ ገብእ፡ ከነድመ፡ ምን፡ ጀራ፡ ፈዳ፡ አለቡ፡ እቱ። ደአም፡ እት፡ ቤት፡ ብዕድ፡ እሳት፡ እንደ፡ ከረ፡ ምን፡ ትነድድ፡ ልጸበጥ፡ ወልጃዴ።

፪፡ ወአት፡ ለቤት፡ አዳም፡ አብ፡ ነድ፡ ምን፡ መይት፡ ለዋይደይ፡ ልትሸነቅ፡ ደአም፡ ለቤት፡ ምስል፡ አግርበታ፡ ሌጠ፡ ምን፡ ትነድድ፡ ለዋይደይ፡ እት፡ ሕሽም፡ ለቤት፡ እግል፡ በዐላ፡ ምን፡ አሐ፡ ምእት፡ ወዕስራ፡ ወአት፡ ፈዴ።

83: በደሎት፡ ፍትሕ፡ መሐሪ።

፩፡ ከንቴባይ፡ ብእምነት፡ [አብ፡ ዘበኑ፡] እግል፡ ፍትሕ፡ መሐሪ፡ እግል፡ ለገሌ-ገሌሁ፡ በደለዩ፡ ወአትሊ፡ ልትወሰክ።

፪፡ እግል፡ ትግረይ፡ እንደ፡ አቅለሉ፡ አሉ፡ ምን፡ ምክላት፡ ወምን፡ ግልጻ፡ ምና፡ በዲር፡ ሀይቦ፡ ለዐለ፡ ሰር፡ ሌጠ፡ ለሀብ፡ ሐሁ፡ ምን፡

፫፻፳፯፡

ፍትሕ፡ መሐሪ።


መይት፡ ኖሱ፡ ሊረሱ፡ እሲት፡ ሐሁመ፡ ኖሱ፡ ሊረሱ፡ ወሀታ፡ ሀዬ፡ ምን፡ ተቀልብ፡ ልሀደያ፡ ወኩሉ፡ ለሰላብ፡ አግል፡ ኖሱ፡ ልንስኦ፡ ቤለ።

፫፡ የቲም፡ ሽማግሌይ፡ ልግባእ፡ ማ፡ ትግረይ፡ ለአታ፡ ፈተ፡ ልዕ ቤ፡ ወማሉ፡ ልተአከብ፡ አሉ፡ ደኢኮን፡ ሐንቴ፡ ፍትሕ፡ ሐ፡ አቡሁ፡ አግል፡ ልግባእ፡ ኢልተቀሰብ።

፬፡ ሐሪመት፡ ብእሳ፡ ወውላዳ፡ እንዶ፡ ሞተው፡ ምና፡ እት፡ ፈራዕ፡ ውላዳ፡ እንዶ፡ ተርፈት፡ አስክ፡ ትመይት፡ እብ፡ ዳር፡ ውላዳ፡ ትምቦር፡ ወክም፡ ሞተት፡ ዋርሰይ፡ ለዳር፡ ርጋዛ፡ እንዶ፡ ሐርደ፡ ዳሩ፡ ሊረስ፡ ቤለ።

፭፡ ፍትሕ፡ ተቀራብመ፡ ልትረፍ፡ ቤለ።

፮፡ ሀዬ፡ አሐ፡ ገርሀት፡ ሰዐረት፡ ምን፡ ገብእ፡ ትጸበጥ፡ ከእንዶ፡ ተዐሸረት፡ በዐላ፡ አግል፡ በዐል፡ ለገርሀት፡ እት፡ ክል፡ ወአት፡ ርብዕ፡ ርያል፡ ልፍዴ፡ ቤለ፡ ከሰርዐ።



አርእስ፡ እሊ፡ ክታብ።

ስሙ፡ ወአትዐየቦቱ።

መአተዩ፡ እብ፡ ሂጋ፡ ጠላን።

መአተዩ፡ እብ፡ ሂጋ፡ ትግሬ።

I፡ ድግም፡ መንሳዕ።

1፡ ጅንስ፡ ወአብዕቦታት፡ ለክልኤ፡ መንሳዕ።

2፡ መዋዲት፡ ለክልኤ፡ መንሳዕ፡ ቀደም፡ መትፈናተየን።

3፡ ድግም፡ መንሳዕ-ቤት-አብርሃ።

4፡ ድግም፡ መንሳዕ-ቤት-እሸሐቀን።

5፡ ሐጨር፡ ድግም፡ ዎር፡ ፈራዕ፡ ትግሬ።

6፡ አልወሐት፡ ለውሉድ፡ ዋልዴ፡ ሰብ፡ መንሳዕ።

II፡ ፍትሕ፡ መሐሪ።

1፡ መፍጠር፡ ገቢል፡ መንሳዕ።

2፡ ፍትሕ፡ ወሐቅ፡ ሽማግሌይ፡ ወትግረይ።

3፡ ግብርነት።

4፡ ክትል፡ እብ፡ ንሳል።

5፡ ሕጼ።

6፡ ሕጼይ፡ ወሕጸት፡ ሐመች፡ ወሐማታት፡ ለልትናበሮብ፡ ገበይ።

7፡ ፊራሮ፡ ዲብ፡ አሐ፡ ስመይ፡ ስጋድ፡ ወዲብ፡ አሐ፡ ጨሐፊት።

8፡ ሕድጎ፡ ሕጼ።

9፡ ዓደት፡ ሰምድ።

10፡ እት፡ ዐድ፡ መርዓት፡ ለትገብእ፡ ስርዐት፡ ሀዳይ።

11፡ እት፡ ዐድ፡ መርዓዊ፡ ለትገብእ፡ ስርዐት፡ ሀዳይ።

12፡ ግራ፡ ለሀዳይ፡ ለትገብእ፡ ዓደት፡ አርበዓ።

13፡ መበል፡ ሕጼሃ፡ ወሀዳያ።

14፡ መፋረገት፡ አንስ።

15፡ ፍገራት፡ ወል፡ ሃዳ።

ገጽ።

I፡

VII፡

XI፡

XV፡

፩፡

፳፩፡

፴፪፡

፸፫፡

፹፬፡

፹፭፡

፺፮፡

፺፯፡

፺፰፡

፻፩፡

፻፪፡

፻፫፡

፻፬፡

፻፭፡

፻፮፡

፻፯፡

፻፰፡

፻፱፡

፻፺፩፡

፻፺፪፡

፻፺፫፡

፻፺፬፡

፻፺፭፡

፻፺፮፡






- 78: ሐፍሐፍት፣ ስርቅ፣ ጽዋር፣ ወነይ፣ ስልሐት፣ መስል።
  - 79: ስርቅ፣ ሕያይት፣ አሐ፣ ዐጣል፣ አብቁል።
  - 80: ገርበቦት።
  - 81: ስርቅ፣ መዐር፣ ንሀብ።
  - 82: ነድ።
  - 83: በደሎት፣ ፍትሕ፣ መሓሪ።
- አርእስ: አሊ: ክታብ።  
አርትዖት: ለጌጋታት።

ገጽ።

፫፻፱፣  
፫፻፳፣  
፫፻፳፩፣  
፫፻፳፪፣  
፫፻፳፫፣  
፫፻፳፬፣  
፫፻፳፭።



አርትዖት: ለጌጋታት።

ገጽ፤	መስመር፤	ጌጋ፤	አርትዖት፤
፳፡	፳፬፡	አንድ፡	አንድ፡
፱፡	፳፭፡	ትጋብአው፡	ትጋብአው፡
፲፩፡	፱፡	አቅባብ፡	አቅባብ፡
፲፫፡	፴፱፡	ሊተር፡	ሊተር፡
፲፰፡	፳፯፡	ወእድሪስ፣ ወኖር፡	ወእድሪስ-ኖር፡
፳፱፡	፲፭፡	ጠዖ፡	ጣዖ፡
፳፻፡	፳፱፡	ኢልጠዐስ፡	ኢልተዐስ፡
፳፻፲፡	፴፩፣ ፩፡	አክል፣ ሕድ፡	አክል-ሕድ፡
፳፻፲፩፡	፳፰፣ ፳፰፡	መቤልአይ፡	መቤለአይ፡
፳፻፲፪፡	፴፡	መስል፡	መስል፡
፳፻፲፫፡	፱፡	መስቀል፡ መስቀል፡	መስቀል-መስቀል፡
፳፻፲፬፡	፲፱፡	ቢሉ፡ ቢሉ፡	ቢሉ-ቢሉ፡
፳፻፲፭፡	፯፡	ምዕል፡ ምዕል፡	ምዕል-ምዕል፡
፳፻፲፮፡	፲፡	ዘሆታት፡	ዝሆታት፡
፳፻፲፯፡	፲፩፡	ዐድ፡ ዐድም፡	ዐድ-ዐድም፡
፳፻፲፰፡	፲፱፡	እቡእቡ፡	እቡ-እቡ፡
፳፻፲፱፡	፳፯፡	ጠዐሰት፡	ተዐሰት፡
፳፻፳፡	፳፱፡	ከተሀይቦ፡	ከተሀይቦ፡
፳፻፳፩፡	፫፡	ጎጽ-ጎምርት-ዐባይ፡	ጎጽ-ጎምርት-ዐባይ፡
፳፻፳፪፡	፳፯፣ ፲፱፡	በላዕ፡ አዳም፡	በላዕ-አዳም፡
፳፻፳፫፡	፲፱፡	ዐድ፡ ዛውል፡	ዐድ-ዛውል፡
፳፻፳፬፡	፴፡	ቩም፡ ትንስኤው፡	ቩም-ትንስኤው፡
፳፻፳፭፡	፳፱፡	ባሻይ፡	ባሻይ፡
፳፻፳፮፡	፳፰፡	አብ፡ ሐሪሽ፡	አብ-ሐሪሽ፡
፳፻፳፯፡	፯፣ ፲፱፡	ወርዕ-ሰብ፡	ወርዕ-ሰብ፡
፳፻፳፰፡	፯፣ ፩፡	ለሕጻን፡	ለሕጻን፡
፳፻፳፱፡	፯፡	አሰር፡ ሕድ፡	አሰር-ሕድ፡
፳፻፴፡	፳፰፣ ፩፡	ለመንድቅ፡	ለመንድቅ፡

ገጽ፤	መስመር፤	ጌጋ፤	አርትዖት፤
-----	-------	-----	--------

የሀ፡	፲፡	ምስምሶ፡	ምስምሳ፡
የጸ፪፡	፳፬፡	ማርያም፡ ብሪሪ፡	ማርያም-ብሪሪ፡
የጸ፫፡	፳፱፡	ወማርያም፡ ደብረ-ሲና፡	ወማርያም-ደብረ-ሲና፡
የጸ፬፡	፳፭፡	ወማርያም፡ ጨውን፡	ወማርያም-ጨውን፡
የጸ፭፡	፳፮፡	ለተክዐሌ፡	ለተክዐሌ፡
የጸ፮፡	፱፡	ባራሁ፡	ባራሁ፡
የ፴፯፡	፯፡	ግዛዘት፡	ግዛዘት፡
የ፶፬፡	፲፪፡	ኢልምሕጸ፡	ኢልምሀጸ፡
የ፶፯፡	፲፫፡	ለጋሻይ፡	ለጋሻይ፡
የ፷፯፡	፲፭፡	ፈቀሃ፡	ፈቀሐ፡
የ፸፩፡	፳፭፡	መጭፈር፡	መጽፈር፡
የ፸፪፡	፫፡	ኪሎ፡ ግራም፡	ኪሎግራም፡
የ፸፫፡	፳፪፡	እክል-ሕድ፡	አክል-ሕድ።

እት፡ ረክስ፡ እለን፡ ጌጋታት፡ ሀዩ፡ ለቃርአይ፡ እሊ፡ ክታብ፡  
 እግል፡ ከራ፡ እሎም፡ ቃላት፡ ኖሱ፡ ክእና፡ እት፡ ልብል፡ ለርት  
 ሆም፤ አተዐሰዎ፡ አክል-ሕድ፡ እባ-እባ፡ እቡ-እቡ፡ ዐድ-ዐድ፡ ለሓ  
 ይስ-ሓይስ፡ አፌት-አፌታ፡ ዝሆ፡ ለበለዓ፡ ኖስ-ኖሶም፡ ማርያም-ብ  
 ሪሪ፡ ማርያም-ጨውን፡ ማርያም-ደብረ-ሲና፡ ቀይም-ቀይም፡ ቢሉ-  
 ቢሉ፡ ዐድ-ዘውል፡ ድቡር-ቤት-ዓርበይ፡ ልትረኤ፡ ለትመጽኦ፡ ለበል  
 ሆ፡ ነዝዖ፡ ረኤት፡ አምጽኦ፡ ከልኦ፡ ጸንሐ፡ ወእሊ፡ ለመስል።

